

Hechos

Lä'la' ga'jmee' ko'llaa' apóstole

Ma-na-la' juu' chee' Dio Jmi'lle' kih' në' kih' dsa'

1 ¹ Teófilo, jee' la' jmeen' ka-läh' juu' kyah'. Lä'koo' ma' ga'siin' to-né', ga'jmeen' juu' lä'jé' he- ga'jmee' Jesús lä' ma' huu' ga'løoy' jmeey' ta', lä'ja- ka-läh' lä'jé' juu' he- ga'kway', ² lä'jiih' ga'lloo' jmií' ga'sayh' ta' gyuuh'. Pero jää' ja-ga' sayh', ga'jmeey' juu' kih' lä'jéé' apóstole hi- ga'lleeyh'. Kyaah' be' kih' Jmi'lle' Na-jngii', ga'jmeey' mada' kih' apóstole ha- lä' jmeey'. ³ Hi- ma-ngéé' ma'juuy', ga'mi'jnäy- hñiiy' na-hñaa' na'dsay' cha'né' apóstole kyaay'. Ja' he- koo- nëe' ga'jmeey' lä' ma' ga'mi'jnäy- hñiiy' mah' lii' la' dsoo' juu' he- na'jiiyh'. Lä'ja- ga'jmeey' lä'jiih' ga-té' to'loo' jmií' hi- ga'hlëeyh' kih' ha- lä' jää' Dio dsa- lä'hii' kih'.

⁴ Koo- há', lä' ma' gyay' kyaah' lä'jéé' apóstole kyaay', ga'jmeey' mada' kiyh', ga'siiyh':

—Ta' la' hwëé- da' hnäh' Jerusalén la-. Jøø' da' lä'jiih' jä' he- ga'bääh- Dio hñii' kwa', ja-ba' lä'koo- ga'jwëéh' hnäh' jää'. ⁵ Ma-ra- ju'dsoo', kyaah' jmií' ba' ga'chaa' Jwaa' dsa- jmií-, pero sa- lä'hii' cha-miih- jmií' saah' hnäh' jmií' kyaah' Jmi'lle' Na-jngii'.

Ngaah' Jesús ta' gyuuh'

⁶ Apóstole hi- ma' tääh' kyaah' Jesús, ga'ngiiy' juu' kih':

—¿Hne- Dsa-jøøh' kyaan', che' na' na- kwah' jwé' jmeey' dsa- Israel hih' kih' hñii' lä'koo- ma' nøø' kih' dsa- ma-gyuh- jnän' jää'?

⁷ He-ja- ga'jäh' Jesús siiyh':

—Sa' cha- he- kih' lä'neh' hnäh' he- jmií', he- ji-ñe- jmeey' Dio he- jwah' hnäh' na-, hñii' ba' Täa' na-ngé' jwé' tøoy' hih' lih' jmií' jmeey' lä'ja-. ⁸ Pero wa-ra- ja' Jmi'lle' Na-jngii' neh' tuh-hoh' hnäh', ja-ga' na- hñah' hnäh' be' mah' leeh' hnäh' hi- jmeey' ju'dsoo' kin' jee' jwii- Jerusalén la-, hi- lä'kaa- Judea kyaah' Samária hi- lä'kaa- lä'juh' jmi-gyuu' ka-läh'.

⁹ Ma-ngéé' ma-jäyh' lä'ja-, lä' ma-jéé' ja- dsa- kyaay', ga'sah' Jesús ngaayh' ta' gyuuh'. Ga'hey' jee' jnií', ja- jiih' mo'so' ga'jéé' gyih'. ¹⁰ Jee' tääh' jëy' ta' gyuuh' ha- lä' ngaah' Jesús, lä'chah' ja- ga'lla-sëeh' uu' dsa- hi- kyeh' hmiih- tøjleé- cha'néy'. ¹¹ Mah' ga'jäh' dsa- he' siiyh':

—¿He-la' tääh' hnäh' jëeh' hnäh' ta' gyuuh', dsa- galileo? He' ba' Jesús hi- ma-tëé- Dio ta' gyuuh' na', ja-ba' lä'koo- jëeh' hnäh' ma-ngaayh-, ja-ba' lä-na- jëeh' hnäh' jäyh' ka-läh'.

Ga⁻lleeyh⁻ Matía lee⁻ apóstol Ila⁻ Juda

¹² Jäh⁻ kih⁻ Jerusalén chih⁻ moh⁻ Olivo jee⁻ ma⁻ tääh⁻ apóstol he⁻. Jee⁻ ja⁻ ga⁻taayh⁻ jwë⁻ ga⁻näay⁻ ta⁻ Jerusalén, kō⁻ja⁻ ba⁻ jiih⁻ ~~uu⁻~~ le⁻ ma⁻ ngë⁻ dsa⁻ jmi⁻ he⁻ teeh⁻ dsa⁻ dsë⁻. ¹³ Lä⁻ ma⁻ ga⁻lla⁻näay⁻ Jerusalén, ga⁻wiiy⁻ jee⁻ ga⁻të⁻ to⁻ jwëë⁻ hne⁻, ja⁻ba⁻ jee⁻ ma⁻ täayh⁻ jää⁻. Jee⁻ ja⁻ ga⁻lla⁻nää⁻ lä⁻jëë⁻ hi⁻ he⁻, Pee⁻ kyaah⁻ Jacobo, Jwaa⁻, André, Felipe, Tamá, Bartolomé, Matá, Jacobo joo⁻ Alfeo, Simón Zelote, hi⁻ Juda øøh⁻ Jacobo. ¹⁴ Lä⁻jëë⁻ hi⁻ he⁻ ma⁻ tääh⁻ tää⁻ ngiiy⁻ kiyh⁻ kih⁻ Dio lä⁻kaa⁻ tuh⁻dsëy⁻, hi⁻ ma⁻ tääh⁻ dsa⁻më⁻, kyaah⁻ øøh⁻ Jesús hi⁻ María chooy⁻.

¹⁵ Jee⁻ lä⁻jëë⁻ dsa⁻ he⁻ tee⁻ hñā⁻laa⁻ dsë⁻ gyeë⁻. Koo⁻ hä⁻ kih⁻ jee⁻ lä⁻jë⁻ jmi⁻ ja⁻, ga⁻noo⁻ Pee⁻ to⁻dsaah⁻ jee⁻ kih⁻ dsa⁻kyaayh⁻ mah⁻ ga⁻siiyh⁻:

¹⁶ —Hnäh⁻ øøhn⁻, ga⁻jmeë⁻ bii⁻ ga⁻lä⁻te⁻ lä⁻koh⁻ jäh⁻ juu⁻ kih⁻ Dio he⁻ ga⁻sii⁻ David lä⁻koo⁻ ga⁻mi⁻jnää⁻ Jmi⁻lle⁻ Na⁻jngii⁻ kiyh⁻ jää⁻. Juu⁻ ja⁻ ga⁻hlëeh⁻ kih⁻ Juda hi⁻ ma⁻ jää⁻ dsa⁻ hi⁻ ga⁻sooh⁻ kih⁻ Jesús. ¹⁷ Hi⁻ he⁻ ma⁻ laa⁻ kwaan⁻ dsa⁻kyaah⁻ jnääh⁻, koo⁻ ba⁻ ma⁻ la⁻ ta⁻ kyaa⁻ jnääh⁻ kyaayh⁻. ¹⁸ (Hi⁻ he⁻ ga⁻la⁻ koo⁻ jwi⁻ hwa⁻ kyaah⁻ jñeey⁻ he⁻ ga⁻liyh⁻ kwaan⁻ kih⁻ he⁻ hliih⁻ he⁻ ga⁻jmeey⁻. Hwa⁻ jee⁻ ga⁻lay⁻ ja⁻, ga⁻tayh⁻ ta⁻ cha⁻jëë⁻ mah⁻ ga⁻ni⁻ tuyh⁻, hi⁻ ga⁻hwëë⁻ lä⁻jë⁻ he⁻ ma⁻ tääh⁻ neh⁻ tuyh⁻. ¹⁹ Lä⁻jëë⁻ dsa⁻ Jerusalén ga⁻nuuy⁻ ha⁻ lä⁻ ga⁻la⁻ kih⁻ Juda, he⁻ ja⁻ ga⁻mi⁻cheey⁻ hwa⁻ ja⁻ Acéldama. Juu⁻ la⁻ hnøø⁻ jäh⁻ hwa⁻ kih⁻ jma⁻.) ²⁰ Kye⁻ da⁻ hnäh⁻ kwaan⁻ lä⁻koh⁻ na⁻sii⁻ në⁻ Salmo:

Hne⁻ kiyh⁻ wa⁻ jã⁻ ta⁻jmah⁻,
ni⁻ jaa⁻ sa⁻ wa⁻ dsa⁻taah⁻ jee⁻ ja⁻.

Hi⁻ na⁻sii⁻ ka⁻läh⁻ lä⁻la⁻:

Wa⁻ jã⁻ goo⁻ jñah⁻ ta⁻ kiyh⁻.

²¹ Ngoo⁻ ba⁻ Pee⁻ hlëeh⁻ lä⁻ja⁻, ga⁻jäyh⁻:

—He⁻ ja⁻ jmeë⁻ bii⁻ hñaan⁻ jaa⁻ øøh⁻ jne⁻ hi⁻ hää⁻ tää⁻ kyaah⁻ jne⁻ lä⁻jiih⁻ ma⁻ gya⁻ Jesús. ²² Hñaan⁻ jaa⁻ hi⁻ hää⁻ jee⁻ jnän⁻ lä⁻ ma⁻ ga⁻choo⁻ Jwaa⁻ jmi⁻ kih⁻ Jesús, lä⁻jiih⁻ ga⁻të⁻ jmi⁻ ya⁻hëë⁻ Jesús jee⁻ jnän⁻ ngaayh⁻ ta⁻ gyuu⁻. Hi⁻ he⁻ lee⁻ jaa⁻ hi⁻ jmeë⁻ ju⁻dsoo⁻ kō⁻jøh⁻ kyaah⁻ jne⁻, he⁻ ga⁻lä⁻jiih⁻ Jesús —ga⁻jäh⁻ Pee⁻.

²³ He⁻ ja⁻ ga⁻mi⁻jnääy⁻ uu⁻ dsa⁻nñuh⁻, ga⁻mi⁻jnääy⁻ José hi⁻ ma⁻ chee⁻ Barsabá (hi⁻ he⁻ ma⁻ tēeyh⁻ Justo) hi⁻ ga⁻mi⁻jnääy⁻ Matía. ²⁴ Mah⁻ ga⁻taayh⁻ ngiiy⁻ kih⁻ Dio, ga⁻jäyh⁻:

—Hne⁻ Dio, hi⁻ kyuu⁻ ha⁻ lä⁻ la⁻ tuh⁻dsë⁻ lä⁻jëë⁻ dsa⁻, hääh⁻ jnääh⁻ hi⁻ jaa⁻ jee⁻ lä⁻uu⁻ hi⁻ ma⁻lleeh⁻, ²⁵ mah⁻ dsa⁻he⁻ gooy⁻ ta⁻ la⁻, leey⁻ apóstol, kooy⁻ në⁻ ta⁻ he⁻ ga⁻be⁻ Juda, Juda hi⁻ ga⁻tah⁻ jwë⁻ hliih⁻ hi⁻ ngoo⁻ jee⁻ lle⁻ kih⁻ tēey⁻.

²⁶ He⁻ ja⁻ ga⁻kooyh⁻ suert hi⁻ Matía ba⁻ ga⁻tëë⁻ he⁻ ja⁻. Hi⁻ he⁻ ga⁻jmäy⁻ kwaan⁻ kyaah⁻ gya⁻kaa⁻ apóstol he⁻.

Ga⁺jyoo¹ Jmi⁻lle² Na⁻jngii¹ kih¹ Dio nē¹ kih¹ dsa⁺

2 ¹ Lā⁺ ma⁺ ga⁺tē² jmi⁺ Pentecosté, ma⁺ tāäh¹ lä⁻jēē⁺ dsa⁻ he⁻ ko⁻joh² koo⁻ ba⁺ cha⁺neh⁺. ² Ni⁺ juu¹ ga⁺ sa⁺ cha⁻, ga⁺hii¹ goo⁻ gyuu⁺ lä⁺ hii¹ lle⁺ tā⁺ he⁻ ga⁺ngēē⁺ lä⁺ ga⁺dsa¹ cha⁺neh⁺ jee⁺ ma⁺ tāäyh¹ ja⁻. ³ Jee⁺ ja⁻ ga⁺lä⁻jnā⁺ nē¹ kih¹ lä⁻jaa⁻ lä⁻jaay⁻ he⁻ la¹ lä⁻koh² mi⁻je⁻ he⁻ hēē⁺. ⁴ Hi⁺ ga⁺lä⁻jēē⁺ hi⁻ ma⁺ tāäh¹ jee⁺ ja⁻, ga⁺jyoo¹ Jmi⁻lle² Na⁻jngii¹ neh⁺ tuh⁻dsēy¹, hi⁺ ga⁺lōoy¹ hlēēyh⁺ jyoh² juu¹ lä⁻koo⁻ ga⁺kwa² Jmi⁻lle² Na⁻jngii¹ he⁻ hlēēyh¹.

⁵ Lā⁺ ma⁺ jmee⁺ dsa⁻ judiu jmi⁺ juuh⁻ jwii⁻ Jerusalén, chaa⁻ jwēē⁺ dsa⁻ñuu⁻ hi⁻ mi⁻teh¹ kyaah¹ Dio hi⁻ go⁻nää² lä⁻kaa⁻ lä⁻juh¹ jmi⁻gyuu⁺. ⁶ Hi⁺ ma⁺ ga⁺nuuy² hii¹ goo⁻, ga⁺lla⁻nää¹ jwēē⁺ dsa⁻ he⁻, ga⁺kah¹ ga⁺gwēh¹ huud⁻sē⁻ kiyh¹, jēēh² ga⁺nuuy² hlēēh⁺ dsa⁻ hi⁻ ma⁺ tāäh¹ cha⁺neh⁺ ja⁻, juu¹ kiyh¹ lä⁻jaa⁻ lä⁻jaay⁻. ⁷ Ga⁺lä⁻dsaa⁻ dsē¹ lä⁻jēē⁺ dsa⁻ he⁻ mah¹ ma⁺ jēē⁻ dsayh⁺, ma⁺ jäyh²:

—¿Chē⁺ ja⁺ dsa⁻ galileo lä⁻jēē⁺ hi⁻ tāäh¹ hlēēh⁺ na⁻? ⁸ ¿Ha⁻ lä⁺ ja⁻ he⁻ hlēēyh⁺ juu¹ jnān⁻ he⁻ hlēēh⁺ jne⁺ he⁻ kyaah¹ ga⁺lä⁻chaa⁺ lä⁻jaa⁻ lä⁻jaa⁻ jne⁺? ⁹ Hwa¹ jee⁺ ga⁺lä⁻chaa⁺ lä⁻jaa⁻ lä⁻jaa⁻ jne⁺ chee⁻: Partia, Media, Elam, Mesopotamia, Judea, Capadocia, Ponto hi⁺ Asia, ¹⁰ Frigia, Panfilia, Egipto, hi⁺ cha⁻ ga⁺ jyoh² jwii⁻ he⁻ na⁻hee⁻ hwa¹ Africa he⁻ kye⁻ ta⁺ cha⁺nē¹ ga⁺ kih¹ hwa¹ he⁻ chee⁻ Cirene. Hi⁺ chaa⁻ hi⁻ ma⁻ya⁻nää¹ Roma. Ko⁻llaa⁺ hi⁻ he⁻ laa¹ judiu, hi⁺ ko⁻llaa⁺ hi⁻ ja⁻ga⁺ ga⁺taah¹ kyaah¹ judiu. ¹¹ Hi⁺ chaa⁻ hi⁻ ma⁻ya⁻nää¹ Creta, hi⁻ ma⁻ya⁻nää¹ Arabia ka⁻lāh² hi⁺ lä⁻jēē⁺ ba⁺ jne⁺ nuu⁻ jne⁺ hlēēh⁺ dsa⁻ na⁻ juu¹ jnān⁻, kway⁺ juu¹ ha⁻ lä⁺ la⁺ he⁻ juh⁻gaa⁻ he⁻ jmee⁺ Dio.

¹² Ga⁺lä⁻dsaa⁻ dsē¹ lä⁻jēē⁺ dsa⁻ he⁻, mah¹ ga⁺kah¹ ga⁺gwēh¹ huud⁻sē⁻ kiyh¹, ma⁺ llay⁺ juu¹ kyaah¹ dsa⁻kyaayh¹:

—¿Hee⁻ hnøø¹ jāh⁺ he⁻ tāäyh¹ jmeey⁺ lä⁺na⁻?

¹³ Pero hi⁻ jñah² ma⁺ mi⁻kwayh¹:

—Hi⁻ hee⁻ ba⁺ na⁻ —ma⁺ jäyh².

Ga⁺kwa² Pee¹ juu¹ kih¹ Jesús

¹⁴ He⁻ja⁻ ga⁺noo⁻ Pee¹ ko⁻joh² kyaah¹ lä⁻jēē⁺ gya⁺kaa⁺ dsa⁻kyaayh¹, mah¹ ga⁺hlēēyh² ki⁻gaa⁻ ga⁺jäyh²:

—Lä⁻jēē⁺ hnäh² judiu hi⁻ ma⁻ya⁻nää¹ jee⁺ jmi⁺ hi⁺ hnäh² hi⁻ chaa⁻ jee⁺ jwii⁻ Jerusalén la⁻, nuu⁻ da⁺ hnäh² juu¹ kin⁺ mah¹ lä⁻ngēēh² hnäh² ha⁻ lä⁺ la¹ he⁻ jmee⁺ Dio jee⁺ kyaa¹ jnāh¹. ¹⁵ Sa⁺ hee⁻ hi⁻ tāäh¹ la⁻ lä⁻koo⁻ jmeeh⁻ hnäh² huud⁻sē⁻, na¹ ga⁺ ma⁻tē² ba⁺ ko⁻hi⁻ nu¹. ¹⁶ He⁻ ma⁻taah¹ hnäh² ma⁻nuuh⁻ hnäh² na¹, kih¹ he⁻ la⁻ na⁻ ga⁺hlēēh² Joel hi⁻ ga⁺ngēē¹ juu¹ kih¹ Dio llo²joo¹:

¹⁷ Lä⁻la⁻ ga⁺jāh² Dio:

“Jee⁺ llaa⁺ jmi⁺ cheen⁻ jmi⁻lle² kin⁺ neh⁺ tuh⁻dsē¹ lä⁻jēē⁺ dsa⁻, chih⁻mē² chih⁻ñuu⁻ kyaah¹ hnäh² hlēēh¹ juu¹ he⁻ kwan⁻.

Chih̄ kwaā kyaah̄ hnäh̄ jëë̄ hē mījnään̄ kiyh̄,
hī jmeen̄ kè̄ dsā māgyuh̄ kyaah̄ hnäh̄.

¹⁸ Mārā jūdsoō cheen̄ jmīllē kin̄ neh̄ tuh̄dsë̄ hī mē̄ hī ñuuh̄
hī jmeē tāhē kin̄,

mah̄ ngëëȳ juū kin̄ kih̄ dsā jmī jā.

¹⁹ Gyuuuh̄ jmīgyuū jmeen̄ hē jmeē dsaā dsë̄ dsā hī jmeen̄ hē
juh̄gaā nē̄ hwā lā, kyaah̄ jmā, kyaah̄ jē, kyaah̄ chāmiih̄
ñē̄.

²⁰ Lā̄lāh̄ nē̄ hyoō, lā̄gyuū sih̄, jā̄ jāgā jā̄ jmī juuh̄ jmī goō
kih̄ Dio.

²¹ Hī lā̄jëë̄ hī ngiī kih̄ kih̄ Dio, hī hē bā lā̄ǟ.”

²² Hnäh̄ hī lā̄ǟ israelita dsāgoon̄, nuū dā hnäh̄ juū lā. Lā̄koō
mā jā Jesús dsā chā Nazaret jeē kyah̄ hnäh̄, Dio gāmījnäǟ hē
laaȳ hī nāhñaā kyaaȳ. Jëeh̄, māñeh̄ bā hnäh̄, jā hē koō nē̄ hē
juh̄gaā gājmeeȳ jeē kyah̄ hnäh̄ hē gājmeeȳ dsaā hoh̄ hnäh̄.

²³ Pero mānā lā bā hūdsë̄ kih̄ Dio hā lā̄ lē kiyh̄. Ñē̄ bih̄ hā lā̄
jmeeh̄ hnäh̄ kih̄ Jesús. Lā̄ mā gāheȳ gooh̄ hnäh̄ gāchaah̄ hnäh̄ hī
gāngëëh̄ hnäh̄ goō dsā hñaā dsë̄, mah̄ gātǟǟ dsih̄ dsoh̄ hmācrū.
Jeē jā gājuuȳ. ²⁴ Pero gātuh̄ kiyh̄ jeē mā jiī lā̄koh̄ mā gājuuȳ.

Nī koō sā gālih̄ mā llādsë̄ kiyh̄, mārā hē gāmījiih̄ bā Dio
kālāh̄. ²⁵ Nuū dā hnäh̄ lā̄koō gāhlëeh̄ David kih̄ Jesús:

Lā̄jë̄ jmī bā cheh̄ Dio kyaah̄ jnǟ kih̄ hē gyaȳ jwoō rāllū
kin̄,

hējā sā jeh̄ dsën̄.

²⁶ Hējā chā bā jnǟ llū, jëë̄ bā dsën̄ hān̄ kiyh̄,
chā bā ōjoh̄ dsë̄ kin̄ kyaaȳh̄.

²⁷ Jëeh̄, sā kwah̄ jwë̄ jān̄ neh̄ tōhøø̄,
nī sā kwah̄ jwë̄ jyah̄ jmīngō kin̄, jnǟ hī nājngëë̄ kyaah̄.

²⁸ Gāmījnääh̄ kin̄ jwë̄ hē jmeē chāan̄.

Hnē bā jmeeh̄ jëë̄ dsën̄ chāmiih̄ kih̄ hē cheh̄ kyaah̄ jnǟ,
gājäh̄ David.

²⁹ Hnäh̄ dsāgoon̄, sā nāhē hē jwahn̄ lā kih̄ dsā māgyuh̄
jnān̄ David. Gājuuȳ hī gāhaaȳ. Jābā hwā jnān̄ lā nāhaaȳ lā̄jiih̄
nā. ³⁰ Pero gāngëë̄ bih̄ juū kih̄ Dio hī māñeȳ lā̄koō gābääh̄ Dio
hñiī jmeē kiyh̄. Gātǟǟ Dio hñiī, gāsiyh̄: “Jaā kih̄ jeē lā̄jëë̄ sājū
kyah̄ yāhëë̄ hī leē Cristo mah̄ kooȳ nē̄ kyah̄, leeȳ rey.” ³¹ Māñē̄
bā David hā lā̄ lē tā chānē̄, hējā gāhlëëyh̄ kih̄ hē lā̄jiih̄ Cristo,
gājäyh̄: “Sā jāȳ neh̄ tōhøø̄ hī nī sā hē jmīngō kiyh̄.” ³² Dio
gāmījiih̄ Jesús hī hlëehn̄ kih̄ lā. Lā̄jëë̄ jnääh̄ jmeē jnääh̄ jūdsoō
hē gālā̄jiih̄ Jesús. ³³ Mah̄ ngaaȳ nāgyaȳ jøøyh̄ jwoō rāllū kih̄
Dio. Hī gāhyoyh̄ Jmīllē Nājngiī lā̄koh̄ hmooh̄ hē gājmeeȳ Tǟǟ
kyaaȳh̄, jāgā gācheeȳ Jmīllē Nājngiī jā kyaā jnääh̄. Hē jā nā
hē jëeh̄ hnäh̄ nā hī hē nuuh̄ hnäh̄ kālāh̄.

³⁴ Jëë` da', ja` he' David hi` ga` sah' gyuuuh'. He' ba' hñiiy' ga`jäh' lä`la`:

Ga`jäh' Dio siiyh` Dsa`jøøh' kyaan`:

“Na' jwoo' ra`lluu' kin` la`,

³⁵ lä`jiih' lloo` jmií' toohn' gooh` he` jmeeh' hih` kih' hi` na`høøh' kyah'”, ga`jäh' David.

³⁶ Lä`jëë` jne` dsa` Israel, hnøø` lä`ngëë' jne', juu' la` la' ma`ra` ju'dsoo'. He' ba' Jesús hi` ga`tääh` hnäh' dsöh' hma`cru`, he' ba' hi` he' na` ga`jmää' Dio laay' Dsa`jøøh' jnän` hi` ga`hñaay' laay' Cristo —ga`jäh' Pee'.

³⁷ Peer` ga`saah' dsa` he' llii' ma' ga`nuuy' juu' ja`, he`ja` ga`ngiiy' juu' kih' Pee' kyaah' jñah' apóstol, ga`jäh':

—Dsa`goon~, ¿hee` na` jmee' jnääh' na'?

³⁸ Ja`ga' ga`jäh' Pee' siiyh`:

—Jeeh` hnäh' kyaah' Dio, chaa` hnäh' hñaah' jmií` lä`jaa` lä`jaa` hnäh' lä`hih` he` ga`jmee' Jesucristo mah' dsa`che` dso'kye` kyah' hnäh', hi` lä`ja` hñah` hnäh' Jmi`lle' Na`jngii' he` kwa` Dio. ³⁹ He` jnä` ba' jne' la` he` ga`jäh' Dio kwa`, he` kih' gyuu` jnän`, he` kih' hi` tääh' uu'. La' kih' lä`hii' né' hi` tēeh` Dio —ga`jäh' Pee'.

⁴⁰ Ga`kwëeh' Pee' nuuh` hi` ga`hlëëyh' kyaah' cha`ga`miih` juu', ga`jäh':

—Lää` hnäh' hñaah' kih' he` hliih' he` cha` jmi`gyuu` la`.

⁴¹ Lä`jëë` hi` ga`heeh` juu' kih' Dio he` ga`kwa' Pee' jmií' ja`, tee' hnë` mil hi` ga`sa` jmií`. Lä`jëë` dsa` he' ga`jmee' kō`jöh' kyaah' hi` ma' tääh' jää', lä`ja` ga`lä`jwëë' gyih'. ⁴² Lä`jëë` dsa` he' ga`taah` nuuy` lä`jë` juu' he` ga`kwa' apóstole. Ga`jmeey' kō`jöh' kyaah' koo` ba' huu`dsë`, hi` lä`ja` ma' kuyh` he`ñiih` lä`hih` kih' Jesús, hi` kō`jöh' ba' ma' ngiiy` kiyh' kih' Dio.

Lä`la` ga`jmee' lä`jëë` hi` ga`heeh` kih' Jesús ma' to`në'

⁴³ Peer` ga`lä`goo` dsë' lä`jëë` dsa` ma' ga`jëëy' cha`miih` he` juh`gaa` he` ga`jmee' apóstole. ⁴⁴ Lä`jëë` hi` ga`heeh` juu' kih' Dio ga`täayh` kō`jöh'. Ga`jmee' bih' llu' dsëy', ga`jmeey' kwaan` la' kih' lä`jëë` ba' he` cha` kiyh'. ⁴⁵ Ga`hñiiy' hwa' kiyh', ga`hñiiy' he` cha` kiyh'. Lä`jë` kuu' he` ga`liyh' ja`, ga`ti' ga`llooyh' kih' hi` lla`kyaa'. ⁴⁶ Lä`jë` jmií' ba' ma' dsa`ñeey` kō`jöh' koo' gwah` juuh` ja`, hi` lä`ja` ma' dsa`ñeey` cha`neh` kih' dsa`kyaayh' ma' kuyh` ma`nuu` kih' Jesús. Lä`kaa` tuh`dsëy' ma' kuyh` kō`jöh'. Sa` cha` huu`dsë` ma' kyey` ni` miih`. ⁴⁷ Ma' häy` kih' Dio hi` dsa`gooy' ma' tih` ba' dsëy' lä`koo` ma' jmeey`. Koo` jmií' koo` jmií' ga`jmee' Dsa`jøøh' jnän` ga`lä`jwëë' ga` dsa` hi` lle` kih' lää'.

Ga'hlaa' jaa' dsa'jluuh'

3 ¹ Koo' hä' ngoo' Pee' kyaah' Jwaa' ta' gwah'. Hor' ja' ma' dsa'nää' dsa' ngiiy' kiyh' kih' Dio ko' hi' hnē' ta' ga'hloo'. ² Jee' ja' ma' gya' jaa' dsa'jluuh' tii', hi' ma'jluuh' ga'lā' chaa'. Jee' ja' ma' dsa'llaa' dsih' lä'jē' jmi' ho'haah' kih' sa'jnē' kih' gwah'. Ho'haah' ja' chee' Na'hñaa'. Jee' ja' ma' gyay' ngiiy' kuu' kih' dsa' hi' dsa'nää' gwah'. ³ Ma' ga'jēē' dsa'dsaah' he' ja' Pee' kyaah' Jwaa' dsa'taayh' ta' jee' chih' gwah' ja', ga'chuuy' kyaah', ga'ngiiy' kuu'. ⁴ He'ja' ga'noo' Pee' kyaah' Jwaa', ga'jēēy' dsa'jluuh' he' koo' hweh', mah' ga'jah' Pee' siiyh':

—Jēē' da' jnāah'.

⁵ Peer' ga'nøh' dsēy' ma' ga'jēēy' apóstol he', ma' hyoyh' miih' kuu' ma' laay'.

⁶ Pero lä'la' ba' ga'jah' Pee':

—Sa' cha' kuu' tøø' ku'nøø' he' kwēēhn' hne'. He' la' ba' kwēēhn' hne'. Kyaah' hih' kih' Jesucristo dsa' chaa' Nazaret, noo' mah' ngē'.

⁷ Hi' ga'sooh' Pee' gooy' ra'lluu', ga'chaayh'. Lä'chah' ja' ga'lā'bee' ma'tiiy'. ⁸ Ga'nooy' ko'chih' ga'løøy' ngēy'. Ga'hey' ta' neh' sa'jnē' kih' gwah' kyaah' lä'uu' apóstol he', ma' hēē' dsay' häy' kih' Dio. ⁹ Lä'jēē' hi' ma' tääh' jee' ja', ga'jēēy' ngē' dsa' hi' ma' jluuh' he', häy' kih' Dio.

¹⁰ Ma' kyuu' ba' dsih', he'ja' ma' jäh':

—Hi' he' na' hi' ma' gya' ngii' kuu' ho'haah' he' chee' Na'hñaa'.

Peer' ga'jwaa' dsa', ga'taayh' jēē' dsayh', ha' lä' ga'la' kih' dsa'jluuh' he'.

Ga'kwa' Pee' juu' hoo' na'hii' kih' Salomón

¹¹ Ga'nää' apóstole ta' hoo' na'hii' kih' Salomón hi' dsa'jluuh' hi' ga'hlaa' he' sa' ga'tuy' jmeey' ko'jøh' kyaah' apóstole. Ha' koh' sa' ma' dsaa' dsē' lä'jēē' hi' ga'kuh' jee' ja'. ¹² Ma' ga'jēē' Pee' ga'kuh' dsa' he', he'ja' ga'jäh':

—¿He'la' dsaa' hoh' hnäh' dsa' Israel he' jēēh' jnāah' lä'na'? ¿Che' laah' hnäh' he' mi'te' jnāah' cha'ga'miih' he'ja' ma'mi'hlää' jnāah' dsa'nñuuh' la' o che' laah' hnäh' cha'cha'miih' be' kyaa' jnāah'? ¹³ Dio kyaa' Abraham, Dio kyaa' Isaac, Dio kyaa' Jacob, Dio kyaa' dsa' ma'gyuh' jnän' ga'jmäy' jøøh' jooy' Jesús hi' ga'ngēēh' hnäh' goo' Pilato. Hi' lä'koo' ma' ga'jah' Pilato ma' lääy', sa' ga'heeh' hnäh' kiyh'.

¹⁴ Hi' lluu' he', hi' sa' ää' ni' miih' dsoo', sa' ga'tih' hoh' hnäh' he' ma' lääy'. Ga'tih' ga' hoh' hnäh' he' ga'ngiih' hnäh' kih' Pilato he' ga'laa' jaa' hi' ää' dsoo'. ¹⁵ Ga'jngēēh' hnäh' hi' ga'jmää' jne', pero Dio ga'mi'jiiyh' jee' kih' hi' na'juu'. Ja'ba' jnāah', jmee' jnāah' ju'dsoo' he' ga'lä'jiiyh'. ¹⁶ Kih' he' ma'dsoo' dsē' jnāah' kih' Jesús, he'ja' ba'

ma⁻hlaa^ʼ hi⁻ la⁻ hi⁻ jēeh⁺ hnäh^ʼ hi⁺ kyuu^h hnih^ʼ. He⁻ ma⁻dsoo^ʼ dsē⁻ jne^ʼ gwa⁻ kih^ʼ Jesús, he⁻ja⁻ ba^ʼ ma⁻ja⁻ kiyh^ʼ go⁻te⁻ hi⁻ jēeh⁺ hnäh^ʼ cheh^ʼ la⁻.

¹⁷ Hnäh^ʼ dsa⁻goon[~], ma⁺ ba^ʼ jnä^ʼ he⁻ sa⁺ ga⁻lä⁺ngēeh^ʼ hnäh^ʼ, he⁻ja⁻ ba^ʼ ga⁻jmeeh^ʼ hnäh^ʼ lä⁻ja⁻ kih^ʼ Jesús, hi⁺ lä⁻ja⁻ ga⁻jmee^ʼ dsa⁻ta^ʼ ka⁻läh^ʼ.

¹⁸ Pero Dio ga⁻mi⁻te^ʼ lä⁻koo⁻ ga⁻jäyh^ʼ jää^ʼ. Lä⁻jēē⁻ hi⁻ ga⁻ngēē^ʼ juu^ʼ kiyh^ʼ, ga⁻jmeeyh^ʼ juu^ʼ ma⁻ra⁻ he⁻ jēē^ʼ ba^ʼ wii^ʼ Cristo kyaay^ʼ. ¹⁹ He⁻ja⁻ jwahn⁻, wa^ʼ lä⁻dsaa[~] hoh^ʼ hnäh^ʼ miih⁻, jēeh⁻ hnäh^ʼ kyaah^ʼ Dio mah^ʼ dsa⁻che⁻ dso⁻kye⁻ kyah^ʼ hnäh^ʼ. Ja⁻ga^ʼ na⁺ kwa^ʼ Dio jwē^ʼ dsa⁻toohn⁻ llu^ʼ, ²⁰ hi⁻ cheey^ʼ Jesucristo ka⁻läh^ʼ, he^ʼ ba^ʼ hi⁻ ma⁻nuuh⁻ hnäh^ʼ kih^ʼ jää^ʼ. ²¹ Pero na^ʼ, lä⁺ ma⁻gya^ʼ ja⁻ba^ʼ Jesús gyuu^h ya⁻jwii^ʼ lä⁻jiih^ʼ lloo[~] jmi^ʼ jmeeyh^ʼ lä⁻hmēē^ʼ lä⁻jē⁻ he⁻ cha⁻ jmi⁻gyuu^h la⁻. Ga⁻jmee^ʼ ba^ʼ Dio juu^ʼ ha⁻ lä⁺ le^ʼ jmi^ʼ ja⁻, jēeh^ʼ ga⁻chee^ʼ bih^ʼ hi⁻ na⁻jngēē^ʼ kyaay^ʼ hi⁻ ga⁻ngēē^ʼ juu^ʼ kiyh^ʼ llo^ʼjoo^ʼ. ²² Jēeh^ʼ, Moisé ga⁻ngēē^ʼ juu^ʼ kih^ʼ dsa⁻ ma⁻gyuh⁻ jnän⁻, ga⁻jäyh^ʼ: “Jee^ʼ jnän⁻ la⁻ jmee^ʼ Dio ya⁻hēē^ʼ jaa⁻ hi⁻ ngēē^ʼ juu^ʼ kiyh^ʼ lä⁻koo⁻ jmeen⁻ la⁻. Ja⁻ jmeeh⁻ hnäh^ʼ he^ʼ lä⁻jē⁻ he⁻ jäh⁻ hi⁻ he^ʼ. ²³ Lä⁻jēē⁻ hi⁻ sa⁺ jmee^ʼ he^ʼ juu^ʼ kih^ʼ hi⁻ he^ʼ, mo⁻so⁻ leey^ʼ kwaat[~] dsa⁻ kyaa^ʼ Dio”, ga⁻jäh^ʼ Moisé.

²⁴ Hi⁻ ngoo^ʼ ba^ʼ Pee^ʼ kway^ʼ juu^ʼ, ga⁻jäyh^ʼ:

—Lä⁻jēē⁻ hi⁻ ga⁻ngēē^ʼ juu^ʼ kih^ʼ Dio jää^ʼ, ga⁻jmeeyh^ʼ juu^ʼ ha⁻ lä⁺ jmee^ʼ Dio jmi^ʼ na^ʼ. Lä⁻ja⁻ juu^ʼ ga⁻kwa^ʼ Samuel to⁻nē⁻ hi⁻ ja⁻ba^ʼ lä⁻ja⁻ la^ʼ juu^ʼ he⁻ ga⁻kwa^ʼ hi⁻ ya⁻nää^ʼ kēē⁻. ²⁵ Dsa⁻ goo^ʼ ba^ʼ jne^ʼ hi⁻ ga⁻ngēē^ʼ juu^ʼ kih^ʼ Dio, hi⁻ ja⁻ba^ʼ he⁻ jnä⁻ jne^ʼ hmooh^ʼ he⁻ ga⁻jmee^ʼ Dio kyaah^ʼ dsa⁻ ma⁻gyuh⁻ jnän⁻. Mi⁻dsooh⁻ da^ʼ hoh^ʼ hnäh^ʼ ha⁻ lä⁺ ga⁻jäh^ʼ Dio siiyh⁻ Abraham: “Ta⁻la⁺ kih^ʼ sa⁻ju⁻ kyah^ʼ, mi⁻jään⁻ ga⁻lä⁻jēē⁻ dsa⁻ jmi⁻gyuu^h.” ²⁶ He⁻ja⁻ jwēēhn[~] hnäh^ʼ, lä⁺ ma^ʼ ga⁻mi⁻jiih⁻ Dio Joo^ʼ, ga⁻cheey^ʼ jnä⁻ jne^ʼ to⁻nē⁻ mah^ʼ mi⁻jääy^ʼ jne^ʼ. He⁻ hnøoy^ʼ dsa⁻jēeh[~] lä⁻jaa⁻ lä⁻jaa⁻ jne^ʼ mah^ʼ mo⁻so⁻ jmee^ʼ ga^ʼ jne^ʼ he⁻ hliih^ʼ.

Ga⁻jääy^ʼ Pee^ʼ kyaah^ʼ Jwaa⁻ cha⁻nē⁻ dsa⁻ta^ʼ Judiu

4 ¹ Cheh^ʼ ga^ʼ Pee^ʼ kyaah^ʼ Jwaa⁻, hlēēyh[~] dsa⁻ ma^ʼ ga⁻lla⁻nää^ʼ jmi⁻dsa⁻, ga⁻lloo^ʼ dsa⁻jøøh^ʼ kyaa^ʼ poo⁻ hi⁻ ma^ʼ høø⁺ gwah⁻ hi⁻ ga⁻lla⁻nää^ʼ saduceo ka⁻läh^ʼ. ² Lä⁻jēē⁻ dsa⁻ he^ʼ sa⁺ ga⁻tih^ʼ dsēy^ʼ juu^ʼ he⁻ ma^ʼ kwa⁺ apóstol, jēeh^ʼ ma^ʼ hlēēyh[~] he⁻ lä⁻jiih^ʼ dsa⁻ jee^ʼ kih^ʼ hi⁻ na⁻juu⁻, kih^ʼ he⁻ ga⁻lä⁻jiih⁻ Jesús. ³ He⁻ja⁻ ga⁻saayh^ʼ Pee^ʼ kyaah^ʼ Jwaa⁻. Koo⁻ ga⁻taayh⁻ neh⁻ñe⁻ ba^ʼ, kih^ʼ he⁻ ga⁻hloo^ʼ. Ga⁻jnyh^ʼ neh⁻ñe⁻ ja⁻ jyoh^ʼ jmi^ʼ. ⁴ Peer⁻ jwēē⁻ dsa⁻ ga⁻lä⁻dsoo⁻ dsē⁻ ma^ʼ ga⁻nuuy^ʼ juu^ʼ kih^ʼ Dio. Hña^ʼ mil ga⁻tē^ʼ ma⁻la⁻ dsa⁻nuuh⁻ jmah^ʼ.

⁵ Ma^ʼ ga⁻jnä^ʼ jyoh^ʼ jmi^ʼ, ga⁻kuh^ʼ dsa⁻ta^ʼ nē⁻ta^ʼ kih^ʼ, jee^ʼ jwii⁻ Jerusalén ja⁻, kyaah^ʼ dsa⁻gyuu^h, hi⁻ kyaah^ʼ ta⁻jwoh^ʼ kyaa^ʼ ley. ⁶ Jee^ʼ ja⁻ ma^ʼ hää^ʼ Aná hi⁻ ma^ʼ laa^ʼ jmi⁻dsa⁻ jøøh^ʼ, kyaah^ʼ Caifá kyaah^ʼ Jwaa⁻ kyaah^ʼ Alejandro kyaah^ʼ lä⁻jēē⁻ ga^ʼ hi⁻ laa^ʼ dsa⁻ kyaa^ʼ jmi⁻dsa⁻ jøøh^ʼ he^ʼ. ⁷ Hi⁻ he^ʼ ga⁻jmee^ʼ mada^ʼ ga⁻hwēē⁻ hi⁻ ma^ʼ tääh^ʼ neh⁻ñe⁻, mah^ʼ ga⁻cheeyh⁻ to⁻dsaah⁻ jee^ʼ ma^ʼ tääyh^ʼ ja⁻, ga⁻ngiiy^ʼ juu^ʼ kiyh^ʼ:

—¿Hii⁻ kih^ʼ hih⁺ he⁻ jmeeh⁻ hnäh^ʼ lä⁻na⁻, hi⁻ kwa⁺ be^ʼ kyah^ʼ hnäh^ʼ?

⁸ He jā gā hlēeh' Pee' kyaah' cha miih' be' kih' Jmi lle' Na jngii', gā siiyh':

—Hnäh' hī laa' dsa ta' dsa gyuu' kya' dsa Israel, ⁹ ma teeh' hnäh' jnääh' kih' he ma ja' kih' jaa hi ma dsaah', la kyaah' jnääh' jmi' ha la ma hlaay'. ¹⁰ Hnøø' lä ngēeh' hnäh' kyaah' lä jēē' ga dsa chaa hwa' Israel la, kyaah' hih' kih' Jesucristo dsa chaa Nazaret ba ma hlaa' dsa hi ma jluuh' la. He' ba' Jesús hi ga jngēeh' hnäh' dsöh' hma cru', Dio ga mi jiiyh' jee' kih' hi na juu'. Kyaah' be' kih' Jesús, cheh' hi ma jluuh' la cha neh' hnäh'. ¹¹ Jesús hi hlēehn' kih' la, laa' lä koh' mi kuu' he sa ga tih' hoh' hnäh', hnäh' hi laa' lä koo' tē hyah' kya' Dio. Hi he' ga ja' lä koh' mi kuu' he kye dsa to nē kih' koo' hne juuh'. ¹² Sa chaa ga jñah' jmi gyuu' la hi läa' jne', jēeh' jaa ba he' hi ga kwa' Dio hi na ngē' jwē' läa' jne'.

¹³ Ma ga jēē' lä jēē' dsa ta' he' ni miih' sa goh' Pee' kyaah' Jwaa', he ja ga taayh' jēē' dsayh'. Jēeh', ñe bih' apóstole he' ma laay' dsa wa hi cha hi, ni sa kyuyh' hwēh' ka läh'. Hi ga lä kyuyh' he' ba hi he' ma ga näay' kyaah' Jesús. ¹⁴ Hi ga jēēy' he ma cheh' dsa ñuuh' hi ma jluuh' he' jee' kiyh' ja, he ja sa ga la' ma jäh' sa llu' he ma la' lä ja. ¹⁵ Mah' ga jmeē' dsa ta' mada' he ga hwēē' apóstole he', ta ko jiih' ga taayh' ga llay' juu' kyaah' dsa kyaayh'. ¹⁶ Ma jäh':

—¿Ha' lä' llu' jmeen' kyaah' dsa ñuuh' na? Ma ra' ju' dsoo' ga jmeey' koo' he juh' gaa' hi lä jēē' dsa hi chaa Jerusalén la ma ñey', he ja sa le' jäh' jne' sa dsoo'. ¹⁷ Lä la' ba wa' jmeen' mah' mo so' lä nuuh' ga juu' la jee' jwi' jnän'. Wa' juuhn' kiyh' mah' mo so' hlēeh' gyih' ni jaa' kih' Jesús.

¹⁸ He ja ga tēēyh' Pee' ka läh' kyaah' Jwaa' ta nē ta' mah' ga siiyh':
—Mo so' hlēeh' ga hnäh' kih' Jesús, ni mo so' mi tēēh' ga hnäh' dsa juu' kiyh'.

¹⁹ He ja ga jēeh' Pee' kyaah' Jwaa' juu' kiyh':

—Jmeē' da' hnäh' hu' dsē ha' lä sooh' kya' jnääh' cha nē Dio, ¿che' llu' ga he' mi te' jnääh' kyah' hnäh' la' he' mi te' jnääh' kih' Dio? ²⁰ Pero sa le' tu' jnääh' he' kwa jnääh' juu' la, lä jēē' he' ga jēē' jnääh' kyaah' he' ga nuu' jnääh' —ga jäh'.

²¹ He ja ga jäh' dsa ta':

—Ma ñeh' ba' hnäh' cher mah' ga nääh' ga hnäh' kwah' juu' na.

Ja ga ga läay'. Sa ga jnøøyh' ha' lä jee' ma jmeeh' dsih', jēeh' lä jēē' ba dsa ma jmeē' juuh' kih' Dio kih' he' ga la' lä ja. ²² Jēeh', ga la' koo' he juh' gaa' kih' dsa hi ga hlaa' he' hi ma hää' la' ga to'loo' ji ñe.

Ga ngii' øøh' jne' kih' Dio mah' hyoyh' be'

²³ Lä' ma' ga laa' apóstol he', ga lla' näay' ka läh' jee' ma tääh' dsa kyaayh', ja ga ga jmeeyh' juu' ha' lä' ga jäh' jmi dsa kaah' kyaah'

dsa-gyuuh' he'. ²⁴ Hi' ma' ga'nuu' lä'jää' dsa-kyaayh', ga'taayh' ko-jøh' lä'jää' ga'chuu' kyaah' Dio, ga'jäyh':

—Jaa' hne' ba' jmeeh' hih', hne' he' Dio hi' ga'jmeeh' gyuuh' hwa', ga'jmeeh' jmi'neeh', hi' ga'jmeeh' lä'jää' he' ga' cha'. ²⁵ Hi' hne' ga'kwah' juu' lä'koo' ga'hlääh' David hi' ga'jmeeh' ta'he' kyah' lä' ma' ga'hlääyh' lä'la':

¿Hee' ba' la' chi-jwaa' dsa' lä'kaa' lä'juh' jmi-gyuu'?

Lä'kaa' jee' jwii', dsa'taayh' juu' kwee' kyaah' huud'se' he' sa' jmää' ta'.

²⁶ Dsa'kuh' lä'jää' dsa'ta' kaah', mah' jmeey' ko-jøh' kyaah' dsa-kyaayh',

hnooyh' ha' lä' jee' lla-dsää' Dio kyaah' Cristo hi' na'leeh' kyaay', ga'jäyh' David.

²⁷ Hi' ma'ra' he' ga'la' ba' he' ja' jee' jwii' la', ga'kuh' Herode kyaah' Poncio Pilato kyaah' dsa' hi' sa' laa' judiu hi' kyaah' dsa' judiu.

Ga'hnooy' juu' kih' Jesús, gyuu' hi' na'jngää' kyaah' hi' ga'hnaah'.

²⁸ Kyaah' be' kyah' hi' kyaah' huud'se' kyah' ma'na'la' juu' jaa' ha' lä' le' kih' Jesús hi' ja'ba' lä'ja' ga'jmeeh' dsa' he' kiyh'. ²⁹ Jää' da' Dsa-jøøh' kyaan' ha' lä' jøøh' dsa' jnaäh' na'. Kwa' be' kya' jnaäh' hi' jmeeh' ta'he' kyah' mah' sa' lä'gah' jnaäh' hlääh' jnaäh' dsa' kyaah' juu' kyah'.

³⁰ Hii' gooh' ne' kih' hi' dsaah' mah' hlääy' hi' kwa' be' kya' jnaäh' mah' jmeeh' jnaäh' cha'miuh' he' juh'gaa' kyaah' be' kih' Jesús gyuu' kyaah' hi' na'jngää' —ga'jäyh' apóstol he'.

³¹ Ma' ga'dsaa' ga'hlääyh' kyaah' Dio ga'jeh' hwa' jee' ma' täayh' ja', lä'chah' ja' ga'taayh' na'kah' bih' Jmi'lle' Na'jngii', hi' ga'nää' bih' kway' juu' kih' Dio, ni' miuh' sa' goyh'.

Ga'kwa' øøh' jne' be' kih' hi' lla'kyaa'

³² Lä'jää' dsa' hi' ga'lä'dsoo' dsä' kih' Dio, koo' nee' ba' ma' la' huud'se' kiyh', ni' jaa' sa' ma' jmeeh' kih' lä'jää' he' ma' cha' kiyh', ga'jmeeh' kwaat' la' kih' lä'jää' ba'. ³³ Kyaah' cha'miuh' be', ga'lä'jää' apóstole ga'jmeeh' ju'dsoo' he' ga'lä'jjih' Jesús Dsa-jøøh' jnan'. Hi' Dio ga'mi-jøø' cha'miuh' kih' lä'jää' dsa' he'. ³⁴ Jee' kih' dsa' he' ni' jaa' sa' ma' jmeeh' wää' kih'. Jääh' ma' chaa' øøh' jne' hi' ma' høø' hwa', hi' ma' høø' hne', ga'hniiy' he' ja' mah' ma' dsa'kay' kuu' he' ma' liyh' ja', ³⁵ ma' dsa'kwääyh' apóstole. Hi' apóstole he' ma' ti' ma' llooh' kuu' ja' kih' lä'jaa' lä'jaa' hi' lla'kyaa'.

³⁶ Lä'ja' ga'jmeeh' José. Pero apóstole he' ga'mi'chee' dsih' Bernabé. Jmii' kiyh' hnøø' jäh': hi' kwa' be' kih' dsa'. Ma' laay' sa'ju' kih' Leví. Jee' ga'lä'chaa' Bernabé chee' Chipre, hwa' he' hä' jee' jmi'neeh'. ³⁷ Hi' he' ma' høø' koo' jwi' hwa' hi' ga'hniiy'. Kuu' he' ga'liyh' ja', na'kay' kih' apóstole.

Ga⁺juu¹ Ananía kyaah¹ mëy¹ Safira

5 ¹ Che' kyuuh[~] ha⁻ lä⁺ ga⁺jmeey¹ jaa⁻ hi⁻ ma⁺ chee⁻ Ananía kyaah¹ mëy¹ hi⁻ chee⁻ Safira. Dsa⁻ he¹, ga⁺hni¹ koo⁻ jwi¹ hwa¹ kih¹ ka⁻läh¹. ² Ga⁺taayh¹ juu¹ kwee⁻ kyaah¹ mëy¹ ha⁻ lä⁺ juuy¹ mah¹ hmäy¹ to¹dsaah¹ kuu¹ he⁻ ga⁺hniy¹ hwa¹ ja⁻. He⁻ja⁻ na⁺kay⁻ to¹dsaah¹ ba⁺ kuu¹ ja⁻ kih¹ apóstole. (Ga⁺jmeey¹ lä⁺koh¹ he⁻ ga⁺kwëy¹ lä⁺jë⁺ ba⁺.) ³ He⁻ja⁻ ga⁺jäh¹ Pee¹ siiyh⁺:

—Ananía, ÷ha⁻ lä⁺ ma⁻he[~] Tana⁺ neh⁺ tuh⁻hoh¹ ma⁻juuh¹ kih¹ Jmi⁻lle¹ Na⁻jngii¹, he⁻ ma⁻hmäh¹ to¹dsaah¹ kuu¹ he⁻ ma⁻hni¹ hwa¹ kyah¹? ⁴ ÷Ja¹ he⁻ kyah¹ ba⁺ hne⁻ ma⁺ la¹ hwa¹ ja⁻ ta⁺kō⁻jiih¹ sa⁺ ma⁻hni¹? Hi⁻ ma⁺ ga⁺hni¹ hwa¹ ja⁻, ÷ja¹ he⁻ kyah¹ ba⁺ hne⁻ kuu¹ he⁻ ga⁺lëh¹ kih¹ hwa¹ ja⁻? ÷He⁻la¹ ma⁻ja⁻ hu⁺dsë⁻ hliih¹ he⁻ ma⁻jmeeh¹ lä⁺na⁺? Ja⁺ he¹ dsa⁻ na⁻ hi⁻ ma⁻juuh¹ kih¹, kih¹ Dio ba⁺ na⁻ ma⁻juuh¹.

⁵ Ma⁺ ga⁺nuu¹ Ananía juu¹ ja⁻, ga⁺tayh¹ hwa¹, ga⁺juuy¹ go⁻te[~]. Peer⁺ ga⁺lä⁺goo⁺ dsë¹ lä⁺jë⁺ dsa⁻ ma⁺ ga⁺nuuy¹ he⁻ ga⁺la¹ lä⁺ja⁻. ⁶ Chih⁻ hi⁻ ma⁺ tääh¹ jee¹ ja⁻, ga⁺bäy¹h⁻ Ananía koo⁻ hmi¹h⁻, mah¹ ga⁺jäy¹ na⁺haay¹.

⁷ Ga⁺lä⁺hi¹ koo⁻ hnë⁻ hor[~], ja⁻ga⁺ ma⁺ ga⁺lloo¹ mëy¹ jee¹ ma⁺ tääh¹ apóstole, ni⁺ sa⁺ ñey⁻ he⁻ na⁻ ma⁻la⁺. ⁸ He⁻ja⁻ ga⁺jäh¹ Pee¹:

—Chiih¹ jnä¹, ÷che¹ kō⁻ja⁻ jiih¹ ga⁺kë⁺ hwa¹ kyah¹ hnäh¹ he⁻ ga⁺hni¹h¹ hnäh¹?

He⁻ja⁻ ga⁺jäh¹ dsa⁻më¹ he¹:

—Ja⁻ba⁺ kō⁻ja⁻ ga⁺kë⁺.

⁹ Mah¹ ga⁺jäh¹ Pee¹ siih⁺ dsa⁻më¹ he¹:

—÷Ha⁻ lä⁺ ma⁻taah¹ hnäh¹ juu¹ kwee⁻ ma⁻juuh¹ hnäh¹ kih¹ Jmi⁻lle¹ kih¹ Dsa⁻jøøh¹ jnän¹, laah¹ hnäh¹ sa⁺ cha⁻ he⁻ le¹? Jë⁺ da⁺ hi⁻ tääh¹ ho⁺haah¹ na⁻, hi⁻ ma⁻ya⁻nää¹ ma⁻na⁺haa¹ dsa⁻ñuuh⁻ kyaah¹. Ja⁻ba⁺ lä⁺na⁻ dsa⁻näy¹ dsa⁻jäy¹ hne⁻ ka⁻läh¹.

¹⁰ Hi⁻ lä⁺chah¹ ja⁻ ga⁺tah¹ dsa⁻më¹ he¹ cha⁺në¹ Pee¹, ga⁺juuy¹. Hi⁻ chah¹ ba⁺ ga⁺lla⁺nää¹ chih⁻ñuuh⁻ he¹ jee¹ ma⁺ kyaa¹ dsa⁻më¹ he¹ hi⁻ ga⁺jëy¹ ma⁻na⁻juuy¹. He⁻ja⁻ ga⁺jäy¹ na⁺haay¹ ja⁻ba⁺ koo¹ kih¹ dsa⁻ñuuh⁻ kyaay¹.

¹¹ He⁻ja⁻ ga⁺lä⁺goo⁺ jwërte dsë¹ lä⁺jë⁺ hi⁻ ga⁺heeh⁻ juu¹ kih¹ Dio hi⁻ lä⁺jë⁺ ga⁺jñah¹ hi⁻ ga⁺nuu¹ juu¹ ja⁻, ga⁺lä⁺goo⁺ dsëy¹ ka⁻läh¹.

¹² Peer⁺ cha⁻miih⁻ he⁻ juh⁻gaa⁻ ma⁺ jmeey¹ apóstol jee¹ jwi¹ ja⁻. Hi⁻ lä⁺jë⁺ hi⁻ ga⁺heeh⁻ juu¹ kih¹ Dio ga⁺jmeey¹ kō⁻jøh¹ kyaayh¹ jee¹ la⁺ hoo¹ na⁺hi¹ kih¹ Salomón. ¹³ Ga⁺tih¹ ba⁺ dsë¹ dsa⁻ ha⁻ lä⁺ ma⁺ jmeey¹ hi⁻ ga⁺heeh⁻ juu¹ kih¹ Dio, pero sa⁺ ga⁺tuu⁻ dsëy¹ ma⁺ jmeey¹ kō⁻jøh¹ kyaayh¹. ¹⁴ Ma⁺ke⁺ lä⁺ja⁻ ga⁺la¹, ma⁺ra⁺ he⁻ ga⁺lä⁺jwë⁺ ga⁺ dsa⁻ hi⁻ ga⁺lä⁺dsoo¹ dsë¹ kih¹ Dio, jwë⁺ dsa⁻ñuuh⁻ hi⁻ lä⁺ja⁻ dsa⁻më¹ ka⁻läh¹.

¹⁵ He⁻ja⁻ ma⁺ dsa⁻jäy¹ dsa⁻dsaah¹ kyaay¹ na⁺kyaay¹ në¹ jii¹ cha⁺hoo¹ jwë¹ jee¹ ma⁺ dsa⁻ngë⁺ Pee¹, ma⁺ laay¹ ha⁻ ga⁻ che⁻ tëy¹ miih⁻ hih¹ kih¹ Pee¹ wa⁺ra⁻ ga⁺ngëy¹ jee¹ ja⁻. ¹⁶ Hi⁻ ma⁺ go⁻nää¹ hi⁻ chaa⁻ jwi¹ he⁻ tääh¹ jäh⁺

kih¹ Jerusalén jääy⁺ dsa⁻dsaah⁺ kyaay¹, hi⁺ ma⁺ jääy⁺ dsa⁻ hi⁻ kye⁻ jmi⁻lle⁺ hlih¹. Lä⁻jëë⁻ hi⁻ he⁺ ma⁺ dsa⁻jä¹ kih¹.

Koo⁻ ka⁻läh⁺ ga⁺saayh¹ apóstole he⁺

¹⁷ Peer⁺ ga⁻lä⁻lee⁺ jmi⁻dsa⁻ jøøh¹ hi⁺ lä⁻ja⁻ dsa⁻ saduceo hi⁻ laa⁺ dsa⁻kyaayh⁺. ¹⁸ He⁻ja⁻ ga⁺saayh¹ apóstole he⁺, ga⁺taayh⁻ neh⁻ñe¹. ¹⁹ Pero hwè¹ ja⁻, ga⁻lloo¹ jaa⁻ ángel kyaa¹ Dio, ga⁺näy¹ hoo⁺ neh⁻ñe¹ mah¹ ga⁺hwëy¹ apóstol he⁺, ga⁺siyh⁺:

²⁰ —Go⁻nää⁺ hnäh⁺ ka⁻läh⁺, hi⁺ na⁻ch eh¹ ba⁺ hnäh⁺ hoo⁺ na⁺hi⁻ kih¹ gwah⁺ oo⁺, ja⁻ kwah⁻ hnäh⁺ juu¹ na⁻hñaa¹ lä⁻jëë⁻ ha⁻ lä⁺ jmee¹ Dio chaa⁻ dsa⁻ ta⁻la⁺ kih¹ Jesús.

²¹ Ga⁺mi⁻te¹ bih¹ lä⁻koh⁺ ga⁺nuuy⁺. Ti^h ga⁺ ma⁺ ga⁺jnä¹, ga⁺näy¹ ta⁺ hoo⁺ na⁺hi⁻ kih¹ gwah⁺ ja⁻, ga⁺taayh⁻ mi⁻tëy⁺ dsa⁻.

Ta⁻ko⁻jiih¹ ja⁻, jmi⁻dsa⁻ jøøh¹ kyaah⁺ dsa⁻kyaayh⁺ ga⁻lla⁻näy⁻ nē⁻ta⁺ kiyh¹, mah¹ ga⁺jøøyh⁻ lä⁻jëë⁻ dsa⁻ta⁺ hi⁺ lä⁻jëë⁻ dsa⁻gyuuh⁺ hi⁻ na⁻hñaa¹ kyaa¹ dsa⁻ Israel hi⁺ ga⁺jmeey⁺ mada⁺ he⁻ dsa⁻kyaay⁺ hi⁻ tääh⁺ neh⁻ñe¹.

²² Ma⁺ ga⁻lla⁻nää⁺ poo⁻ neh⁻ñe¹ sa⁺ chaa⁻ apóstol he⁺ mo⁺ tääh⁺. He⁻ja⁻ ga⁺näy⁻ na⁺jmeeyh⁺ juu¹ kih¹ dsa⁻ta⁺, ²³ ma⁺ jäyh⁺:

—Ma⁻ra⁺ ju⁻dsoo⁺, ma⁺ ga⁻lla⁻nøø⁺ jnääh⁺ jee⁺ chih¹ neh⁻ñe¹, na⁻jnē⁻ ba⁺ llu¹, tääh⁺ ba⁺ hi⁻ høø⁺ neh⁻ñe¹. Pero ma⁺ ga⁺nä⁺ jnääh¹ hoo⁺ neh⁻ñe¹ ja⁻, sa⁺ chaa⁻ ni⁺ jaa⁻ —ga⁺jäyh⁺.

²⁴ Ma⁺ ga⁺nuu⁺ jmi⁻dsa⁻ jøøh¹ kyaah⁺ juu⁺ poo⁻, kyaah⁺ lä⁻jëë⁻ ga⁺ jmi⁻dsa⁻ kaah⁺, he⁻ja⁻ ga⁺taayh⁻ jmeey⁺ to¹ dsëy¹ ha⁻ jiih¹ lla⁻nää⁺ apóstole he⁺ kyaah⁺ juu¹ ja⁻. ²⁵ Hor⁻ ja⁻ ga⁻lloo¹ jaa⁻ dsa⁻ hi⁻ kye⁻ juu¹:

—Hi⁻ ga⁺tääh¹ hnäh⁺ neh⁻ñe¹, hii⁻ tääh⁺ ka⁻läh⁺ hoo⁺ na⁺hi⁻ kih¹ gwah⁺ hlëy^h dsa⁻ —ga⁺jäyh⁺.

²⁶ He⁻ja⁻ ngoo¹ juu⁺ poo⁻ kyaah⁺ dsa⁻ kyaay¹ na⁺teey⁻ ka⁻läh⁺ apóstol he⁺, kyaah⁺ juu¹ llu¹ ba⁺. Sa⁺ ga⁺kaayh¹, kih¹ he⁻ goyh⁺ te¹ dsa⁻ kuu⁺ kiyh¹.

²⁷ Ma⁺ ga⁻lla⁻näy⁻ nē⁻ta⁺, na⁺jää⁻ dsih⁺ cha⁻nē⁺ dsa⁻ta⁺, he⁻ja⁻ ga⁺jäh⁺ jmi⁻dsa⁻ jøøh¹ siyh⁺ apóstole he⁺:

²⁸ —¿Ja¹ ga⁺chiih⁺ jnääh¹ hnäh⁺ ma⁺ja⁻, mo⁺to⁺ hlëh⁻ ga⁺ hnäh⁺ dsa⁻ juu¹ kih¹ Jesús? Pero he⁻ ma⁻jmeeh⁺ hnäh⁺, lä⁻ ga⁻dsa¹ jee⁺ jwi⁻ Jerusalén la⁻, ma⁻mi⁻tëh¹ hnäh⁺ dsa⁻, nuuh⁻ kyah¹ hnäh⁺, hnooh⁻ hnäh⁺ bääh⁺ jnääh¹ he⁻ ga⁺juu¹ dsa⁻nūuh⁻ he⁺.

²⁹ He⁻ja⁻ ga⁺jëeh⁻ Pee⁺ juu¹ kih¹ dsa⁻ he⁺ ko⁻jøh⁺ kyaah⁺ jñah⁺ apóstole, ga⁺jäyh⁺:

—Jmee⁺ bii¹ he⁻ mi⁻te⁻ jne⁺ kih¹ Dio ba⁺, lä⁻koh⁺ ga⁺ he⁻ mi⁻te⁻ jne⁺ kih¹ dsa⁻ jmi⁻gyuuh⁺. ³⁰ Dio kyaa¹ dsa⁻ ma⁻gyuh⁻ jnän⁻ ga⁺mi⁻jiiyh⁻ Jesús hi⁻ ga⁺jngëeh⁻ hnäh⁺ na⁻taa⁺ dsöh⁺ hma⁻cru⁺. ³¹ Hi⁻ he⁺ na⁻ ga⁺llaa¹ Dio Jøøh¹ jwoo¹ ra⁻llu⁺ kiyh¹, ga⁺jmäy¹ dsa⁻ta⁺ hi⁺ ga⁺hñaa¹ läy¹ dsa⁻. Lä⁻ja⁻ ga⁺näy¹ jwè¹ kih¹ dsa⁻ Israel, mah¹ dsa⁻jëeyh⁻ kyaah⁺ Dio hi⁺ lä⁻ja⁻ dsa⁻che⁻ dso⁺kye⁻ kiyh¹. ³² He⁻ja⁻ jmee⁺ jnääh¹ dsoo⁺ kih¹ juu¹ la⁻. Hi⁺

lä'kyē Jmīlle' Nājngii' jmee' dsoo' kāläh', jāba' he' ga'kwëeh' Dio lä'jëe' hi' nuuh' kiyh'.

³³ Lä' ma' ga'nuu' dsa'ta' he', ga'ya'jëe' dsëy' cha'mīh, hnøoy' ma' jngëeyh' apóstol he'. ³⁴ Pero jee' kih' dsa'ta' he' ma' hää' jā fariseo hi' ma' cheē Gamaliel. Hi' he' ma' laa' jā ta'jwoh' kyaa' ley hi' lä'jëe' ba' dsa' ma' jmäȳ jøøh'. Ga'noo' ta'jwoh' he' mah' ga'jmeey' mada' he' ga'hwëe' apóstole ko'hwëe'. ³⁵ Mah' ga'jäyh':

—Jëe' da' hnäh' dsa'ta', dsa'goon' hi' chaa' Israel la'. Leeh' hnäh' hee' na' jmeeh' hnäh' kih' dsa' na'. ³⁶ Mi'dsooh' da' hoh' hnäh' ha' lä' ga'la' jee' jnän' jää'. Ya'hëe' jā dsa'goo' jne' hi' ma' cheē Teuda. Ga'jmäȳ hñiiy' jøøh'. Koo' kye' hñā'laa' dsa' hi' ga'kuh' kyaayh'. Pero ga'juu' dsa' he', hi' lä'jëe' hi' ma' nuuh' kiyh' ga'sa' ga'jnee'. Jee' ja' ga'dsaa' juu' kiyh'. ³⁷ Ma'ngëe' he' ja', jii' he' ga'sooh' censo, ya'hëe' Juda dsa' galileo. Lä'ja' jwëe' dsa' ga'jøøh' hi' he' hi' ja'ba' lä'ja' ga'juuy' hi' lä'jëe' dsa' kyaay' ga'sa' ga'jnee' ka'läh'. ³⁸ He'ja' jwëehn' hnäh' tøø' dsa' na', wa' lla'näy' kiyh'. Cher'mah' nuuh' he' kyey' na', la' huudsë' kih' dsa' ta'jmah', o cher'mah' hñii' bih' jmeey' lä'na', llaa' ba' juu' na'. ³⁹ Pero cher'mah' la' kih' Dio juu' he' kway' na', sa' lä'këh' hnäh' jmī heeh' hnäh'. Leeh' hnäh', le' ga' che' lla'dsëeh' hnäh' kih' Dio —ga'jäyh' Gamaliel siiyh' dsa'ta' he'.

⁴⁰ Ga'heeh' ba' dsa'ta' he' juu' he' ga'hlëeh' Gamaliel ja'. Ja'ga' ga'tëey' ka'läh' apóstole he', ga'kway' kih' hi' ga'juuyh' kih' mah' mo'so' hlëeh' gyih' kih' Jesús. Ja'ga' ga'tøoy'. ⁴¹ Ma' ga'hwëe' apóstole cha'në' dsa'ta' he', ma' chaa' bih' llu'. Jëe' ba' dsëy' kih' he' ga'kwa' Dio jwë' he' ga'jëey' wī kwaat' kih' Jesús. ⁴² Lä'jë' jmī ba' sa' ma' tūy' mi'tëey' dsa' hi' kway' juu' kih' Jesús hi' jäyh' laa' Cristo. Lä'ja' ma' jmeey' hoo' na'hī kih' gwah' hi' cha'neh' kih' dsa' ka'läh'.

Ga'hñāy' gye'e' dsa' hi' jmee' be' kih' apóstole

6 ¹ Jmī ja' ga'lä'jwëe' ga' hi' ga'heeh' kih' Jesús. Ma'ja' ga'soo' juu' jee' ti'llooyh' he' kuh' dsa' koo' jmī koo' jmī. Ga'lä'hnee' hi' ma' hlëeh' griego kyaah' hi' ma' hlëeh' hebreo, kih' he' sa' na'kah' kwee' wī he' ga'hyoh' dsa'më' hñii' hi' hlëeh' griego lä'koh' te' he' ga'hyoh' hi' ma' hlëeh' hebreo. ² He'ja' lä'jëe' gya'tuu' apóstole he' ga'jøøyh' lä'jëe' hi' ma'heeh' juu' kih' Dio mah' ga'taayh' juu', ga'jäyh':

—Sa' sooh' kyaa' jnääh' he' tu' jnääh' kwa' jnääh' juu' kih' Dio mah' ti'llooh' jnääh' he' kuh' dsa'. ³ He'ja' jwëehn' hnäh' øøhn', lee' hnäh' gye'e' dsa' hi' hii' juu' kih' jmee' he' llu' jmah', dsa' hi' ngëe' hi' ma'hyoh' cha'mīh be' kih' Jmīlle' Nājngii'. Hi' he' ba' dsa' he' goo'ta' la'. ⁴ Jnääh' ga'nøø' ba' jnääh' ngii' jnääh' kih' Dio hi' kwa' jnääh' juu' kiyh' ka'läh'.

⁵ Ga'jä' ba' kwee' juu' kih' ga'lä'jëe' dsa' he'. He'ja' ga'hñāy' Esteban hi' ma' dsoo' dsë' cha'mīh kih' Dio hi' ma' kyey' cha'mīh be'

kih¹ Jmi¹lle¹ Na¹jngii¹. Hi¹ ga¹hñaay¹ Felipe kyaah¹ Prócoro, kyaah¹ Nicanor, kyaah¹ Timón, kyaah¹ Parmeno, kyaayh¹ Nicolás dsa¹ chaa¹ Antioquía. Nicolás he¹ sa¹ ma¹ laay¹ judiu pero ga¹ngëey¹ hñiiy¹ mah¹ leey¹ koo¹ ba¹ kyaayh¹. ⁶ Lã¹jëë¹ hi¹ he¹, na¹jäy¹ cha¹në¹ apóstole. Hi¹ lã¹chah¹ ja¹ ga¹kye¹ apóstole goo¹ në¹ kiyh¹, ga¹ngiiy¹ kih¹ Dio mah¹ häy¹.

⁷ Lã¹ja¹ ga¹na¹ jwë¹ kiyh¹ he¹ kway¹ cha¹ga¹miih¹ juu¹ kih¹ Dio. Hi¹ ga¹lã¹jwëë¹ ga¹ dsa¹ hi¹ ga¹heeh¹ jee¹ jwii¹ Jerusalén hi¹ jwëë¹ hi¹ ma¹ laa¹ jmi¹dsa¹ ga¹lã¹dsoo¹ dsëy¹ juu¹ kih¹ Dio.

Ga¹saayh¹ Esteban

⁸ Peer¹ jnaah¹ llu¹ dsë¹ Esteban hi¹ kyaah¹ be¹ kih¹ Dio ga¹jmeey¹ cha¹miih¹ he¹ juh¹gaa¹ jee¹ jwii¹ ja¹. ⁹ Koo¹ gwah¹ mäh¹ jee¹ dsa¹nëe¹ judiu, jee¹ ja¹ ma¹ tääh¹ koo¹ nää¹ dsa¹ hi¹ chee¹ Libertados. Hi¹ ma¹ tääh¹ hi¹ ya¹nää¹ jwii¹ Cirene kyaah¹ jwii¹ Alejandría hi¹ lã¹kye¹ hi¹ chaa¹ hwa¹ Cilicia hi¹ Asia. Hi¹ he¹ na¹ ga¹lã¹hnee¹ kyaah¹ Esteban. ¹⁰ Pero sa¹ ga¹liyh¹ kyaah¹ Esteban, kih¹ he¹ ma¹ hlëeyh¹ kyaah¹ cha¹miih¹ hu¹dsë¹ llu¹ hi¹ ma¹ hlëeyh¹ lã¹koo¹ kwa¹ Jmi¹lle¹ Na¹jngii¹. ¹¹ Ma¹ sa¹ ga¹lih¹ dsa¹ he¹, he¹ja¹ ga¹laay¹ dsa¹ hi¹ ga¹jmeey¹ juu¹ ta¹juu¹:

—Ma¹nuu¹ jnääh¹ ma¹mi¹kwah¹ Esteban Moisé hi¹ ma¹mi¹kwayh¹ Dio ka¹läh¹.

¹² Lã¹jwë¹ ja¹, ga¹tooyh¹ je¹ dsë¹ hi¹ chaa¹ Jerusalén ja¹, lã¹kye¹ kih¹ dsa¹gyuuh¹ kyaah¹ ta¹jwoh¹ kyaa¹ ley. He¹ja¹, lã¹chah¹ ja¹ ga¹näy¹ na¹chaayh¹ Esteban mah¹ na¹jäy¹ në¹ta¹. ¹³ Hi¹ ga¹kwaay¹ dsa¹ hi¹ ga¹jmeey¹ juu¹ ta¹juu¹ në¹ta¹ ja¹. Hi¹ he¹ na¹ ga¹jäh¹:

—Dsa¹nüuh¹ la¹ sa¹ tuy¹ mi¹kwayh¹ gwah¹ na¹jngii¹ na¹ hi¹ mi¹kwayh¹ ley ka¹läh¹. ¹⁴ Ma¹nuu¹ jnääh¹ ma¹jäyh¹, Jesús dsa¹ Nazaret heey¹ jee¹ la¹jnän¹, hi¹ mi¹siiy¹ lã¹jë¹ lã¹nøø¹ jnän¹ he¹ ga¹lla¹ Moisé.

¹⁵ Ma¹ ga¹jëë¹ lã¹jëë¹ dsa¹ta¹ hi¹ ma¹ tääh¹ në¹ta¹ ja¹, jee¹ cheh¹ Esteban, ga¹jëey¹ nëy¹, la¹ lã¹koh¹ në¹ jaa¹ ángel.

Ga¹kwa¹ Esteban ju¹dsoo¹ kih¹

7 ¹ He¹ja¹ ga¹jäh¹ jmi¹dsa¹ jøøh¹ he¹ siiyh¹:
—¿Che¹ dsoo¹ juu¹ he¹ hñii¹ dsa¹ kyah¹?

² Hi¹ ga¹jäh¹ Esteban:

—Dsa¹nüuh¹ øøhn¹, dsa¹ ma¹kaah¹ kyaan¹, nuu¹ da¹ hnäh¹. Dio hi¹ gya¹ gyuuh¹ ga¹mi¹jnäy¹ hñiiy¹ kih¹ tääh¹ jnän¹ Abraham lã¹ ma¹ ga¹gyay¹ hwa¹ Mesopotamia, ja¹ga¹ dsooy¹ ta¹ Haran. ³ He¹ja¹ ga¹jäh¹ Dio siih¹ Abraham: “Ya¹hëë¹ gooh¹, wa¹ jã¹ ba¹ hi¹ chaa¹ kyah¹ mah¹ gwa¹ ta¹ hwa¹ he¹ kwëehn¹ hne¹.” ⁴ Ja¹ga¹ ya¹hëë¹ Abraham hwa¹ jee¹ ma¹ tääh¹ dsa¹ caldeo, ngooy¹ na¹gyay¹ hwa¹ Haran. Ma¹ngëë¹ ma¹juu¹ jmi¹ Abraham, ja¹ga¹ ga¹chee¹ Dio Abraham ta¹ hwa¹ la¹, jee¹ tøøh¹ jne¹ na¹. ⁵ Pero sa¹ ga¹kwa¹ Dio he¹ la¹ juu¹ he¹ ma¹hyoh¹ Abraham, ni¹ jee¹ ma¹ jmeey¹ hne¹

kiyh¹ sa⁺ ga⁻hyoyh¹. Hwa¹ la⁻ ga⁻bääh⁻ Dio hñii¹ ma⁺ kwëëyh¹ Abraham kyaah¹ lä⁻jëë⁻ dsa⁻ kyaay¹ hi⁻ ja⁻ga⁻ ga⁻lä⁻chaa⁺. Pero sa⁺ ga⁻ma⁻chaa⁻ jooy¹ ma⁺ja⁻. ⁶ Ga⁻jäh¹ Dio siih⁺ Abraham: “Dsa⁻ kyaah¹ hi⁻ ja⁻ga⁻ lä⁻chaa⁻, dsa⁻näay¹ dsa⁻taayh¹ jyoh¹ hwa¹ goo¹ dsa⁻ hi⁻ chaa⁻ uu¹. Jee¹ ja⁻ jmääh⁺ dsih¹ ta⁺ lä⁻ tē⁻ dsē¹ hi⁺ jmeeh⁺ dsih¹ lä⁻jiih¹ tē¹ kye¹ hña⁻loo¹ ji⁻ñē⁻. ⁷ Pero ma⁻ra⁺ he⁻ lla⁻ ba⁺ jnä¹ ta⁺ kih¹ hi⁻ jmeeh⁺ dsa⁻ kyaah¹. Ma⁻ngëë¹ he⁻ ja⁻, hwëë⁺ dsa⁻ kyaah¹ hwa¹ Egipto, ya⁻hnäy¹ jnä¹ jee¹ la⁻.” ⁸ Ja⁻ga⁻ ga⁻jmeë¹ Dio hmooh¹ kyaah¹ Abraham, ga⁻jmeey¹ mada⁻ he⁻ uu¹ jmi⁻ngo¹ kiyh¹. Ma⁻ngëë¹ he⁻ ja⁻, ga⁻lä⁻chaa⁺ Isaac jooy¹ Abraham. Ma⁺ ga⁻hya⁻ Isaac jña¹ jmi⁺, ga⁻wih¹ jmi⁻ngo¹ kiyh¹. Hi⁺ lä⁻ja⁻ ga⁻jmeë¹ Isaac kih¹ jooy¹ Jacob, hi⁺ ja⁻ba⁺ lä⁻ja⁻ ga⁻jmeë¹ Jacob kih¹ lä⁻jëë⁻ gya⁻tuu¹ jooy¹ dsa⁻ ma⁻gyuh⁻ jnän⁻.

⁹ Hi⁺ lä⁻jëë⁻ jooy¹ Jacob he¹ ga⁻lä⁻wii¹ dsëy¹ kyaah¹ José øøyh¹. Ga⁻hnëëy¹ José kih¹ dsa⁻ hi⁻ ga⁻nää¹ ta⁺ Egipto, mah¹ dsa⁻jmeey¹ ta⁺ lä⁻jmi¹ lä⁻je⁻. Pero Dio sa⁺ ga⁻tu¹ kiyh¹, ¹⁰ ga⁻lääy¹ José kih¹ lä⁻jë⁻ nëë¹ he⁻ wii¹ he⁻ ma⁺ jëëy¹, hi⁺ ga⁻kwëëyh¹ cha⁻miih⁻ hu¹dsē⁻ llu¹ hi⁺ ga⁻jmeey¹ ga⁻jäy¹ llu¹ cha⁻nē¹ Faraón, rey kya¹ dsa⁻ Egipto. He⁻ja⁻ ga⁻tih¹ dsē¹ rey he¹, ga⁻tooyh⁻ goo⁻ José he⁻ ga⁻jmeey¹ hih⁺ kih¹ lä⁻jëë⁻ dsa⁻ Egipto hi⁺ lä⁻kye⁻ ta⁺ he⁻ cha⁻ cha⁻neh⁺ kih¹ rey he¹, ga⁻he¹ gooy⁻.

¹¹ Pero ma⁻ngëë¹ he⁻ ja⁻, ga⁻jëë¹ dsa⁻ hoo¹ lä⁻kää⁻ hwa¹ Egipto hi⁺ lä⁻ja⁻ lä⁻ ga⁻tē¹ Canaán la⁻ ka⁻läh¹. Cha⁻miih⁻ wii¹ ga⁻jëëy¹, kih¹ he⁻ sa⁺ ga⁻jnä¹ he⁻ ma⁺ kuh⁺ dsa⁻ ma⁻gyuh⁻ jnän⁻. ¹² Lä⁻ ma⁺ ga⁻nuu¹ Jacob he⁻ ma⁺ hñii⁺ dsa⁻ trigo hwa¹ Egipto, ga⁻cheey¹ jooy¹ ta⁺ Egipto ja⁻. He⁻ja⁻ la⁻ to⁻nē¹ he⁻ na⁻nää¹ dsa⁻ ma⁻gyuh⁻ jnän⁻ jee¹ ja⁻. ¹³ Lä⁻ ma⁺ ga⁻tē¹ to¹ jiih¹ he⁻ na⁻näy¹ ta⁺ Egipto ja⁻, ja⁻ga⁻ ga⁻mi⁻jnä⁻ José hñii¹ he⁻ laay¹ øøyh¹ dsa⁻ he¹. Lä⁻jwë¹ ja⁻ ga⁻lä⁻kyuu⁺ Faraón lä⁻jëë⁻ dsa⁻ kya¹ José. ¹⁴ Hi⁺ ga⁻chee¹ José juu¹ he⁻ dsa⁻nää¹ lä⁻jëë⁻ hi⁻ chaa⁻ kiyh¹ kyaah¹ jmi⁻y Jacob ta⁺ Egipto. Koo⁻ nää¹ dsa⁻ he¹ tee¹ to⁻lo⁻gyaa¹ dsē¹ gyii¹ hña¹. ¹⁵ He⁻ja⁻ ngoo¹ Jacob ta⁺ Egipto. Jee¹ ja⁻ ga⁻lloo¹ jmi⁺ ga⁻juuy¹ hi⁺ lä⁻ja⁻ ga⁻juu¹ lä⁻jëë⁻ jooy¹. ¹⁶ Jee¹ lä⁻jëë⁻ hi⁻ he¹ na⁻haay¹ ta⁺ hwa¹ Siquem, koo⁻ jwi¹ hwa¹ jee¹ ga⁻la¹ Abraham kih¹ jooy¹ Hemor lä⁻kyee¹ mah¹ haay¹ hlii¹ kyaay¹.

¹⁷ Lä⁻ ma⁺ ngoo¹ ga⁻dsëë¹ jmi⁺ he⁻ ga⁻bääh⁻ Dio hñii¹ kyaah¹ Abraham, ga⁻lä⁻jwëë¹ jwërte dsa⁻ kyaay¹ hwa¹ Egipto ja⁻. ¹⁸ Jmi⁺ ja⁻ ya⁻hëë¹ jñah¹ rey hwa¹ Egipto hi⁻ sa⁺ dsooh¹ dsē¹ kih¹ José. ¹⁹ Rey he¹ ma⁺ kyuyh¹ ha⁻ lä⁻ ma⁺ jmeey¹ kih¹ dsa⁻ ma⁻gyuh⁻ jnän⁻, ga⁻jmeeyh⁺ dsa⁻ jnän⁻ cha⁻miih⁻. Lä⁻jiih¹ ga⁻jmeey¹ hih⁺ he⁻ juu¹ lä⁻jëë⁻ gyuu¹ ñuu¹ kyaay¹ mah¹ mo⁻so⁻ lä⁻jwëë¹ gyih¹. ²⁰ Jmi⁺ ja⁻ ga⁻lä⁻chaa⁺ Moisé. Cha⁻miih⁻ ga⁻tih¹ dsē¹ Dio gyuu¹ Moisé he¹. Uu⁻ sih⁻ ba⁺ ga⁻lih¹ cho¹ jmi⁻y ga⁻hmäy¹ gyuu¹ he¹ cha⁻neh⁺ kiyh¹. ²¹ Ja⁻ga⁻ ga⁻lleey⁻ ka⁻hne⁻ jee¹ ma⁺ hii¹ goo⁻ juuy¹. Pero ma⁺ ga⁻jëë⁻ jooy¹ rey gyuu¹ he¹, ga⁻tëëy⁻ hi⁺ ga⁻mi⁻kwaay⁻ lä⁻koo⁻ jooy¹ ba⁺. ²² Jee¹ ja⁻ ga⁻lä⁻tëë⁻ Moisé lä⁻jë⁻ he⁻ ma⁺ kyuu¹ dsa⁻ Egipto. Lä⁻jë⁻ juu¹ kiyh¹ ma⁺ la¹ kyaah¹ be¹ hi⁺ lä⁻jë⁻ ta⁺ kiyh¹ ma⁺ go⁻hii¹ llu¹.

²³ Ma' ga'hya Moisé to'loo' jī nē, ja' dsēy' dsa jēy' dsa Israel dsa gooy'. ²⁴ Ma' ga'llooy' jee' tāäh' dsa Israel he', ga'jēy' dsa Egipto ma' kway' kih' jaa' dsa Israel. Lä'chah' ja' ga'läy' øy' he' mah' ga'jngiiyh' kih' dsa Egipto. ²⁵ "Na' ba' lä'ngēē' dsa goon~, Dio läy' ta'la' ki' jnä' ba'", laa' Moisé. Pero sa' ga'tah' dsē' øy' he' ja'. ²⁶ Ma' ga'jnä' jyoh' jmi', ga'jee' Moisé uu' dsa gooy' hi' ma' tāäh' tee~. Ma' hnøø' Moisé ma' llaa' hni~, he'ja' ga'jäyh': "¿He'la' jmeeh' hnäh' lä'na? ¿Ja' øh' ba' hnäh' na~, mah' tāäh' hnäh' tee~?" ²⁷ Dsa hi' ma' kwa' kih' dsa kyaayh' he' ga'hløy' kih' Moisé mah' ga'siiyh': "Sa' chaa' hi' ma'hnaa' hne' mah' jmääh' hnaah' dsa'ta', jmääh' hnaah' jwëe' he' llah' ta' kyaa' jnääh'. ²⁸ ¿Che' hnooh' jngēēh' jnä' lä' ga'jngēēh' dsa Egipto lloo'?" ²⁹ Ma' ga'nuu' Moisé juu' ja' ga'kyuy', na'gyay' ta' hwa' Madián, laay' jaa' dsa chaa' uu' ba'. Jee' ja' ga'lä' chaa' uu' jooy'.

³⁰ Ma'ngēē' to'loo' jī nē gya' Moisé hwa' kii' ja~, ma' ga'lä'jnää' jaa' ángel ta' cha'nēy' jee' ma' koo' koo' chaah' too' nē moh' Sinaí. ³¹ Peer' ga'lä' dsaä' dsē' Moisé ma' ga'jēy' he' ja' mah' ngooy' na'jēy' chuh'. Ja' ga'llooy' chuh', ga'nuuy' ga'hlēēh' Dio kyaayh': ³² "Jnä' laan' Dio kyaa' dsa' ma'gyuh' kyaah'. Laan' Dio kyaa' Abraham, laan' Dio kyaa' Isaac, hi' Dio kyaa' Jacob." Peer' ga'jlää' Moisé kih' he' goyh', mo'so' ga'tuu' dsēy' ma' jēy'. ³³ He'ja' ga'jäh' Dio siiyh': "Jnuuh' loo' he' hä' tiih' na~. Jēēh', jee' cheh' na~, la' na'jngii'. ³⁴ Man' kwee' jēē' wii' dsa kyaan' hi' tāäh' hwa' Egipto. Ma'nuun' ki'hooyh~, he'ja' ma'jnaan' mah' lää' jnih'. Na' na~, na' kyaah' jnä' mah' cheen' hne' ta' Egipto", ga'jäh' Dio.

³⁵ Hlēēh' ga' Esteban kyaayh':

—Dsooh' ba' hoh' hnäh' ha' lä' ga'jäh' dsa goo~ jne' hi' ga'jmeē' hnaa' dsē' kih' Moisé jää', hi' ga'jäh': "Sa' chaa' hi' ma'hnaa' hne' mah' jmääh' hnaah' dsa'ta', jmääh' hnaah' jwëe' he' llah' ta' kyaa' jnääh'." He' ba' Moisé hi' sa' ga'taah' dsa goo~ jne' ta', ga'chee' Dio laay' jaa' dsa'ta' hi' laay' jaa' hi' lää' dsa. Juu' la' ga'ngēē' ángel kih' Moisé, lä' ma' ga'lä'jnääy' jee' ma' koo' chaah' too' ja'. ³⁶ Moisé he' ga'hwēy' dsa' ma'gyuh' jnän' hi' ma' tāäh' Egipto, ga'jmeey' cha'miih' he' juh' gaa' jee' ja' hi' lä'ja' ga'jmeey' jee' jmi' nēeh' gyuy', hi' lä'kaa' hwa' kii' jee' ga'ngēēy' ka'läh', lä'jiih' ga'tē' to'loo' jī nē. ³⁷ Moisé he' ga'jäh' siiyh' dsa Israel: "Dio jmeē' ya'hēē' jee' kyah' hnäh' jaa' hi' ngēē' juu' lä'koo' jmeē' jnä'. Kih' hi' he' ba' nuuh' hnäh'", ga'jäyh'. ³⁸ Moisé hi' ma' hää' jee' kih' dsa' ma'gyuh' jnän' hwa' kii' ja~, he' ba' hi' ga'hlēēh' kyaah' ángel moh' Sinaí, hi' he' na' ga'hyoh' juu' mah' ngēy' jnän' he' jmeē' chaa' jne' kih' Dio.

³⁹ Pero dsa' ma'gyuh' jnän' sa' ga'hii' ma' nuuy' kih' Moisé, ni' lä'ja' sa' ga'taayh' ta', ma' hnøøy' ma' dsa'näy' ka'läh' ta' Egipto. ⁴⁰ He'ja' ga'jäh' dsa' he' siih' Aarón: "Jmää' jaa' dio hi' noo' nē jnän', jēēh' sa' nē' jne' hee' na' ma'la' kih' Moisé hi' ga'hwēē' jne' hwa' Egipto."

⁴¹ He jā gājmäǟ dsā jaā gyuū kyā. Ma' gālaā kyā he', gājngëëyh' jah' mah' gāllay' cha'në' kyā hī gājmääy' dio. Peer' gālä'chaā llu' lä'jëë' dsā he' kih' ta' he' gājmeey' kyaah' gooy'. ⁴² He jā gālä'øø' Dio kih' dsā he', gākway' jwë' mah' jmeey' juuh' kih' nuu' hī hëë' gyuuh'. Lä'jā na'sii' jee' lle' juu' he' gāhlëeh' hī gāngëë' juu' kih' Dio. Lä'lā gājäh' Dio:

Hnä' dsā Israel, jā he' jnä' gākwëeh' jah',
ni' jā ki' jnä' he' gājeeh' hnä' jah' ta'ko'jiih' gātaah' hnä' to'loo'
ji'ne' hwa' kii' jā.

⁴³ Lla' he' ma' jmeeh' hnä' lä'jā kin',
gākyeh' hnä' na'hyoo' kih' Moloc lä'kaā jee' ya'nääh' hnä',
hi' lä'jā gājmeeh' hnä' kih' nuu' kyaa' dio Refán.
Gājmeeh' hnä' juuh' kih' dio hī na'laa' kaah' hnä' ba'.
He jā hwëën' hnä' jee' na', mah' cheen' hnä' ta' oo' ga' miih' kih'
Babilonia, gājäh' Dio.

⁴⁴ Pero ma' cha' ba' gwah' kih' dsā ma'gyuh' jnän', jee' ma' tääyh'
hwa' kii' jā. Gwah' jā ma' la' lä'koo' gāmi'jnäǟ Dio kih' Moisé gyuuh'
moh'. He jā ba' jā gājmeey' dsā ma'gyuh' jnän' koo' gwah' kyaah' loo'
jah' he' ma' chee' tabernáculo. Neh' jā ma' tääh' kuu' he' ma' na'sii'
hmoo' kih' Dio. ⁴⁵ Lä' ma'kye' ba' dsā tabernáculo jā, ma' ga'løø'
Josué ga'noo' në' lla' Moisé. Jmii' jā gāhwëë' Dio dsā hī chaah' hī
ma' tääh' hwa' jee' tøøhn' la' mah' gātaah' dsā ma'gyuh' jnän' kyaah'
Josué. Hi' lä' ma'høøy' ja'ba' tabernáculo jā, lä'jiih' ga'gya' David.

⁴⁶ Dio ga'mi'jäa' David cha'miih', he jā ga'chuu' David kyaayh' mah'
kway' jwë' le' koo' hne' jee' gya' Dio, he' ba' hī laa' Dio kyaa' Jacob.

⁴⁷ Pero Salomón jo'nuuh' bih' hī gājmeey' hne' jā.

⁴⁸ Pero Dio Joøøh' jnän' sa' gyay' gwah' he' na'la' kyaah' goo' dsā.
Ja'ba' lä'jā gājäh' hī gāngëë' juu' kih' Dio:

⁴⁹ Gyuu' ba' la' høøñ' jee' jmeen' hih',
hwa' la', la' jee' chihn' tiin' ba'.

¿Ha' lä'jā he' jmeeh' hnä' hne' kin'? gājäh' Dsa'joøøh' jnän'.

¿Che' laah' hnä' hnøø' jee' teehn' dsën'?

⁵⁰ ¿Ja' kyaah' goon' gājmeen' lä'jë' he' la'? gājäh' Dio.

⁵¹ He' ba' che' chaah' hnä' —gājäh' Esteban—. ¿He'la' sa' hii'
lä'ngëeh' hnä'? Lä'jë' jiih' kwah' hnä' jmi' kyaah' Jmi'lle' Na'jngii'.
Jmeeh' hnä' ja'ba' lä'koo' gājmeey' dsā ma'gyuh' jnän'. ⁵² Dsā
ma'gyuh' jnän', lä'hi' në' ba' gājmeeyh' dsā hī gāngëë' juu' kih' Dio.
Hi' gājngëëyh' ko'llaa' hī gāhlëeh' he' jä' ga' jaa' hī lluu' go'te'. Hi'
ma' ja' hī lluu' he', gājmeeh' hnä' hi' gājngëeh' hnä' ka'läh'.

⁵³ Ma'nuuh' ba' hnä' ha' lä' la' ley kih' Dio, he' gāngëë' ángel kih'
Moisé, mah' sa' ga'mi'teh' hnä'.

Ga'jngëeyh' Esteban

⁵⁴ Lã ma' ga'nuu' dsa' he' he' ga'hlëeh' Esteban lã'ja', ga'lã'leey' ngaayh', lã'jiih' ga'juuy' cha'jay', kih' he' ga'ya'jëe' dsëy' kyaayh'.

⁵⁵ Pero Esteban ma' kyë' cha'miuh' be' kih' Jmi'le' Na'jngii'. Ga'chooyh' nëy' ta' gyuuuh', ga'jëey' ga'tah' jmëe' jee' gya' Dio hi' ga'jëey' Jesús cheh' jwoo' ra'lluu' kih' Dio. ⁵⁶ He'ja' ga'jäh':

—Jëe' da' hnäh', hii' jnä' jëen' gyuuuh' na'hnaa' lã'jëe', jëen' Hi' ga'lëe'ngo' cheyh' jwoo' ra'lluu' kih' Dio.

⁵⁷ Ma' ga'nuu' dsa' he' juu' ja', ga'jney' to'gway', ga'ta' ga'hooyh' ki'gaa', koo' mi' ba' ga'jmeey' ga'saayh' Esteban. ⁵⁸ Ga'sëeyh' lã' ga'të' chuuh' jwii' ja'. Hi' lã'jëe' hi' ga'hni' kiyh' ga'leey' hmiuh' he' ma' na'lääy' mah' ga'høø' jaa' chih' hi' ma' chee' Saulo. Mah' ga'løoy' tey' kuu' kih' Esteban. ⁵⁹ Ta'ko'jiuh' te' dsa' kuu' kiyh', ga'hlëeh' Esteban kyaah' Dio, ga'jäh':

—Jesús Dsa'jøøh' kyaan', heeh' jmi'le' kin'.

⁶⁰ Ga'juuyh' jnëy' mah' ga'hlëeyh' koo' ki'gaa':

—Dio kyaan', ta' jmeë' kwaat' kih' he' hliih' he' jmeë' dsa' kin'. Ma'la' ma'hlëeyh' lã'ja', ga'juuy'.

8 ¹ Ga'hiih' ba' dsë' Saulo he' ga'juu' Esteban. Ja'ba' jmi' ja', ga'lã'cha' koo' hni' juuh' kyaah' lã'jëe' dsa' hi' ga'heeh' juu' kih' Jesús jwii' Jerusalén. Lã'jëe' dsa' he' ga'sa' ga'jnee', ga'näy' ta' Judea hi' ta' Samária ka'läh'. Ma'la' apóstole ba' ga'jä' Jerusalén ja'.

Ga'jmeeh' Saulo dsa' hi' ga'heeh' juu' kih' Jesús

² Ko'llaa' dsa' hi' mi'te' kyaah' Dio, ga'jäy' Esteban mah' na'haay' hi' ga'hooh' jwërte dsa' he' kiyh'. ³ Ga'løø' Saulo jmeeyh' lã'jëe' hi' ma'heeh' kih' Jesús. Ma' dsa'hey' lã'koo' lã'koo' hne' kih' dsa'. He' wii' ba' ma' dsa'hwëy' dsa'më' dsa'nüuh' ma' dsa'jäy' neh'ne'.

Dsa' hi' ma' chaa' Samária ga'heeh' ju'hmëe' kih' Jesús

⁴ Lã'jëe' dsa' hih' ga'sa' ga'jnee' he', ga'näa' bih' hlëeyh' dsa' ju'hmëe' kih' Jesús lã'kaa' jee' ga'näy'. ⁵ Ngoo' Felipe ta' jwii' Samária na'kway' juu' kih' Jesucristo jee' ja'. ⁶ Jwëe' dsa' ga'taah' nuu' lã'kaa' tuh'dsë' juu' he' ma' kwa' Felipe, lã' ma' ga'jëey' cha'miuh' he' juh'gaa' he' ma' jmeey'. ⁷ Lã'jëe' jmi'le' hliih' hi' ma' tääh' tuh'dsë' dsa' ga'hwëe' hooyh' ki'gaa'. Hi' jwëe' dsa' hi' sa' liih' goo' tii' ga'hlaa' hi' lã'jëe' hi' jluuh' ga'jä' kih'. ⁸ Peer' ga'lã'chaa' llu', dsa' hi' ma' chaa' jee' jwii' ja'.

⁹ Ja'ba' jee' jwii' ja', ma' gya' jaa' dsa' chee' Simón hi' ma' tëe' ji'nah'. Ma' mi'gaay' dsa' hi' chaa' jee' ja' hi' ma' jmäy' hniiy' jøøh'.

¹⁰ Lă˘jəh˘ lă˘măh˘ ma˘ tih˘ dsē˘ lă˘koh˘ ma˘ nuuy˘ juu˘ kih˘ dsa˘ he˘, ma˘ jāyh˘:

—Dsa˘ ñuuh˘ la˘ ba˘ kye˘ cha˘ miih˘ be˘ kih˘ Dio.

¹¹ Ma˘ jmee˘ dsa˘ he˘ kiyh˘, jēeh˘ ma˘ lă˘hih˘ mi˘ gaay˘ dsa˘ kyaah˘ jī˘ nah˘ he˘ ma˘ jmeey˘ ja˘. ¹² Pero ma˘ ga˘kwa˘ Felipe ju˘hmēē˘ lă˘koo˘ jāā˘ Dio dsa˘ lă˘hih˘ kih˘ hi˘ ha˘ lă˘ la˘ kih˘ Jesucristo, ko˘llaa˘ dsa˘ he˘ ga˘lă˘dsoo˘ dsē˘ mah˘ ga˘saa˘ jmiih˘ dsa˘ mē˘ dsa˘ ñuuh˘. ¹³ Hi˘ lă˘kye˘ hñii˘ Simón hi˘ ma˘ tēē˘ he˘, ga˘lă˘dsoo˘ dsēy˘ hi˘ ga˘saay˘ jmiih˘ mah˘ ga˘løøy˘ jmeey˘ ko˘jəh˘ kyaah˘ Felipe. Ma˘ dsaa˘ jwēte dsēy˘ ma˘ jēey˘ lă˘jē˘ he˘ juh˘ gaa˘ he˘ ma˘ jmee˘ Felipe.

¹⁴ Hi˘ ga˘nuu˘ apóstole hi˘ ga˘jā˘ Jerusalén he˘ ma˘ heeh˘ dsa˘ chaa˘ Samária juu˘ kih˘ Dio. Ma˘ ga˘nuuy˘ ja˘, ga˘cheey˘ Pee˘ kyaah˘ Jwaa˘ ta˘ ja˘. ¹⁵ Lă˘ ma˘ ga˘lla˘năay˘ jee˘ ja˘, ga˘ngiyy˘ kih˘ lă˘jēē˘ dsa˘ hi˘ ma˘ heeh˘ juu˘ kih˘ Dio mah˘ hyoyh˘ Jmi˘lle˘ Na˘jngii˘. ¹⁶ Jēeh˘, ni˘ jaa˘ hi˘ he˘ sa˘ ga˘ ma˘hyoyh˘ Jmi˘lle˘ Na˘jngii˘, ko˘ ma˘ na˘saay˘ jmiih˘ lă˘hih˘ kih˘ Jesús ba˘. ¹⁷ He˘ja˘ ga˘kye˘ Pee˘ kyaah˘ Jwaa˘ goo˘ nē˘ kih˘ øøh˘ jne˘ he˘. Lă˘chah˘ ja˘ ga˘tēey˘ Jmi˘lle˘ Na˘jngii˘.

¹⁸ Ma˘ ga˘jēē˘ Simón ko˘ ga˘kye˘ ba˘ apóstole goo˘ nē˘ kih˘ øøh˘ jne˘, he˘ ga˘tēey˘ Jmi˘lle˘ Na˘jngii˘, he˘ja˘ ga˘jiih˘ Simón hi˘ ma˘ tēē˘ he˘ kuu˘ kih˘ apóstol, ¹⁹ ga˘jāyh˘ siiyh˘:

—Hñii˘ kin˘ heh˘ be˘ na˘ mah˘ lă˘jēē˘ dsa˘ hi˘ kyen˘ goon˘ nē˘ kih˘, tēē˘ Jmi˘lle˘ Na˘jngii˘.

²⁰ He˘ja˘ ga˘jāh˘ Pee˘ siiyh˘ Simón:

—Wa˘ hee˘ hne˘ kyaah˘ kuu˘ kyah˘ na˘, lă˘llu˘ he˘ ma˘ jmeeh˘ huu˘dsē˘ lah˘ he˘ la˘ kwa˘ Dio. ²¹ Ni˘ miih˘ sa˘ ga˘tēēh˘ taah˘ hñaa˘ kyaah˘ ta˘ la˘. Jēeh˘, sa˘ hii˘ ko˘ ba˘ huu˘dsē˘ kyah˘ kyaah˘ Dio. ²² Wa˘ lă˘dsaa˘ hoh˘ kih˘ he˘ hliih˘ kyah˘ na˘ hi˘ ngii˘ kyah˘ kih˘ Dio ha˘ ga˘ che˘ che˘ ba˘ Dio huu˘dsē˘ hliih˘ he˘ ma˘ jmeeh˘ na˘. ²³ Man˘ kyah˘. Ma˘ra˘ mi˘dsiuh˘ llih˘ laah˘ hne˘, na˘ hñuuh˘ ga˘ hne˘ kyaah˘ he˘ hliih˘ na˘ —ga˘jāh˘ Pee˘.

²⁴ He˘ja˘ ga˘jāh˘ Simón hi˘ ma˘ tēē˘ he˘ siiyh˘ Pee˘ kyaah˘ Jwaa˘:

—Ngii˘ hnăh˘ kih˘ Dio mah˘ mo˘so˘ jā˘ he˘ hliih˘ he˘ ma˘ jāh˘ na˘ nē˘ kin˘.

²⁵ Ma˘ ngēē˘ ma˘ jmee˘ apóstole he˘ ju˘dsoo˘ hi˘ ma˘ kway˘ juu˘ kih˘ Dio, ga˘năay˘ ta˘ Jerusalén. Lă˘jē˘ jwiih˘ mäh˘ he˘ na˘ hee˘ hwa˘ Samária, he˘ nøø˘ cha˘jwē˘ jee˘ ga˘năay˘ ja˘, ga˘hlēeyh˘ dsa˘ ju˘hmēē˘ kih˘ Jesús.

Ga˘hlēēh˘ Felipe jaa˘ dsa˘jəøh˘ hi˘ ma˘ chaa˘ Etiopía

²⁶ Jaa˘ ángel kyaa˘ Dio ga˘hlēēh˘ kyaah˘ Felipe, ga˘jāyh˘:

—Gwa˘ ta˘ kye˘, jwē˘ he˘ go˘hih˘ Jerusalén he˘ dsoo˘ ta˘ Gaza, ja˘ba˘ jwē˘ he˘ dsa˘ngēē˘ ta˘ hwa˘ kii˘.

²⁷ He˘ja˘ ya˘hēē˘ Felipe ngoo˘. Cha˘jwē˘ jee˘ ngooy˘ ja˘, ga˘jēey˘ jaa˘ dsa˘gyuh˘ hi˘ ma˘ chaa˘ Etiopía. Hi˘ he˘ laa˘ ta˘ juh˘, høøy˘ kuu˘ kih˘ nē˘ta˘ kih˘ reina Candace hi˘ chaa˘ Etiopía. Dsa˘ he˘ hăă˘ jwē˘ ngaah˘ he˘

ñeey' Jerusalén na'jmeey' juuh' kih' Dio. ²⁸ Jee' gyay' neh' carret kiyh', ma' hëy' juu' he' ga'sii' Isaia hi' ga'ngëe' juu' kih' Dio llo'joo'. ²⁹ He'ja' ga'jah' Jmi'lle' kih' Dio siiyh' Felipe:

—Gwa', chuh' koo' carret kiyh'.

³⁰ He'ja' ngoo' Felipe ko'chih' ta' koo' carret ja'. Ma' ga'nuuy' hë' dsa' he' juu' he' ga'sii' Isaia hi' ga'ngëe' juu' kih' Dio, he'ja' ga'ngiiy' juu' kih' dsa' he':

—¿Che' ngëeh' he' hëh' na'? —ga'jah' Felipe.

³¹ He'ja' ga'jah' dsa' he':

—¿Ha' lä' lä'ngëen' cher'mah' sa' chaa' jaa' hi' jii' juu' la'?

He'ja' ga'tëeyh' Felipe, ga'llaay' koo' kiyh' neh' carret ja'.

³² Ma' hë' dsa' he' jee' na'sii' lä'la':

Na'jaa' dsih' lä'koh' dsa'jaa' dsa' jaa' borrego jee' jngëeyh',
lä'koo' jaa' borrego hi' sa' hoo'h' ma' jaa' dsih' jee' tuy' jnu',
ja'ba' lä'ja' sa' ga'näy' hooy' ni' miih'.

³³ Lä' të' dsë' dsa' ga'jmeeh' dsih', sa' ga'nøø' ta' kiyh' lä'koo' lle' kih'.

Ga'jngëeh' dsih', sa' ga'lä'chaa' joo' siiyh'.

¿Ha' ta' jä' joo' siiyh' mah' hlëeh' dsa' kiyh'?

³⁴ He'ja' ga'ngii' dsa' he' juu' kih' Felipe:

—Ta' jmeeh' hña' hoh', chiih' jnä', ¿hii' kih' hlëeh' hi' ga'ngëe' juu' kih' Dio la', che' kiyh' hñiiy' o che' kih' hi' jñah'?

³⁵ He'ja' ga'løø' Felipe mi'jnää' he' hnøø' jäh' juu' ja', ga'hlëeyh' ju'hmëe' kih' Jesús. ³⁶ Jee' ga'näy' cha'jwë' ja', ga'tëey' jee' hla' jmi', he'ja' ga'jah' dsa' he':

—Hee' jmi' hla' la', ¿che' sa' le' saan' jmi' jee' la'?

³⁷ Mah' ga'jah' Felipe:

—Cher'mah' jmeeh' dsoo' lä'kaa' tuh'hoh', le' ba'.

Hi' ga'jah' dsa' he':

—Jmeeh' ba' jnä' dsoo', Jesucristo laa' Joo' Dio.

³⁸ Hi' ga'jmeeh' dsa' he' mada' dsa'siih' carret ja'. Ga'jñaa'y' neh' carret mah' ga'näy' lä'uuy' cha'jmi'. Jee' ja' ga'chaa' Felipe jmi' dsa' he'. ³⁹ Lä' ma' ga'hwëey' cha'jmi' ja', ni' sa' liih' gyih' ga'jøø' Jmi'lle' kih' Dio kih' Felipe ta' jee' jyoh'. Mo'so' ga'lä'jnää' gyih' cha'në' dsa' he'. Ngaah' bih' kiyh' lä'kaa' tuh'dsëy'. ⁴⁰ Ja'ga' ga'lä'jnää' Felipe jee' jwii' Azoto. Hi' ngoo' bih' kway' ju'hmëe' kih' Jesús lä'koo' lä'koo' jwii' lä'jiih' ga'tëey' jwii' Cesarea.

Ga'heeh' Saulo juu' kih' Jesús

(Hch. 22:6-16; 26:12-18)

9 ¹ Lä'jiih' ma' ga'juu' Esteban, sa' ga'tu' Saulo ma' jmeeyh' dsa', jäyh' ma' jngëeyh' lä'jëe' hi' ma'heeh' kih' Jesús. He'ja' ñee' Saulo kih' jmi'dsa' jøøh', ² na'ngiiy' je' kih' dsa'ta' mah' cha'jwë' dsooy'

gwah⁺ kih¹ dsa⁻ judiu he⁻ chih¹ jwii⁻ Damasco. Ma⁺ dsa⁻hnääh⁺ dsa⁻më⁺ dsa⁻nüuh⁻ hi⁻ ma⁻tääh⁺ jwë⁺ hmëë⁺ kih¹ Jesús, mah¹ ma⁺ tëëy⁺ dsa⁻tääh⁺ neh⁻ñe¹ jwii⁻ Jerusalén. ³ Miih⁻ ga⁺ hnøø¹ llooy⁻ Damasco ja⁻, ni⁺ sa⁻ ga⁻lä⁺liih⁻ gyih¹ ma⁺ ga⁻jyoo¹ koo⁻ je⁻ tø⁻jlëë⁻ ñih¹ në⁺ kiyh¹ jee⁺ ngooy¹ ja⁻. ⁴ Hi⁺ ga⁻tayh⁺ hwa¹. Jee⁺ ja⁻ ga⁻nuuy⁺ ga⁻hlëeh⁺ jaa⁻ dsa⁻ hi⁻ ga⁻jäh⁺:

—Saulo, Saulo, ¿he⁻la¹ hñaa⁻ hoh⁺ kyaah⁺ jnä⁺?

⁵ He⁻ja⁻ ga⁻ngii⁺ Saulo juu¹ kih¹ hi⁻ ga⁻hlëeh⁺ he⁺:

—¿Hii⁻ hne⁻ dsa⁻nüuh⁻? —ga⁻siyh⁺.

He⁻ja⁻ ga⁻jäh⁺ hi⁻ he⁺:

—Jnä⁺ he⁺ Jesús hi⁻ ga⁻llooh⁺ hñaa⁻ hoh⁺ kyaah⁺. He⁻ jmeeh⁺ hñaa⁺ ba⁺ hne⁻ na⁻, he⁻ hah⁻ kin⁺ jwë¹ he⁻ taahn⁺ hne⁻.

⁶ Peer⁺ goyh⁺ hi⁺ jläy⁺, ga⁻jäyh⁺:

—Dsa⁻jøøh¹ kyaan⁺, ¿hee⁻ na⁻ hnooh⁻ jmeen⁺?

He⁻ja⁻ ga⁻jäh⁺ Jesús siyh⁺:

—Noo⁻, go⁻he⁺ ta⁺ jee⁺ jwii⁻ na⁻. Jee⁺ na⁻ jmee¹ dsa⁻ juu¹ hee⁻ na⁻ ga⁻tëeh⁺ jmeeh¹.

⁷ Dsa⁻ hi⁻ ga⁻nää¹ kyaah⁺ Saulo he⁺ ga⁻taayh⁺ jëë⁻ dsayh⁺. Ga⁻nuu⁺ bih¹ ga⁻hlëeh⁺ pero sa⁻ ga⁻jëëy¹ ni⁺ jaa⁻. ⁸ Ma⁺ ga⁻noo⁻ Saulo jee⁺ ma⁺ kyaay¹ ja⁻, hnøøy¹ ma⁺ jëëy¹, pero mo⁻so⁺ ga⁻lä⁺jnä⁺ mi⁺nëy⁺. He⁻ja⁻ dsa⁻ ba⁺ na⁻hää⁻ goo⁻ Saulo na⁻jäy⁻ ta⁺ Damasco. ⁹ Jee⁺ ja⁻ ga⁻jäy⁺ tuu⁺ lä⁻jiih¹ ga⁻të⁺ hnë⁻ jmi⁺, sa⁻ cha⁻ he⁻ ga⁻kuh⁻ ga⁻hiyh¹ ni⁺ miih⁻.

¹⁰ Damasco ja⁻ ma⁺ gya¹ jaa⁻ discípulo kyaa¹ Jesús, hi⁻ chee⁻ Ananía. Dio ga⁻mi⁺jnää⁻ kih¹ Ananía mah¹ ga⁻siyh⁺:

—Ananía.

He⁻ja⁻ ga⁻ngiiy⁺ kiyh¹:

—Hii⁻ jnä⁺ la⁻ Dsa⁻jøøh¹ kyaan⁺.

¹¹ He⁻ja⁻ ga⁻jäh⁺ Dio siyh⁺:

—Go⁻hëë¹, gwa⁻ ta⁺ jwë⁺ he⁻ chee⁻ Ko⁻dsoo⁺. Gwa⁻ cha⁺neh⁺ kih¹ Juda. Ja⁻ jwiih⁺: “Ma⁻jan⁻ hlëehn⁺ kyaah⁺ Saulo, dsa⁻nüuh⁻ hi⁻ chaa⁻ Tarso.” Hi⁻ he⁺ gya¹ ngii⁺ kih¹ jee⁺ ja⁻. ¹² Ma⁻mi⁺jnään¹ hne⁻ kih¹ Saulo he⁻ goh¹ go⁻kyeh⁻ gooh⁻ në⁺ kiyh¹ mah¹ lä⁺jnä⁺ mi⁺nëy⁺ —ga⁻jäh⁺ Dio.

¹³ He⁻ja⁻ ga⁻jäh⁺ Ananía:

—Dsa⁻jøøh¹ kyaan⁺, joh⁺ jiih⁻ sa⁺ ma⁻nuun¹ cha⁻ juu¹ hñaa⁻ dsë¹ dsa⁻nüuh⁻ he⁺. Joh⁺ he⁻ hliih¹ sa⁺ ma⁻jmeey⁺ jwii⁻ Jerusalén, ma⁻jmeeyh⁺ dsa⁻ hi⁻ na⁻jngëë¹ kyaah¹. ¹⁴ Hi⁺ na¹ na⁺ ma⁻jay⁻ jee⁺ la⁻ kyaah⁺ hih⁺ kih¹ jmi⁻dsa⁻ kaah⁺, tëëy⁺ lä⁺jëë⁺ hi⁻ hnaah⁻ hne⁻.

¹⁵ He⁻ja⁻ ga⁻jäh⁺ Dio siih⁺ Ananía:

—Gwa⁻, jëeh⁺ hi⁻ he⁺ na⁻lleeh⁺ kyaan⁺ mah¹ dsa⁻kay⁺ juu¹ kin⁺ kih¹ dsa⁻ hi⁻ sa⁺ laa¹ judiu hi⁺ kih¹ dsa⁻ta⁺ kaah⁺ hi⁺ kih¹ lä⁺jëë⁺ judiu ka⁻läh⁺.

¹⁶ Jnä⁺ mi⁺jnään¹ kiyh¹, jmee⁺ bi¹ dsa⁻ngëëy⁺ cha⁻miih⁻ wi⁺ kwaat⁻ kin⁺ —ga⁻jäh⁺ Dio siih⁺ Ananía.

¹⁷ Ja⁻ga⁻ngoo¹ Ananía jee⁺ gya¹ Saulo. Ma⁺ ga⁻llooy¹ ga⁻hey¹ cha⁺neh⁺, ga⁻kyey⁻ gooy⁻ në⁺ kiyh¹. Mah¹ ga⁻jäyh⁺ lä⁻la⁻:

—Saulo øøhn¹, Jesús hi⁻ ga⁻lä⁻jnää¹ kyah¹ cha¹jwë¹ jee¹ ya⁻ñeh¹, hi⁻ he⁻ na⁻ ma⁻chee¹ jnä¹ ta⁻ la⁻ mah¹ lä⁻jnä¹ mi⁻nëh¹ hi⁻ mah¹ hñah⁻ cha⁻miih⁻ be¹ kih¹ Jmi⁻lle¹ Na⁻jngii¹.

¹⁸ Lä⁻chah¹ ja⁻ ga⁻sa¹ ga⁻hla¹ he⁻ ma⁻ na⁻jlë⁻ mi⁻në¹ Saulo, he⁻ la⁻ lä⁻koö⁻ sa⁻uuh⁻ hmooh⁻. Hi⁻ lä⁻chah¹ ja⁻ ga⁻lä⁻jnä¹ mi⁻nëy¹. Hi⁻ ga⁻nooy⁻ ngooy¹ mah¹ ga⁻saay⁻ jmi⁻. ¹⁹ Ja⁻ga⁻ ga⁻kuh⁻ ga⁻hiyh¹ mah¹ ga⁻tëeyh¹ be¹ ka⁻läh¹. Ga⁻jä¹ Saulo miih⁻ jmi⁻ kyaah¹ øøh¹ jne¹ hi⁻ ma⁻heeh⁻ kih¹ Jesús hi⁻ ma⁻ tääh¹ Damasco ja⁻.

Ga⁻kwa¹ Saulo juu¹ kih¹ Jesús jwii⁻ Damasco

²⁰ Neh⁻ gwah⁻ kih¹ dsa⁻ judiu he⁻ chih¹ jwii⁻ Damasco ja⁻, ga⁻løøy¹ kway⁻ juu¹ kih¹ Cristo, ga⁻jäyh¹, he¹ ba⁻ hi⁻ he¹ laa¹ Joö¹ Dio. ²¹ Lä⁻jëë⁻ dsa⁻ hi⁻ ga⁻nuu¹ ga⁻taayh⁻ jëë⁻ dsayh⁻, ma⁻ jäyh¹:

—¿Ja¹ hi⁻ na⁻ na⁻ ma⁻ ngë⁻ jmee⁻ hñaa⁻ dsë¹ kih¹ dsa⁻ kyaa¹ Jesús jwii⁻ Jerusalén ma⁻ja⁻? ¿Ja¹ hi⁻ na⁻ na⁻ ja¹ hi⁻ hnøø¹ ma⁻ saah¹ dsa⁻ kyaa¹ Jesús mah¹ ma⁻ dsa⁻jäy⁻ cha⁻në¹ jmi⁻dsa⁻ kaah¹?

²² Pero Saulo ma⁻ hlëeyh⁻ kyaah¹ cha⁻ga⁻miih⁻ be¹ koö⁻ hä¹ koö⁻ hä¹. Ga⁻mi⁻jnäy⁻ na⁻hñaa¹ lä⁻jëë⁻ ja⁻ba⁻ dsöö¹ Jesús he¹ laa¹ Cristo, lä⁻jiih¹ ga⁻kah¹ ga⁻gwëh¹ huü⁻dsë⁻ kih¹ judiu hi⁻ ma⁻ tääh¹ Damasco ja⁻.

Ga⁻kyuu¹ Saulo kih¹ dsa⁻ judiu

²³ Ma⁻hya⁻ cha⁻miih⁻ jmi⁻ gya¹ Saulo jwii⁻ Damasco ja⁻, mah¹ ga⁻taah⁻ judiu juu¹ kwee⁻ he⁻ ma⁻ jngiiyh¹ kih¹ Saulo. ²⁴ Pero chah¹ ba⁻ ga⁻lä⁻ñe⁻ Saulo hee⁻ na⁻ ma⁻ hnøø¹ dsa⁻ ma⁻ jmee⁻ kiyh¹. Lä⁻jmi⁻ lä⁻hwë¹ ga⁻taah⁻ dsa⁻ täy⁻ ho⁻haah¹ kih¹ chuuh¹ jwii⁻ ja⁻, hnøøy¹ ma⁻ jngiiyh¹ kih¹ Saulo. ²⁵ Pero øøh¹ jne¹ ga⁻taayh⁻ neh⁻ hma⁻ta⁻ mah¹ ga⁻jñaay¹ ta⁻la⁻ hwë¹, ta⁻ dsöh¹ na⁻hyah⁻ he⁻ na⁻jnë⁻ chuuh¹ jwii⁻. Lä⁻ja⁻ ba⁻ ga⁻laa¹ Saulo.

Ñee¹ Saulo jee¹ jwii⁻ Jerusalén ga⁻mi⁻jëey⁻ apóstole

²⁶ Ma⁻ ga⁻lloo¹ Saulo jwii⁻ Jerusalén, hnøøy¹ ma⁻ jmeey¹ ko⁻jøh¹ kyaah¹ øøh¹ jne¹ jee¹ ja⁻. Pero lä⁻jëë⁻ dsa⁻ he¹ ma⁻ na⁻hñaa¹ dsih¹, sa⁻ ga⁻jmeey⁻ dsöö¹ he⁻ ma⁻heeyh⁻ kih¹ Jesús. ²⁷ He⁻ja⁻ ga⁻jøø¹ Bernabé kih¹ Saulo na⁻jäy⁻ cha⁻në¹ apóstole. Jee¹ ja⁻ ga⁻jmeeh¹ Bernabé juu¹ he⁻ ga⁻jëë¹ Saulo Jesús cha¹jwë¹ hi⁻ ga⁻hlëeh¹ kyaayh¹ hi⁻ ga⁻jmeeyh¹ juu¹ he⁻ sa⁻ goh⁻ Saulo ga⁻kway¹ juu¹ kih¹ Jesús lä⁻kaa⁻ tuh⁻dsëy¹ jee¹ jwii⁻ Damasco. ²⁸ He⁻ja⁻ ga⁻jä¹ Saulo mah¹ ga⁻løøy¹ jmeey¹ ko⁻jøh¹ kyaah¹ øøh¹ jne¹ hi⁻ chaa⁻ Jerusalén. ²⁹ Ni⁻ miih⁻ sa⁻ goyh⁻ ma⁻ hlëeyh⁻ kih¹ Jesús, ma⁻ ti⁻chooy⁻ juu¹ kyaah¹ judiu hi⁻ ma⁻ hlëeh⁻ griego. Pero dsa⁻ he¹ hnøøy¹ ma⁻ jngëeyh¹ Saulo. ³⁰ Ma⁻ ga⁻lä⁻ñe⁻ øøh¹ jne¹, hii¹ goo⁻ ma⁻ jngëeh¹ dsih¹, he⁻ja⁻ ga⁻jäy¹ Saulo ga⁻näy¹ kyaah¹ ta⁻ Cesarea, ja⁻ jiih¹ ga⁻cheey¹ ta⁻ jwii⁻ Tarso.

³¹ Ja⁻ jiih¹ mo⁻so⁻ ga⁻hii¹ goo⁻ kih¹ lä⁻jëë⁻ øøh¹ jne¹ he¹. Ma⁻ hii¹ ti⁻ kiyh¹ lä⁻kaa⁻ Judea, lä⁻kaa⁻ Galilea hi⁻ lä⁻kaa⁻ Samária ka⁻läh¹. Kih¹ he⁻

gayh⁺ Dsa-jøøh⁺ jnän⁻ he-ja⁻ cha-ga'mi^h-ma' hnaayh⁻ Dio hi⁺
ga-lä-jwëë⁺ ga' øøh⁺ jne' kyaah⁺ be' kih⁺ Jmi-llë⁺ Na-jngii⁺.

Ga-jä⁺ kih⁺ Enea

³² Ga-lloo⁺ koo⁻ jmi⁺ ngoo⁺ Pee' na-jëëy⁻ øøh⁺ jne' lä-koo⁻ lä-koo⁻ jwi⁺
lä-ji^h ga-llooy⁺ na-jëëy⁻ hi⁻ ma' tääh⁺ Lida. ³³ Jee' ja⁻ ga-jëëy⁺ jaa⁻
dsa-nñuuh⁻ hi⁻ chee⁻ Enea. Ma-hya⁻ jña⁺ ji-ñe⁻ kyaay⁺ në' jii⁺ dsaayh⁺, sa⁺
liih⁺ goo⁻ tiy⁺. ³⁴ He-ja⁻ ga-jäh⁺ Pee' siiyh⁺:

—Enea, Jesucristo ma-mi-hlää⁺ hne⁻, noo⁻ chooh⁻ jii⁺ kyah⁺.

Hi⁺ lä-cha⁺ ja⁻ ga-noo⁻ Enea. ³⁵ Hi⁺ lä-jëë⁺ dsa-cha⁻ jee' jwi⁺ Lida
hi⁺ jee' jwi⁺ Sarón ga-jëëy⁺ dsa⁻ hi⁻ ga-hlaa⁺ he⁺, he-ja⁻ ga-ngëë⁺ dsa⁻ he⁺
hñii⁺ kih⁺ Dsa-jøøh⁺ jnän⁻.

Ga-lä-ji^h Dorca

³⁶ Jmi⁺ ja⁻ ma' cha⁻ jaa⁻ dsa-më⁺ hi⁻ ma' laa⁺ øøh⁺ jne' jee' jwi⁺ Jope.
Dsa-më⁺ he⁺ ma' chee⁻ Tabita, kyaah⁺ griego hnøø⁺ jäh⁺ Dorca. Ta-ko⁻ ji^h
ga-gya⁻ dsa-më⁺ he⁺ jmi-gyuu⁺, ga-jmeey⁺ he⁻ llu⁺ jmah⁺ ba' hi⁺ ga-jmeey⁺
be' kih⁺ hi⁻ tä-ñee⁺. ³⁷ Ga-lloo⁺ koo⁻ jmi⁺ ga-lä-dsaah⁻ Dorca hi⁺ ga-juuy⁺.
He-ja⁻ ga-gyeeh⁻ dsih⁺ mah⁺ na-kyaay⁻ jee' ga-të⁺ to⁺ jwëë⁺ hne⁺. ³⁸ Jäh⁺
ba' kih⁺ jwi⁺ Lida ja⁻, ma' jä⁺ jwi⁺ Jope. He-ja⁻ ma' ga-nuu⁺ øøh⁺ jne' hi⁻
ma' tääh⁺ Jope gya⁺ Pee' jwi⁺ Lida, ga-cheey⁺ uu⁺ dsa-nñuuh⁻ na-jmee⁺ juu⁺
kiyh⁺ mah⁺ wa' jäy⁻ na-koh⁺ ta⁺ Jope.

³⁹ Ma' ga-nuu⁺ Pee' juu⁺ ja⁻, ngooy⁺ kyaah⁺ dsa⁻ he⁺. Hi⁺ ma' ga-llooy⁺
cha-neh⁺ ja⁻, ga-jää⁺ dsih⁺ jee' kya⁺ hli⁺ Dorca. Jwëë⁺ dsa-më⁺ hñii⁺ ma'
tääh⁺ hoo^h kiyh⁺ jee' ja⁻. Hi⁺ ma' ga-lloo⁺ Pee' ga-kuyh⁺ lä-ku⁺ lä-ji⁺ kiyh⁺
hooyh⁻, heeyh⁻ Pee' lä-jë⁺ hmi^h he⁻ ga-hme⁺ Dorca lä⁺ ma' jii^h.

⁴⁰ Ja⁻ ga' ga-hwëë⁺ Pee' lä-jëë⁺ dsa-më⁺ he⁺, hi⁺ ga-juuyh⁺ jney⁺ ga-løøy⁺
ngiiy⁺ kih⁺ Dio. Ja⁻ ga' ga-ji^h nëy⁺ ta⁺ jee' ma' kye⁻ jmi-ngo⁺ kih⁺ Dorca
mah⁺ ga-siiyh⁺:

—Tabita, noo⁻.

Mah⁺ ga-nä⁺ Tabita mi-ñe⁺. Ma' ga-jëëy⁺ Pee', ga-gyay⁻. ⁴¹ He-ja⁻
ga-sooh⁺ Pee' gooy⁻ mah⁺ ga-chaayh⁻. Hi⁺ ja⁻ ga' ga-tëëy⁺ lä-jëë⁺ øøh⁺
jne' hi⁺ ga-tëëy⁺ dsa-më⁺ hñii⁺ he⁺ ka-läh⁺, mah⁺ ga-siiyh⁺:

—Hii⁺ ma-lä-ji^h la⁻.

⁴² Ga-lä-jëë⁺ dsa-cha⁻ jwi⁺ Jope ga-nuu⁺ juu⁺ ja⁻, he-ja⁻ jwëë⁺ dsa⁻
ga-ngëë⁺ hñii⁺ kih⁺ Dio. ⁴³ Cha-mi^h jmi⁺ ga-jä⁺ Pee' jee' jwi⁺ Jope ja⁻,
cha-neh⁺ kih⁺ dsa⁻ hi⁻ chee⁻ Simón hi⁻ ma' mi-llu⁺ loo⁺ jah⁺.

Ga-jmee⁺ Cornelio mada⁺ he-ja⁺ Pee'

10 ¹ Jwi⁺ Cesarea ma' gya⁺ jaa⁻ dsa-nñuuh⁻ hi⁻ ma' chee⁻ Cornelio.
Ma' laay⁺ dsa-jøøh⁺ kya⁺ hñä⁻ laa⁺ hløø⁺ hi⁻ chee⁻ Italiana.
² Dsa-nñuuh⁻ he⁺ ma' hnaayh⁻ Dio kyaah⁺ lä-jëë⁺ hi⁻ ma' cha⁻ kyaay⁺. Hi⁺
ma' gayh⁺ Dio, ma' ngiiy⁺ kiyh⁺ kih⁺ Dio lä-jë⁺ jmi⁺, hi⁺ ma' jmeey⁺

cha-miìh be' kih' hì- tā-ñee'. ³ Jee' gyay' ngiiy' kiyh' kih' Dio, ko-hì hnē ta' ga'hloo', ga'hēē' mi'nēy' ga'jēēy' na-hñaa' na'dsa' jaa' ángel kyaa' Dio hì- ga'he' ta' jee' gyay', hì- ga'jäh':

—Cornelio.

⁴ Mah' ga'jēēy' koo- hweh-, Peer' goyh' ga'ngiiy' juu' kih' ángel, ga'jäyh':

—¿Hee- na- jwah' hne- Dsa-jøøh' kyaan'?

Hi- ga'jäh' ángel siiyh':

—Ma-tih' ba' dsē' Dio lä-jē' he- ngiih' hi- lä-jē' he- kwēeh' hì- tā-ñee'. ⁵ Chee' dsa- ta' Jope. Wa' lla-chiiyh' Simón, ja-ba' hì- tēyih' Pee', mah' wa' jäy-. ⁶ Hì- he' gya' cha'neh' kih' jñah' hì- chee- Simón hì- mi'llu' loo' jah' cha'hoo' jmi-ñeeh'. Hì- he', jäh' hee- na- jmeeh'.

⁷ Ma' ngaah' ángel hì- ga'hlēeh' kyaayh', ga'tēeh' Cornelio uu' dsa- hì- ma' jmee' ta' kiyh' kyaah' jaa- hløø' hì- jwah' kyaayh' hì- ma' mi-te' kih' Dio. ⁸ Ma-la' ma-jmeeh' Cornelio lä-jē' juu' kih' dsa- he', ja-ga' ga'cheey' ta' Jope.

⁹ Ma' ga'jnä' jyoh' jmiì', ma' ngoo' ga'tē' lla'hyoo' hi- ngoo' ya-jäh' dsa- he' ta' Jope. Hor' ja- ga'wii' Pee' gyuuh' jee' ga'tē' to' jwēē' hne', jee' na'ngiiy' kiyh' kih' Dio. ¹⁰ Ja' kyoyh' jee' ma' gyay', hnøøy' ma' kuyh'. Ta'ko-jiih' jøøy' jmee' dsa- ma', ga'hēē' mi'nēy' koo- he- ga'mi-jnäa- Dio kiyh', jee' gyay' chuuy' kyaah'. ¹¹ Ga'jēēy' gyuuh' jmi-gyuu' na-hñaa' lä-jēē' koo- he- la' lä'koh' ta-jmaah', na-hñuu' lä-jē' kye' kiih' he- ga'jyoo' lä- ga'tē' hwa'. ¹² Neh' ja- ma' tääh' lä-jēē' nēē' jah', ma' tääh' jah' hì- choo' goo- tiì', ma' tääh' jah' hì- sēeh' hñii' hwa', hi' ma' tääh' ta'jah' hì- hēē' gyuuh'. ¹³ Jee' ja- ja' koo- juu', he- jäh'.

—Noo- Pee', jngēeh' jah' na- mah' kuh' —ga'jäyh'.

¹⁴ He-ja- ga'jäh' Pee':

—Jah'ha' Dsa-jøøh' kyaan'. Jēeh', ni' jaa- hì- laa' wa' hì- cha- hì- hi- ni' jaa- hì- sah' sa' ma-kuhn' jih'koh'.

¹⁵ Koo- ka-läh' ja' juu' jee' ga'tē' to' jiih':

—Kih' hì- ga'jmää' Dio na-jngēē', ta' jwah' laay' wa' hì- cha- hì-.

¹⁶ Hnē- jiih' ga-la' lä-ja-, ja-ga' ga'sooh' ta-jmaah' ja-, ngooh' ka-läh' ta' gyuuh'.

¹⁷ Ta'ko-jiih' ma' gya' Pee' jmee' cha-miìh- huudsē- he- hnøø' jäh' he- ga'jēēy' ja-, ga'lla-nää' dsa- hì- ga'chee' Cornelio he', ngiiy' juu' ha- chih' hne' kih' Simón hì- mi'llu' loo' jah', lä-jiih' ga'lla-näay' jee' ja-.

¹⁸ Ma' ga'lla-nää' dsa- he', ga'ngiiy' juu':

—¿Che' jee' la- gya' Simón, hì- tēyih' Pee'? —ga'jäyh'.

¹⁹ Gya' ga' Pee' gyuuh' jmeey' huudsē- ha- lä- la' he- ga'jēēy' ja-, mah' ga'jäh' Jmi-llē' kih' Dio siiyh':

—Jēē- da' Pee', uu- dsa- ma-ya-nää' hnaah- hne-. ²⁰ Jñaa' mah' go-jēē-. Ta' jmee- to' hoh', gwa- kyaayh'. Jnä' ba' ma-cheen' dsa- na-.

²¹ He_ja_ ga_jnaa^1 Pee' ta^ jee' ma' taäh' dsa_ hi_ ga^chee^1 Cornelio he' mah' ga^siyh^:

—Hii^ jna^ la_ hi_ hnaah^ hnäh^'. ¿He_la^ ma_ya_nääh^ hnäh^'? —ga_jäh^ Pee'.

²² He_ja_ ga_jäh^ dsa_ he':

—Ma_ya_nøø^1 jnääh^ mada^ kih^ Cornelio dsa_jøøh^1 kyaa^1 jnääh^1. Laay^1 jaa_ juu^ hløø^ hi_ lluu^ hi_ gah^ Dio, hi^ lä^jöö^ judiu jawah^ kyaayh^'. Cornelio he' tääyh^ hne_ gooh^ cha'neh^ kiyh^ mah^ nuuy^1 juu^ he_ kwah^, lä^koo_ mada^ nuuyh^ kih^ ángel hi_ na_jngöö^1.

²³ Ja_ga^ ga^taah_ Pee' dsa_ he' cha'neh^'. Jee' ja_ ga^jä^ dsa_ he' hwé^ ja_.

Ga^lloo^1 Pee' kih^1 Cornelio

Ma' ga_jnä^1 jyoh^ jmií^ ga_noo_ Pee', ngooy^1 kyaah^ dsa_ he' hi^ ga_nää^1 ko_llaa^ øøh^ jne^ hi_ chaa_ Jope kyaayh^'. ²⁴ Jyoh^ jmií^ ga' ga^lla_näay^1 jwií^ Cesarea. Ma' gya^1 Cornelio jøø^ kyaah^ lä^jöö^ ga' hi_ chaa_ kyaay^1, hi^ kyaah^ ome^ hi_ jwayh^ kyaah^'. ²⁵ Ma' ga^lloo^1 Pee' ho'hne^ kiyh^, ya^hëe^1 Cornelio mah^ ga^heeyh_. Lä^chah^ ja_ ga^juuh^1 Cornelio jné^ cha'né^ Pee', ga^jmäay^1 jøøh^1. ²⁶ Pero Pee' ga^chaah_ Cornelio ga^siyh^:

—Noo_, ta^ jmee_ lä^na_. Dsa_ ba' hne_, dsa_ ba' jnä^ ka_läh^'.

²⁷ Lä^ ma_llay^ ja_ba^ juu^ ga^taayh_ cha'neh^ lä^jiih^1 ga^tääy^ jee' taäh^1 jwëe^ dsa_ hi_ ga^kuh^1 jee' ja_. ²⁸ Mah^1 ga^jäh^ Pee' siyh^:

—Ma_nëh^ ba' hnäh^ kwee_, na'høø^ jwërte la^1 kyaa^1 jnääh^ dsa_ judiu he_ dsa'tooh^ jnääh^1 ko_jøh^ kyaah^ hi_ sa^ laa^1 judiu hi^ ni^ he_ dsa'tooh^ jnääh^ cha'neh^ kiyh^ sa^ le^'. Pero Dio ma_mi_jnäa_ kin^ he_ sa^ sah^ ni^ jaa_ dsa_ ni^ sa^ laay^1 wa' hi_ cha_ hi_. He_ja_ mo^so^ jmee_ ga_jnä^ kwaat^ he_ sah^ dsa_ hi_ sa^ laa^1 judiu. ²⁹ He_ja_ sa^ ga^choon^1 juu^ ni^ miih_, lä^ ma' ga^lloo^1 juu^ kin^, chah^ ba' ma_jan_. He_ja_ ngiin^1 juu^ kyah^1. ¿He_la^ ma_teeh^1 jnä^'?

³⁰ He_ja_ ga^jäh^ Cornelio:

—Na^1 ma_hya_ kye^ jmií^ sa^ ma' kuh^ ma' huhn^, ja_ba^ hor_ la_ ko_hi^ hnë_ ta^ ga^hloo^ gyan^ ngiin^ kin^ kih^ Dio cha'neh^ la_. Koo_ ma' ga^jööen^ jaa_ dsa_nuuh_ kye^ hmiih_ jih^gyeh^1 cha'nën^'. ³¹ Hi_ he' na_ ga^jäh^: “Cornelio, ma_nuu^ ba' Dio lä^jöö^ he_ ma_hlëeh^ kyaayh^, hi^ kye_ bih^1 kwaat^ kih^ lä^jöö^ he_ ma_kwëeh_ hi_ tä_nëe^'. ³² Chee^ dsa_ ta^ Jope mah^ wa' ja_ Simón hi_ tääyh_ Pee'. Hi_ he' gya^1 cha'neh^ kih^ he' ba' Simón hi_ mi_llu^1 loo_ jah^, cha_hoo^ jmi_nëeh^'. Wa_ra_ ja^ hi_ he', hlëeh^1 hne_”, ga^siyh^ jnä^'. ³³ He_ja_ chah^ ba' ga^cheen^ dsa_ na_kyaa^ hne_. Hi^ llu^1 ba' ma_jmeeh^ ma_nëh^1. Na^1 na^ lä^jöö^ jnääh^1 tøøh^ jnääh^1 jee' la_ cha'né^ Dio, mah^ nuu^ jnääh^1 juu^ he_ ma_hñah_ kih^ Dio.

Ga'kwa' Pee' juu' cha'neh' kih' Cornelio

³⁴ He'ja' ga'løø' Pee' hlëeh' lä'la':

—Na' ga' ma'längëen' kwee', ma'ra' ju'dsoo' koo' ba' laa' dsa' cha'në' Dio. ³⁵ Tih' ba' dsë' Dio kih' ga'lä'jëë' hi' gayh' hi' kih' hi' jmee' he' llu'. ³⁶ He' la' na' juu' he' ga'chee' Dio kih' dsa' Israel. Ju'hmëë' la' he' jmee' hii' ti' kih' dsa' ta'la' kih' Jesucristo hi' laa' Dsa'jøøh' kyaa' lä'jëë' dsa'. ³⁷ Nëh' ba' hnäh' kwee' ha' lä' ga'la' lä'kaa' hwa' Judea, he' ga'løø' ta' Galilea, ma'ngëë' he' ga'hlëeh' Jwaa' kih' he' saa' dsa' jmi'. ³⁸ Ma'nüuh' ba' hnäh' ha' lä' ga'jmeë' Dio kyaah' Jesús dsa' chaa' Nazaret. Ga'kwëëyh' Jmi'lle' Na'jngii', hi' ga'kwëëyh' cha'miih' be'. Hi' lä'kaa' jee' ga'ngëëy' ga'jmeey' he' llu' jmah' hi' ga'läy' lä'jëë' hi' ma' jëë' wii' kaah' hi'sa'llu', jëëh' Dio cheh' kyaayh'.

³⁹ Jmee' jnääh' ju'dsoo' kih' lä'jë' he' ga'jmeë' Jesús hwa' Judea hi' jee' jwi' Jerusalén. Hi' he' ga'jngiih' dsa' kih', na'taay' dsoh' hma'cru'. ⁴⁰ Pero Dio ga'mi'jiiyh' ma' ga'hya' hnë' jmi' hi' ga'mi'jnäy' mah' jëë' dsih' he' ma'lä'jiiyh'. ⁴¹ Pero sa' ga'mi'jnäy' kih' lä'jëë' dsa'. Ma'la' kyaa' jnääh' hi' ga'lleeh' Dio jää' ba' ga'mi'jnäy' mah' jmee' jnääh' ju'dsoo' kiyh', jnääh' hi' ga'kuh' ga'hiih' kyaayh' ma'ngëë' ma'lä'jiiyh' jee' kih' hi' na'juu'. ⁴² Ja'ga' ga'cheey' jnääh' kwa' jnääh' juu' kih' lä'jëë' dsa'. Mah' jmee' jnääh' dsoo', Jesús he' hi' na'hña' kih' Dio, laay' jwëë' kih' lä'jëë' dsa' hi' jiih' hi' lä'ja' kih' hi' na'juu'. ⁴³ Ga'lä'jëë' hi' ga'ngëë' juu' kih' Dio llo'joo' ga'jmeë' dsoo' kih' Jesús, ga'jäyh', ta'la' kih' bih' dsa'che' dso'kye' kih' lä'jëë' hi' heeh' juu' kiyh'.

Ga'hyoh' dsa' hi' sa' laa' judiu Jmi'lle' kih' Dio

⁴⁴ Hlëeh' ga' Pee' lä'ja' ma' ga'jyoo' Jmi'lle' Na'jngii' në' kih' lä'jëë' dsa' hi' ma'tääh' nuu' jee' ja'. ⁴⁵ Lä'jëë' øøh' jne' hi' laa' judiu hi' ga'lla'nää' kyaah' Pee' ga'taayh' jëë' dsayh' ma' ga'jëëy' ga'hyoh' dsa' hi' sa' laa' judiu Jmi'lle' Na'jngii'. ⁴⁶ Ga'nuuy' hlëeh' dsa' he' jyoh' juu' hi' ma' jmeey' juuh' kih' Dio. ⁴⁷ He'ja' ga'jäh' Pee':

—¿Hii' le' ha' kih' dsa' la' he' saay' jmi', na' he' ma'hyoyh' Jmi'lle' Na'jngii' ja'ba' lä'koo' ma'hñah' jne'?

⁴⁸ He'ja' ga'jmeë' Pee' mada' ga'saay' jmi' lä'hih' kih' Jesús Dsa'jøøh' jnän'. Ja'ga' ga'chuu' dsa' he' kyaah' Pee' mah' jäy' miih' jmi' kyaayh'.

Ga'jmeeh' Pee' juu' kih' øøh' jne' hi' ma' tääh' Jerusalén

11 ¹ Ga'nuu' apóstole, hi' ga'nuu' øøh' jne' hi' ma' tääh' Judea he' ga'heeh' lä'kye' hi' sa' laa' judiu juu' kih' Dio. ² Ma' jah' Pee' ta' Jerusalén, kō'llaa' øøh' jne' ga'løø' ti'choo' juu' kyaayh', kih' he' ma' laay' he' jmee' bii' üuh' jmi'ngo' kih' dsa'nüuh'. ³ Ga'jäyh':

—¿He⁻la¹ ñeeh¹ na¹jëeh¹ dsa⁻ hi⁻ sa⁺ ga⁻wih¹ jmi⁻ngo¹ kih¹ hi⁻ na¹kuh¹ kyaayh¹ ko⁻jøh¹?

⁴ He⁻ja⁻ ga⁻jmeeh¹ Pee¹ juu¹ lä⁻ ma¹ huu¹ ha⁻ lä⁻ ga⁻la¹ kiyh¹ ta⁺ jee¹ ñeey¹, ga⁻jäyh¹:

⁵ —Jnä¹ ma¹ gyan¹ jwii⁻ Jope ngiin¹ kin⁺ kih¹ Dio ma¹ ga⁻hëë¹ mi⁻nën⁺ koo⁻ he⁻ ga⁻mi⁻jnää⁻ Dio kin⁺. Ga⁻jëen¹ koo⁻ he⁻ la¹ lä⁻koh¹ ta⁻jmaah¹ na⁻hñuu¹ lä⁻jë⁺ kye¹ sa⁻kiih¹ ga⁻jyoo¹ gyuu¹ lä⁻ ga⁻të¹ jee¹ ma¹ gyan¹.

⁶ Ga⁻jëen¹ kwee⁻, hi⁺ ga⁻mi⁻kyuun¹ hi⁻ jah¹ ma¹ tääh¹ neh⁺. Ga⁻jëen⁺ jah¹ hi⁻ choo¹ goo⁻ tií¹, ga⁻jëen⁺ jah¹ hää¹ kyaah¹ jah¹ hi⁻ sëeh⁻ hñii¹ hwa¹ hi⁻ ga⁻jëen⁺ ta⁻jah¹ hi⁻ hëë⁺ gyuu¹. ⁷ Jee¹ ja⁻ ga⁻nuun¹ koo⁻ lle¹ he⁻ ga⁻hlëeh¹ gyuu¹, ga⁻jäh¹: “Noo⁻ Pee¹, jngëeh⁺ jah¹ na⁻ mah¹ kuh¹.” ⁸ He⁻ja⁻ ga⁻ngiin¹ kiyh¹: “Jah⁻ha¹ Dsa⁻jøøh¹ kyaan⁺. Jëeh¹, ni⁺ jaa⁻ hi⁻ laa¹ wa¹ hi⁻ cha⁻ hi⁻ hi⁺ ni⁺ jaa⁻ hi⁻ sah¹ sa⁺ ma⁻kuhn⁺ jih¹koh¹.” ⁹ Koo⁻ ka⁻läh¹ ga⁻hlëeh¹ gyuu¹ jee¹ ga⁻të¹ to¹ jiih¹: “Kih¹ hi⁻ ga⁻jmää¹ Dio na⁻jngëë¹, ta⁻ jawah¹ laay¹ wa¹ hi⁻ cha⁻ hi⁻.” ¹⁰ Hnë¹ jiih¹ ga⁻la¹ lä⁻ja⁻, ja⁻ga⁻ ga⁻sooh¹ ka⁻läh¹ ta⁻jmaah¹ ja⁻, ngooh¹ ta⁻ gyuu¹. ¹¹ Lä⁻chah¹ ja⁻ ga⁻lla⁻nää¹ uu⁻ dsa⁻nñuu¹ hi⁻ ya⁻nää¹ Cesarea, hnaayh⁻ jnä¹ jee¹ ma¹ gyan¹. ¹² Hi⁻ Jmi⁻lle¹ kih¹ Dio ga⁻siih⁺ jnä¹ jee¹ ja⁻: “Gwa⁻ ba¹ hne⁻, ta⁺ jmee⁻ to¹ hoh¹”, ga⁻jäyh¹. Hi⁺ jñee¹ øøh¹ jne¹ hi⁻ chaa⁻ jee¹ ja⁻ ga⁻jmee¹ ko⁻jøh¹ kyaah¹ jnä¹ lä⁻ ga⁻të¹ cha⁻neh⁺ kih¹ dsa⁻nñuu¹ hi⁻ ga⁻tëeh¹ jnä¹. ¹³ Dsa⁻nñuu¹ he¹, ga⁻jmeeyh¹ juu¹ he⁻ ga⁻jëëy¹ jaa⁻ ángel hi⁻ ga⁻noo⁻ cha⁻nëy¹ cha⁻neh⁺ kiyh¹. Hi⁺ ga⁻jmeeyh¹ juu¹ ha⁻ lä⁻ ga⁻jäh¹ ángel siiyh⁺: “Chee⁻ dsa⁻ ta⁻ Jope mah¹ wa¹ jä⁻ Simón, hi⁻ tëëyh¹ Pee¹. ¹⁴ Hi⁻ he¹ kwa¹ juu¹ ha⁻ lä⁻ jee¹ lääh¹ kyaah¹ lä⁻jëë⁺ hi⁻ chaa⁻ kyah¹”, ga⁻jäh¹ ángel siiyh⁺. ¹⁵ Lä⁻ ma¹ ga⁻løøn¹ hlëehn¹ dsa⁻ he¹, ga⁻jyoo¹ Jmi⁻lle¹ Na⁻jngii¹ në¹ kih¹ lä⁻jaa⁻ lä⁻jaa⁻, lä⁻koh¹ ga⁻jyoo¹ në¹ jnän¹ lä⁻ ma¹ to⁻në¹. ¹⁶ Ja⁻ga⁻ ga⁻lä⁻dsooh¹ dsën⁺ lä⁻koo⁻ ga⁻jäh¹ Jesús jää¹: “Ma⁻ra⁺ ju⁻dsoo¹, Jwaa⁻ ga⁻chaay¹ dsa⁻ jmi⁻ kyaah¹ jmi⁻ ba¹, pero hnäh¹ saah⁺ hnäh¹ jmi⁻ kyaah¹ Jmi⁻lle¹ Na⁻jngii¹.” ¹⁷ Cher¹mah¹ Dio ga⁻kwëeh¹ dsa⁻ he¹, ja⁻ba¹ he⁻ ga⁻kwëëyh¹ jne¹ lä⁻ ma¹ ga⁻heeh¹ jne¹ Jesús Dsa⁻jøøh¹ jnän¹, ¿hee⁻ laa¹ jnä¹ mah¹ jwiin⁻ Dio: “Ta⁺ kwëeh¹ hi⁻ na⁻?”

¹⁸ Ma¹ ga⁻nuu¹ dsa⁻ he¹ juu¹ kih¹ Pee¹ ga⁻taayh¹ tií¹ ba¹, ga⁻jmeey¹ juuh⁻ kih¹ Dio, ga⁻jäyh¹:

—Na¹ ga⁻ ma⁻na¹ jwë¹ kih¹ hi⁻ sa⁺ laa¹ judiu mah¹ dsa⁻jëeyh¹ kyaah¹ Dio hi⁻ jmee⁺ chaa⁻ dsa⁻.

Ga⁻lä⁻jwëë¹ øøh¹ jne¹ jee¹ jwii⁻ Antioquía

¹⁹ Lä⁻ ma¹ ga⁻jngiih¹ dsa⁻ kih¹ Esteban, ga⁻løø¹ dsa⁻ jmeeh⁺ øøh¹ jne¹. He⁻ja⁻ ga⁻hwëëy⁻ jee¹ jwii⁻ Jerusalén, ga⁻sa⁺ ga⁻jñeey¹ ga⁻näy¹ ta⁺ jee¹ jyoh¹. Ga⁻näy¹ ta⁺ Fenicia, ta⁺ Chipre, ta⁺ Antioquía. Dsa⁻ judiu he¹ ga⁻näy¹ kway⁺ juu¹ kih¹ Dio lä⁻kaa⁻ jee¹ tääh¹ ma⁻la⁺ dsa⁻goo¹ bih¹.

²⁰ Pero jee¹ kih¹ hi⁻ ga⁻hwëë⁻ he¹, ma¹ tääh¹ ko⁻llaa¹ hi⁻ chaa⁻ Chipre hi⁺ ma¹ tääh¹ hi⁻ chaa⁻ Cirene. Ma¹ ga⁻lla⁻nää¹ hi⁻ he¹ jwii⁻ Antioquía

ga⁺kway⁺ ju⁺hmëë⁺ kih⁺ Jesús lä⁺kye⁻ kih⁺ hi⁻ sa⁺ laa⁺ judiu. ²¹ Peer⁻ cha⁻miih⁻ be⁺ ga⁺kwa⁺ Dio kiyh⁺, he⁻ja⁻ jwëë⁺ dsa⁻ ga⁺ngëë⁺ hñii⁺ kih⁺ Jesús jwii⁻ Antioquía.

²² Ga⁺tëeh⁺ øøh⁺ jne⁺ hi⁻ ma⁺ tääh⁺ Jerusalén juu⁺ ja⁻. He⁻ja⁻ ga⁺cheey⁺ Bernabé, ngooy⁺ ta⁺ jwii⁻ Antioquía. ²³ Ma⁺ ga⁺lloo⁺ Bernabé jee⁺ ja⁻, ga⁺jëëy⁺ he⁻ ga⁺mi⁻jää⁺ Dio cha⁻miih⁻ dsa⁻ he⁺, he⁻ja⁻ ga⁺tih⁺ dsëy⁺. Hi⁻ ga⁺kwëëyh⁺ nuuh⁻ mah⁺ dsa⁻taayh⁻ mi⁻teyh⁺ lä⁺kaa⁻ tuh⁻dsëy⁺ kih⁺ Dsa⁻jøøh⁺ jnän⁻. ²⁴ Bernabé he⁺ ma⁺ llu⁺ dsëy⁺ hi⁻ ma⁺ dsoo⁺ dsëy⁺ cha⁻miih⁻ ka⁻läh⁺ hi⁻ ma⁺ kyey⁻ cha⁻miih⁻ be⁺ kih⁺ Jmi⁻lle⁺ Na⁻jngii⁺. Ma⁺ ga⁺jëë⁺ dsa⁻ ha⁻ lä⁺ jmeey⁺, he⁻ja⁻ jwëë⁺ dsa⁻ ga⁺heeh⁻ juu⁺ kih⁺ Dsa⁻jøøh⁺ jnän⁻.

²⁵ Ma⁻ngëë⁺ he⁻ ja⁻, ya⁻hëë⁺ Bernabé ngoo⁺ ta⁺ Tarso na⁺hnäy⁻ Saulo. Ma⁺ ga⁺jnäy⁺ Saulo, ga⁺jääy⁺ ta⁺ Antioquía. ²⁶ Jee⁺ ja⁻ ga⁺taayh⁻ koo⁻ ñe⁻ jmi⁺ kyaah⁺ øøh⁺ jne⁺ he⁺ mah⁺ ga⁺mi⁻tëëy⁻ jwëë⁺ dsa⁻. Jee⁺ jwii⁻ Antioquía ja⁻, jee⁺ ja⁻ to⁻ne⁺ ga⁺mi⁻cheey⁻ øøh⁺ jne⁺ cristiano, he⁻ hnøø⁺ jäh⁺ Cristo mäh⁺.

²⁷ Jmi⁺ ja⁻ ga⁺hwëë⁻ ko⁻llaa⁺ hi⁻ ga⁺ngëë⁺ juu⁺ kih⁺ Dio hi⁻ ma⁺ tääh⁺ Jerusalén, na⁺näy⁺ ta⁺ jee⁺ jwii⁻ Antioquía. ²⁸ Jaa⁻ dsa⁻ he⁺ hi⁻ chee⁻ Agabo, ga⁺nooy⁻ ga⁺hlëëyh⁺ lä⁺koo⁻ jäh⁺ Jmi⁻lle⁺ kih⁺ Dio, ga⁺jäh⁺ jä⁻ koo⁻ hoo⁻ lä⁺kaa⁻ jmi⁻gyuu⁺. Hi⁻ ga⁺lä⁺te⁺ ba⁺ lä⁺koo⁻ ga⁺jäh⁺ Agabo, lä⁺ ma⁺ laa⁺ Claudio rey to⁻ne⁺. ²⁹ He⁻ja⁻ ga⁺taah⁻ øøh⁺ jne⁺ hi⁻ tääh⁺ Antioquía juu⁺ kwee⁻ he⁻ cheey⁺ miih⁻ kuu⁺ kih⁺ øøh⁺ jne⁺ hi⁻ tääh⁺ ta⁺ Judea, ha⁻ koo⁻ te⁺ tää⁺ kwa⁺ lä⁺jaa⁻ lä⁺jaa⁻. ³⁰ Lä⁺ja⁻ ga⁺jmeey⁺ hi⁻ ga⁺tooyh⁻ goo⁻ Bernabé kuu⁺ ja⁻ kyaah⁺ Saulo mah⁺ na⁺ngëëy⁺ kih⁺ hi⁻ ma⁺ laa⁺ dsa⁻gyuu⁺ kyaa⁺ gwah⁺ hwa⁺ Judea ja⁻.

Ga⁺jngëëyh⁺ Jacobo hi⁻ ga⁺taayh⁻ Pee⁺ neh⁻ñe⁺

12 ¹ Ja⁻ba⁺ jii⁻ ja⁻, ga⁺jmeey⁺ rey Herode mada⁻ he⁻ ga⁺jmeeyh⁺ ko⁻llaa⁺ øøh⁺ jne⁺. ² Ga⁺jngëëyh⁺ Jacobo øøh⁺ Jwaa⁻ kyaah⁺ ñe⁺tuuh⁺. ³ Ma⁺ ga⁺nuu⁺ rey he⁺ he⁻ ga⁺tih⁺ dsë⁺ dsa⁻ judiu he⁻ ga⁺juu⁺ Jacobo, he⁻ja⁻ ga⁺jmeey⁺ mada⁻ wa⁺ jaa⁺ Pee⁺ ka⁻läh⁺. He⁻ja⁻ ga⁺la⁺ ma⁺ tē⁻ jmi⁺ he⁻ kuh⁻ dsa⁻ he⁻ñiih⁺ he⁻ sa⁺ kyaah⁺ levadura. ⁴ Ma⁺ ga⁺jaa⁺ Pee⁺, ga⁺taah⁻ dsih⁺ neh⁻ñe⁺. Ga⁺taayh⁻ ja⁺goo⁻ kye⁺ nää⁺ hløø⁺ hi⁻ ma⁺ jää⁺ ma⁺ kyeey⁺ lä⁺koo⁻ nää⁺ hi⁻ ga⁺hää⁺ Pee⁺. Herode ma⁺ jmeey⁺ huud⁻dsë⁻ ma⁺ mi⁻jnäy⁺ kih⁺ dsa⁺ ga⁺ma⁻goh[~] jmi⁺ he⁻ kuh⁻ dsa⁻ judiu borrego mäh⁺. ⁵ Ga⁺jä⁺ ba⁺ Pee⁺ neh⁻ñe⁺ pero ta⁺ko⁻jiih⁺ ma⁺ hääy⁺ neh⁻ñe⁺ ni⁺ jaa⁻ øøh⁺ jne⁺ sa⁺ ga⁺tuy⁺ he⁻ ma⁺ chuuy⁺ kyaah⁺ Dio kwaat[~] kih⁺ Pee⁺.

Dio ga⁺lleey⁻ Pee⁺ neh⁻ñe⁺

⁶ La⁺ kwaat[~] ma⁺ mi⁻jnää⁺ Herode kih⁺ dsa⁺ wa⁺ra⁻ ga⁺jnä⁺. Pero ja⁻ba⁺ hwë⁺ ja⁻, ma⁺ na⁻kya⁺ Pee⁺ na⁻hñuu⁻ kyaah⁺ to⁺ caden[~] ja⁻ba⁺ jee⁺ kih⁺ uu⁺ hløø⁺ hi⁻ ma⁺ na⁻hñuu⁻ kyaayh⁺. Hi⁻ ma⁺ tääh⁺ ga⁺jñah⁺ hløø⁺ hi⁻ ma⁺ høø⁺ hoo⁺ neh⁻ñe⁺ ja⁻. ⁷ Ni⁺ sa⁺ ga⁺lä⁺liih⁺ ga⁺hløø⁺ he⁺, ma⁺ ga⁺lloo⁺ jaa⁻

ángel kyaa' Dio, hi' lä' ga' dsa' neh' ñe' ga' lä' jnä' je'. Lä' chah' ja' ga' chaay' Pee', ga' siiyh'.

—Noo' na' koh'.

Lä' chah' ja' ga' sa' ga' hla' caden' he' ma' na' hñuu' gooy'. ⁸ Hi' ga' jäh' ángel:

—Kyh' hmiih' kyah', hee' loo' kyah'.

Lä' ja' ga' jmee' Pee', mah' ga' siiyh' ka' läh':

—Bää' hmiih' kyah' mah' man' ga' juh'.

⁹ Hi' ya' hëë' ángel, kaah' lleë' Pee'. Sa' ñey' che' dsoo' he' jmee' ángel, he' kē' bih' laay'. ¹⁰ Ga' ngëëy' jee' ma' tääh' koo' nää' hløø', hi' lä' ja' jee' ga' tē' to' nää' hløø', ja' ga' ga' tēy' ho' haah' he' la' kyaah' ñe' jee' hwëë' dsa' ta' cha' jwē'. Hñii' ba' haah' ja' ga' na'. Ga' hwëëy', hi' ga' kwayh' koo' jwē', jee' ja' ga' bii' ángel kih' Pee'. ¹¹ Ja' ga' ga' lä' liih' Pee', ga' jmeey' hu' dsē':

—Dsoo' ba' ma' chee' Dio ángel kyaa' hi' ma' lää' jnä' kih' Herode hi' ma' lääy' jnä' kih' lä' jē' he' ma' hnøø' dsa' goon' he' ma' jmee' kin'.

¹² Ma' ga' lä' liiyh' he' ma' na' laay', lä' chah' ja' ngaayh' ta' kih' María choo' Jwaa', he' ba' hi' tēy' Marcos, jee' ma' tääh' jwëë' hi' ngii' kih' Dio. ¹³ Ma' ga' lloo' Pee' ho' haah' jee' dsa' taah' dsa', ga' tēy'. Lä' koo' ma' ga' nuu' jaa' chih' mē' hi' chee' Rode tēy', mah' ngooy' na' jēy'.

¹⁴ Lä' chah' ja' ga' lä' kyuyh' lle' kih' Pee' hi' ma' tēē'. Peer' ga' nøh' dsēy'. Ni' sa' ga' näy' ho' haah' ja', ngaayh' ko' chih' na' jmeeyh' juu' kih' hi' ma' tääh' cha' neh' ja', ga' jäh':

—Hii' Pee' cheh' ho' haah'.

¹⁵ He' ja' ga' jäh' hi' ma' tääh' jee' ja', siiyh' chih' mē' he':

—He' ngaah' ba' hne' na'.

Pero chih' mē' he' sa' tää' sa' jaay', ma' jäh':

—Hi' he' na'.

He' ja' ga' jäh' dsa' he':

—Ángel kyaa' Pee' ba' na'.

¹⁶ Lä' ma' cheh' ja' ba' Pee' ho' haah' ja', tēy'. Ja' ga' ga' näy' ho' haah' ja', ga' jēy' Pee'. Ga' taayh' jēē' dsayh'. ¹⁷ He' ja' ga' jmee' Pee' lii' kyaah' gooy', mah' sa' tooyh' miih'. Ga' jmeeyh' juu' ha' lä' ga' jmee' Dio he' ya' hëëy' neh' ñe', hi' ga' jäh':

—Go' jmeeh' juu' la' kih' Jacobo hi' kih' lä' jēē' øøh' jne'.

Ja' ga' ya' hëëy' ngooy' ta' jee' jyoh'.

¹⁸ Ma' ga' jnä' jyoh' jmií, Peer' ga' tee' ga' jēē' hløø' he' kyaah' dsa' kyaayh', kih' he' sa' ga' jēy' ha' lä' ya' hëë' Pee' jee' ja'. ¹⁹ He' ja' ga' jmee' Herode mada' he' na' hnääh' Pee' ka' läh'. Ma' sa' ga' jnääh', ga' lla' kyaay' hløø' he' jmií. Lä' jiih' ga' jmeey' mada' he' ga' jngëëy' hløø' he'. Ja' ga' ya' hëëy' hwa' Judea, ngooy' na' gyay' ta' Cesarea.

Ga⁺juu⁺ Herode

²⁰ Pero ma' cha⁻ hnii⁻ kih⁺ Herode kyaah⁺ dsa⁻ chaa⁻ Tiro hi⁺ kyaah⁺ hi⁻ chaa⁻ Sidón ka⁻läh'. Dsa⁻ hi⁻ ma' chaa⁻ jee' ja⁻ sa⁺ ma' hnøø⁺ hnii⁻. Jëeh⁺ ma' ga⁻näay⁺ lay⁻ løø⁺ ta⁺ jwii⁻ kih⁺ Herode. He⁻ja⁻ na⁻näay⁺ na⁻llay⁻ juu⁺ kyaah⁺ Herode. Pero to⁻né⁺ da⁺, ga⁻taayh⁻ juu⁺ kwee⁻ kyaah⁺ Blasto, hi⁻ kye⁻ ta⁺ juuh⁻ kyaah⁺ rey Herode, mah⁺ hñii⁺ bih⁺ llay⁺ juu⁺ kyaah⁺ Herode. ²¹ He⁻ja⁻ ga⁻tøø⁺ rey he⁺ jmi⁺ he⁻ ya⁻nää⁺ dsa⁻. Ma' ga⁻lloo⁺ jmi⁺ ja⁻, ga⁻lla⁻nää⁺ dsa⁻ he⁺ hi⁺ ga⁻këh⁻ rey hmi⁺ he⁻ këyh⁻ ma' llay⁺ ta⁺ mah⁺ na⁻gyay⁻ né⁺ta⁺ kiyh⁺, ga⁻kway⁺ juu⁺. ²² Ma' ga⁻nuu⁺ dsa⁻ he⁺ juu⁺ kiyh⁺ ja⁻, ga⁻tooyh⁺ cha⁻mi⁺ miih⁻, ga⁻jäyh⁺:

—Ja⁺ he⁺ dsa⁻ñuuh⁻ na⁻ hlëeh⁺, Dio ba⁺ na⁻ hlëeh⁺.

²³ Lä⁻chah⁺ ja⁻, ja⁺ jaa⁻ ángel kya⁺ Dio, ga⁻jmeey⁺ dsoo⁺ kih⁺ rey Herode, kih⁺ he⁻ sa⁺ ga⁻jmeey⁺ juuh⁻ kih⁺ Dio. He⁻ja⁻ ga⁻kaay⁺ jah⁺ lä⁻jiih⁺ ga⁻juuy⁺.

²⁴ Pero ga⁻nää⁺ ba⁺ øøh⁺ jne⁺ kway⁺ juu⁺ kih⁺ Dsa⁻jøøh⁺ jnän⁻ hi⁺ cha⁻ga⁻mi⁺ ngoo⁺ dsa⁻lä⁻jwëë⁺ hi⁻ heeh⁻ juu⁺ ja⁻.

²⁵ Ma' ga⁻hñaa⁻ ta⁺ he⁻ na⁻hñaa⁺ Bernabé kyaah⁺ Saulo, ga⁻hwëëy⁻ Jerusalén, ga⁻lla⁻näay⁺ ka⁻läh' Antioquía jääy⁺ Jwaa⁻ hi⁻ tëëyh⁻ Marcos.

Ga⁻hñaa⁺ Bernabé kyaah⁺ Saulo mah⁺ dsa⁻näay⁺ dsa⁻kway⁺ ju⁺hmëë⁺

13 ¹ Jee⁺ kih⁺ øøh⁺ jne⁺ hi⁻ ma' tääh⁺ Antioquía ja⁻, ma' tääh⁺ hi⁻ ma' ngëë⁻ juu⁺ kih⁺ Dio hi⁺ ma' tääh⁺ ta⁻jwoh⁺. Hi⁻ he⁺ Bernabé, hi⁺ Simón hi⁻ ma' tëëyh⁻ Läh⁻, Lucio hi⁻ ma' chaa⁻ Cirene, Manaén hi⁻ ga⁻kwa⁺ kwee⁻ kyaah⁺ Herode hi⁻ ma' laa⁺ lle⁻moh⁺ hwa⁺ Galilea, hi⁺ Saulo ka⁻läh'. ² Ta⁻ko⁻jiih⁺ ma' tääh⁺ øøh⁺ jne⁺ he⁺ sa⁺ kuh⁻hiyh⁻, hnaayh⁻ Dio lä⁻kaa⁻ tuh⁻dsëy⁺, ga⁻hlëeh⁺ Jmi⁺lle⁺ Na⁻jngii⁺ kyaayh⁺, ga⁻siiyh⁺:

—Hñaa⁻ Bernabé kyaah⁺ Saulo mah⁺ jmeey⁺ ta⁺ he⁻ kwëeh⁻ jnih⁺.

³ Ma⁻ngëë⁻ ma⁻ngiiy⁺ kih⁺ Dio sa⁺ ga⁻kuh⁻ ga⁻hiyh⁺, ja⁻ga⁺ ga⁻kyey⁻ gooy⁻ né⁺ kih⁺ Bernabé kyaah⁺ Saulo. Hi⁺ ma⁻dsaa⁺ he⁻ ja⁻, ga⁻hiyh⁺ juu⁺ kyaah⁺ dsa⁻kyaayh⁺.

Ngoo⁺ Bernabé kyaah⁺ Saulo ta⁺ Chipre

⁴ Ngoo⁺ Bernabé kyaah⁺ Saulo ta⁺ hwa⁺ Seleucia lä⁻hih⁺ kih⁺ Jmi⁻lle⁺ Na⁻jngii⁺. Ma' ga⁻lla⁻näay⁺ Seleucia, ga⁻taayh⁻ neh⁺ barco, ga⁻näay⁺ ta⁺ hwa⁺ he⁻ chee⁻ Chipre. ⁵ Ma' ga⁻tëëy⁺ jwii⁻ Salamina, ga⁻taayh⁻ neh⁺ gwah⁺ kih⁺ judiu he⁻ tøø⁺ jee⁺ jwii⁻ ja⁻, mah⁺ ga⁻kway⁺ juu⁺ kih⁺ Dio. Hi⁺ ma' jääy⁺ Jwaa⁻ hi⁻ ma' kwa⁺ be⁺ kiyh⁺.

⁶ Ga⁻ngëëy⁺ lä⁻ ga⁻dsa⁺ hwa⁺ Chipre he⁻ hä⁺ jee⁺ jmi⁻ñeeh⁻, lä⁻jiih⁺ ga⁻lla⁻näay⁺ jee⁺ jwii⁻ Pafo. Jee⁺ ja⁻ ga⁻jeey⁺ jaa⁻ judiu hi⁻ tëë⁻ ji⁻nah⁺, hi⁻ ma' chee⁻ Barjesús. Ma' jmääy⁻ hñiiy⁺ lä⁻koh⁺ jaa⁻ hi⁻ ngëë⁻ juu⁺ kih⁺ Dio. ⁷ Dsa⁻ tëë⁻ he⁺ ma' jwayh⁺ kyaah⁺ lle⁻moh⁺ hi⁻ ma' chee⁻ Sergio Paulo, hi⁻ kyuu⁻ cha⁻mi⁺. He⁻ja⁻ lle⁻moh⁺ he⁺ ga⁻jmeey⁺ mada⁺ he⁻ na⁻kyaay⁺

Bernabé kyaah' Saulo, kih' he- ga-lä-hyoh' dsëy' nuuy' juu' kih' Dio.
⁸ Pero dsa- tēē- he', hi- tēyih- Elima kyaah' juu' griego, hi- he' na-, ma'
 ha- kih' Bernabé kyaah' Saulo. Jēeh', sa- ma' hnøoy' he- ma' heeh-
 lle'moh' he' juu' kih' Dio. ⁹ He-ja- ga-hlëeh' Saulo, he' ba' hi- chee- Paa'.
 Ga-hlëyih' kyaah' cha-miih- be' kih' Jmi-llë' Na-jngii' hi- ga-jëy' koo-
 hweh- nē dsa- tēē- he'. ¹⁰ Mah' ga-jäyh':

—He- ba' che- ta-juuh' hne-, Peer- hlëeh' hne-, joo' hi-sa-llu'. ¿He-la'
 hnooh- lla-dsëeh' kih' lä-jë- he- llu'? ¿Lih' ba' llaa- he- hah- kih' jwë- llu'
 kih' Dsa-jøøh' jnän'? ¹¹ Na' heeh' Dio hne- wii'. Jä' tuu' mi-nëh'. Mo-so-
 jëeh' jmeë' hyoo- miih- jmi- —ga-jäh' Paa'.

Lä-cha' ja- ga-løø- mi-nëy' mah' ga-jäy' tuu'. Lä-ku' lä-jii' kiyh' ma'
 hnaayh- jaa- hi- ma' jäy', kih' he- mo-so- ga-lä-jnä' mi-nëy'. ¹² Ma'
 ga-jëe' lle'moh' he' he- ga-la' lä-ja-, ga-heeyh- kih' Jesús. Peer-
 ga-lä-dsaa- dsëy' ma' ga-nuuy' juu' kih' Jesús.

Nëe' Paa' kyaah' Bernabé Antioquía he- na-hee- hwa' Pisidia

¹³ Ja-ga' ya-hëe' Paa' jwii- Pafø ja- kyaayh' dsa-kyaayh', ga-näy' ta-
 Perge, jwii- he- na-hee- Panfilia. Pero Jwaa- ga-bee' dsa-kyaayh' mah'
 ngaayh' ta- Jerusalén. ¹⁴ Ga-ngëe' Paa' kyaah' Bernabé jwii- Perge,
 ga-lla-näy' ta- jyoh' Antioquía he- nøø' hwa' Pisidia. Ma' ga-të' jmi-
 he- teeh- dsa- dsë', ngoo' Paa' kyaah' Bernabé gwah- kih' dsa- judiu
 mah' ga-taayh' jee' ja-. ¹⁵ Ma-ngëe' ma-hë' jaa- dsa- miih- he- na-sii- nē
 ley kih' Moisé hi- ga-hëy' miih- he- ga-sii' hi- ga-ngëe' juu' kih' Dio,
 ja-ga' ga-jäh' dsa-kaah' hi- ma' hä' goo- gwah- ja-:

—Cher-mah' cha- miih- he- jawah' hnäh' dsa-nuuh- øøhn', hlëeh' jnääh'
 miih- he- jmeë' llu' kyaa' jnääh' —ga-jäyh'.

¹⁶ He-ja- ga-noo- Paa', ga-jmeey' lii- kyaah' gooy- mah' wa' dsa-taayh-
 ti'. Ga-jäyh':

—Nu- da' hnäh' dsa- Israel hi- lä-jëe- ga' hnäh' hi- gah- Dio. ¹⁷ Dio
 kyaa' jnääh' dsa- Israel, ga-lleeh- dsa- ma-gyuh- kyaa' jnääh' mah' leey'
 dsa- kyaay' hi- ngoo' ba' mi-jäy' lä-jiih' ga-të' koo- jwii- juuh- lä- ma'
 täyih' hwa' Egipto ma-ke- laay' dsa- jñah' kih' hwa' ja-. Ma-ngëe' he-
 ja-, kyaah' cha-miih- be' ga-hwëe' Dio dsa- he' hwa' ja-, mah'
 ga-lla-näy' hwa' kiyh'. ¹⁸ Ta-ko-jiih' ga-taah' dsa- he' to'loo' ji-në- jee'
 la' hwa' kii-, ga-lä-be' dsë' Dio kyaayh' kih' lä-jë- he- hliih' he- ma'
 jmeey-. ¹⁹ Ma-ngëe' he- ja-, ga-hee' Dio gyii' nää' dsa- hi- ma' tääh' hwa'
 he- chee- Canaán. Hwa' kih' dsa- he' ga-jmeë' Dio hee' dsa- ma-gyuh-
 kyaa' jnääh'.

²⁰ Ma' ga-lla-näy' hwa' Canaán ja-, ga-hña' Dio hi- ga-ka' nē kih'
 dsa- he', lä-jiih' ga-lløo' jmi- ga-hñaay' Samuel hi- ga-ngëe' juu' kiyh'.
 Lä-ja- ga-jmeë' Dio kyaayh' lä-jiih' ga-të' kyë' hña-loo' na-dsë-
 to'lo-gya' ji-në-. ²¹ Jii- kih' Samuel, dsa- Israel ga-ngëey' jaa- hi- lee' rey
 kyaay'. He-ja- ga-hña' Dio Saúl, hi- ga-laa' rey to'loo' ji-në-. Jmi- Saúl

he' ma' cheē Cis, hī ma' laa' sa'jū kih' Benjamín. ²² Ma'ngëe' he' jā, Dio ga'leē Saúl mah' ga'llaay' David hī ga'koo' në' kiyh'. Ga'jmee' Dio ju'dsoo' kih' David, ga'jäyh': "Ma'jëen̄ David joo' Isai. Kih' hī he' ba' ma'tih' dsen̄, jëeh' hī he' jmee' lä'jë̄ he' hnoon'." ²³ Hi' jee' kih' jaā jee' lä'jëē sa'jū kih' David he', ga'lä'chaa' Jesús, hī ga'chee' Dio mah' lääy' dsā Israel lä'koō ga'jäyh' jää'. ²⁴ Jää' ja'ga' jä' Jesús, ma' kwa' Jwaa' juu' kih' lä'jëē dsā Israel. Ga'hleeyh' dsā mah' dsa'jeeyh' kyaah' Dio hi' he' saay' jmī. ²⁵ Hi' lä'koh' ma' jëē Jwaa' ngoo' dsa'hnaa' ta' kiyh', ga'jäyh': "¿Hī jnä' laah' hnäh'? Ja' he' jnä' hi' nøø' juu' jä' lä'koō jmeeh' hnäh' hu' dsë̄. Hī jä' këē kin̄, sa' tē'dsëen' chiihn' mah' llen' loo' he' hä' tiy' ", ga'jäh' Jwaa'.

²⁶ Ngoo' ba' Paa' hlëeh̄, ma' jäyh':

—Hnäh' dsa'goon̄ hī laa' sa'jū kih' Abraham, kyaah' lä'jëē ga' hnäh' hī gah' Dio, jnä' jne' ba' ga'chee' Dio juu' la' mah' lää' jne'.

²⁷ Pero dsā hī ma' tääh' Jerusalén, kyaah' dsa'ta' kyaay' sa' ga'lä'kyuuy' Jesús. Ni' kih' hī ga'ngëe' juu' kih' Dio llo'joo' sa' ga'lä'ngëey', ma'ke' ma' hë̄ dsā he' juu' ja' lä'jë̄ jmī he' teeh' dsa' dsë'. Heh' lä'koh' ma' jäyh' he' jmee' bii' juu' Jesús, ga'lä'te' lä'jë̄ juu' he' ma' hëy' jā. ²⁸ Pero sa' ga'jnøøyh' he' kyaah' ma' bääyh' Jesús mah' lä'jwë' ja' ma' jngiiyh' kih', he'ja' ga'ngiiy' kih' Pilato mah' wa' jmeey' hih' he' juuy'. ²⁹ Ma' ga'lä'te' lä'jë̄ go'te' lä'koō na'sii' kiyh' jää', ja'ga' ga'jñaa' dsih' dsöh' hma'cru' mah' na'haay'. ³⁰ Pero Dio ga'mi'jiiyh' jee' kih' hī na'juu'. ³¹ Hi' cha'miih' jiih' ga'lä'jnäy' jee' kih' hī na'nää' kyaayh' Jerusalén, lä' ma' tääyh' Galilea. Hī he' na' hī jmee' ju'dsoo' kih' lä'jëē dsa' jmī na'.

³² Ja'ba' lä'ja' kwa' jnääh' ju'hmëe' la', ja'ba' juu' he' ga'bääh' Dio hñii' kyaah' dsa' ma'gyuh' kya' jnääh'. ³³ He' ga'mi'jiiyh' Jesús, ga'mi'te' Dio juu' kih' jee' kya' jnääh', hī laa' sa'jū kih' Abraham. Lä'ja' ga'lä'te' lä'koō na'sii' salmo hwëh' to': "Hne' laah' gyuu' kyaan̄, na' ma'laan' Tää' kyaah'", ga'jäh' Dio. ³⁴ Kyaah' he' ga'mi'jiiyh' Jesús jee' kih' hī ma'na'juu' mah' mo'so' juu' gyih' jih'koh', lä'ja' ga'lä'te' juu' he' ma'na'sii' lä'la': "Mi'te' ba' jnä' lä'jë̄ he' ga'jwiin' David", ga'jäh' Dio. ³⁵ Hi' ja'ba' lä'ja' lle' ka'läh' në' salmo: "Sa' kwah' jwë' jyah' jmi'ngo' kih' hī na'ngëe' kyaah'", ga'jäh' David.

³⁶ Ga'mi'te' ba' David lä'koh' ga'lä'hyoh' dsë' Dio lä' ma' kyey' në' kih' dsa' kyaay'. Hi' ma' ga'juuy' na'haa' dsih' koo' jee' na'haa' dsa' ma'gyuh' kyaay'. Hi' ga'jngaah' ba' jmi'ngo' kiyh'. ³⁷ Pero hih' hī ga'lä'jiih' he', sa' ga'jngaah' jmi'ngo' kiyh'.

³⁸ He'ja' hnøø' lä'ngëeh' hnäh' øøhn', ta'la' kih' Jesús hī hlëehn' kih' la' dsa'che' dso'kye' jnän'. ³⁹ Lä'jëē hī dsöo' dsë' kih' Jesús, hī he' ba' hwëē lluu', lääy' kih' lä'jë̄ he' ma' hläayh' cha'në' ley kih' Moisé. Jëeh' sa' hwëē jne' lluu' cha'në' Dio kyaah' he' høø' jne' ley jā. ⁴⁰ Leeh'

hnäh', mah' sa' ja' në kyah' hnäh' lä'koo' ga'jah' hi' ga'ngëe' juu' kih'
Dio:

⁴¹ Jëe' da' hnäh', dsa' hi' mi'kwah' juu' kin', wa' lä'dsaa' hoh' hnäh',
wa' heeh' hnäh' go'te'.

Jëeh' jee' kyah' hnäh' jmeen' koo' he' jmee' dsaa' hoh' hnäh'.

Ni' lä'ja' sa' jmeeh' hnäh' dsoo' ma'ke' hi' ga' ga'jmeeh' juu' kyah'
hnäh', ga'jah' Dio.

⁴² Lä' ma' ya'hëe' Paa' kyaah' Bernabé neh' gwah' kih' dsa' judiu,
ga'chuu' dsa' hi' sa' laa' judiu kyaayh':

—Ja' ya'nääh' hnäh' ka'läh' jyoh' jmiif' he' teeh' dsa' dsë' mah' kwah'
hnäh' ka'läh' juu' na' kyaa' jnääh'.

⁴³ Ma' ga'hwëy' neh' gwah' ja', jwëe' dsa' judiu hi' lä'kye' hi' sa'
laa' judiu hi' ma' hnaah' Dio, ga'jmeey' ko'joh' kyaah' Paa' kyaah'
Bernabé. He' ja' ngoo' ba' Paa' hlëeyh' mah' wa' lla'nää' bih' ta' cha'në'
kyaah' he' mi'jäa' Dio.

⁴⁴ Ma' ga'të' jmiif' he' teeh' dsa' dsë', miif' ga' sa' ga'dsaa' lä'jëe' dsa'
chaa' jee' jwii' ja', na'näy' na'nuuy' ha' lä' la' juu' kih' Dio. ⁴⁵ Pero ma'
ga'jëe' dsa' judiu, he' ga'kuh' jwëe' dsa', he' ja' ga'lälley' jwërte,
ga'löoy' lla'dsëy' kih' juu' he' ma' kwa' Paa' hi' ma' hlëeyh' wiif' kiyh'.

⁴⁶ Pero Paa' kyaah' Bernabé sa' ga'lä'goyh' ga'hlëeyh' dsa' he',
ga'jäyh':

—Kyah' hnäh' to'në' dsa' goon' jmee' bii' he' nuuh' hnäh' juu' kih'
Dio he' ma' kwa' jnääh' la'. Pero he' beh' hnäh' juu' la', mi' jnääh' hnäh'
hnaah' sa' hnooh' hnäh' ha' lä' jee' jmee' chaa' hnäh' tää'. Na' na'
hwëe' jnääh' jee' kyah' hnäh' mah' dsa' kwa' jnääh' juu' kih' dsa' hi' sa'
laa' judiu ba'. ⁴⁷ Jëeh' Dio ga'jmeey' mada' lä'la' kyaa' jnääh', ga'jäyh':

Ma' hnaah' hne', laah' wa'je' kih' dsa' hi' sa' laa' judiu,

mah' hne' ba' kah' juu' ha' lä' lää' dsa' lä'kaa' lä'juh' jmi'gyuu'.

⁴⁸ Ma' ga'nuu' dsa' hi' sa' laa' judiu juu' kih' Dsa'jöh' jnän',
ga'jmeey' juuh' kih' juu' ja' hi' ga'lä'chaay' llu'. Ga'heeh' lä'jëe' hi'
laa' kwaat' tëeh' jee' ka' Dio. ⁴⁹ Lä' ga'dsa' hwa' ja' ga'lloo' juu' kih'
Dsa'jöh' jnän'.

⁵⁰ Pero ko'llaa' judiu ga'taayh' juu' dsa'më' hi' ma' hnaah' Dio,
lä'kye' dsa'më' hi' kaah' kih' jee' jwii' ja'. Hi' lä'ja' ga'taayh' juu' hi'
laa' ta'. Ga'tooyh' je' dsë' dsa'kaah' he' mah' lä'lley' kyaah' Paa' kyaah'
Bernabé mah' hëey' kiyh' ta' jee' uu' ga' kih' hwa' ja'. ⁵¹ Kyaah' ya'hëe'
Paa' ngaah' kyaah' Bernabé ga'hlay' hløø' he' ma' na'beh' tiif' he'
jmeey' liif' kih' dsa' he', he' lä' ma'kyaayh' ja'ba' dso'kye' kiyh'. Hi'
ga'hwëy' jee' ja', mah' ga'näy' ta' jwii' Iconio. ⁵² Lä'jëe' hi' ga'heeh'
juu' kih' Dio cha'miif' ma' jëe' dsëy', hi' ma' kyey' cha'miif' be' kih'
Jmi'le' Na'jngii'.

Ngoo' Paa' kyaah' Bernabé ta' jwii' Iconio

14 ¹ Lã ma' gya' Paa' kyaah' Bernabé jwii' Iconio ja-, ma' dsa-taayh' ko-jøh' lã-uu'y' neh' gwah' mäh' kih' dsa- judiu. Ha- koh' sa' llu' juu' he- ga-kway', he-ja- jwëë' hi- laa' judiu hi' lã-kye- hi- sa' laa' judiu ga-heeh-. ² Pero ko-llaa' judiu hi- sa' ga-heeh-, ga-tooyh' je- dsë' dsa- hi- sa' laa' judiu mah' ga-lã-hneey' kyaah' øøh' jne' hi- ga-heeh- kih' Dio. ³ He-ja- ga-jã' Paa' kyaah' Bernabé cha-miih- jmi' jee' ja-. Ni- miih- sa' ma' goyh' ma' kway' juu' kih' Dio hi' ma' kyey- cha-miih- o-jøh' dsë- kih' Dsa-jøøh' jnän`. Hi' ga-jmeey' cha-miih- he- juh-gaa-. Lã-ja- ga-jmee' Dio ju'dsoo' kih' juu' he- ma' kway-. ⁴ Pero dsa- hi- ma' chaa- jee' jwii' ja-, ga-laa' to' nää'. Ko-llaa' ga-taah' jwoo' kih' judiu, hi' ko-llaa' ga-taah' jwoo' kih' apóstole. ⁵ Ga-taah' dsa- judiu juu' kwee- kyaah' dsa- hi- sa' laa' judiu, ko-jøh' kyaah' dsa-ta' kyaay' mah' kway' kih' apóstole he' hi' tey' kuu' kiyh'. ⁶ Pero ma' ga-lã-ñe' Paa' kyaah' Bernabé he- hnøø' dsa- ma' jmee' kiyh' lã-ja-, lã-chah' ja- ga-hwëëy- ga-näy' ta' Lистра hi' Derbe, jwii' he- hla- hwa' Licaonia. Hi- na-nää' gyih' jyoh' jwii' he- hla- lã-kaa- jee' jäh' ja-, ⁷ mah' na'kway- ju'hmëë' kih' Jesús lã-kaa- ja-.

Ga-te' dsa- kuu' kih' Paa' jee' jwii' Lистра

⁸ Lистра ja- ma' gya' jaa- dsa-jluuh' hi- jluuh' ga-lã-chaa', jih'koh' sa' ma' ngëy-. ⁹ Dsa- he' ma' gya' nuu- lã-jë' he- ma' hlëeh' Paa'. Ma' ga-jëë' Paa' mi'nëy' ga-lã-liiyh' kih' dsa- he', he- ma-dsoo' dsëy' hlääy'.

¹⁰ He-ja- ga-hlëeh' Paa' ki-gaa- ga-siiyh':

—Noo- da', chih' tiih' na- ko-dsoo'.

Lã-chah' ja- koo- ba' ga-hliiy' ta' gyuuh' hi' ga-løoy' ngëy-. ¹¹ Ma' ga-jëë' dsa- hi- ma' tääh' jee' ja- he- ga-jmee' Paa' lã-ja-, ga-løoy' hlëëyh' koo- ki-gaa- kyaah' juu' kiyh', ma' jäyh':

—Lã- laa' dsa-nuuh- laa' uu' dio hi- ma-jnaa' jee' jnän` la-.

¹² Ga-mi-cheey- Bernabé Júpiter hi' Paa' ga-mi-cheey- Mercurio kih' he- ma' kwa' Paa' juu'. ¹³ Chuuh' jwii' ja- ma' chih' gwah' kih' dio Júpiter. Jee' ja- ga-lloo' jmi-dsa- hi- ma' jmee' ta' neh' gwah' ja-, ma' jääy' kya' dso' hi' ma' kyey- he- na-lii' kyaah' le'. Ma' hnøøy' ma' jngëëyh' kya' he' mah' ko-jøh' kyaah' dsa-gooy' ma' jmeey' juuh- kih' apóstole he'. ¹⁴ Lã- ma' ga-nuu' Bernabé kyaah' Paa' he- ja-, ga-giiy' hmiih- kiyh', mah' ga-taayh' jee' kih' dsa- he' ma' hlëëyh' ki-gaa-, ¹⁵ ma' jäyh':

—Hnäh' dsa-nuuh- che-la' jmeeh- hnäh' lã-na? ¿Ja' dsa- jmi-gyuu- ba' jnääh' lã-koh' laah' hnäh'? Ma-ya-nøø' jnääh' mah' kwa' jnääh' ju'hmëë' kih' Jesús. Tu' hnäh' he- na-, ta' jmee- hnäh' he- sa' jmää' ta'. Jëh' hnäh' hñaah' kih' Dio jiih' ba', hi- ga-jmee' gyuuh' hwa', hi- ga-jmee' jmi-ñeeh' hi' ga-jmeey' lã-jë' he- ga- cha- në' kih'. ¹⁶ Jää' ma'

tääh' dsa⁻ jmee⁺ lä⁺ hyoh⁻ dsē[!] hi⁺ sa⁺ cha⁻ he⁻ ma' jmee⁺ Dio kiyh[!] ni⁻ miih⁻. ¹⁷ Pero ja⁺ he⁻ ga⁻hmääh⁻ go⁻te⁻. Ma⁻ra⁺ he⁻ ga⁻mi⁻jnääh⁻ ha⁻ lä⁺ laay[!] hñiiy' kyaah' lä⁺jē⁻ he⁻ llu[!] he⁻ jmeey⁺. Cheey⁺ jma[!], hi⁻ jmeey⁺ kwa⁺ lä⁺jē⁻ he⁻ jngēē⁻ dsa⁻ mah[!] lä⁺cha⁻ cha⁻miih⁻ he⁻ kih[!]h[!]h' jne' hi⁻ lä⁺ja⁻ jmeey⁺ jēē⁻ dsē⁻ jne[!].

¹⁸ Ma⁻ke⁺ ga⁻hlēēh' apóstole he' lä⁺ja⁻, he⁻lii[!] ba' ga⁻liyh[!] ga⁻jney' jwē[!] kih[!] dsa⁻ he' he⁻ ma' jngēēyh[!] kya[!] mah[!] ma' jmeey[!] juuh⁻ kih[!] apóstole.

¹⁹ Ma⁻ngēē' he⁻ ja⁻, ga⁻lla⁻nää[!] judiu hi⁻ chaa⁻ Antioquía, lä⁺kyē⁻ hi⁻ chaa⁻ Iconio. Ga⁻taayh⁻ juu[!] dsa⁻ hi⁻ ma' chaa⁻ Lистра. He⁻ja⁻ ga⁻tey[!] kuū[!] kih[!] Paa[!]. Ma⁻ngēē' he⁻ ja⁻, ga⁻sēyeh⁻ Paa[!] lä⁺ ga⁻tē' chuuh[!] jwii⁻, jēēh' ma' jmeey⁺ huū⁻dsē⁻ ma⁻juuy⁺ ba[!]. ²⁰ Lä⁺jēē⁻ øøh[!] jne' ga⁻taayh⁻ lä⁺ku[!] lä⁺jii[!] kih[!] Paa[!]. Ko⁻hwēē' ga⁻ja⁻ ma' ga⁻noo⁻ Paa[!] jee' ma' kyaay[!] ja⁻ hi⁻ koo⁻ ka⁻läh' ga⁻hey[!] ta⁺ jee' jwii⁻ ja⁻. Ma' ga⁻jnä[!] jyoh' jmii⁻, ngooy[!] kyaah' Bernabé ta⁺ Derbe.

²¹ Ma' ga⁻lla⁻nääy[!] jwii⁻ Derbe, ga⁻kway' ju⁻hmēē'. Hi⁻ jwēē' dsa⁻ ga⁻heeh⁻ juu[!] kih[!] Jesús. Ja⁻ga⁻ ga⁻nääy⁻ ka⁻läh' ta⁺ Lистра, ta⁺ Iconio, hi⁻ ta⁺ Antioquía. ²² Lä⁺koo⁻ lä⁺koo⁻ jwii⁻ ja⁻, ga⁻kway' cha⁻ga⁻miih⁻ be' kih[!] øøh[!] jne'. Ga⁻hlēēh[!] gyih[!] mah[!] sa⁺ tūy[!] juu[!] he⁻ ma⁻dsoo' dsēy[!], ma' jäyh[!]:

—Jmee⁺ bii[!] jēē' jne' cha⁻miih⁻ wii[!], ja⁻ga⁻ heh[!] jne' jee' jmee⁺ Dio hih⁺.

²³ Lä⁺koo⁻ lä⁺koo⁻ jwii⁻ jee' ma' tääh' hi⁻ ma⁻heeh⁻ juu[!] kih[!] Dio, ga⁻hñaa[!] dsa⁻gyuuh[!] hi⁻ ka[!] nē[!] kih[!] dsa⁻kyaayh[!]. Ma⁻ngēē' he⁻ ja⁻, ga⁻taayh⁻ ngiiy⁺ kih[!] Dio ta⁺ko⁻jiih[!] sa⁺ kuh⁻hiyh⁻. Lä⁺ja⁻ ga⁻taayh⁻ goo⁻ Dsa⁻jøøh[!] jnän⁻ dsa⁻gyuuh[!] hi⁻ na⁻hñaa[!] kyaay[!].

Ga⁻llaah[!] Paa[!] ka⁻läh' kyaah' Bernabé jee' jwii⁻ Antioquía he⁻ na⁻heē⁻ hwa[!] Siria

²⁴ Ma' ga⁻hwēēy⁻ jee' ja⁻, ga⁻ngēē' bih[!] ko⁻dsoo' hwa[!] Pisidia ga⁻nääy⁻ ta⁺ Perge, jwii⁻ he⁻ nøø' hwa[!] Panfilia. ²⁵ Ma⁻ngēē' ma⁻kway' juu[!] kih[!] dsa⁻ hi⁻ ma' chaa⁻ Perge, ga⁻nääy[!] ta⁺ jwii⁻ Atalia.

²⁶ Jee' ja⁻ ga⁻taayh⁻ neh⁺ barco, ga⁻nääy⁻ ka⁻läh' ta⁺ Antioquía, ja⁻ba[!] jwii⁻ jee' ga⁻taah⁻ dsih' goo⁻ Dio ma' ga⁻mi⁻jääy[!] kyaah' ta[!] kiyh[!] he⁻ na[!] ga⁻ma⁻hñaa⁻. ²⁷ Ma' ga⁻lla⁻nääy⁻ Antioquía ja⁻, ga⁻tēyeh[!] lä⁺jēē⁻ øøyh[!] hi⁻ ma' chaa⁻ jee' ja⁻. Mah[!] ga⁻jmeeyh[!] juu[!] ha⁻ lä⁺ la[!] he⁻ juh⁻gaa⁻ he⁻ ga⁻jmeē' Dio lä⁺kaa⁻ jee' na⁻nääy⁻ hi⁻ ha⁻ lä⁺ ga⁻kwa[!] Dio jwē[!] he⁻ ga⁻lä⁻dsoo' dsē[!] hi⁻ sa⁺ laa[!] judiu. ²⁸ Jee' ja⁻ ga⁻jä[!] Paa[!] kyaah' Bernabé cha⁻miih⁻ jmii[!] kyaah' øøh[!] jne[!].

Ga⁺taah` apóstole juu' kwee⁻ ha⁻ lä⁺ siiyh⁺ øøh⁺ jne' hi⁻ sa⁺ laa⁺ judiu

15 ¹ Ko⁻llaa' dsa⁻ hi⁻ ma' chaa⁻ Judea ga⁻lla⁻näay⁺ jwi⁻ Antioquia na⁻kway⁻ juu' kih⁺ øøh⁺ jne' hi⁻ ma' tääh' jee' ja⁻, ma' jäyh⁺:

—Cher⁺mah⁺ sa⁺ ga⁻wih⁺ jmi⁻ngo⁺ kyah⁺ hnäh⁺ lä⁻koø⁻ nøø⁺ kih⁺ Moisé, sa⁺ lääh⁺ hnäh⁺.

² Peer⁺ ga⁻ti⁻ ga⁻choo⁺ Paa⁺ juu' kyaah⁺ dsa⁻ he⁺ hi⁺ lä⁻ja⁻ ma' jmee⁺ Bernabé ka⁻läh⁺. Ha⁻ koh⁺ juu' sa⁺ ga⁻ti⁻ ga⁻chooy⁺. He⁻ja⁻ øøh⁺ jne' hi⁻ ma' tääh' Antioquia, ga⁻hñaay⁺ Paa⁺ kyaah⁺ Bernabé kyaah⁺ jñah⁺ ga' øøh⁺ jne'. Ga⁻cheey⁺ ta⁺ Jerusalén mah⁺ mi⁻eeey⁺ juu' ja⁻ kyaah⁺ apóstole hi⁻ kyaah⁺ lä⁻jëë⁺ dsa⁻gyuuh⁺.

³ Øøh⁺ jne' hi⁻ ma' tääh' Antioquia ga⁻chee⁺ dsih⁺ kyaah⁺ juu' llu⁺. Jee⁺ ga⁻näay⁺ ja⁻, ga⁻ngëey⁺ hwa⁺ Fenicia hi⁺ ga⁻ngëey⁺ hwa⁺ Samária. Lä⁻jë⁺ jwi⁻ jee' ga⁻ngëey⁺ ja⁻, ga⁻jmeeyh⁺ juu' ha⁻ lä⁺ ga⁻la⁺ he⁻ ga⁻jeeh⁻ dsa⁻ hi⁻ sa⁺ laa⁺ judiu kyaah⁺ Dio. Peer⁺ ga⁻tih⁺ dsë⁺ lä⁻jëë⁺ øøh⁺ jne' ma' ga⁻nuuy⁺ juu' ja⁻.

⁴ Ma' ga⁻lloo⁺ Paa⁺ kyaah⁺ Bernabé ta⁺ Jerusalén, øøh⁺ jne' hi⁻ tääh' jee' ja⁻ ga⁻heeh⁻ bih⁺ llu⁺. Hi⁺ lä⁻ja⁻ ga⁻jmee⁺ apóstole kyaah⁺ lä⁻jëë⁺ dsa⁻gyuuh⁺ ka⁻läh⁺. Hi⁺ ga⁻jmeeh⁺ Paa⁺ kyaah⁺ Bernabé juu' lä⁻jë⁺ he⁻ ga⁻jmee⁺ Dio kyaayh⁺ lä⁻kaa⁻ jee' na⁻näay⁺. ⁵ Pero ko⁻llaa' fariseo hi⁻ ma⁻heeh⁻ juu' kih⁺ Dio ga⁻nooy⁻ mah⁺ ga⁻jäyh⁺:

—Jmee⁺ bii⁺ uuh⁺ jmi⁻ngo⁺ kih⁺ dsa⁻nñuuh⁻ hi⁻ sa⁺ laa⁺ judiu hi⁺ jmeen⁺ mada⁺ kiyh⁺ mah⁺ høøy⁺ lä⁻jë⁺ nuuh⁺ kih⁺ Moisé.

⁶ He⁻ja⁻ ga⁻kuh⁺ apóstole kyaah⁺ dsa⁻gyuuh⁺ mah⁺ mi⁻eeey⁺ juu' ja⁻.

⁷ Ma⁻lä⁻hi⁻ tääyh⁺ ti⁻chooy⁺ juu' jee' lä⁻jëey⁺, ja⁻ga⁺ ga⁻noo⁻ Pee⁺ mah⁺ ga⁻jäyh⁺:

—Nuuh⁻ da⁺ hnäh⁺ dsa⁻nñuuh⁻ øøhn⁺. Ñeh⁺ ba⁺ hnäh⁺, jää⁺ ga⁻lleeh⁻ Dio jnä⁺ jee' kyah⁺ hnäh⁺ mah⁺ kwan⁺ ju⁻hmëë⁺ kih⁺ hi⁻ sa⁺ laa⁺ judiu, mah⁺ lä⁻dsoo⁺ dsëy⁺ kih⁺ Jesús. ⁸ Dio hi⁻ kyuuuh⁻ ha⁻ lä⁺ la⁺ tuh⁻dsë⁺ dsa⁻, ga⁻mi⁻jnäay⁻ dsa⁻ he⁺, ma⁻ra⁻ he⁻ laay⁺ dsa⁻ kyaay⁺ lä⁻llu⁺ he⁻ ga⁻kwëeyh⁺ Jmi⁻lle⁺ Na⁻jngii⁺, ja⁻ba⁺ lä⁻koh⁺ ga⁻hñah⁺ jne'. ⁹ Ja⁻ba⁺ lä⁻koh⁺ ga⁻jmee⁺ Dio jnä⁺ jne', ja⁻ba⁺ lä⁻ja⁻ ga⁻jmeey⁺ kyaah⁺ dsa⁻ he⁺ ka⁻läh⁺. Jëeh⁺, kyaah⁺ he⁻ ma⁻lä⁻dsoo⁺ dsëy⁺ kih⁺ Jesús, lä⁻ja⁻ ba⁺ ma⁻jäy⁺ na⁻jngëey⁺. ¹⁰ ¿He⁻la⁺ kah⁻ hnäh⁺ dsë⁺ Dio, he⁻ jmeeh⁻ hnäh⁺ bii⁺ kih⁺ øøh⁺ jne' he⁻ høøy⁺ ley he⁻ sa⁺ tääy⁺ høøy⁺, hi⁺ ni⁺ jne' sa⁺ tää⁺ jne' høøñ⁺, hi⁺ ni⁺ dsa⁻ ma⁻gyuh⁻ jnän⁺ sa⁺ ga⁻täay⁺ ma⁺ høøy⁺? ¹¹ Pero na⁺ ma⁻ñë⁺ jne', he⁻ la⁺ ma⁻lää⁺ ba⁺ Jesús jne', kwee⁻ ba⁺ kyaah⁺ dsa⁻ he⁺ —ga⁻jäh⁺ Pee⁺.

¹² Ma' ga⁻løø⁺ Bernabé kyaah⁺ Paa⁺ jmeeh⁻ juu', lä⁻jëë⁺ dsa⁻ he⁺ ga⁻taah⁻ ti⁺ nuuy⁻ ha⁻ lä⁺ cha⁻miih⁻ juh⁻gaa⁻ he⁻ ga⁻jmee⁺ Dio kyaayh⁺ jee' na⁻näay⁺ na⁻kway⁻ ju⁻hmëë⁺ kih⁺ dsa⁻ hi⁻ sa⁺ laa⁺ judiu. ¹³ Hi⁺ ma' ga⁻dsaa⁺ juu' kih⁺ Paa⁺ kyaah⁺ Bernabé, ga⁻hlëeh⁺ Jacobo, ga⁻jäyh⁺:

—Dsa⁻nñuuh⁻ øøhn⁺, nuuh⁻ da⁺ hnäh⁺. ¹⁴ Ma⁻nuuh⁻ jne' lä⁻koø⁻ ma⁻jmeeh⁻ Simón juu' ha⁻ lä⁺ ga⁻jmee⁺ Dio to⁻ñë⁺ jee' kih⁺ dsa⁻ hi⁻ sa⁺ laa⁺ judiu,

ga⁺tëey⁻ dsa⁻ he⁺, ga⁺jmäy⁺ kyaay⁺. ¹⁵ He⁻ la⁻ na⁻ jeeh⁺ kwee⁻ kyaah⁺ he⁻ ga⁺hlëeh⁺ hi⁻ ga⁺ngëe⁺ juu⁺ kih⁺ Dio, jee⁺ na⁻ sii⁻ lä⁻la⁻:

¹⁶ Ma⁻ngëe⁺ he⁻ la⁻, niin⁻ na⁻choohn⁻ hne⁺ kih⁺ David he⁻ na⁻hla⁻.

Na⁺jmeehn⁻ ka⁻läh⁺ lä⁻kaa⁻ jee⁺ na⁻hee⁻, mah⁺ choohn⁻ ka⁻läh⁺ lä⁻hmëe⁺,

¹⁷ mah⁺ lä⁻ja⁻ hi⁻ jñah⁺ nää⁺ dsa⁻ he⁺ wa⁺ hnäy⁺ Dio,

lä⁻jëe⁺ dsa⁻ hi⁻ sa⁺ laa⁺ judiu hi⁻ ma⁻mi⁻jään⁻ laay⁺ kyaan⁺.

¹⁸ Lä⁻ja⁻ ga⁺jäh⁺ Dio, hi⁻ ga⁺mi⁻jnäa⁻ juu⁺ la⁻ llo⁺joo⁺ go⁻te⁺.

¹⁹ He⁻ja⁻ jwahn⁺, ta⁺ wa⁺ han⁺ kih⁺ hi⁻ sa⁺ laa⁺ judiu hi⁻ dsa⁻jeeh⁻ kyaah⁺ Dio. ²⁰ Ma⁻lee⁺ ba⁺ koo⁻ siin⁻ kiyh⁺ mah⁺ sa⁺ wa⁺ kuyh⁻ ma⁺ he⁻ jmee⁺ mi⁻sayh⁺ hñiiy⁺ he⁻ lla⁺ dsa⁻ cha⁻në⁻ dio hi⁻ na⁻laa⁻ kaah⁻ dsa⁻, hi⁻ dsa⁻më⁺ dsa⁻nñuh⁻ sa⁺ wa⁺ kaayh⁺ wa⁺ hi⁻ cha⁻ hi⁻, hi⁻ ni⁺ sa⁺ wa⁺ kuyh⁻ jah⁺ hi⁻ dsa⁻juu⁺ kyaah⁺ he⁻ wi⁺, ni⁺ sa⁺ wa⁺ kuyh⁻ jma⁻. ²¹ Jëeh⁺ llo⁺joo⁺ ga⁻løø⁺ dsa⁻ judiu kwa⁻ nñuh⁻ kih⁺ Moisé neh⁺ gwah⁺ he⁻ tøø⁺ lä⁻koo⁻ lä⁻koo⁻ jwi⁻. Jee⁺ ja⁻ hëy⁻ he⁻ ga⁺sii⁺ Moisé, lä⁻jë⁺ jmi⁺ he⁻ teeh⁻ dsa⁻ dsë⁺ —ga⁺jäh⁺ Jacobo.

Ga⁺cheey⁺ koo⁻ je⁻ kih⁺ lä⁻jëe⁺ øøh⁺ jne⁺ hi⁻ sa⁺ laa⁺ judiu

²² Lä⁻jëe⁺ øøh⁺ jne⁺ he⁺, kyaah⁺ apóstole hi⁺ kyaah⁺ dsa⁻gyuuh⁺ ga⁺taayh⁻ juu⁺ kwee⁻ ga⁺hñaa⁺ ko⁻llaa⁺ øøh⁺ jne⁺ hi⁻ ma⁺ tääh⁺ jee⁺ ja⁻ mah⁺ dsa⁻näy⁺ jwi⁻ Antioquía kyaah⁺ Paa⁺ hi⁺ kyaah⁺ Bernabé. Ga⁺hñaa⁺ Juda, he⁺ ba⁺ hi⁻ tëeyh⁻ Barsabá, hi⁺ ga⁺hñaa⁺ Sila. Hi⁻ he⁺ ma⁺ laa⁺ ta⁺ jee⁺ kih⁺ dsa⁻kyaayh⁺. ²³ Kyaah⁺ hi⁻ he⁺ ga⁺cheey⁺ je⁻ he⁻ na⁻sii⁻ lä⁻la⁻:

“Jnääh⁺ apóstole, jnääh⁺ dsa⁻gyuuh⁺ kyaah⁺ øøh⁺ jne⁺, jmee⁻ jnääh⁺ juu⁺ kyah⁺ hnäh⁺ øøhn⁺ hi⁻ sa⁺ laa⁺ judiu hi⁻ chaa⁻ Antioquía, hi⁻ chaa⁻ hwa⁺ Siria hi⁺ Cilicia ka⁻läh⁺. Wa⁺ chaa⁻ hnäh⁺ llu⁺. ²⁴ Ma⁻nñu⁺ jnääh⁺ kih⁺ ko⁻llaa⁺ hi⁻ ga⁺hwëe⁺ jee⁺ la⁻ ga⁺näy⁺ ta⁺ na⁺. Sa⁺ ñe⁺ jnääh⁺ he⁻ ga⁺näy⁺ mi⁻gaay⁺ hnäh⁺ kyaah⁺ juu⁺ kiyh⁺, heey⁻ huudsë⁻ kyah⁺ hnäh⁺ hi⁺ jmeey⁺ hih⁺ he⁻ uuh⁺ jmi⁻ngo⁺ kyah⁺ hnäh⁺ hi⁺ he⁻ høøh⁺ hnäh⁺ ley. ²⁵ He⁻ja⁻ ma⁻tooh⁻ jnääh⁺ juu⁺ kwee⁻, ma⁻jëe⁺ jnääh⁺ llu⁺ ba⁺ he⁻ ma⁻hñaa⁺ jnääh⁺ øøh⁺ jne⁺ hi⁻ tääh⁺ jee⁺ la⁻ mah⁺ dsa⁻näy⁺ dsa⁻jëey⁺ hnäh⁺ ko⁻jøh⁺ kyaah⁺ Paa⁺ hi⁺ kyaah⁺ Bernabé hi⁻ hnää⁺ jne⁺ cha⁻miih⁻. ²⁶ Dsa⁻nñuh⁻ na⁻, sa⁺ ga⁺jmeey⁺ he⁺ che⁺ chaa⁻ juuy⁺ jee⁺ ga⁺näy⁺ kway⁺ juu⁺ kih⁺ Jesucristo. ²⁷ He⁻ja⁻ chee⁺ jnääh⁺ Juda kyaah⁺ Sila mah⁺ dsa⁻näy⁺ dsa⁻kway⁺ juu⁺ he⁻ na⁻sii⁻ la⁻. ²⁸ Llu⁺ ba⁺ la⁺ kih⁺ Jmi⁻lle⁺ Na⁻jngii⁺ hi⁺ lä⁻ja⁻ kyaa⁺ jnääh⁺ ka⁻läh⁺, he⁻ sa⁺ hnøø⁻ jnääh⁺ he⁻ høøh⁺ hnäh⁺ he⁻ sa⁺ tää⁺ hnäh⁺ høøh⁺. Ma⁻la⁺ he⁻ la⁻ ba⁺ hnøø⁻ nuuh⁺ hnäh⁺. ²⁹ Sa⁺ kuh⁺ hnäh⁺ he⁻ ma⁻lla⁺ dsa⁻ cha⁻në⁻ dio hi⁻ na⁻laa⁻ kaah⁻ dsa⁻, ni⁺ sa⁺ le⁺ kuh⁺ hnäh⁺ jma⁻, ni⁺ sa⁺ le⁺ kuh⁺ hnäh⁺ jah⁺ hi⁻ dsa⁻juu⁺ kyaah⁺ he⁻ wi⁺. Hnäh⁺ dsa⁻më⁺ dsa⁻nñuh⁻, ta⁺ kaah⁺ hnäh⁺ wa⁺ hi⁻ cha⁻ hi⁻. Cher⁺ mah⁺ ga⁻lëh⁺ hnäh⁺ høøh⁺ he⁻ ja⁻, jmeeh⁻ ba⁺ hnäh⁺ llu⁺. Wa⁺ dsa⁻ngëeh⁺ ba⁺ hnäh⁺ llu⁺.”

³⁰ Lă-jëë hi na hñaa he', ga-näay' ta Antioquía. Ma' ga-lla-näay' jee' ja-, ga-jøøyh- øøh' jne' mah' ga-ngëëy' je- he- ma' kyey- ja-, to-lo- nē jee' lä-jëë. ³¹ Peer- ga-nøh' dsē' øøh' jne' he' ma' ga-hëy' je- ja-, he-ja- ga-lä-chaay' llu' jwërte. ³² Juda kyaah' Sila hi ma' ngëë juu' kih' Dio ma' kway- cha-gamiih- juu'. Heh' lä-ja-, ga-nøh' dsē' øøh' jne' hi- ga-tëëyh' cha-miih- be'. ³³ Ga-lä-hii' ga' miih- jmií, ja-ga' ga-hih' øøh' jne' juu' kyaayh' mah' dsa-näay' llu' ta Jerusalén jee' tääh' hi- ga-cheey'. ³⁴ Pero ga-jmee' Sila huudsē: "Go- llu' ga' he- jän- jee' la-." ³⁵ Hi- ga-jä' ba' Paa' kyaah' Bernabé Antioquía ja-, ma' mi-tëëy- dsa- juu' kih' Dsa-jøøh' jnän. Hi- kō-jøh' kyaah' jñah' dsa-kyaayh' ma' kway- ju'hmëë'.

Ngoo' Paa' jee' ga-të' to' jiih~ na'kway- juu'

³⁶ Ga-lä-hii' ga' miih- jmií, ma' ga-jäh' Paa' siiyh- Bernabé:
—Man' ka-läh' ma-jëen' lä-jëë øøh' jne' hi- tääh' lä-kaa- jwií- jee' na'kan' juu' kih' Dio jää', ma-jëen' ha- lä- tääyh'.
³⁷ Ma' hnøø' Bernabé ma' jääy' Jwaa' hi- tëëyh- Marcos. ³⁸ Pero sa- ga-tih' dsē' Paa' he- ma' jääy' ka-läh' hi- ga-këh' jiih' hwa' Panfilia, jëeh' mo-so- nēe' gyih' na'kway- juu' kih' Dio kyaah' Paa'. ³⁹ Ni- miih- sa- ga-hii' kwee- juu' kih' Paa' kyaah' Bernabé, lä-jiih' ga-beey' øøyh-, ga-näay' ma' kih-kih'. He-ja- Bernabé ga-jääy' Marcos, ga-taayh' neh' barco ga-näay' ta- Chipre. ⁴⁰ Hi- Paa' ga-jääy' Sila. Lä-koo- ma' ga-hwëëy- jee' ja-, ga-jäh' øøh' jne' hi- ma' tääh' Antioquía siiyh-:
—Dio kyaah' hnäh'.
⁴¹ Ga-ngëëy' ta- hwa' Siria kyaah' hwa' Cilicia ma' kway- be' kih' øøh' jne' hi- ma' tääh' lä-koo- lä-koo- jwií-.

Ngoo' Timotä kyaah' Sila kō-jøh' kyaah' Paa'

16 ¹ Ma-ngëë' he- ja-, ga-näay' ta- Derbe, ja-ga' ga-näay' ta- Listra. Jee' ja- ma' gya' jaa- øøh' jne' hi- chee- Timotä. Chooy' ma' laa' judiu hi- ma' laay' øøh' jne' ka-läh'. Pero jmií- Timotä ma' laa' griego. ² Lä-jëë øøh' jne' hi- ma' tääh' Listra hi- hi- ma' tääh' Iconio ma' hlëëyh- llu' kih' Timotä. ³ Ga-lä-hnøø' Paa' jääy' Timotä lä-kaa- jee' dsooy', he-ja- ga-jmeey' mada' ga-wih' jmi-ngo' kih' Timotä mah' sa- choo' judiu hi- chaa- jee' ja- juu' kyaayh', jëeh' ga-lä-jëë- dsa- chaa- jee' ja- ma-ñey- laa' griego jmií- Timotä. ⁴ Ga-lä-kaa- jwií- jee' ga-näay', ga-jmeeyh' juu' kih' øøh' jne' ha- lä- la' juu' ee- he- ga-taah' apóstole kyaah' dsa-gyuuh' hi- ma' tääh' Jerusalén mah' høøy' ma-la- he- na- ba'. ⁵ Ma' ga-nuu' øøh' jne' juu' ja-, ga-tëëyh' cha-miih- be' hi- jwëë' ga' dsa- ga-heeh- juu' kih' Dio koo- jmií- koo- jmií'.

Ga⁺mi⁻jnää⁻ Dio kih⁺ Paa⁺ jaa⁻ dsa⁻ hi⁻ ma⁺ chaa⁻ hwa⁺ Macedonia

⁶ Pero Jmi⁻lle⁺ Na⁻jngii⁺ sa⁺ ga⁺kwa⁺ jwē⁺ kih⁺ Paa⁺ kyaah⁺ dsa⁻kyaayh⁺ mah⁺ ma⁺ kway⁺ juu⁺ kih⁺ Dio hwa⁺ Asia, he⁻ja⁻ ga⁻ngēē⁺ bih⁺ lä⁺ ga⁺dsa⁺ hwa⁺ Frigia, kyaah⁺ hwa⁺ Galacia. ⁷ Lä⁻koo⁻ ma⁺ ga⁻lla⁻näy⁺ ta⁺ hwa⁺ Misia, ma⁺ hnøoy⁺ ma⁺ dsa⁻näy⁺ ta⁺ Bitinia pero sa⁺ ga⁺kwa⁺ Jmi⁻lle⁺ Na⁻jngii⁺ jwē⁺. ⁸ He⁻ja⁻ koo⁻ ga⁻ngēēy⁺ ta⁺ koo⁺ hwa⁺ Misia ba⁺, lä⁻jiih⁺ ga⁻lla⁻näy⁺ jwii⁻ Troa. ⁹ Hwē⁺ he⁻ ma⁺ gya⁺ Paa⁺ Troa, ga⁻hēē⁺ mi⁻nēy⁺ ma⁺ cheh⁺ jaa⁻ dsa⁻nūh⁻ hi⁻ chaa⁻ Macedonia ma⁺ chuū⁺ kyaayh⁺, ma⁺ jäyh⁺: “Ña⁻ ta⁺ hwa⁺ Macedonia mah⁺ kwah⁺ be⁺ kya⁺ jnääh⁺.” ¹⁰ Ma⁺ ga⁻jēē⁺ Paa⁺ he⁻ ja⁻, lä⁻chah⁺ ja⁻ ga⁻mi⁻llu⁻ jnääh⁺ løø⁺ kya⁺ jnääh⁺, mah⁺ ga⁻nøø⁺ jnääh⁺ kyaayh⁺ ta⁺ Macedonia. Ga⁻jmeē⁺ jnääh⁺ dsoo⁺ he⁻ tēēh⁻ Dio jnääh⁺ mah⁺ dsa⁻kwa⁺ jnääh⁺ ju⁻hmēē⁺ kih⁺ Jesús jee⁺ ja⁻.

Ngoo⁺ Paa⁺ kyaah⁺ Sila jee⁺ jwii⁻ Filipo

¹¹ Jee⁺ jwii⁻ Troa ja⁻ ga⁻tooh⁻ jnääh⁺ neh⁺ barco, ga⁻nøø⁺ jnääh⁺ ko⁻dsoo⁺ ta⁺ Samotracia, hwa⁺ he⁻ hä⁺ jee⁺ jmi⁻ñeeh⁻. Ma⁺ ga⁻jnä⁻ jyoh⁺ jmi⁻, ga⁻nøø⁺ jnääh⁺ ta⁺ jwii⁻ Neópolis.

¹² Jee⁺ ja⁻ ga⁻hwii⁻ jnääh⁺ mah⁺ ga⁻nøø⁺ jnääh⁺ ta⁺ jwii⁻ Filipo he⁻ ga⁻lla⁻ dsa⁻ chaa⁻ Roma hi⁺ ma⁺ la⁺ jwii⁻ to⁻nē⁺ kih⁺ hwa⁺ Macedonia. Jee⁺ jwii⁻ ja⁻ ga⁻tooh⁻ jnääh⁺ mi⁻ih⁻ jmi⁻. ¹³ Koo⁻ jmi⁻ he⁻ tee⁻ dsa⁻ dsē⁺ ga⁻hwēē⁺ jnääh⁺ jee⁺ jwii⁻ ja⁻, ga⁻nøø⁺ jnääh⁺ ta⁺ cha⁻hoo⁺ jmi⁻. Jēēh⁺, ma⁺ ñē⁺ jnääh⁺ he⁻ dsa⁻nää⁺ dsa⁻ jee⁺ ja⁻, jee⁺ dsa⁻ngiiy⁻ kiyh⁺ kih⁺ Dio. He⁻ja⁻ ga⁻tooh⁻ jnääh⁺ ga⁻hlēēh⁺ jnääh⁺ juu⁺ kih⁺ Dio dsa⁻mē⁺ hi⁻ ma⁺ tääh⁺ jee⁺ ja⁻. ¹⁴ Jaa⁻ dsa⁻mē⁺ he⁺ ma⁺ chee⁻ Lidia, hi⁻ ma⁺ chaa⁻ jwii⁻ juuh⁻ he⁻ chee⁻ Tiatira. Ma⁺ hñiiy⁺ hmi⁻ih⁻ gyūy⁺ he⁻ hmooh⁺ hi⁺ ma⁺ hnaayh⁻ Dio. He⁻ja⁻ ga⁻chee⁺ Dio dsēy⁺ mah⁺ wa⁺ jmeey⁺ he⁺ juu⁺ he⁻ ma⁺ hlēēh⁺ Paa⁺. ¹⁵ Lä⁻koo⁻ ma⁺ ga⁻saay⁻ jmi⁻ ko⁻joh⁺ kyaah⁺ lä⁻jēē⁺ hi⁻ chaa⁻ kyaay⁺, ga⁻chuuy⁺ kya⁺ jnääh⁺, ga⁻jäyh⁺:

—Cher⁺ mah⁺ laah⁺ hnäh⁺ mi⁻te⁻ ba⁺ jnä⁺ kih⁺ Dio, jä⁺ hnäh⁺ kin⁺ na⁺.
He⁻ja⁻ ga⁻jmeē⁺ dsa⁻mē⁺ he⁺ bi⁺ he⁻ ga⁻jä⁻ jnääh⁺ cha⁻neh⁺ kiyh⁺.

Ga⁻taayh⁻ Paa⁺ kyaah⁺ Sila neh⁻ñē⁺

¹⁶ Koo⁻ hä⁺ lä⁺ ma⁺ na⁻nøø⁺ jnääh⁺ ka⁻läh⁺ jee⁺ ma⁺ ngii⁻ dsa⁻ kiyh⁺ kih⁺ Dio, jee⁺ ja⁻ ga⁻jēē⁺ jnääh⁺ jaa⁻ chih⁻mē⁺ hi⁻ ma⁺ kye⁻ jmi⁻lle⁺ hliih⁺ hi⁻ ma⁺ lle⁻ juu⁺ kih⁺ dsa⁺. Kyaah⁺ chih⁻mē⁺ he⁺ ma⁺ lih⁺ dsa⁻juuy⁺ cha⁻mi⁻ih⁻ kuu⁺. ¹⁷ Peer⁻ kii⁻ hoo⁻h⁻ chih⁻mē⁺ he⁺ ma⁺ lleey⁻ kaah⁻ kya⁺ jnääh⁺, ma⁺ hlēēy⁺:

—Dsa⁻nūh⁻ hi⁻ ga⁻nää⁺ na⁻, ga⁻nää⁺ mada⁻ kih⁺ Dio Jøøh⁺. Hi⁻ na⁻ na⁻ kwa⁺ juu⁺ kih⁺ Dio he⁻ jmeē⁺ dsa⁻lää⁺ dsa⁻.

¹⁸ Ma⁻lä⁻hi⁻ cha⁻mi⁻ih⁻ jmi⁻ jmeē⁺ chih⁻mē⁺ he⁺ lä⁻ja⁻, lä⁻jiih⁺ ga⁻lä⁻dsēh⁺ dsē⁺ Paa⁺. He⁻ja⁻ ga⁻jeeyh⁻ hñiiy⁺ ga⁻si⁻yh⁺ jmi⁻lle⁺ hliih⁺:

—Kyaah' be' kih' Jesucristo jmeen' hih' kyah', go'hëë' kih' chih-më' na'.

Lä'chah' ja' ya'hëë' jmi'le' hlih' kih' chih-më' he'.

¹⁹ Ma' ga'lä'lih' dsa'juu' chih-më' he' mo'so' cha' he' kyaah' liyh' kuu', ga'lä'hneey' kyaah' Paa'. Ga'saayh' Paa' kyaah' Sila na'jääy' cha'ne' dsa'ta'. ²⁰ Ga'taayh' goo' jwëë', ga'siiyh':

—Judiu ba' laa' dsa'nüuh' la', ha' koh' hnii' sa' ma' jay' llay' jee' jwii' jnän'. ²¹ Mi'tëëy' jne' he' tëëy' jmeey' he' sa' cha' jwë' jnän' heehn' ni' he' jmeen' he' tëëy' jmeey', jne' hi' laa' dsa' romano.

²² Hi' lä'jëë' dsa'jwii' ga'kwa' be' kih' dsa' hi' ga'hni' he'. He'ja' ga'jmeey' dsa'ta' mada' ga'lleey' hmiih' kih' Paa' kyaah' Sila mah' ga'kwa' dsa' kiyh' kyaah' si'hma'. ²³ Ma'ngëë' ma'kwa' dsa' kiyh' cha'mi'ih', ga'taah' dsih' neh'ne'. Ja'ga' ga'jmeey' mada' kih' poo' kyaay' mah' hääy' llu'. ²⁴ Ma'ngëë' ma'hyoh' poo' jwë' ha' lä' jmeey', ga'taayh' Paa' kyaah' Sila ga'të' neh' ga' kih' neh'ne'. Jee' ja' ga'gwëy' ti' Paa' kyaah' Sila neh' jwi' hma' he' hë' too', he' chee' cepo.

²⁵ Pero ma' ga'të' koo' lla'nüu' ma' ngii' Paa' kyaah' Sila kiyh' kih' Dio, hi' ma' häy' su' kih' Dio, hi' jnah' ga' dsa' hi' ma' tääh' neh'ne' ja' ma' nuuy'. ²⁶ Ni' sa' lih' ga' dsa' he' ma' ga'jeh' wi' jwërte hwa', lä'jih' ga'sa' ga'hluh' ti' na'hyah' he' la' neh'ne' ja'. Lä'chah' ja' ga'na' lä'jë' ho'haah' kih', hi' ga'saa' ga'jaa' caden' he' ma' na'hnuu' lä'jëë' hi' ma' tääh' neh'ne' ja'. ²⁷ He'ja' ga'ne' poo' hi' ma' høø' jee' ja'. Ma' ga'jëëy' na'na' hoo' neh'ne', ga'lley' ne'tuuh' kiyh' mah' ma' jngëëyh' hñiiy', kih' he' laay' ma'kyuu' dsa' hi' ma' tääh' neh'ne'. ²⁸ He'ja' ga'hleëh' Paa' ki' gaa' ga'jäyh':

—Ta' jmeeh' hñaa'h', tøøh' ba' jnääh' lä'jëë' jnääh' jee' la'.

²⁹ He'ja' ga'ngii' poo' he' wa'je', mah' ga'hey' ko'chih' cha'neh'. Jlääy' ga' lä'ja', ga'jwääy' hñiiy' huu' ti' Paa' kyaah' Sila. ³⁰ Hih' poo' he' ga'hwëëy' øøh' jne' neh'ne', mah' ga'siiyh':

—Dsa'nüuh', he' na' jmeen' mah' lään'.

³¹ He'ja' ga'jäh' øøh' jne' he':

—Jmeey' dsoo' hoh' kih' Jesucristo mah' lä'ja' ba' lääh' kyaah' lä'jëë' hi' chaa' kyah'.

³² Ja'ga' ga'hleëyh' poo' he' juu' kih' Dio, kyaah' lä'jëë' hi' chaa' cha'neh' kiyh'. ³³ Lä' hwë' ja' ga'jøø' poo' he' kih' Paa' kyaah' Sila na'gyiyh' jee' ga'la' dsoo' kiyh'. Lä'chah' ja' ga'saa' poo' he' jmi' kyaah' lä'jëë' hi' chaa' kyaay'. ³⁴ Ma'ngëë' ma'saay' jmi', ga'tëëy' øøh' jne' he' cha'neh' kiyh', ga'kwëëyh' he' ga'kuyh'. Peer' ga'lä'chaay' llu' kyaah' lä'jëë' hi' chaa' kyaay', lä'llu' he' ga'heeyh' juu' kih' Dio.

³⁵ Ma' ga'jnä' jyoh' jmi' ja', ga'chee' dsa'ta' jnah' poo' hi' na'jmeey' juu' kih' hi' ma' høø' neh'ne' mah' lääy' Paa' kyaah' Sila. ³⁶ He'ja' ga'jmeeh' poo' juu' kih' Paa' kyaah' Sila, ga'jäyh':

—Ma jmeé' dsa-tá mada' he- lään' hnäh'. He-ja- jwahn', hwëë- hnäh', go-nää' hnäh' kyaah' juu' llu' ba'.

³⁷ He-ja- ga-jäh' Paa' siiyh' lä-la-:

—¿He-la' ja- ga-kway' kya- jnääh' cha'ne' lä-jëë' dsa-, ni' sa' ga-ngiyy' juu' che' ää- jnääh' dsoo'? He' ba' dsa- romano jnääh' ka-läh' mah' ga-taayh- jnääh' neh-ñe'. Na' laay', lääy' jnääh' jee' na-hmäa'. Ni' miih- sa' heeh' jnääh' lä-na-. Wa' ya-nää' hñii' dsa-tá mah' hwëëy' jnääh'.

³⁸ He-ja- na'jmeeh' poo- he' juu' kih' dsa-tá. Peer- ga-lä-goo- dsë' dsa-tá he' ma' ga-nuuy' laa' Paa' dsa- romano kyaah' Sila. ³⁹ He-ja- na'näy' na'jëëy-, mah' ga-siyyh' Paa' kyaah' Sila:

—Jmeé' hnäh' jøh- hoh'.

Ma-la' ma-hwëëy' neh-ñe', ga-siyyh':

—Go-nää' ba' hnäh' ta' jee' jyoh'.

⁴⁰ Ma' ya-hëë' Paa' neh-ñe' kyaah' Sila, ga-näy' ta' kih' Lidia, jee' ga-jëey' miih- øøh' jne'. Ga-kwa' Paa' kyaah' Sila be' kiyh', ja-ga' ga-hwëëy- jee' jwii- ja-, ga-näy' ta' jee' jyoh'.

Ga-lä-hnee' dsa- kyaah' Paa' jee' jwii- Tesalónica

17 ¹ Ga-ngëë' Paa' kyaah' Sila ta' jee' jwii- Anfípoli hi' ga-ngëëy' jee' jwii- Apolonia lä-jiih' ga-lla-näy' jwii- Tesalónica, jee' ma' chih' ko- gwah' kih' dsa- judiu. ² Hi' lä-ko- tëë' Paa' jmeé', jmií' he- teeh- dsa- dsë' ma' dsooy- neh' gwah' dsa-hlëëyh' dsa-. Ga-të' hnë- jiih- ma' dsooy- gwah' jmií' he- teeh- dsa- dsë' ma' dsa-kway' juu' na-hñaa' lä-jëë-. ³ Ma' mi-jnäy' jëë- go-te- lä-ko- na-sii- juu' kih' Dio he- jäh', jmeé' bii' jëë' Cristo wii' hi' lä-jiiyh' ka-läh' jee' kih' hi- na-juu'. Hi' ga-jäyh':

—Jesús hi- hlëëhn' kih' la-, hi- he' he' Cristo.

⁴ Ko-llaa' judiu ga-lä-dsoo' dsëy', he-ja- ga-jmeey' ko-jøh' kyaah' Paa' hi' kyaah' Sila. Jwëë' griego hi- ma' hnaah- Dio ga-heeh-. Hi' lä-ja- jwëë' dsa-më' hi- hii' juu' kih' jee' jwii- ja- ga-heeyh- kih' Jesús. ⁵ Pero ko-llaa' judiu hi- sa' ma' dsoo' dsë' kih' Jesús, ga-lä-lleey'. He-ja- na'kyaay' ko-llaa' dsa-nñuh- hi- hñaa- dsë' hi- la' ga-nää' jee' jwii- ja-. Kyaah' dsa-nñuh- he' ga-liyh' ga-tooyh- je- dsë' dsa- chaa- jee' jwii- ja-. He-ja- ga-näy' cha'neh' kih' Jasón he- hnøoy' ma' jäy' Paa' kyaah' Sila mah' ma' taayh- goo- dsa-jwii-. ⁶ Pero sa' ga-jnäy'h', he-ja- ga-saayh' Jasón kyaah' jñah' ga- øøh' jne', na-jäy- kih' dsa-tá, ta-hooyh- ki-gaa- ma' jäyh':

—Dsa- na- ga-nää' mi-gaa- dsa- lä-kaa- jmi-gyuu- hi- na' ma-ya-näy' jee' la- jnän-. ⁷ Jasón la- na- ma-taayh- dsa- he' cha'neh' kih'. Lä-jëë' hi- la- na- mi-kwayh' ley kih' dsa-tá jøøh' jnän- hi- gya' roma. Jäyh' chaa- jñah' rey hi- chee- Jesús.

⁸ Ma' ga'nuu' dsa'ta' kyaah' dsa'jwii' juu' ja', ga'hee' dsëy' go'te'.
⁹ He'ja' ga'jmeë' dsa'ta' mada' ga'mi'hmaah' Jason' dsoo' kih' kyaah' lä'jëë' øøh' jne' hi' ga'saayh' he'. Ja'ga' ga'läy'.

Ngoo' Paa' kyaah' Sila ta' jwii' Berea

¹⁰ Øøh' jne' hi' ma' chaa' jee' ja', lä'chah' hwë' ja', ga'cheey' Paa' kyaah' Sila ta' jwii' Berea. Ma' ga'lla'näy' Berea na'näy' neh' gwah' kih' judiu. ¹¹ Judiu hi' ma' chaa' Berea ja', llu' cha'ga'miih' huu'dsë' kih' lä'koh' ga'hi' chaa' Tesalónica. Ga'lä'hnoø' gyih' nuuy' ha' lä' la' juu' ja', hi' lä'jë' jmi' ma' hëy' jee' na'sii' juu' kih' Dio mah' ma' jëy' che' ma'ra' ju'dsoo' he' ma' jäh' Paa'. ¹² Jwëë' dsa' judiu he' ga'heeh' juu' kih' Dio hi' lä'ja' jwëë' dsa'më' griega hi' hii' juu' kih' jee' jwii' ja' hi' jwëë' dsa'ñuu' ka'läh'. ¹³ Ma' ga'nuu' judiu hi' chaa' Tesalónica he' hää' Paa' ta' Berea kway' juu' kih' Dio, he'ja' na'näy' jee' ja' ka'läh' na'llay' hni' kih' dsa'. ¹⁴ Lä'chah' ja' øøh' jne' hi' chaa' jee' ja' ga'cheey' Paa' ta' cha'hoo' jmi'neeh'. Ga'jä' ba' Sila kyaah' Timotä jwii' Berea. ¹⁵ He' ba' øøh' jne' hi' ma' kyaah' Paa' ga'jmeë' be' ga'jøø' kiyh' lä' ga'të' jwii' Atena. Hi' ma' ga'hwëë' øøh' jne' jwii' Atena ja', ga'chee' Paa' juu' wa' jä' Sila kyaah' Timotä ta' la', na'koh' lä'jiih' jee' le'.

Ga'kwa' Paa' juu' jee' jwii' Atena

¹⁶ Ta'ko'jiih' ma' gya' Paa' jøøy' lloo' Sila kyaah' Timotä jwii' Atena, ga'lä'meeh' dsëy' kih' ga'lä'kaa' ba' tääh' dio hi' na'laa' kaah' dsa'.
¹⁷ He'ja' neh' gwah' ma' mi'jnää' Paa' juu' na'hnaa' lä'jëë' kih' judiu hi' ma' chaa' jee' ja', hi' kih' jñah' ga'dsa' hi' hnaah' Dio. Hi' lä'jë' jmi' ma' dsa'ngëë' Paa' lä'kaa' je'hmooh' ja', hlëëyh' dsa' hi' dsa'kuh' jee' ja' ka'läh'. ¹⁸ Jee' ja' ga'jeey' dsa' hi' jäh' kyuu'. Koo' nää' dsa' he' tëëyh' epicúreo hi' jñah' ka'läh' tëëyh' estoico. Dsa' he' na' ga'løø' ti'choo' juu' kyaah' Paa'. He'ja' ga'jäyh' siiyh' dsa'kyaayh':

—Hee' ba' juu' he' kwa' dsa' na', heh' he' hlëëyh' cha'miih' ngëë'.

Jñah' ka'läh' ga'jäh':

—Lä'koo' he' hlëëyh' kih' jñah' dio hi' sa' kyuu' jne'.

Lä'ja' ga'jäyh' kih' Paa' kih' he' ma' mi'jnää' Paa' ju'hmëë' kih' Jesús hi' juu' he' lä'jiih' dsa'. ¹⁹ He'ja' ga'jäy' Paa' koo' jee' ma' dsa'neey', jee' chee' Areópago. Jee' ja' ga'ngiiy' juu' kiyh':

—¿Che' le' nuu' jnääh' miih' ha' lä' la' ju'hmëë' he' kyeh' na'?

²⁰ Kyeh' juu' he' sa' ma'nuu' jnääh' go'te'. Hnoø' jnääh' lä'ne' jnääh' he' hnoø' jäh' juu' na'.

²¹ (Jëh', jwëë' dsa' chaa' jee' jwii' Atena hi' dsa' hi' ya'nää' hwa' uu', ga'taayh' tää' jee' ja'. Sa' cha' he' ga'jyoh' he' ma' tih' dsëy', ma'la' ju'hmëë' he' ma' nuuy' kyaah' he' ma' kway', he' ja' ba' ma' tih' dsëy'.)

²² He jā gā noō Paa' to' dsaah̄ jee' kih' hī ma' tääh' Areópago jā, mah' gā jäh̄:

—Kyuun̄ hnäh' dsā chaā Atena. Peer̄ mī teh̄ hnäh' kyaah' lǟ jë̄ dio kyaah' hnäh'. ²³ Jëh' lǟ ma' ñeen' na'ngën' lǟ kaā jee' jwiī lā, gā jë̄n' lǟ kaā ba' tääh' hī na' laā kaā hnäh'. Jee' jā gā jë̄n' koō na'hyoo' jee' na' siī lǟ lā: “Hiī lā Dio hī sa' kyuu' jne'.” Jë̄ da' hnäh', he' ba' Dio hī hnaah' hnäh', nī sa' kyuu' hnäh', kih' hī he' na' hlëehn' na'.

²⁴ Dio hī gā jmee' lǟ kaā jmī gyuū, hī gā jmee' lǟ jë̄ he' ga' chā nē kih', hī he' laā juu' gyuū hwa', he jā sa' jmee' bii' jmee' dsā jmī gyuū koō gwah' jee' gyay'. ²⁵ Sa' chā he' jmee' bii' kiyh' nī miih̄, nī hī jmee' ta' he' kiyh'. Hñii' bih' jmeey' chaā lǟ jë̄ jne', jmeey' kii' jne' lle' hi' kway' lǟ jë̄ he' jmee' bii' jnän'.

²⁶ Kih' jaā dsā ñuū ba' gā jmääy' lǟ jë̄ nää' dsā jmī gyuū mah' dsā taayh' lǟ kaā hwa'. Hi' gā tøy' hih' ha' koh' jmī dsā taah' dsā hi' ha' hñii' dsā taayh'. ²⁷ Gā jmääy' jne' mah' hnääh' jnih'. Lǟ jā koō sa' su' sa' jne' ba' jne' Dio. Jëh', ma' ra' ju' dsoo' sa' cheyh' uu' kih' lǟ jaā lǟ jaā jne'. ²⁸ Jëh', ta' la' kiyh' ba' chaā jne' hi' ga' nøø' jne' hi' na' jiih' jne'. He' la' jeeh' kwee' lǟ koh' ga' sii' ko' llaā dsā gooh' hnäh' hī ma' kyuū, hī gā jäh̄: “Laa' jne' sa' ju' kih' Dio.”

²⁹ Lǟ llu' he' laa' jne' sa' ju' kih' Dio, he jā sa' chā he' kih' jmeen' huud̄sē laay' lǟ koō dio hī jmäǟ dsā kyaah' ñe' nøø' o ñe' tøy' o kyaah' kuu'. Jëh' heeh' he' jmee' dsā jā, la' lǟ koō gwa' huud̄sē kih' dsā ba'. ³⁰ Jää', sa' gā jmee' Dio he' kih' lǟ jë̄ he' ma' jmee' dsā. Jëh' dsā, sa' ma' ñe' hee' jā ma' jmeey'. Pero jmī na', Dio jmee' mada' kih' lǟ jë̄ dsā hī tääh' lǟ kaā jmī gyuū wa' lǟ dsaā dsëy' lǟ jë̄ he' jmeey'. ³¹ Jëh', gā tøy' Dio hih' lloo' koō jmī llay' ta' kih' lǟ jë̄ dsā kyaah' ju' dsoo'. Ma' na' lleeh' ba' jaā dsā ñuū hī lla' ta' hi' kih' lǟ jë̄ dsā gā jmee' Dio dsoo' juu' jā, lǟ llu' he' ga' mi' jiiyh' Jesús jee' kih' hī na' juu' —gā jäh̄ Paa'.

³² Ma' ga' nuu' dsā he' juu' he' lǟ jiih' dsā hī ma' na' juu', ko' llaā dsā he' ga' mi' kwayh' hi' ko' llaā gā jäh̄ lǟ lā:

—Jyoh' jiih' ba' nuu' jnääh' ka' läh' juu' na'.

³³ He jā ya' hë̄ Paa' jee' kih' dsā he'. ³⁴ Ko' llaā hī ga' lǟ dsoo' dsë', gā jmeey' ko' jøh' kyaah' Paa'. Jee' jā ma' hää' Dionisio hī ma' dsoo' ta' Areópago. Hi' lǟ jā ga' heeh' jaā dsā mē' hī ma' chee' Dámari hi' chaā ga' jñah' hī ga' heeh'.

Ngoo' Paa' ta' jwiī Corinto

18 ¹ Ma' ngë̄ he' jā, ya' hë̄ Paa' jwiī Atena ngooy' ta' jwiī Corinto. ² Jee' jā gā jee'y' jaā judiu chee' Aquila hī ga' lǟ chaā jee' jwiī Ponto, hī hmë̄ ya' hë̄ hwa' Italia kyaah' mëy' Priscila lǟ hih' kih' Claudio rey to' nē'. Hih' rey he', sa' hnøøy' ma'

dsa-taah` dsa- hi- laa' judiu jee' jwii- Roma he- n00' hwa' Italia. He- ja- nee' Paa' na' jee- dsa-gooy' he'. ³ Aquila he' ma' jmee+ ta' hme~ hmi-loo-, he- ja- ma' la' ta' kiyh'. Ja- ba' lih+ Paa' ma' jmeey+ ta' ja- ka-lah', he- ja- ga+jay' jmeey+ ta' ja- ko-j0h' kyaayh'. ⁴ La+jee+ jmi+ he- teeh- dsa- dsel ma' dsoo~ Paa' neh+ gwah+ mah- ma' dsa-hleeyh` dsa- judiu kyaah' hi- sa+ laa' judiu, ma' kway+ juu' na-hnaa' la+jee- ha- la+ jee' ma' heeh+ dsa- juu' kih' Dio.

⁵ Ma' ga-lloo' Sila kyaah' Timotä hi- ma' tääh' Macedonia, ja-ga' ga-tu' Paa' ta' jmee+ hmi-loo- mah' ga-kway' juu' kih' Dio ba'. Ga-hleeyh' judiu dsa-gooy', ga+jmeey' ju'dsoo' kih' Jesús. Ga+jayh' hi- he' he' Cristo.

⁶ Pero dsa- he' ga-l00' jiiyh~ juu' kyaah' Paa', hi+ ga-mi-kwayh' ka-lah'. He- ja- ga-kyah' Paa' hmi+ kih', ga+jayh':

—Dsoo' kyah' hnaah' ba' hnäh' na-, he- juuh' hnäh' la+ ma-na-bääh` ja- ba' hnäh' kyaah' dso'kye-. Sa+ cha- dsoo' dsen~ ni+ miih-. Na' ta+ cha-nel na'kan` juu' la- kih' dsa- hi- sa+ laa' judiu ba'.

⁷ Ya-heey' neh+ gwah+ ja-, ngooy' cha'neh+ kih' jaa- dsa-nuuh- hi- chee- Justo hi- ma' gya' jah+ jee' chih' gwah+. Hi- he' ma' gah+ Dio.

⁸ Jaa- dsa- hi- hä goo- gwah+ hi- chee- Crispo, ga-heeh- juu' kih' Jesús kyaah' la+jee+ hi- chaa- kyaay'. Hi+ jwee' dsa- hi- chaa- ja- ba' Corinto ja-, ga-heeyh- juu' kih' Dio ma' ga-nuuy' juu' he- ma' kwa+ Paa'. La+jee+ hi- he' ga-saa- jmi+. ⁹ Koo- hwel he- ma' gya' Paa' jwii- Corinto ja-, ga-hee' mi-ney' Dsa-j0h' jnan` hi- ga+jah' siiyh+:

—Ta+ wa' gah', hleeh' ba' hne- juu' kin+, ta+ tu' he- kwah- juu'. ¹⁰ Ni+ jaa- sa+ chaa- hi- kaah' hne- mah' jmeeyh+ hne-. Jeeh' jna' chehn' kyaah' hne-. Hi+ ta+ jyoh' ko-taa-, tääh' jwee' dsa- jee' jwii- la- hi- na' ga' heeh+ juu' kin+.

¹¹ He- ja- ga+jä' Paa' koo- ji-ne- na-dsel jnee' sih- jee' jwii- Corinto ja-, kway+ juu' kih' Dio.

¹² La-koh' ma' laa' Galiön lle'moh' kih' la-kaa- hwa' Acaya, la+jee+ judiu hi- chaa- Corinto ga-taayh` juu' kwee- kyaah' dsa-kyaayh' ga-teey' kyaah' Paa' he- ja- na'jääy- nel'ta', ¹³ ma' jayh':

—Dsa-nuuh- la- mi-teey- dsa- ha- la+ jee' hnaayh+ Dio mah' lla-dseey` kih' ley jnan` kyaah' juu' ja-.

¹⁴ Ma- cheh' Paa' ma' hleeh', ma' ga+jah' Galiön siiyh+ dsa- judiu he':

—Cher'mah' dsoo' la' hliih' he- jmeey+, o cher'mah' na-bäayh` koo- dsoo' juuh-, ja-ga' na+ h00' kwaat~ llan` ta' kyah' hnäh' dsa- judiu.

¹⁵ Pero juu' ta+jmah' ba' na- hleeh' hnäh'. Dsa- ba' na- hääh+ hnäh', kih' ley kyah' hnäh' ba' na- hleeh' hnäh'. He- ja- jee- ba' hnäh' ha- la+ la-ee- juu' na-. Sa+ hnoon' taahn- hniin+ kyaah' he- na- —ga+jayh'.

¹⁶ He- ja- ga-hweey' dsa- he' nel'ta' ja-. ¹⁷ He- ja- ga-saah' dsa- he' Sóstene hi- ma' hä goo- gwah+ kiyh'. Ga-kway' kih' ta+ ka'hne- kih' nel'ta' ja-. Pero lle'moh' he' ni+ miih- sa+ ga+jmeey' he' kiyh'.

¹⁸ Pero ga'gya' ga' Paa' cha'miih' jmií' Corinto ja'. Ja'ga' ga'hiyh' juu' kih' lä'jēē' øøh' jne', ngooy' ta' hwa' Siria, kyaah' Aquila kyaah' Priscila. Jää' ja'ga' dsa'taayh' neh' barco jwii' Cencrea, ga'tii' Paa' lle', ga'jmeey' kwaah' go'te. Lä'ja' ga'lä'jnä' ga'jmeey' koo' hmooh' kyaah' Dio. ¹⁹ Ma' ga'lla'näy' Éfeso, ja' jiih' ga'jä' dsa'kyaayh'. Ngoo' ba' Paa' ta' gwah' na'hlëy' judiu. ²⁰ He'ja' ga'ngii' judiu he' ma' jä' ga' Paa' miih' jmií', pero sa' ga'heeyh'. ²¹ Ga'hiyh' juu' kih' lä'jēē' hi' he', ga'siiyh':

—Jmee' bii' naahn' jmií' he' tē' Jerusalén. Pero koo' ka'läh' jän' ya'jēē' hnäh', cher'mah' lä'ja' hnøø' Dio.

Éfeso ja' ga'he' Paa' neh' barco, ngaayh' ta' Jerusalén. ²² Ma' ga'llooy' Cesarea, ngaah' bih' ta' Jerusalén na'jmeey' Dio kih' øøh' jne' hi' ma' tääh' jee' ja'. Ja'ga' ngooy' ta' jwii' Antioquía ka'läh'. ²³ Ga'gyay' miih' jmií' Antioquía, ja'ga' ya'hëy' ka'läh', ngooy' lä'koo' lä'koo' jwii' he' nøø' hwa' Galacia, hi' lä'ja' jwii' he' nøø' hwa' Frigia, na'kway' be' kih' lä'jēē' øøh' jne' hi' ma' tääh' lä'kaa' jee' ja'.

Ga'kwa' Apolo juu' jee' jwii' Éfeso

²⁴ Ta'ko'jiih' ja', ga'lloo' ta' jwii' Éfeso jaa' judiu hi' chee' Apolo, hi' ga'lä'chaa' jee' jwii' Alejandría. Peer' liyh' kway' juu' kih' Dio na'hñaa' lä'jēē' hi' ma' kyuyh' ra'këh' ra'lluu' jee' na'sii' juu' kih' Dio.

²⁵ Ga'lä'tēē' bih' ha' lä' la' jwē' kih' Jesús hi' ma' hlëy' lä'kaa' tuh'dsëy'. Ma' mi'tëy' dsa' na'hñaa' lä'jēē' ha' lä' la' juu' kih' Jesús. Pero he' saa' dsa' jmií', ma'la' he' ma' jmee' Jwaa' ba' ma' kyuyh'.

²⁶ Sa' goyh', ga'løoy' hlëy' dsa' neh' gwah' kih' judiu he' chih' Éfeso ja'. Pero lä' ma' ga'nuu' Aquila kyaah' Priscila ha' lä' la' juu' he' ma' kwa' Apolo ja', he'ja' ga'tëy' ta' kiyh' mah' na'heeh' gyih' ha' lä' la' juu' kih' Dsa'jøøh' jnän' jee' sa' ma' kyuyh'. ²⁷ Ma'ngëē' he' ja', ga'lä'hnøø' Apolo dsoo' ta' hwa' Acaya. Hi' lä'jēē' øøh' jne' hi' ma' tääh' kyaayh' jee' ja', ga'kway' be' kih' hi' ga'siiy' koo' je' kih' øøh' jne' hi' ma' tääh' Corinto he' nøø' hwa' Acaya mah' wa' heeyh' Apolo lä'kaa' tuh'dsëy'. Hi' ma' ga'llooy' jee' ja', ga'la' llu' cha'miih' kih' lä'jēē' øøh' jne' hi' ga'heeh' kih' Dio, kih' he' llu' dsē' Dio kyaayh'.

²⁸ Lä'jiih' jee' le', ga'ti' ga'choo' Apolo juu' kyaah' judiu dsa'kyaayh'. Ga'mi'jnäy' na'hñaa' lä'jēē' lä'koo' jäh' juu' kih' Dio mah' lä'ngëy', Jesús he' hi' laa' Cristo.

Ngoo' Paa' ta' jwii' Éfeso

19 ¹ Ta'ko'jiih' ma' gya' Apolo jwii' Corinto, ngoo' Paa' jwē' hwa' ba' lä'jiih' ga'llooy' jwii' Éfeso. Ma' ga'llooy' jee' ja' ga'jeey' ko'llaa' øøh' jne'. ² He'ja' ga'ngii' Paa' juu' kiyh':

—¿Che' ga'tëh' hnäh' Jmi'lle' Na'jngii' lä' ma' ga'heeh' hnäh' juu' kih' Dsa'jøøh' jnän'?

He jā gājäh' dsā he':

—Nī sā ñe' jnääh' hee jā Jmīlle' Nājngii'.

³ He jā gājäh' Paa':

—¿Hee juu' gājmeeh' hnäh' dsoo' he gāsaah' hnäh' jmīi'?

Mah' gājäh' dsā he':

—Gāsā jnääh' jmīi' lä'hih' gājmee' Jwaa' ba'.

⁴ Mah' gājäh' Paa' siiyh':

—Jwaa' gāchoo' jmīi' kih' dsā hī gālä' dsā dsē' he ma' jmeey' he hliih'. Gāsiiyh' dsā he': "Wa' lä'dsoo' hoh' hnäh' kih' hī jā kēē' ga' ki' jnä'." Jwaa' he' ma' hlēēh' kih' Jesús hī laa' Cristo.

⁵ Ma' gānuu' dsā he' juu' jā, gāsaay' jmīi' lä'hih' kih' Jesús. ⁶ Lä' ma' gākye' Paa' goo' nē' kiyh', gājyoo' Jmīlle' Nājngii' nē' kih' dsā he'. Lä'chah' jā gāhlēy' jyoh' juu' hī gālōoy' ngēy' juu' he ma' mījnää' Dio kiyh'. ⁷ Jee' lä'jēē' dsāñuuh' he' ma' tee' gya'tuu'.

⁸ Uu' sih' he' gāgya' Paa' jee' jā, ma' dsooy' gwah' kih' dsā judiu he' chih' jee' jā. Sa' goyh' ma' hlēy' dsā hī gāmījnäy' na' hñaa' lä'jēē' ha' lä' jää' Dio dsā lä'hih' kih'. ⁹ Pero ko'llaa' dsā he' ma' hweh' dsēy', sa' gājmeey' dsoo' dsēy' kih' Jesús. Wi' ba' gāhlēy' kih' Jesús to'lo' nē' dsa'kyaay'. He jā ya' hēē' Paa' jee' kih' dsā he', gājäy' øøh' jne' gānäy' jee' chih' sa'kwel' kih' hī chee' Tiranno. Jee' jā gāhlēh' Paa' øøh' jne' juu' kih' Jesús lä'jē' jmīi'. ¹⁰ Lä'jā gājmeey' lä'jiih' gātē' to' jī ñe'. Lä'jwē' jā lä'jēē' judiu hī ma' chaa' hwa' Asia, hī lä'kye' dsā hī sa' laa' judiu, gānuuy' juu' kih' Jesús Dsa'jøøh' jnän'. ¹¹ He' ba' che' juh'gaa' he' gājmee' Dio jee' jā ta'la' kih' Paa'.

¹² Ma' dsānäa' dsā kyaah' hmīih' kih' jee' ma' cheh' Paa'. Koo' ma' dsājnooh' mīih' nē' kih' Paa' hmīih' sa'luu' hī hmīih' hi' cha'nē'. Hmīih' jā ma' dsāsuy' dsādsaah' kyaay'. Lä'jā ma' dsājä' kiyh' hī lä'kye' jmīlle' hliih' ma' hwēē'.

¹³ Hi' ma' chaa' ko'llaa' judiu hī ma' gānäa' ta' kye' ta' ñii' ma' hwēy' jmīlle' hliih' kih' dsā. Pero koo' hä', ja' hu' dsē' kiyh' ma' hwēy' jmīlle' hliih' kyaah' be' kih' Jesús, gājäyh':

—Kyaah' hih' kih' Jesús hī hlēh' Paa' kih', jmeen' hih' hwēh' hnäh'.

¹⁴ He' la' ma' jmee' lä'jēē' gyeē' joo' dsā judiu hī ma' chee' Esceva, hī ma' laa' jaa' jmīdsā hī kye' nē'. ¹⁵ Pero gājiih' jmīlle' hliih' juu' kyaah' dsā he', gājäyh':

—Kyuū' ba' jnä' Jesús, hī ma' ba' jnä' hī he' Paa', pero hnäh', sa' kyuuñ' ni' mīih'.

¹⁶ Dsā hī ma' kye' jmīlle' hliih' he', ni' juu' ga' sa' gāhiy', gāsooyh' kih' lä'jēē' gyeē' dsā he'. Peer' gākway' kih', lä'jiih' gājmäy' dsoo', gākyuuy' to'lo'kwayh'. ¹⁷ Lä'jēē' dsā judiu hī kyaah' dsā hī sa' laa' judiu hī ma' tääh' Éfeso gālä'goyh' jwēte ma' gānuuy' ha' lä' ga'la' kih' dsā he'. He jā gājmeey' juuh' kih' Jesús.

¹⁸ Hi⁺ jwëë⁺ dsa⁻ hi⁻ ga⁺ heeh⁻ juu⁺ kih⁺ Dio ga⁺ mi⁺ jnäy⁻ to⁺ lo⁺ nē⁺ øøyh⁻ lä⁺ jë⁺ he⁻ hlih⁺ he⁻ ma⁺ jmeey⁺. ¹⁹ Hi⁺ ja⁻ ba⁺ lä⁻ ja⁻ jwëë⁺ hi⁻ ma⁺ tēē⁻ ji⁻ nah⁺ ma⁺ dsa⁻ kay⁺ je⁻ hlih⁺ ja⁻, mah⁺ ma⁺ dsa⁻ jey⁺ cha⁻ nē⁺ jee⁺ lä⁺ jëē⁺. Hi⁺ ma⁺ ga⁺ jmeeh⁺ dsa⁻ kwaat[~] joh⁺ kyeē⁺ jee⁺ lä⁺ jë⁺ mo⁺ je⁺ ja⁻, ya⁺ hii⁺ kwaat[~] to⁺ lo⁺ gya⁺ mil kuu⁺ tøø⁻. ²⁰ Lä⁻ ja⁻ ga⁺ lä⁻ jwëë⁺ cha⁻ ga⁺ miih⁻ dsa⁻ hi⁻ ga⁺ nuu⁺ juu⁺ kih⁺ Dio hi⁺ ga⁺ jëy⁺ ha⁻ koh⁺ be⁺ sa⁻ cha⁻ kih⁺ Dio.

²¹ Ma⁻ ngëē⁺ he⁻ ja⁻, ga⁺ jmeē⁺ Paa⁺ huudsē⁻ dsooy⁺ ka⁻ läh⁺ ta⁺ hwa⁺ Macedonia hi⁺ ta⁺ hwa⁺ Acaya. Ja⁻ ga⁺ dsaayh⁺ ta⁺ Jerusalén. Hi⁺ ga⁺ jäh⁺:
—Ma⁻ lä⁻ hii⁻ miih⁻ jmi⁺ gyan⁺ Jerusalén, ma⁻ ra⁺ he⁻ jmeē⁺ bii⁺ niin⁻ ta⁺ Roma.

²² Uu⁺ hi⁻ ma⁺ jmeē⁺ kō⁻ jøh⁺ kyaayh⁺ ga⁺ cheey⁺ ta⁺ hwa⁺ Macedonia, ga⁺ cheey⁺ Timotä kyaah⁺ Erasto. Pero ga⁺ jäh⁺ ga⁺ Paa⁺ miih⁻ jmi⁺ hwa⁺ Asia ja⁻.

Ga⁻ lä⁻ hnee⁺ dsa⁻ hi⁻ ma⁺ chaa⁻ jwi⁺ Éfeso kyaah⁺ Paa⁺

²³ Jmi⁺ ja⁻ ga⁺ lä⁻ cha⁺ koo⁻ hnii⁻ juuh⁻ jee⁺ jwi⁺ Éfeso, kwaat[~] kih⁺ ju⁺ hmëē⁺. ²⁴ Jee⁺ ja⁻ ma⁺ gya⁺ jaa⁻ dsa⁻ chee⁻ Demetrio hi⁻ ma⁺ kwa⁺ ta⁺ he⁻ jmeē⁺ dsa⁻ gwah⁺ pih⁺ kyaah⁺ ñe⁺ tøø⁻ jmah⁺ he⁻ la⁺ heeh⁻ gwah⁺ kih⁺ Diana he⁻ ma⁺ chih⁺ jee⁺ jwi⁺ ja⁻. Kyaah⁺ ta⁺ ja⁻ ma⁺ liyh⁺ cha⁻ miih⁻ kuu⁺ kyaah⁺ dsa⁻ kyaayh⁺. ²⁵ He⁻ ja⁻ ga⁺ jøøyh⁻ lä⁻ jëē⁺ dsa⁻ hi⁻ ma⁺ jmeē⁺ ta⁺ kiyh⁺ hi⁺ jñah⁺ ga⁺ dsa⁻ hi⁻ ma⁺ jmeē⁺ ja⁻ ba⁺ ta⁺ ja⁻, mah⁺ ga⁺ siiyh⁺:

—Dsa⁻ ñuu⁻, ñeh⁺ ba⁺ hnäh⁺ kwee⁻ lëh⁺ jne⁺ cha⁻ miih⁻ kuu⁺ kyaah⁺ ta⁺ la⁻. ²⁶ Pero na⁺ ma⁺ jëē⁺ jne⁺ hi⁺ ma⁻ nuu⁻ jne⁺ ngë⁺ Paa⁺ Éfeso la⁻ mi⁺ gaay⁺ jwëē⁺ dsa⁻. Hi⁺ ja⁻ ma⁺ la⁺ jee⁺ la⁻ jmeey⁺ lä⁻ na⁻. Lä⁻ ga⁺ dsa⁺ hwa⁺ Asia ma⁻ mi⁺ gaay⁺ jwëē⁺ dsa⁻, jäh⁺: “Ja⁺ Dio he⁺, hih⁺ dio hi⁻ jmää⁻ dsa⁻ kyaah⁺ goo⁻.” ²⁷ He⁻ ja⁻ hii⁺ goo⁻ wa⁻ ra⁻ ga⁺ heey⁺ ta⁺ jnän⁻ la⁻, hi⁺ mo⁺ so⁺ tooh⁺ dsa⁻ ta⁺ gwah⁺ kih⁺ dio Diana jnän⁻ hi⁺ lä⁻ ja⁻ mo⁺ so⁺ jmeey⁺ juuh⁻ kih⁺ Diana, hi⁻ hnaah⁻ lä⁻ jëē⁺ dsa⁻ chaa⁻ hwa⁺ Asia hi⁺ lä⁻ kaa⁻ jmi⁺ gyuu⁻ ka⁻ läh⁺.

²⁸ Ma⁺ ga⁺ nuu⁺ dsa⁻ he⁺ juu⁺ ja⁻, ga⁺ lä⁻ lleey⁺ jwërte hi⁺ ga⁺ løoy⁺ tooyh⁻ cha⁻ miih⁻ miih⁺, ma⁺ jäh⁺:

—iHe⁻ ba⁺ che⁻ jøøh⁺ Diana hi⁻ cheh⁺ Éfeso la⁻!

²⁹ He⁻ ja⁻ ga⁺ kah⁺ ga⁺ gwëh⁺ huudsē⁻ kih⁺ lä⁻ jëē⁺ dsa⁻ hi⁻ ma⁺ chaa⁻ jee⁺ jwi⁺ ja⁻. Koo⁻ mi⁺ ba⁺ ga⁺ jmeey⁺ ga⁺ saayh⁺ Gayo kyaah⁺ Aristarco na⁺ jääy⁻ jee⁺ dsa⁻ ñee⁺ dsa⁻ kyaayh⁺. Lä⁻ uu⁺ dsa⁻ ñuu⁻ he⁺ chaa⁻ Macedonia hi⁺ ma⁺ jmeey⁺ kō⁻ jøh⁺ kyaah⁺ Paa⁺. ³⁰ Hnøø⁺ Paa⁺ ma⁺ dsa⁻ hlëeh⁻ kyaah⁺ dsa⁻ he⁺ pero sa⁺ ga⁺ kwa⁺ øøh⁺ jne⁺ jwë⁺ ma⁺ dsooy⁺. ³¹ Hi⁺ lä⁻ ja⁻ kō⁻ llaa⁺ hi⁻ ma⁺ laa⁺ ta⁺ hwa⁺ Asia ja⁻, ma⁺ jwayh⁺ kyaah⁺ Paa⁺. He⁻ ja⁻ ga⁺ cheey⁺ juu⁺ kih⁺, ga⁺ chuuy⁺ kyaah⁺ Paa⁺ mah⁺ sa⁻ dsooy⁺ jee⁺ tääh⁺ dsa⁻ he⁺. ³² Ga⁺ kah⁺ ga⁺ gwëh⁺ go⁻ te⁻ huudsē⁻ kih⁺ lä⁻ jëē⁺ dsa⁻ hi⁻ ma⁺ tääh⁺ jee⁺ ja⁻. Kah⁺ ba⁺ ma⁺ hlëeh⁻ lä⁻ jaa⁻ lä⁻ jaa⁻. Hi⁺ jwëē⁺ ga⁺ hi⁻ sa⁻ ma⁻ ñe⁻ hee⁻ kih⁺ ja⁻ he⁻ ma⁺ täayh⁺ jee⁺ ja⁻. ³³ He⁻ ja⁻ dsa⁻ judiu ga⁺ hñay⁺ na⁺ koh⁺ Alejandro jee⁺ kih⁺ lä⁻ jëē⁺ dsa⁻ he⁺ mah⁺ na⁺ jääy⁻ ta⁺ cha⁻ nē⁺.

He_ja_ ga_jmee' Alejandro lii~ kyaah' gooy_, hnøoy' ma' hlëeyh' jwoo' kih' judiu. ³⁴ Pero ma' ga_lä_kyuu' dsih' laay' judiu, koo_ hä' ba' ga_tooh' lä_jëë' miih'. Miih_ ga' sa' ga_të' to' hor_ ga_jmeey' lä_ja_, ma' jäyh':

—iHe_ ba' che_ jøøh' Diana hi_ cheh' Éfeso la'!

³⁵ Lä_jjih' jaa_ të_je' kyaa' jee' jwii_ ja_, ga_jmeey' hih_ he_ tu' dsa_ he' tooh_ miih', ga_jäyh':

—Nuu_ da' hnäh' hi_ chaa_ Éfeso la_. Ga_lä_jëë' ba' dsa_ jmi_gyuu' ñe_, koo_ jee' la_ ba' la' to_në' jee' jmee' dsa_ juuh_ kih' gwah_ kih' Diana he_ chih' jee' la_ jnän` hi' lä_ja_ ka_läh' heeh_ kiyh' he_ ja' kih' Júpiter. ³⁶ Ni_ jaa_ sa' le' jäh_ sa' dsoo'. He_ja_ jwahn_, tu' hnäh', ta' jmee_ hnäh' na'koh' wa' la' cha_ la'. ³⁷ Hih' uu' dsa_nuuh_ hi_ ma_ya_jääh_ hnäh' la_, sa' ma_mi_kwayh' gwah_ jnän`, ni' sa' ma_hlëeyh' hliih' kih' dio jnän`.

³⁸ Cher'mah' cha_ hnii_ kih' dsa_kyaa_ Demetrio kyaah' jñah' dsa_, cha_ ba' në'ta' jee' le' mi_ee_ juu' na_. Jee' ja_ ba' lle_ kih' hniiy' kih' dsa_.

³⁹ Cher'mah' cha_ ga' he_ sa' hii_ lä_ee_ kyah' hnäh', le' mi_ee' jne' lä_ ma' dsa_ñee_ dsa_ mada_ kih' dsa_ta'. ⁴⁰ Pero he_ jmee_ jne' la_, hii' goo_ dsa_bääh_ jne' he_ tøøh_ jne' cha_miih_ miih'. Hee_ juu' dsa_kwan' cher'mah' ga_tëeh' dsa_ta' jne' kih' he_ tøøh' jne' miih' jee' la_.

⁴¹ Ko_ja_ ba' te' ga_hlëeh' të_je' he', mah' ga_hiyh' juu' kih' dsa_jwii_.

Ngoo' Paa' ta' hwa' Macedonia hi' ta' hwa' Grecia

20 ¹ Ma_ngëë' ma_dsaa' juu' ja_, ga_tëeh' Paa' øøh' jne', ga_kwëeyh' nuuh_ mah' ga_ee_ ja_ga' ga_hiyh' juu', ngooy' ta' Macedonia. ² Ga_ngëëy' lä_jë_ jwii_ mäh_ jee' ma' tääh' øøh' jne', ga_hlëeh' gyih' mah' tëey' cha_ga_miih_ be'. Lä_ja_ ga_jmeey' lä_jjih' ga_llooy' hwa' Grecia (ja_ba' jee' chee_ Acaya). ³ Jee' ja_ ga_gyay_ uu_ sih_. Ma' ga_të' jmii' he_ dsa_hey' barco he_ dsooy' ta' hwa' Siria, ga_lä_ñey_ ma_la' juu' kih' judiu he_ saah' dsih'. He_ja_ ga_mi_siyy' huudsë_ kiyh'. Ga_jeeyh_ ka_läh' ta' Macedonia, ngooy' jwë' hwa' ba'. ⁴ Hi' ko_llaa' øøh' jne' ga_jmee' ko_jøh' kyaayh' lä_ ga_të' hwa' Asia. Jaa_ hi_ he', chee_ Sópater hi_ chaa_ Berea. Hi' jñah' chee_ Aristarco kyaah' Segundo hi_ chaa_ Tesalónica. Hi' jñah' chee_ Gayo hi_ chaa_ Derbe hi' Timotä. Jñah' chee_ Tíquico hi' Trófimo hi_ chaa_ hwa' Asia. ⁵ Ga_lä_jëë_ hi_ he' ga_lä_jää' na_jääy' jnääh' lä_ ga_të' Troa. ⁶ Hi' jnääh', ma_la_ ma_goh_ jmii' kih' he_ñiuh_ he_ sa' kyaah' levadura, ga_tooh_ jnääh' neh_ barco jwii_ Filipino. Ga_hya_ ga_hña' jmii', ja_ga' ga_je_ jnääh' dsa_kyaahn' hi_ ma' tääh' jøø_ Troa. Jee' ja_ ga_jä_ jnääh' gyii' jmii`.

Ga_gwii_ Eutico jee' gyay' nuuy_ juu' kih' Paa'

⁷ To_në' jmii' kih' seman_, ga_tooh_ jnääh' ko_jøh' kyaah' øøh' jne' jee' ma' kih' jnääh' ma_nuu_ kih' Jesús. He_ja_ ga_løø' Paa' kwa_ juu'. Juu' ja_ ga_kyoo' lä_jjih' ga_të' koo_ lla_nuu', kih' he_ ga_jmeey' huudsë_ dsooy' ta' jee' jyoh' wa' ga_jnä' jyoh' jmii'. ⁸ Hi' ma' tøø' cha_miih_ mi_së' he_

na⁻hih[~] je⁻ cha⁻neh⁺ jee⁻ ga⁻të[~] hnë⁻ jwëë[~] hne⁻ jee⁻ ma⁻ tøøh⁻ jnääh⁻ ja⁻.
⁹ Jaa⁻ chih⁻ hi⁻ chee⁻ Eutico ma⁻ gyay⁻ hoo⁻ ventan jee⁻ ma⁻ tøøh⁻ jnääh⁻.
 Jee⁻ gyay⁻ ja⁻, ga⁻gwiiy⁻ ñiih⁻ kih⁻ he⁻ ga⁻kyoo⁻ juu⁻ he⁻ ma⁻ kwa⁻ Paa⁻.
 Jee⁻ na⁻gwiiy⁻ ja⁻, ga⁻tayh⁻ lä⁻ ga⁻të[~] hwa⁻. Ma⁻na⁻juuy⁻ ma⁻ ga⁻chaah⁻
 dsih⁻. ¹⁰ He⁻ja⁻ ga⁻jñaa⁻ Paa⁻, ngooy⁻ na⁻eeey⁻ chih⁻ he⁻. Mah⁻ ga⁻jäyh⁻:

—Ta⁻ jwaah⁻ hnäh⁻, jiih⁻ ba⁻ chih⁻ la⁻.

¹¹ He⁻ja⁻ ga⁻wii⁻ Paa⁻ ka⁻läh⁻ jee⁻ ma⁻ tøøh⁻ jnääh⁻, ja⁻ga⁻ ga⁻tooh⁻
 jnääh⁻ ga⁻kih⁻ ga⁻hih⁻ jnääh⁻ ma⁻nuu⁻ kih⁻ Jesús. Ma⁻ngëë⁻ he⁻ ja⁻, ngoo⁻
 bih⁻ hlëëyh⁻ lä⁻jiih⁻ ga⁻jnä⁻. Ja⁻ga⁻ ngooy⁻ ta⁻ jee⁻ jyoh⁻. ¹² Peer⁻ ga⁻nøh⁻
 dsë⁻ dsa⁻ he⁻ kih⁻ he⁻ jiih⁻ ba⁻ chih⁻ kyaay⁻, hi⁻ ga⁻tëëy⁻ ga⁻näy⁻ kiyh⁻.

Ya⁻hëë⁻ Paa⁻ jee⁻ jwii⁻ Troa ngooy⁻ lä⁻ ga⁻të[~] jee⁻ jwii⁻ Mileto

¹³ Ga⁻tooh⁻ jnääh⁻ neh⁻ barco, mah⁻ lla⁻nøø⁻ jnääh⁻ jää⁻ lä⁻ ga⁻të[~] jwii⁻
 Asón. Jee⁻ ja⁻, ga⁻jää⁻ jnääh⁻ Paa⁻ lä⁻koo⁻ la⁻ mada⁻ nuuh⁻ jnääh⁻, jëeh⁻
 jwë⁻ hwa⁻ ba⁻ ngooy⁻ ta⁻ ja⁻. ¹⁴ Ma⁻ ga⁻lloo⁻ Paa⁻ jee⁻ tøøh⁻ jnääh⁻ jwii⁻
 Asón ja⁻, ga⁻tooh⁻ jnääh⁻ neh⁻ barco kyaayh⁻, ga⁻lla⁻nøø⁻ jnääh⁻ jwii⁻
 Mitilene. ¹⁵ Jee⁻ ga⁻të[~] to⁻ jmi⁻, ga⁻ngëë⁻ jnääh⁻ jäh⁻ jwii⁻ he⁻ chee⁻ Quío.
 Jee⁻ ga⁻të[~] hnë⁻ jmi⁻, ga⁻lla⁻nøø⁻ jnääh⁻ jwii⁻ Samo jee⁻ hwëë⁻ barco. Jee⁻
 ga⁻të[~] kye⁻ jmi⁻, ja⁻ga⁻ ga⁻tëë⁻ jnääh⁻ jwii⁻ Mileto. ¹⁶ Sa⁻ ma⁻ hnøø⁻ Paa⁻
 ma⁻ jä⁻ ki⁻wëë⁻ hwa⁻ Asia, he⁻ja⁻ koo⁻ ga⁻ngëë⁻ bih⁻ kih⁻ jwii⁻ Éfeso.
 Ga⁻jmeey⁻ bii⁻ he⁻ llaayh⁻ lä⁻ ga⁻të[~] Jerusalén mah⁻ tëëy⁻ jmi⁻ Pentecosté
 cher⁻mah⁻ ga⁻la⁻.

Ga⁻hlëëh⁻ Paa⁻ kyaah⁻ hi⁻ kye⁻ në⁻ kih⁻ gwah⁻ jwii⁻ Éfeso

¹⁷ Lä⁻ ma⁻ gya⁻ Paa⁻ jwii⁻ Mileto, ga⁻cheey⁻ juu⁻ he⁻ ya⁻nää⁻ dsa⁻gyuuh⁻
 hi⁻ kye⁻ në⁻ kih⁻ øøh⁻ jne⁻ jwii⁻ Éfeso. ¹⁸ Ma⁻ ga⁻lla⁻nää⁻ hi⁻ he⁻ jee⁻ gya⁻
 Paa⁻, ga⁻jäh⁻ Paa⁻ siiyh⁻:

—Ma⁻ñeh⁻ ba⁻ hnäh⁻ ha⁻ lä⁻ ga⁻jmeen⁻ jee⁻ kyah⁻ hnäh⁻ lä⁻ ma⁻ to⁻në⁻
 jan⁻ ta⁻ hwa⁻ Asia la⁻ lä⁻jiih⁻ na⁻. ¹⁹ Ni⁻ miih⁻ sa⁻ ga⁻jmään⁻ hñiin⁻ jøøh⁻
 lä⁻ ma⁻ ga⁻gyan⁻ kyaah⁻ hnäh⁻ kwan⁻ juu⁻ kih⁻ Dio. Ja⁻ he⁻ koo⁻ jiih⁻
 ga⁻tuun⁻ jmi⁻ haa⁻ mi⁻nën⁻ kyah⁻ hnäh⁻. Joh⁻ jiih⁻ sa⁻ ga⁻jëen⁻ wi⁻ kih⁻
 lä⁻jë⁻ he⁻ ma⁻ hnøø⁻ dsa⁻ judiu ma⁻ jmee⁻ kin⁻. ²⁰ Sa⁻ cha⁻ ga⁻jmeen⁻
 kwaat⁻ che⁻ hii⁻ goo⁻ kin⁻ jee⁻ ga⁻jmeen⁻ he⁻ llu⁻ kyah⁻ hnäh⁻. Ga⁻hlëëhn⁻
 hnäh⁻ jee⁻ jä⁻ dsa⁻ hi⁻ lä⁻ja⁻ cha⁻neh⁻ kyah⁻ hnäh⁻ ka⁻läh⁻. ²¹ Hnäh⁻ judiu
 hi⁻ hnäh⁻ hi⁻ sa⁻ laa⁻ judiu, ga⁻jwëëhn⁻ hnäh⁻ jeeh⁻ hnäh⁻ kih⁻ Dio hi⁻ wa⁻
 lä⁻dsøø⁻ hoh⁻ hnäh⁻ kih⁻ Jesucristo Dsa⁻jøøh⁻ jnän⁻. ²² Hi⁻ na⁻ ma⁻hään⁻
 jwë⁻ ngaahn⁻ ta⁻ Jerusalén lä⁻ jøø⁻ Jmi⁻lle⁻ Na⁻jngii⁻ kin⁻. Ni⁻ sa⁻ man⁻
 he⁻ dsa⁻ngëen⁻ jee⁻ ja⁻. ²³ Koo⁻ he⁻ la⁻ ba⁻ man⁻. Lä⁻kaa⁻ jwii⁻ jee⁻ niin⁻
 dsa⁻ngëen⁻ wi⁻, taah⁻ dsa⁻ jnä⁻ neh⁻ñe⁻, jäh⁻ Jmi⁻lle⁻ Na⁻jngii⁻. ²⁴ Pero ni⁻
 miih⁻ sa⁻ jmeen⁻ he⁻ che⁻ chaan⁻ o he⁻ juun⁻. Jëë⁻ ba⁻ dsën⁻ ngoon⁻ ta⁻
 cha⁻në⁻ kyaah⁻ ta⁻ he⁻ na⁻hñaan⁻, lä⁻jiih⁻ mi⁻ten⁻ ta⁻ he⁻ ga⁻tooh⁻ Jesús
 goon⁻ mah⁻ kwan⁻ ju⁻hmëë⁻ he⁻ mi⁻jnää⁻ ha⁻ lä⁻koo⁻ hnää⁻ Dio jne⁻.

²⁵ Man⁺ kwee⁻ ni⁺ jaa⁻ jee⁺ lä⁺jëë⁻ hnäh⁺ mo⁺so⁺ jëeh⁺ hnäh⁺ jnä⁺, lä⁺jëë⁻ hnäh⁺ hi⁻ ma⁻nuu⁺ juu⁺ he⁻ kwan⁺ ha⁻ lä⁺ jää⁻ Dio dsa⁻ lä⁺hih⁺ kih⁺. ²⁶ He⁻ja⁻ jwëëhn[~] hnäh⁺ jmi⁺ na⁺, ni⁺ jaa⁻ dsa⁻ mo⁺so⁺ na⁻bäähⁿ, sa⁻ cha⁻ dsoo⁺ dsëen[~] ni⁺ mi⁺ih⁻. ²⁷ Jëeh⁺, ni⁺ mi⁺ih⁻ sa⁺ ga⁻lä⁺gohn⁺, ga⁻mi⁻jnään⁺ na⁻hñaah⁺ lä⁺jëë⁻ juu⁺ kih⁺ Dio kyah⁺ hnäh⁺. ²⁸ He⁻ja⁻ jwëëhn[~] hnäh⁺, hää⁻ hnäh⁺ hñaah⁺ hi⁻ hää⁻ lä⁺jëë⁻ dsa⁻ kyaah⁺ hnäh⁺. Ma⁻na⁻hñaah⁺ hnäh⁺ kih⁺ Jmi⁻lle⁺ Na⁻jngii⁺ mah⁺ jëeh⁺ hnäh⁺ dsa⁻ kyaah⁺ hnäh⁺. He⁻ja⁻ hää⁻ hnäh⁺ kwee⁻ lä⁺jëë⁻ hi⁻ laa⁺ kyaah⁺ Dsa⁻jøøh⁺ jnäⁿ hi⁻ ga⁻laa⁺ jne⁺ kyaah⁺ jma⁻ kih⁺. ²⁹ Jëeh⁺, man⁺ kwee⁻ ha⁻ lä⁺ le⁺ wa⁻ra⁻ ngaahn⁺. Ya⁻nää⁺ jee⁺ kyah⁺ hnäh⁺ hi⁻ laa⁺ lä⁺koo⁻ jah⁺ hää⁻. Ni⁺ mi⁺ih⁻ sa⁺ jä⁻ lä⁻nih⁺ dsëy⁺ kih⁺ dsa⁻ kyaah⁺ Dio. ³⁰ Hi⁻ ja⁻ba⁺ jee⁺ kyah⁺ hnäh⁺ hwëë⁻ hi⁻ jmee⁺ ra⁻këh⁺ ju⁻dsoo⁺ mah⁺ jääy⁺ øøh⁺ jne⁺ lä⁺ hyoh⁻ dsëy⁺. ³¹ Go⁻taah⁺ hnäh⁺ leeh⁻ hnäh⁺. Mi⁻dsooh⁻ da⁺ hoh⁺ hnäh⁺ ha⁻ lä⁺ ga⁻jmeen⁺ ta⁻ko⁻jiih⁺ hnë⁻ ji⁻ñe⁻ he⁻ ga⁻gyan⁺ kyaah⁺ hnäh⁺. Lä⁺jmi⁺ lä⁻hwë⁺, sa⁺ ga⁻tun⁺ ma⁺ kwëëhn⁻ hnäh⁺ nuuh⁻, lä⁺jiih⁺ ga⁻tunⁿ jmi⁺ he⁻ haa⁺ mi⁻nën⁺ kih⁺ lä⁺jaa⁻ lä⁺jaa⁻ hnäh⁺.

³² Na⁺ na⁻ øøhn⁺, taahn⁻ hnäh⁺ goo⁻ Dio. Jä⁺ hnäh⁺ kyaah⁺ juu⁺ kiyh⁺ he⁻ mi⁻jää⁺ jne⁺. Juu⁺ na⁻ kye⁻ be⁺ he⁻ jmee⁺ dsa⁻nøøn⁺ ta⁺ cha⁻në⁺ hnäähⁿ Dio cha⁻ga⁻mi⁺ih⁻ mah⁺ hñah⁺ jne⁺ heen⁻ ko⁻jøøh⁺ kyaah⁺ lä⁺jëë⁻ hi⁻ na⁻jngëë⁺. ³³ Sa⁺ ga⁻lä⁺hee⁺ dsën⁺ ku⁻nøø⁻ kuu⁺ tøø⁻ ni⁺ hmi⁺ih⁻ he⁻ cha⁻ kih⁺ dsa⁻. ³⁴ Ma⁻ñeh⁺ ba⁺ hnäh⁺, ga⁻jmee⁺ ba⁺ jnä⁺ ta⁺ ha⁻ jee⁺ ga⁻jnä⁺ he⁻ ga⁻jmee⁺ bii⁺ kin⁺ hi⁻ lä⁺kye⁻ kih⁺ dsa⁻kyaahn⁺. ³⁵ Ma⁻ra⁺ he⁻ ga⁻jmee⁺ ba⁺ jnä⁺ ta⁺ kyaah⁺ goon⁺ mah⁺ lä⁺tëeh⁻ hnäh⁺ jmeeh⁺ hnäh⁺ lä⁺koh⁺ jmee⁺ jnä⁺ hi⁻ lä⁺ja⁻ jmeeh⁺ hnäh⁺ be⁺ kih⁺ hi⁻ tä⁻ñee⁺. Mi⁻dsooh⁻ da⁺ hoh⁺ hnäh⁺ juu⁺ kih⁺ Jesús Dsa⁻jøøh⁺ jnäⁿ, hi⁻ ga⁻jäh⁺: “Llu⁺ ga⁺ la⁺ kih⁺ hi⁻ kwa⁺ lä⁺koh⁺ ga⁺ hi⁻ hyoh⁺.”

³⁶ Ma⁻ngëë⁺ ma⁻jäh⁺ Paa⁺ lä⁺ja⁻, ga⁻juuyh⁺ jney⁺ kyaah⁺ lä⁺jëë⁻ øøh⁺ jne⁺ he⁺, ga⁻ngiiy⁺ kiyh⁺ kih⁺ Dio. ³⁷ Lä⁺jëë⁻ øøhn⁺ jne⁺ he⁺ ga⁻ki⁺ ga⁻hoo⁺ cha⁻mi⁺ih⁻. Ga⁻eey⁺ Paa⁺ mah⁺ ga⁻chuyh⁺ kih⁺. ³⁸ Ga⁻lä⁺meeh⁻ dsë⁺ jwërte dsa⁻gyuuh⁺ he⁺ kih⁺ he⁻ ga⁻jäh⁺ Paa⁺: “Mo⁺so⁺ jëeh⁺ ga⁺ jnä⁺ ka⁻läh⁺.” Ja⁻ga⁺ ga⁻nääy⁺ na⁺jääy[~] Paa⁺ ta⁺ jee⁺ ma⁺ hii⁺ barco.

Ngaah⁺ Paa⁺ ta⁺ Jerusalén

21 ¹ Ja⁻ jiih⁺ ga⁻jäh⁺ øøh⁺ jne⁺ he⁺. Hi⁻ ga⁻tooh⁻ ba⁺ jnääh⁺ neh⁻ barco. Ko⁻dsoo⁺ ba⁺ ngoo⁺ barco ja⁻ ta⁺ Cos. Ma⁺ ga⁻jnä⁺ jyoh⁺ jmi⁺, ga⁻lla⁻nøø⁺ jnääh⁺ jwi⁻ Roda. Ma⁻ngëë⁺ ja⁻ ga⁻nøø⁺ jnääh⁺ ta⁺ jwi⁻ Pátara. ² Pátara ja⁻ ga⁻jëë⁺ jnääh⁺ koø⁻ barco he⁻ ngoo⁺ ta⁺ Fenicia. Neh⁻ ja⁻ ga⁻tooh⁻ jnääh⁺ ga⁻nøø⁺ jnääh⁺ ta⁺ ja⁻. ³ Jee⁺ ga⁻nøø⁺ jnääh⁺ ja⁻, ga⁻jëë⁺ jnääh⁺ hwa⁺ Chipre he⁻ há⁺ jee⁺ jmi⁻ñeeh⁻. Hwa⁺ ja⁻ ga⁻jäh⁺ jwoo⁺ ra⁻këh⁺ ta⁺ jee⁺ ga⁻ngëë⁺ jnääh⁺ ta⁺ hwa⁺ Siria. Ga⁻ngëë⁺ ba⁺ jnääh⁺ lä⁺jiih⁺ ga⁻tëë⁺ jnääh⁺ Tiro he⁻ nøø⁺ hwa⁺ kih⁺ Siria, jëeh⁺ jee⁺ ja⁻ hwëë[~] dsa⁻løø⁺ he⁻ kyë⁻ barco. ⁴ Ma⁺ ga⁻tooh⁻ jnääh⁺ jee⁺ jwi⁻ Tiro ga⁻jee⁺ jnääh⁺ øøh⁺ jne⁺ hi⁻ ma⁺ tääh⁺ jee⁺ ja⁻. Hi⁻ ga⁻jäh⁺ jnääh⁺ kiyh⁺ gyii⁺ jmi⁺. øøh⁺ jne⁺ he⁺ ga⁻hlëeyh⁺

Paa' lä'koh' ga'mi'jnää' Jmi'lle' Na'jngii' kiyh' he' sa' ma' dsaayh' ta' Jerusalén. ⁵ Ma' ga'dsëë' jmi' ja', lä'jëë' øøh' jne' hi' chaa' jee' ja', hi' më' hi' ñuuh' lä'kye' chih' pih', ga'jmeey' ko'joh' kyaah' jnääh' lä' ga'të' chuuh' jwi', jee' la' cha'hoo' jmi'neeh'. Jee' ja' ga'juuh' jnääh' jnen' ga'ngii' jnääh' kih' Dio. ⁶ Ga'ëë' jnääh' øøh' jne' he' lä'jaa' lä'jaa' jnääh', ja' ga' ga'tooh' jnääh' neh' barco, hi' ga'nää' ba' øøh' jne' he' cha'neh' kih'.

⁷ Ga'hwii' jnääh' Tiro, ga'nøø' jnääh' ta' Tolemaida. Ma' ga'lla'nøø' jnääh' Tolemaida ja', na'jëë' jnääh' øøh' jne' hi' chaa' jee' ja'. Ga'jä' jnääh' koo' jmi' kyaayh'. ⁸ Ma' ga'jnä' jyoh' jmi', ga'hwii' jnääh' Tolemaida, ga'nøø' jnääh' ta' Cesarea. Ma' ga'tëë' jnääh' Cesarea ja', ga'nøø' jnääh' kih' Felipe hi' ma' kwa' ju'hmëë' hi' ma' laay' jaa' kih' jee' lä'jëë' gyeë' hi' ma' kwa' be' kih' apóstole jää'. Jee' ja' ga'jä' jnääh' kih' Felipe he'. ⁹ Felipe he' ma' chaa' kyeë' jo' miy' hi' ma' tääh' hñii', hi' ma' ngëë' juu' kih' Dio. ¹⁰ Ma'hya' cha'mi' jmi' tøøh' jnääh' jee' ja', ma' ga'lloo' jaa' dsa' chaa' Judea hi' chee' Agabo hi' ma' ngëë' juu' kih' Dio. ¹¹ Ma' ga'llooy' jee' tøøh' jnääh', ga'lley' loo' he' hä' tuh' Paa', mah' ga'hñuy' goo' tiy' hñiiy', ga'jäyh':

—Jäh' Jmi'lle' Na'jngii', ja' ba' lä'koh' na'hñuun' la', ja' ba' lä'la' hñuu' dsa' judiu' jaa' loo' la' jee' jwi' Jerusalén mah' ngëëy' goo' dsa' hi' sa' laa' judiu.

¹² Ma' ga'nuu' jnääh' juu' kiyh', ga'chu' jnääh' cha'mi' kyaah' Paa'. Sa' ma' kwa' jnääh' jwë' ma' dsaayh' ta' Jerusalén, hi' ja' ba' lä'ja' ma' jäh' øøh' jne' hi' ma' chaa' jee' ja'. ¹³ He' ja' ga'jäyh':

—¿He' la' hoo' hñäh' kin', he' la' jmeeh' hñäh' meeh' dsen'? Heeh' ba' jnä' cher' mah' ga'hñuu' dsa' jnä'. Ma' ke' ga'jngëeh' dsa' jnä' ta' Jerusalén, lä'jëë' ba' heeh' kwaat' kih' Jesús.

¹⁴ Ma' sa' ga'lëh' jnääh' ma' hløøh' jnääh' kih' Paa', ga'tu' jnääh' go'te', ga'chiih' jnääh':

—Wa' le' lä' hyoh' dsë' Dio ba'.

¹⁵ Ma' ga'të' jmi' he' hwii' jnääh' jee' ja', ga'jmeey' jnääh' løø' kya' jnääh', ga'nøø' jnääh' ta' Jerusalén kyaah' Paa'. ¹⁶ Ko'llaa' øøh' jne' hi' chaa' Cesarea ga'jmeey' ko'joh' kyaah' jnääh', ga'jäy' jnääh' lä' ga'të' cha'neh' kih' dsa' chaa' Chipre hi' chee' Mnasón, hi' ga'heeh' kih' Jesús lä' ma' to'në'. Jee' ja' ga'jä' jnääh'.

Ngoo' Paa' na'jëë' Jacobo

¹⁷ Ma' ga'lla'nøø' jnääh' Jerusalén, lä'jëë' øøh' jne' hi' ma' tääh' jee' ja' ga'heeyh' jnääh' lä'kaa' tuh' dsëy'. ¹⁸ Ma' ga'jnä' jyoh' jmi', ga'nøø' jnääh' kyaah' Paa' na'jëë' jnääh' Jacobo. Hi' ma' tääh' dsa'gyuuh' kya' gwah' kyaayh'. ¹⁹ Ma' la' ma'jmeey' Paa' Dio kih' hi' he', ga'jmeeyh' juu' lä'hii' në' ha' lä' ga'jmeey' Dio kyaah' dsa' hi' sa' laa' judiu, lä'kaa' jee'

ñeey' na'kway- juu'. ²⁰ Lä' ma' ga'nuuy' juu' ja-, ga'kway' cha-miih-
ti'hmaah' kih' Dio. He-ja- ga-jäyh' siiyh' Paa':

—Ma-jëeh' jah' mil dsa- judiu sa- ma-heeh- juu' kih' Dio, hi- lä-jëë-
hi- he' lä- ma-hnøø' bih' høøy' ley kih' Moisé. ²¹ Hi- ma-nuuy' hii' juu'
kyah', hne- hlëeh' dsa- judiu hi- tääh' ta- jee' jyoh', jwiih' hnih': "Ta-
jmee- he' kih' ley kih' Moisé." Hi- jwiih' hnih': "Sa- le' uuuh' jmi-ngo'
kih' gyuu- ñuuuh- jnän` ni- mo-so' le' jmee' jne' lä-koo- tää' jne'." ²² ¿Ha-
lä- jmee' jne' na'? Kuh' jwëë' dsa- ma-la- ma-nuuy' he- ma-neh' ka-läh'.
²³ Jmee' lä-koh' jäh- jnääh' la-: Chaa- kyeë' øøh' jne' jee' la- hi- ga-tëë'
mi-te' he- ga-bäayh- hñiiy' kyaah' Dio. ²⁴ Jää- hi- he', go-jmää- hñaaah'
na-jngëë' kyaayh' lä-koh' jäh' ley jnän`. Ja- mi-hmaah' jñii' he- dsa-tii'
kwaah- lley' mah' hñaa- hmooh' kih' øøh' jne' he'. Ja-ga' na- lä-ñe-
lä-jëë- dsa-, sa- la- dsoo' juu' he- ga-nuuy' kyah'. Wa-ra- ga-jmeeh' lä-ja-,
lä-jnä' lä- ma-høøh- ba' hne- ley. ²⁵ Pero kih' hi- sa- laa' judiu hi-
ma-heeh- juu' kih' Dio, ga-sii' jnääh' kiyh' jää', ga-jmee' jnääh' juu'
kiyh', ma-la- he- la- ba- hnøø' høøy'. Sa- le' kuyh' he- ma-lla' dsa-
cha-në' dio hi- na-laa- kaah- dsa- hi- sa- le' kuyh' jma- ni- ngo' jah' hi-
dsa-juu' kyaah' he- wii', hi- dsa-më' dsa-ñuuuh-, sa- le' kaayh' wa' hi-
cha- hi-.

²⁶ Ga-heeh- ba' Paa' juu' ja-, ga-jmeey' ko-jøh' kyaah' lä-jëë- kyeë'
øøh' jne' he'. Ma' ga-jnä' jyoh' jmi', ga-jmääy' hñiiy' na-jngëëy'
kyaayh'. Ja-ga' ga-hey' jee' chih' gwah' juuh' na-jmeey' juu' lih' dsëë'
jmi' he- ma- hääy~ hñiiy'. Jëeh', wa-ra- ga-dsëë' jmi' ja-, dsa-kay- he-
tëëy- kwëëyh' Dio lä-jaa- lä-jaay-.

Ga-saayh' Paa' jee' chih' gwah' juuh'

²⁷ Ma' ngoo' ga-dsëë' gyii' jmi' he- ma- hääy~ hñiiy', ma' ga-jëë' judiu
hää' Paa' ta- neh' jee' chih' gwah'. Judiu he' ma' chaa- hwa' Asia. Hi-
he' na- ga-taah- dsa- judiu hi- chaa- Jerusalén juu' mah' wa' lä-hneey'
kyaah' Paa'. Hi- lä-chah' ja- ga-saah' dsih', ²⁸ ga-ta' ga-hooyh' ki-gaa-,
ma' jäyh':

—Hnäh' judiu dsa-goon~, jmee' be' jnän`. Hi- la- na- dsa-ñuuuh- hi-
ngë- lä-kaa- jmi-gyuu- kway- juu' he- lla-dsëë' jnän` hi- lä-ja- lla-dsëë'
kih' ley jnän` hi- kih' gwah' jnän`. Hi- ja- ma-la- he- ja-. Lä-kye- dsa- hi-
sa- laa' judiu ma-taayh- neh' gwah' jnän`, ma-mi-kwayh' jee' na-jngii'
jnän` la-.

²⁹ (Jëeh', jää' ba' ga-jëëy' Paa' ta- jee' jwi- ma' ngëy- ko-jøh' kyaah'
Tróximo, hi- chaa- Éfeso. He-ja- na-, dsa- judiu he' ma' jmee- huudse-
he- ma' jää- Paa' jaa- hi- sa- laa' judiu jee' chih' gwah'.)

³⁰ Lä-jëë- dsa- hi- chaa- jee' jwi- ja- ga-hee' dsëy' go-te- ma' ga-nuuy'
juu' he- ma-mi-kwah' Paa' gwah' kiyh'. He-ja- ga-lla-nää' dsa- he' jee'
ja- ko-chih'. Ga-saayh' Paa' ga-sëëyh- lä- ga-të' ka-hne- kih' gwah', hi-
lä-chah' ja- ga-jney' ho-haah' kih' ho-hne- ja-. ³¹ Ma-tääh' gyih' jngëëyh'

Paa' ma' ga'jmeeh' dsa' juu' kih' hi' kye' ne' kih' hløø' romano, ga'jäyh': "Lä' ga'dsa' ba' Jerusalén cha' hnii'." ³² Lä' chah' ja', ga'jøøh' hi' ma' kye' ne' kih' hløø' he' hløø' kyaah' kyaah' juu' hløø', ga'näay' ko' chih' lä' ga'te' jee' ma' tääh' dsa' he'. Ma' ga'jöö' dsa' he', ja' hi' kye' ne' kyaah' hløø' kyaah', chah' ba' ga'tuy' ma' kway' kih' Paa'. ³³ Ma' ga'lloo' hi' ma' kye' ne' kih' hløø' he', ga'jmeey' mada' kih' hløø' he' hñuuy' Paa' kyaah' to' caden'. Mah' ga'ngiiy' juu' kih' judiu, ga'jäyh':

—¿Hii' dsa' la'? ¿Hee' na' ma'jmeey'?

³⁴ Jyoh' ma' hlëeh' bih' lä'jaa' lä'jaay'. Pero sa' ga'lä'ngëe' hi' ma' kye' ne' he' ha' lä' la' juu' ja', kih' he' ma' tooyh' cha'miih' miih'. He'ja' ga'jmeey' dsa'jøøh' he' mada' he' ga'tëey' Paa' ta' jee' chih' hne' kih' hløø'. ³⁵ Ma' ga'lloo' Paa' sa'joo' ta' kih' hne' ja', hää' dsa' jwërte. Jmee' gyih' bii' kway' kih' Paa' jee' ja'. He'ja' ga'chaa' hløø' he' Paa' ta' gyuuh' mah' sa' kwa' dsa' kiyh'. ³⁶ Lä'jöö' dsa' he' ya'näa' tooh' miih' ma' ngiiy' he' ma' juu' Paa'.

Ga'hlëeh' Paa' cha'ne' judiu dsa'gooy'

³⁷ Ma'tääh' gyih' taayh' Paa' cha'neh', ma' ga'ngii' Paa' juu' kih' hi' ma' kye' ne' kih' hløø' he':

—¿Che' le' hlëehn' koo' mi'juu' kyaah' hne'?

He'ja' ga'jäyh' hi' ma' kye' ne' he':

—¿Che' leh' hlëeh' griego? ³⁸ ¿Che' ja' he' hne' dsa' egipto hi' ga'jmeey' hnii' kyaah' hwa' la' ma'ko'hna' la'? ¿Che' ja' he' hne' hi' ga'jøøh' kyeey' mil dsa' mah' ga'teey' kyaah' lle'moh', ja'ga' ga'jääh' hnih' ta' hwa' kii'?

³⁹ He'ja' ga'jäyh' Paa':

—Jnä' laan' ma'ra' judiu. Ga'lä'chaan' koo' jwii' juuh' he' chee' Tarso, he' na'hee' hwa' Cilicia. Ta' jmee' hñaa' hoh', kwa' da' jwë' hlëehn' kyaah' dsa' la'.

⁴⁰ He'ja' ga'kwa' hi' ma' kye' ne' he' jwë' hlëeyh'. Mah' ga'noo' Paa' ne' sa'joo' ta' kih' hne' ja'. Ga'jmeey' lii' kyaah' gooy' mah' dsa'taayh' ti'. Ma' ga'tu' dsa' he' he' tooyh' miih', ja'ga' ga'hlëeh' Paa' kyaah' juu' hebreo, ga'jäyh':

22 ¹ —Dsa'nñuuh' øøhn', dsa' ma'kaah' kyaan', nñu' da' hnäh', wa' kwa' da' jnä' juu' kin'.

² Ma' ga'nuu' dsa' he', he' hlëeh' Paa' juu' hebreo, ga'taayh' ti'sih' go'te'. Ngoo' bih' hlëeyh':

³ —Laa' jnä' judiu. Ga'lä'chaan' jwii' Tarso he' nøø' hwa' Cilicia. Jerusalén la' ba' ga'kwaan'. Gamaliel ga'mi'tëe' jnä' llu' lä'koh' la' ley kih' dsa' ma'gyuh' jnän'. Ha' koh' sa' hee' dsen' hnaahn' Dio ja'ba' lä'koh' jmeeh' hnäh' na'. ⁴ Ñeen' lä'kaa' lä'juuh' jee' jwii' na'jmeen' hñaa' dsen' kih' dsa'më' dsa'nñuuh' hi' ma'heeh' ju'hmëe' la' mah' ma' jngëeh' jnih', he'ja' ga'tëe' jnih' mah' ga'taah' jnih' neh'ñe'. ⁵ Ñe' ba'

jmi⁻dsa⁻ jøøh¹ kyaah¹ dsa⁻gyuuh¹ ha⁻ lä⁺ ga⁺jmeen¹. Hi⁻ he⁺ ga⁺kwa⁺ je⁻ he⁻ ma⁺ kyen⁺ kih¹ dsa⁻goo[~] jne⁺ hi⁻ chaa⁻ Damasco. Ñeen⁺ jee⁺ ja⁻ na⁺hnäahn⁺ hi⁻ ma⁻heeh⁻ ju⁺hmëe⁺ kih¹ Jesús mah¹ ma⁺ tëen⁺ ta⁻ Jerusalén la⁻ mah¹ ma⁺ heeh¹ dsih⁺ wii⁺.

Ga⁺jmeeh¹ Paa⁺ juu¹ ha⁻ lä⁺ ga⁺heeyh⁻ kih¹ Dio

(Hch. 9:1-19; 26:12-18)

⁶ Pero jee⁺ ngoon¹ cha⁺jwë¹ ja⁻, ya⁺jäh⁺ lloon[~] ta⁺ Damasco ma⁻të⁺ koo⁻ lla⁺hyoo⁺, ni⁺ sa⁺ liih⁻ ga⁺ jnä⁺ ga⁺jyoo¹ gyuuh¹ koo⁻ je⁻ he⁻ bee⁺ jwërte lä⁺ku⁺ lä⁺jii¹ jee⁺ ngoon¹ ja⁻, ⁷ lä⁺jiih¹ ga⁺tahn⁺ hwa¹. Hi⁺ lä⁺chah⁺ ja⁻ ga⁻nuun¹ ga⁻hlëeh⁺: “Saulo, Saulo, ¿he⁻la⁺ hña⁻ hoh⁺ kyaah⁺ jnä⁺?” ⁸ He⁻ja⁻ ga⁻ngiin⁺ juu¹ kiyh¹: “¿Hi⁻ hne⁻ dsa⁻ñuuh⁻?”, ga⁺jwii¹ jnih⁺. Ja⁻ga⁺ ga⁺jäyh⁺: “Jnä⁺ he⁺ Jesús dsa⁻ chaa⁻ Nazaret, hi⁻ jmeeh⁻ hña⁻ hoh⁺ kih¹.” ⁹ Lä⁺jëe⁺ hi⁻ ga⁻nää¹ kyaah⁺ jnä⁺ ta⁺ ja⁺, ga⁺jëy¹ wa⁺je⁻ ja⁻, he⁻ja⁻ ga⁺jwaayh¹ jwërte pero sa⁺ ga⁻lä⁺ngëy⁺ he⁻ juu¹ ma⁺ hlëeh⁺ kyaah⁺ jnä⁺. ¹⁰ He⁻ja⁻ ga⁻ngiin⁺ juu¹ kih¹ hi⁻ ga⁻hlëeh¹ jnä⁺: “¿Hee⁻ hnooh⁻ jmeen⁻ dsa⁻ñuuh⁻?” He⁻ja⁻ ga⁺jäh⁺ dsa⁻ñuuh⁻ he⁺: “Noo⁻, mah¹ gwa⁻ ba⁺ hne⁻ ta⁺ Damasco. Jee⁺ oo⁺ jmee¹ dsa⁻ juu¹ lä⁺jë⁺ he⁻ ga⁻tëeh⁺ jmeeh¹.” ¹¹ Kyaah⁺ wa⁺je⁻ he⁻ ga⁺jëen¹ ja⁻, ga⁻hee¹ mi⁺nën⁺. Dsa⁻kyaahn⁺ he⁺ ba⁺ ga⁺jää¹ jnä⁺ na⁺hääy⁻ goon⁺ lä⁺jiih¹ ga⁻lloon¹ Damasco.

¹² Jee⁺ ja⁻ ma⁺ gya¹ jaa⁻ dsa⁻ñuuh⁻ chee⁻ Ananía hi⁻ ma⁺ mi⁺te¹ ley jnän⁻. Hi⁺ lä⁺jëe⁺ dsa⁻ judiu hi⁻ ma⁺ tääh⁺ Damasco, ma⁺ hlëeyh⁺ llu¹ kiyh¹. ¹³ Ananía he⁺, ñeey⁺ na⁺jëy⁻ jnä⁺. Ma⁺ ga⁻llooy¹ chuh⁺ kin⁺ ga⁻siiyh⁺ jnä⁺: “Øøhn¹ Saulo, wa⁺ lä⁺ jnä⁺ ka⁻läh⁺ mi⁺nëh⁺.” Lä⁺chah⁺ ja⁻, ga⁻lä⁺ jnä⁺ mi⁺nën⁺ hi⁺ ga⁺jëe⁺ jnih⁺. ¹⁴ He⁻ja⁻ ga⁻siiyh⁺ jnä⁺: “Dio kya⁺ dsa⁻ ma⁻gyuh⁻ jnän⁻ ma⁻lleeyh⁻ hne⁻ mah¹ lä⁺kyuuh[~] lä⁺jë⁺ he⁻ hyoh⁻ dsëy¹ jmeeh¹ hi⁺ jëeh¹ hi⁻ lluu¹ go⁻te[~] hi⁺ lä⁺ja⁻ ka⁻läh⁺ nuuh¹ he⁻ jäyh⁺. ¹⁵ Jëeh⁺, hne⁻ jmeeh¹ ju⁺dsoo⁺ kiyh¹, kih¹ lä⁺jëe⁺ dsa⁻ jmi⁻gyuu⁺ hi⁺ jmeeh¹ ju⁺dsoo⁺ kih¹ lä⁺jë⁺ he⁻ ma⁻jëeh⁻ hi⁺ kih¹ he⁻ ma⁻nuuh⁻. ¹⁶ Na¹ na⁺ mo⁻to⁺ jøø⁻, noo⁻ mah¹ saah⁺ jmi⁻, ngii⁺ kyah¹ lä⁻hih⁺ kih¹ Jesús mah¹ jñii⁺ lä⁺jë⁺ dso⁺kye⁻ kyah⁺”, ga⁺jäh⁺ Ananía.

Ga⁺jmeeh¹ Paa⁺ juu¹ ha⁻ lä⁺ ga⁻la¹ he⁻ ñeey⁺

na⁺kway⁻ juu¹ kih¹ hi⁻ sa⁺ laa¹ judiu

¹⁷ Hi⁺ ma⁺ jahn¹ Jerusalén la⁻, ñeen⁺ jee⁺ chih¹ gwah⁺ na⁺ngiin⁻ kin⁺. Jee⁺ ja⁻ ga⁺hëe⁺ mi⁺nën⁺ Dsa⁻jøøh¹ jnän⁻. ¹⁸ Ga⁺jëen⁺ hi⁻ ga⁻hlëeh¹ jnä⁺, ga⁺jäyh⁺: “Go⁻hëe⁺ na⁺koh⁺ Jerusalén la⁻. Jëeh⁺, sa⁺ heeh⁻ dsa⁻ nuu¹ juu¹ kin⁺ he⁻ hlëeh⁺ hne⁻.” ¹⁹ He⁻ja⁻ ga⁻jwii¹ jnih⁺: “Dsa⁻jøøh¹ kyaan⁺, ñe⁻ ba⁺ dsa⁻ hi⁻ tääh⁺ jee⁺ la⁻, he⁻ ñeen⁺ lä⁺koo⁻ lä⁺koo⁻ gwah⁺ na⁺hwëen⁻ lä⁺jëe⁺ hi⁻ ma⁻heeh⁻ juu¹ kyah¹ hi⁺ ga⁺jmeen¹ mada⁺ ga⁺kwa⁺ dsa⁻ kiyh¹ hi⁺ ga⁺taah⁻ dsih⁺ neh⁻ñe⁻. ²⁰ Hi⁺ lä⁺ ma⁺ ga⁻jngëeyh¹ Esteban, hi⁻ ma⁺ jmee⁺ ju⁺dsoo⁺ kyah¹, ma⁺ cheh¹ jnä⁺ jee⁺ ja⁻ ka⁻läh⁺. Koo⁻ ba⁺ ga⁻hi⁺ hu⁺dsë⁻ kya⁺ jnääh¹ he⁻ ga⁺juu¹ Esteban hi⁺ jnä⁺ ga⁻høøn¹ hmi⁻ih⁻ kih¹ dsa⁻ hi⁻

ga⁺ jngiih¹ kiyh¹.” ²¹ Pero Dsa⁻ jøøh¹ jnän` ga⁻ siih⁺ jnä⁺: “Goh¹ jee⁺ cheen⁻ hne⁻ uu⁺ jee⁺ tääh⁺ dsa⁻ hi⁻ sa⁺ laa⁺ judiu ba⁺.”

Ma⁻ ra⁺ he⁻ ga⁻ jä⁺ ba⁺ Paa⁺ goo⁻ hløø⁺

²² Ja⁻ jiih¹ mo⁻ so⁺ ga⁻ lä⁻ hnøøy¹ ma⁺ nuuy¹ juu¹ kih¹ Paa⁺ mah¹ ga⁻ løøy¹ tooyh[~] miih⁺, ma⁺ jäyh⁺:

—Wa⁺ juu⁺ dsa⁻ ñuu^{h-} na⁻, sa⁺ høø⁺ kwaan[~] chaa⁻ gyih¹.

²³ Tääh⁺ gyih¹ lä⁻ ja⁻ tooyh[~] miih⁺, ga⁻ ka¹ dsa⁻ he⁺ hmiih⁻ kiyh¹ ga⁻ jwäy¹ ta⁺ gyuu^{h1}, ga⁻ huuy¹ hløø⁻ jwë⁺ në⁺ lle⁺. ²⁴ He⁻ ja⁻ hi⁻ kye⁻ në⁺ kih¹ hløø⁺ ga⁻ jmee⁺ mada⁻ kih¹ dsa⁻ kyaay¹ mah¹ ga⁻ tääy⁻ Paa⁺ ta⁺ cha⁺ neh⁺ jee⁺ ma⁺ tääh⁺ lä⁻ jëë⁻ hløø⁺. Hi⁺ ga⁻ jmeey⁺ mada⁻ he⁻ ma⁺ kway¹ kiyh¹ mah¹ jmeeyh¹ juu¹ he⁻ la¹ tooh[~] dsa⁻ miih⁺ kyaay^{h1}. ²⁵ Ma⁻ cheh¹ Paa⁺ na⁻ hñuu⁻ jee⁺ ma⁺ kwa¹ hløø⁺ kiyh¹, he⁻ ja⁻ ga⁻ ngiiy⁺ juu¹ kih¹ juu⁺ hløø⁺ hi⁻ ma⁺ cheh¹ jee⁺ ja⁻:

—¿Che⁺ cha⁻ jwë¹ kyah¹ hnäh⁺ kwah¹ kih¹ jaa⁻ dsa⁻ romano, cher⁺ mah¹ sa⁺ ma⁻ kyeh⁻ ju¹ dsoo⁺ kiyh¹?

²⁶ Ma⁺ ga⁻ nuu⁺ juu⁺ hløø⁺ lä⁻ ja⁻, ngaayh¹ na⁺ jmeey⁺ juu¹ kih¹ hi⁻ kye⁻ në⁺, ga⁻ jäyh⁺:

—¿Ha⁻ lä⁻ jmeeh¹ na⁺? Dsa⁻ ñuu^{h-} oo⁺ laa¹ dsa⁻ romano.

²⁷ Ja⁻ ga⁻ ga⁻ lloo¹ hi⁻ kye⁻ në⁺ he⁺ chuh⁺ kih¹ Paa⁺ mah¹ ga⁻ ngiiy⁺ juu¹:

—¿Che⁺ ju¹ dsoo⁺ laah¹ hne⁻ dsa⁻ romano?

He⁻ ja⁻ ga⁻ jäh⁺ Paa⁺:

—Ju¹ dsoo⁺, hi⁻ he⁺ jnä⁺.

²⁸ Hi⁺ ga⁻ jäh⁺ hi⁻ kye⁻ në⁺ he⁺:

—Ya⁺ hii¹ hmooh¹ kin⁺, lä⁻ llu¹ he⁻ ga⁻ laan¹ dsa⁻ romano.

He⁻ ja⁻ ga⁻ jäh⁺ Paa⁺:

—Pero jnä⁺ laan¹ dsa⁻ romano lä⁻ jiih¹ ma⁺ ga⁻ lä⁻ chaan⁺.

²⁹ Chah⁺ ba⁺ ga⁻ jmee⁺ ta⁺ koo⁺ hløø⁺ hi⁻ ma⁺ kwa¹ kih¹ Paa⁺. Lä⁻ kye⁻ hi⁻ kye⁻ në⁺ he⁺ ma⁺ ga⁻ nuuy⁺ laa¹ Paa⁺ dsa⁻ romano, ga⁻ lä⁻ goyh⁺ kih¹ he⁻ ga⁻ jmeey⁺ mada⁻ he⁻ ga⁻ hñuu¹ Paa⁺ kyaah⁺ caden[~].

Ga⁻ jääy¹ Paa⁺ cha⁺ në⁺ dsa⁻ kaah⁺ kya¹ judiu

³⁰ Ma⁺ ga⁻ jnä¹ jyoh⁺ jmi⁺, hnøø¹ hi⁻ kye⁻ në⁺ kih¹ hløø⁺ he⁺ ma⁺ lä⁻ ñe⁻ kwee⁻ he⁻ kih¹ ja⁻ he⁻ ma⁺ hñii[~] judiu kih¹ Paa⁺. He⁻ ja⁻ ga⁻ jmeey⁺ mada⁻ kih¹ hløø⁺ wa⁺ cheeyh⁻ Paa⁺ jee⁺ hääy⁺ neh⁻ ñe¹ hi⁺ ga⁻ jmeey⁺ mada⁻ wa⁺ ya⁻ nää⁺ jmi⁻ dsa⁻ kaah⁺ hi⁺ lä⁻ jëë⁻ dsa⁻ ta⁺ judiu. Ma⁺ ga⁻ lla⁻ nää¹ lä⁻ jëë⁻ dsa⁻ ta⁺ he⁺, ga⁻ jmeey⁺ mada⁻ he⁻ ngëë¹ Paa⁺ cha⁺ në⁺ lä⁻ jëë⁻ dsa⁻ ta⁺ he⁺.

23 ¹ He⁻ ja⁻ ga⁻ jëë¹ Paa⁺ koo⁻ hwëh⁻ dsa⁻ ta⁺ he⁺ mah¹ ga⁻ jäyh⁺:
—Øøhn¹, ni⁺ miih⁻ sa⁺ hñii[~] huu⁺ dsë⁻ kin⁺, jëeh⁺ lä⁻ ma⁻ jmee⁺ ba⁺ jnä⁺ lä⁻ jiih¹ na¹ lä⁻ hnøø¹ Dio.

² Ananía hi⁻ laa¹ jmi⁻ dsa⁻ jøøh¹ ga⁻ jmeey⁺ mada⁻ kih¹ hi⁻ ma⁺ tääh⁺ jäh⁺ kih¹ Paa⁺ wa⁺ jnooy¹ hooy⁺. ³ He⁻ ja⁻ ga⁻ jäh⁺ Paa⁺:

—Kyah¹ hne⁻ wa¹ jnoo¹ Dio, hne⁻ hi⁻ na⁻jngii¹ mo⁻né. Hne⁻ hi⁻ gya¹ ka⁻ju¹dsoo¹ kin⁺ lä⁻ko^o hlëeh⁺ ley, ðhe⁻la¹ lla⁻dsëeh⁻ ley he⁻ jmeeh⁻ mada⁻jnoo¹ dsa⁻ kin⁺?

⁴ Lä⁻jëe⁻ hi⁻ ma¹ tääh¹ koo¹ kih¹ Paa¹ he¹ ga⁻jäyh¹:

—ðHe⁻la¹ jiih¹ juu¹ wii¹ kyaah¹ jmi⁻dsa⁻ jøøh¹ kyaa¹ Dio?

⁵ He⁻ja⁻ ga⁻jäh¹ Paa¹:

—Sa⁺ ma¹ man⁺ øøhn¹ he⁻ laay¹ jmi⁻dsa⁻ jøøh¹, jëeh¹ na⁻sii⁻ ba¹ juu¹ kih¹ Dio he⁻ jäh¹: “Ta⁺ hlëeh⁻ hliih¹ kih¹ hi⁻ kye⁻ né kyah¹ hnäh¹.”

⁶ Ma¹ ga⁻lä⁻liih⁻ Paa¹ kih¹ lä⁻jëe⁻ dsa⁻ta¹ he¹ tääh¹ hi⁻ laa¹ saduceo hi⁻tääh¹ hi⁻ laa¹ fariseo, he⁻ja⁻ ga⁻hlëeyh¹ koo⁻ ki⁻gaa⁻, ga⁻jäyh¹:

—Øøhn¹, laan¹ fariseo, he¹ ba¹ joo¹ fariseo jnä¹. Kah⁻ hnäh¹ kwaan⁻ kin⁺ kih¹ he⁻ kyen¹ o⁻jøh⁻ dsë⁻ he⁻ lä⁻jiih¹ hi⁻ ma⁻na⁻juu¹.

⁷ Ma¹ ga⁻hlëeyh¹ lä⁻ja⁻, ga⁻jnä¹ hni⁻ kih¹ fariseo kyaah¹ saduceo, lä⁻jiih¹ ga⁻laay¹ to¹ nää¹. ⁸ Jëeh¹, hi⁻ laa¹ saduceo sa⁺ heey¹ he⁻ lä⁻jiih¹ hi⁻ ma⁻na⁻juu¹, ni⁺ he⁻ chaa⁻ ángele, hi⁺ ni⁺ he⁻ cha⁻ jmi⁻lle¹ ka⁻läh¹. Pero dsa⁻ hi⁻ laa¹ fariseo jmeey⁻ dsoo¹ ba¹ kih¹ lä⁻jë⁻ he⁻ ja⁻. ⁹ Ha⁻ koh¹ miih¹ sa⁺ ma¹ tooh⁻ dsa⁻ he¹. Ja⁻ga⁻ ga⁻noo⁻ ko⁻llaa¹ ta⁻jwoh¹ kyaa¹ ley, hi⁻ ma¹ laa¹ fariseo, ga⁻ti⁻ ga⁻chooy¹ juu¹ ga⁻jäyh¹:

—Ni⁺ miih⁻ dsoo¹ sa⁺ na⁻bääh⁻ dsa⁻nüuh⁻ na⁻. Ta⁺ ha⁻ hnäh¹ kih¹ Dio, ha⁻ ga⁻ che⁻ jmi⁻lle¹ o⁻ jaa⁻ ángel ga⁻hlëeh¹ kyaayh¹.

¹⁰ Pero cha⁻ga⁻miih⁻ ga⁻lä⁻hnee⁻ dsa⁻ he¹. Ga⁻lä⁻goh⁺ hi⁻ kye⁻ né kih¹ hløø¹, gi¹hnä¹ dsa⁻ kih¹ Paa¹ ma¹ laay¹. He⁻ja⁻ ga⁻tëeyh¹ hløø¹ mah¹ wa¹ lleey⁻ Paa¹ jee¹ ja⁻ wa¹ lla⁻jäy⁻ ka⁻läh¹ jee¹ tääh¹ lä⁻jëe⁻ hløø¹.

Ga⁻taah⁻ dsa⁻ juu¹ kwee⁻ he⁻ ma¹ jngëeyh¹ Paa¹

¹¹ Jee¹ ga⁻të¹ to¹ hwë¹ ga⁻lä⁻jnää¹ Dsa⁻jøøh¹ jnän⁻ cha⁻né Paa¹, ga⁻jäyh¹:

—Kwa¹ be¹ Paa¹. Lä⁻ko^o ma⁻jmeeh⁻ ju¹dsoo¹ kin⁺ Jerusalén la⁻, ja⁻ba¹ lä⁻na⁻ jmee⁻ bii¹ go⁻jmeeh⁻ ka⁻läh¹ jwii⁻ Roma.

¹² Ma¹ ga⁻jnä¹ jyoh¹ jmi¹ ko⁻llaa¹ judiu ga⁻taayh⁻ juu¹ kwee⁻, ga⁻jäyh¹:

—Wa¹ jä⁻ dso⁻jwii¹ né kyaa¹ jnääh¹ cher¹ mah¹ kih¹ hih¹ jnääh¹ jää¹ sa⁺ ga¹ ma⁻jngëeh⁻ jnääh¹ Paa¹.

¹³ Laa⁻ ga¹ to¹ laa¹ dsa⁻nüuh⁻ hi⁻ ga⁻jmee¹ hmooh¹ lä⁻ja⁻. ¹⁴ Dsa⁻ he¹ na⁻näy¹ na⁻jëey⁻ jmi⁻dsa⁻ kaah¹ kyaah¹ dsa⁻gyüuh¹, na⁻chiiyh¹:

—Jnääh¹ ma⁻heeh⁻ jnääh¹, he⁻ jä⁻ dso⁻jwii¹ né kyaa¹ jnääh¹ cher¹ mah¹ kih¹ hih¹ jnääh¹ jää¹ sa⁺ ga¹ ma⁻jngëeh⁻ jnääh¹ Paa¹. ¹⁵ Na¹ na⁻ chuü¹ hnäh¹ ko⁻jøh¹ kyaah¹ lä⁻jëe⁻ dsa⁻ta¹ jnän⁻ kih¹ hi⁻ kye⁻ né kih¹ hløø¹ oo⁺ mah¹ wa¹ ya⁻jääy⁻ Paa¹ ta⁺ né⁻ta¹ la⁻. Chiiyh¹: “Hnøø⁻ jnääh¹ kye⁻ jnääh¹ kwaan⁻ kiyh¹ cha⁻ga⁻miih⁻.” Hi⁺ jnääh¹ cha⁻jwë¹ ba¹ jøø¹ jnääh¹ mah¹ jngëeh⁻ jnääh¹ wa⁻ra⁻ ga⁻ngëey¹ jee¹ ja⁻, ga⁻jäh¹ dsa⁻ he¹.

¹⁶ Pero chih⁻ kyaa¹ dsa⁻më⁻ øøh⁻ Paa¹ ga⁻nuu¹ ha⁻ lä⁻ juu¹ he⁻ ga⁻taah⁻ dsa⁻ he¹. He⁻ja⁻ neey¹ jee¹ ma¹ tääh¹ hløø¹ na⁻jmeeyh⁻ juu¹ kih¹ Paa¹.

¹⁷ He⁻ja⁻ ga⁻tëeh¹ Paa¹ jaa⁻ juu¹ hløø¹, mah¹ ga⁻siiyh⁺:

—Jää́ chih̄ lā kih¹ hī kyē nē kih¹ hløøʻ. Hnøøy¹ llay¹ miih̄ juu¹ kyaayh̄.

¹⁸ Hē jā gā jøø¹ juu¹ hløøʻ heʻ kih¹ chih̄ jeeʻ maʻ gya¹ hī kyē nē kih¹ hløøʻ, mah¹ gā siiyh̄:

—Paaʻ hī hää́ neh̄ñe¹ mā chee¹ chih̄ lā kyah¹. Chā koø̄ juu¹ hē siiyh̄ hnē.

¹⁹ Hē jā hī kyē nē kih¹ hløøʻ gā hääy¹ goō chih̄ heʻ gā jääy¹ kah̄ kih¹ mah¹ gā ngiiȳ juu¹ kiyh¹, gā jäh̄:

—¿Heē nā jwiih¹ jnäʻ?

²⁰ Hē jā gā jäh̄ chih̄ heʻ:

—Dsā judiu mā taah̄ juu¹ kweē ngiiy¹ kyah¹ hē cheeh̄ Paaʻ hø¹ jeē dsā ñeē dsā taʻ kyaay¹, jäh̄ llā kyaay¹ chā gā miih̄ jmī. ²¹ Pero tā jmeē dsooʻ. Laā gā tō laā dsā kyaay¹ hī tääh̄ nā hmääh̄ jøø̄ mah¹ jngëeyh̄ Paaʻ. Mā jäh̄: “Wā jǟ dsō jwī nē kyaā jnääh̄ cher̄ mah¹ kih̄ hī jnääh̄ jää́ sā gā mā jngëeh̄ jnääh̄ Paaʻ.” Hī nā mā tääyh̄ jøøȳ hē nā jawah̄ hnē.

²² Hē jā gā hih¹ hī kyē nē kih¹ hløøʻ juu¹ kih¹ chih̄ heʻ, mah¹ gā siiyh̄:

—Gwaah̄ baʻ hnē kyah¹, tā llā juu¹ kyaah̄ nī jaā dsā lǟ jē̄ juu¹ hē mā chiih̄ jnäʻ.

Hī kyē nē kih¹ hløøʻ gā cheey¹ Paaʻ chā nē llē moh̄ Félix

²³ Hē jā gā tēeh̄ hī kyē nē heʻ uu¹ juu¹ hløøʻ mah¹ gā siiyh̄:

—Jmeē juu¹ kih¹ tō hñā laā hløøʻ waʻ mī lluyy¹ hñiiȳ dsā nääy¹ tā Cesarea nā kō hī ñu¹ tā lā hwē¹. Hī jmeē juu¹ kih¹ jñah̄ kā läh̄ tō lō gyā dsē̄ gyeē̄ hī jää́ kyā jiih̄ hī jñah̄ gā tō hñā laā hløøʻ hī kā hmā llē ñē chuuh̄. ²⁴ Hī mī lluyȳ kyā jiih̄ hī jää́ Paaʻ mah¹ gō jääh̄ hnäh̄ chā nē llē moh̄ Félix, mah¹ waʻ llooȳ nā lluyȳ.

²⁵ Hī kyē nē kih¹ hløøʻ heʻ gā chee¹ koø̄ jē hē nā sī lǟ lā:

²⁶ “Jnäʻ Claudio Lisias siin̄ kyah¹ hnē Félix llē moh̄ lluyȳ. Waʻ chaah̄ baʻ hnē lluyȳ. ²⁷ Dsā ñuuh̄ hī ngoo¹ nā gā sooh̄ dsā judiu kiyh¹ koø̄ gwah̄, miih̄ gā sā gā jngiih̄ dsā kiyh¹. Maʻ gā lǟ man̄ laay¹ dsā romano, hē jā ñeen̄ kyaah̄ hløøʻ kyaan̄ nā lǟ jnih̄. ²⁸ Maʻ hnoon¹ lǟ man̄ hē kih¹ hē maʻ hnē̄ dsih̄, hē jā gā jää́ jnih̄ chā nē dsā kaah̄ kyaā dsā judiu. ²⁹ Jā gā gā lǟ jnäʻ hē tī chooȳ juu¹ kih¹ ley kih¹ bih¹ jā. Sā chā hē kih¹ hē juuyȳ, nī hē dsā heȳ neh̄ ñē. ³⁰ Pero jnäʻ gā tēeh̄ juu¹, jwē̄ judiu mā tääh̄ juu¹ kweē hē maʻ jngiih̄ kiyh¹. Hē jā lǟ chah̄ jā mā cheē jnih̄ tā kyah¹ hnē. Hī mā jwiin̄ lǟ jē̄ hī hñiī mah¹ dsā kwaȳ jū dsooʻ chā nē hnē hē kih¹ jā hē hñiiȳ kih¹ Paaʻ. Waʻ dsā ngëeh̄ baʻ hnē lluyȳ, gā jäh̄ hī kyē nē kih¹ hløøʻ heʻ.

³¹ Hē jā gā jøø¹ hløøʻ kih¹ Paaʻ lǟ hih̄ hē gā jmeē hī kyē nē heʻ, gā jääy¹ lǟ hwē¹ jā tā Antípatri. ³² Maʻ gā jnä¹ jā, gā kēh̄ hløøʻ hī nā nää¹ jwē̄ tī heʻ, gā nääȳ tā nē taʻ kiyh¹. Hī dsē̄ jah̄ heʻ baʻ

ga⁻nää¹ kyaah¹ Paa¹. ³³ Ma¹ ga⁻lla⁻nää¹ hløø¹ he¹ Cesarea, ga⁻kwëëyh¹ lle⁻moh¹ he¹ je⁻ he⁻ ma¹ kyey⁻ ja⁻ hi⁻ ga⁻ngëëy¹ Paa¹ goo⁻ lle⁻moh¹.
³⁴ Ma⁻ngëë¹ ma⁻hë¹ lle⁻moh¹ je⁻ ja⁻, ga⁻ngiïy¹ juu¹ kih¹ Paa¹ ha⁻ chaay⁻.
 Ma¹ ga⁻lä⁻ñe⁻ lle⁻moh¹ laa¹ Paa¹ dsa⁻ chaa⁻ Cilicia, ³⁵ he⁻ja⁻ ga⁻jäyh¹:
 —Wa¹ ya⁻nää¹ da¹ hi⁻ hniï⁻, ja⁻ ga⁻llan⁻ ta¹ kyah¹.
 Hi⁻ ga⁻jmeey¹ mada⁻ kih¹ hløø¹, he⁻ hääy¹ Paa¹ neh⁻ hne¹ juuh⁻ kih¹ Herode.

Ga⁻kwa¹ Paa¹ ju⁻dsoo¹ kih¹ cha⁻në¹ Félix

24 ¹ Ma⁻hya⁻ hña¹ jmiï¹ gya¹ Paa¹ Cesarea, ja⁻ga⁻ ga⁻lloo¹ jmi⁻dsa⁻ jøøh¹ hi⁻ chee⁻ Ananía, kyaah¹ ko⁻llaa¹ dsa⁻gyuuh¹ hi⁻ kyaah¹ jaa⁻ hi⁻ cheh¹ në¹ hi⁻ chee⁻ Tértulo. Ga⁻lla⁻nääy¹ hniïy⁻ kih¹ Paa¹ cha⁻në lle⁻moh¹. ² Hi⁻ ma¹ ga⁻lloo¹ Paa¹ cha⁻në Félix, ga⁻løø¹ Tértulo hniï⁻ kiyh¹.
 —Ti⁻hmaah¹ hne⁻ lle⁻moh¹ Félix —jäyh¹—. Peer⁻ chaa⁻ jnääh¹ llu¹ he⁻ hii¹ tiï¹ kyaah¹ jnääh¹ hi⁻ cha⁻ cha⁻miih⁻ huudsë⁻ llu¹ kyah¹ he⁻ja⁻ dsa⁻la¹ cha⁻miih⁻ ta¹ llu¹ hwa¹ kyaah¹ jnääh¹. ³ He⁻ ba¹ che⁻ lluu¹ hne⁻ Félix. He⁻ja⁻ sa¹ hwaah¹ jnääh¹ kwa⁻ jnääh¹ ti⁻hmaah¹ kyah¹ wa¹ ha⁻ cha⁻ ha⁻ jee⁻ tøøh¹ jnääh¹. ⁴ Sa¹ hnoon¹ heen⁻ cha⁻miih⁻ jmiï¹ kyah¹, he⁻ja⁻ chuun¹ kyaah¹ hne⁻, ta¹ jmee⁻ hña⁻ hoh¹ nuuh¹ miih⁻ juu¹ he⁻ kye⁻ jnääh¹ la⁻.
⁵ Dsa⁻nñuuh⁻ na⁻ hee⁻ huudsë⁻ kih¹ dsa⁻ lä⁻kaa⁻ jee⁻ ngëy⁻, llay⁻ hniï⁻ kih¹ dsa⁻ judiu hi⁻ tääh¹ lä⁻kaa⁻ jmi⁻gyuuh⁻. Hi⁻ na⁻ na⁻ hi⁻ kye⁻ në¹ kih¹ dsa⁻ hi⁻ chee⁻ nazareno hi⁻ kwa⁻ jyoh¹ juu¹. ⁶ Hnøøy¹ ma¹ mi⁻kwayh¹ gwah⁻ kyaah¹ jnääh¹, he⁻ja⁻ ga⁻chaa¹ jnääh¹. He⁻ ma¹ hnøø⁻ jnääh¹ ma¹ lla¹ jnääh¹ ta¹ kiyh¹ lä⁻koo⁻ jäh¹ ley kyaah¹ jnääh¹. ⁷ Pero ga⁻lloo¹ hi⁻ kye⁻ në¹ kih¹ hløø¹ hi⁻ chee⁻ Liasias jee⁻ tøøh¹ jnääh¹. He⁻ wiï¹ ba¹ ga⁻lleey⁻ dsa⁻nñuuh⁻ na⁻ goo⁻ jnääh¹. ⁸ Ga⁻jäyh¹ wa¹ lla⁻nää¹ lä⁻jëë⁻ hi⁻ hniï⁻ kiyh¹ cha⁻në lle⁻moh¹. Wa⁻ra⁻ ga⁻lla⁻kyaah⁻ hniï¹ jmiï¹, lä⁻ñeh¹ la¹ dsoo¹ lä⁻jëë⁻ he⁻ jäh⁻ jnääh¹ la⁻.

⁹ Lä⁻jëë⁻ judiu ga⁻hiï¹ ko⁻ ba¹ juu¹ kiyh¹, ga⁻jäyh¹:

—Ja⁻ba¹ lä⁻na⁻ jäh⁻ jnääh¹ ka⁻läh¹.

¹⁰ He⁻ja⁻ ga⁻jmeey¹ lle⁻moh¹ liï⁻ kih¹ Paa¹ mah¹ kway¹ ju⁻dsoo¹ kiyh¹.
 Ja⁻ga⁻ ga⁻jäh¹ Paa¹:

—Man⁻ ma⁻hya⁻ cha⁻miih⁻ ji⁻ñe⁻ laah¹ hne⁻ lle⁻moh¹ Cesarea la⁻, he⁻ja⁻ jëë⁻ ba¹ dsën⁻ kwan¹ juu¹ kin⁻ lä⁻koh¹ te¹ la¹ ba¹. ¹¹ Le¹ kooh¹ kwaat⁻, na¹ ma⁻hya⁻ gya⁻to¹ jmiï¹ ñeen⁻ ta¹ jee⁻ chih¹ gwah⁻ juuh⁻ jee⁻ jwiï⁻ Jerusalén na⁻kwan¹ ti⁻hmaah¹ kih¹ Dio. ¹² Sa¹ ma¹ teen⁻ kyaah¹ ni⁻ jaa⁻ dsa⁻, ni⁻ ja⁻ he¹ jnä¹ ga⁻jmeen¹ he⁻ ga⁻tooh⁻ dsa⁻ miih⁻ jee⁻ chih¹ gwah⁻ juuh⁻ ja⁻, lä⁻koo⁻ ma¹ jëëy⁻ jnä¹. Ni⁻ sa¹ ga⁻llan¹ hniï⁻ kih¹ dsa⁻ jee⁻ tøø¹ gwah⁻ mäh⁻, ni⁻ jee⁻ jwiï⁻ ja⁻ sa¹ ga⁻llaan⁻ dsa⁻ hniï⁻. ¹³ He⁻ja⁻ sa¹ cha⁻ he⁻ kyaah¹ jmee¹ dsa⁻ na⁻ dsoo¹ lä⁻jëë⁻ he⁻ bääyh⁻ jnä¹ na⁻. ¹⁴ He⁻ la⁻ ba¹ jmeen⁻ dsoo¹, he¹ ba¹ Dio hi⁻ ga⁻hnaah⁻ dsa⁻ ma⁻gyuh⁻ jnän⁻, he¹ ba¹ hi⁻ he¹ hi⁻ hnaahn⁻ lä⁻koh¹ la¹ juu¹ hmëë¹. Dsa⁻ na⁻ jäyh¹ la¹ ra⁻këh¹ ba¹ jwë⁻ he⁻ hään⁻. Pero hee⁻ ba¹ jnä¹ lä⁻jëë⁻ ley he⁻ ga⁻siï¹ Moisé hi⁻ lä⁻jëë⁻ he⁻

ga⁺sih⁺ ga⁺jnah⁺ hi⁻ ga⁺ngëe⁺ juu⁺ kih⁺ Dio. ¹⁵ Hi⁺ kyen⁺ o⁻joh⁺ dsë⁻ kih⁺ Dio, ja⁻ba⁺ lä⁻koo⁻ kye⁻ hi⁻ na⁻, he⁻ lä⁻jiih⁺ lä⁻jëe⁺ hi⁻ na⁻juu⁺, lä⁻jiih⁺ hi⁻ lluu⁺ hi⁺ lä⁻kye⁻ hi⁻ hlëeh⁺. ¹⁶ Kih⁺ he⁻ja⁻ ba⁺ na⁻, kwan⁺ be⁺ jmeen⁺ he⁻ llu⁺ jmah⁺ mah⁺ sa⁺ hñii⁺ hu⁺dsë⁻ kin⁺ cha⁺në⁺ Dio, hi⁺ ni⁺ cha⁺në⁺ dsa⁻ ka⁻läh⁺.

¹⁷ Ga⁻lä⁻hëen⁻ miih⁻ ji⁻ñe⁻ ñeen⁺ jyoh⁺ hwa⁺, ja⁻ga⁺ ga⁻llaahn⁺ Jerusalén ma⁺ kiin⁺ kuu⁺ he⁻ la⁺ kwaat⁺ kih⁺ hi⁻ tä⁻nee⁺ hi⁻ tääh⁺ jee⁺ ja⁻, hi⁺ ma⁺ kiin⁺ he⁻ ga⁻tëen⁺ kwëehn⁻ Dio. ¹⁸ He⁻ja⁻ na⁻ ma⁺ jmeen⁺ lä⁺ ma⁺ ga⁻lla⁻nää⁺ miih⁻ judiu hi⁻ ya⁺nää⁺ ta⁺ hwa⁺ Asia. Ga⁻jëey⁺ jnä⁺ jee⁺ chih⁺ gwah⁺ Jerusalén, ma⁻na⁻jngëe⁺ ba⁺ jnä⁺ lä⁻hih⁺ kih⁺ ley. Pero sa⁺ ma⁺ tääh⁺ jwëe⁺ dsa⁻, ni⁺ miih⁺ sa⁺ ma⁺ tääh⁺. ¹⁹ Wa⁺ ya⁻nää⁺ hi⁻ he⁺ ba⁺ jee⁺ la⁻ mah⁺ kway⁺ ju⁺dsoo⁺ kiyh⁺ cher⁺mah⁺ he⁻ cha⁻ kiyh⁺ kyaah⁺ jnä⁺. ²⁰ O wa⁺ jäh⁺ hi⁻ tääh⁺ na⁻ che⁺ ga⁻lä⁻jnä⁺ he⁻ ga⁻hläahn⁻ kyaayh⁺ lä⁺ ma⁺ ga⁻kay⁺ ju⁺dsoo⁺ kin⁺ jee⁺ jwii⁻ Jerusalén. ²¹ Koo⁻ he⁻ la⁻ ba⁺ sa⁺ ga⁻tih⁺ dsëy⁺ ma⁺ ga⁻hlëehn⁻ lä⁻koo⁻ ma⁺ hään⁺ jee⁺ kiyh⁺, ga⁻jwii⁺ jnih⁺ lä⁻la⁻ ki⁻gaa⁻: “Llah⁻ hnäh⁺ ta⁺ kin⁺, kih⁺ he⁻ jmeen⁺ dsoo⁺ he⁻ lä⁻jiih⁺ ka⁻läh⁺ hi⁻ ma⁻na⁻juu⁺”, ga⁻jäh⁺ Paa⁺.

²² Ma⁻ñe⁻ ba⁺ Félix ha⁻ lä⁺ la⁺ juu⁺ hmëe⁺ kih⁺ Jesús. He⁻ja⁻ ma⁺ ga⁻nuuy⁺ ga⁻jäh⁺ Paa⁺ lä⁻ja⁻, ga⁻hiiy⁺ lä⁻ja⁻ ba⁺ në⁺ juu⁺ ja⁻. Ga⁻siiyh⁺ hi⁻ ma⁺ tääh⁺ he⁺:

—Wa⁺ jä⁻ da⁺ hi⁻ kye⁻ në⁺ kih⁺ hløø⁺ hi⁻ chee⁻ Lisias, ja⁻ga⁺ jëen⁺ ha⁻ lä⁻ jä⁺ juu⁺ kyah⁺ hnäh⁺ na⁻.

²³ Ja⁻ga⁺ ga⁻jmee⁺ lle⁺moh⁺ Félix mada⁻ kih⁺ hløø⁺ kyaay⁺ mah⁺ hääy⁺ Paa⁺ hi⁺ ga⁻kwa⁺ bih⁺ jwë⁺ he⁻ na⁻nää⁺ ome⁻ kyaay⁺ na⁻jëey⁻ hi⁺ na⁻kay⁻ he⁻ ma⁺ jmee⁺ bii⁺ kiyh⁺.

²⁴ Ga⁻lä⁻hi⁺ ga⁺ miih⁻ jmi⁺ ma⁺ jah⁺ lle⁺moh⁺ Félix në⁺ta⁺ kiyh⁺ ka⁻läh⁺ kyaah⁺ Drusila mëy⁺, hi⁻ laa⁺ dsa⁻ judiu. He⁻ja⁻ ga⁻jmee⁺ Félix mada⁻ he⁻ ga⁻tëeyh⁺ Paa⁺ mah⁺ nuuy⁺ ha⁻ lä⁺ la⁺ juu⁺ he⁻ jmee⁺ dsoo⁺ dsë⁻ dsa⁻ kih⁺ Jesucristo. ²⁵ He⁻ja⁻ ga⁻hlëeh⁺ Paa⁺ ha⁻ lä⁻ jä⁺ dsa⁻ lluu⁺ cha⁺në⁺ Dio, hi⁺ ha⁻ lä⁻ hää⁺ dsa⁻ hñii⁺, hi⁺ ga⁻hlëeyh⁺ he⁻ ka⁺ Dio ju⁺dsoo⁺ kih⁺ dsa⁺.

Peer⁺ ga⁻jwaah⁺ Félix ma⁺ ga⁻nuuy⁺ juu⁺ ja⁻, he⁻ja⁻ ga⁻jäyh⁺:

—Ma⁻le⁺ gwaah⁺ da⁺, la⁻ ba⁺ tëehn⁻ hne⁻ ka⁻läh⁺ lä⁺ ma⁺ jään⁺.

²⁶ Kuu⁺ ba⁺ ja⁻ ma⁺ jøø⁺ Félix ma⁺ jiih⁺ Paa⁺, ja⁻ga⁺ ma⁺ lääy⁺. He⁻ja⁻ ma⁺ tëeyh⁺ Paa⁺ ko⁻lla⁻jiih⁺ ma⁺ llay⁺ juu⁺ kyaayh⁺.

²⁷ Ga⁻hya⁻ to⁺ ji⁻ñe⁻ jmeey⁺ lä⁻ja⁻ lä⁻jiih⁺ ya⁻hëe⁺ Félix lle⁺moh⁺. Në⁺ kiyh⁺ ga⁻he⁺ Porcio Festo. Ma⁺ hnøø⁺ Félix ma⁺ jä⁺ llu⁺ kyaah⁺ dsa⁻ judiu, he⁻ja⁻ sa⁺ ga⁻kway⁺ jwë⁺ ma⁺ lää⁺ Paa⁺.

Ga⁻hlëeh⁺ Paa⁺ cha⁺në⁺ Festo

25 ¹ Ma⁺ ga⁻lloo⁺ Festo jwii⁻ Cesarea, ga⁻lä⁻hëey⁻ hnë⁻ jmi⁻ jee⁺ ja⁻, ja⁻ga⁺ ngooy⁺ ta⁺ Jerusalén. ² Lä⁻jëe⁺ jmi⁻dsa⁻ kaah⁺ kyaah⁺ lä⁻jëe⁺ hi⁻ kye⁻ në⁺ kih⁺ judiu, ga⁻lla⁻näay⁺ hñiiy⁺ kih⁺ Paa⁺ ka⁻läh⁺ kih⁺ lle⁺moh⁺ Festo, lä⁻bii⁺ lä⁻jaa⁺ ma⁺ chuuy⁺ kyaah⁺:

³ —Ta⁺ jmee⁻ hñaa⁻ hoh^ʼ, jmee⁺ mada⁻ he⁻ jäh^ʼ Paa⁺ ta⁺ Jerusalén
—ga⁻jäh^ʼ siiyh⁺ Festo.

Jëeh^ʼ ga⁻jmeey^ʼ huud⁻dsë⁻ he⁻ ma⁺ jngëeyh⁺ Paa⁺ cha⁻jwë⁺ ba⁺. ⁴ He⁻ja⁻
ga⁻jäh^ʼ Festo:

—Jee⁺ oo⁺ ba⁺ hää⁺ Paa⁺ na⁻jñëy⁺ jwii⁻ Cesarea. Ja⁻ba⁺ jee⁺ naahn⁻
chah^ʼ. ⁵ Lä⁻jëë⁻ hnäh^ʼ hi⁻ jää⁺, ma⁻nøøn⁺ ko⁻jøh^ʼ mah⁺ jee⁺ oo⁺ ba⁺ hñiih⁺
hnäh^ʼ kiyh⁺ cher⁺mah⁺ cha⁻ koö⁻ dsoo⁺ juuh⁻ he⁻ na⁻bääh⁻ dsa⁻nñuuh⁻ he^ʼ.

⁶ Ga⁻gya⁻ ga⁻ Festo jwii⁻ Jerusalén koö⁻ jña⁺ o⁺ gya⁺ jmiï⁺, ja⁻ga⁻ ngaayh⁺
ta⁺ Cesarea. He⁻ ga⁻jnä⁺ jyoh^ʼ jmiï⁺, ja⁻ga⁻ ga⁻gyay⁻ nē⁻ta⁺ kiyh⁺. Mah⁺
ga⁻jmeey^ʼ mada⁻ he⁻ na⁻kyaay^ʼ Paa⁺. ⁷ Ma⁺ ga⁻he⁺ Paa⁺ nē⁻ta⁺ kih⁺
lle⁺moh^ʼ, lä⁻jëë⁻ dsa⁻ta⁺ judiu hi⁻ ya⁻nää⁺ Jerusalén ga⁻kuyh⁺ lä⁻ku⁺ lä⁻jii⁺
kih⁺ Paa⁺. Ja⁻ he⁻ koö⁻ nēë⁺ dsoo⁺ juuh⁻ ma⁺ bääh⁻ dsih^ʼ pero ni⁺ miih⁻ sa⁻
ga⁻jmää^ʼ juu⁺ kih⁺ dsa⁻ he^ʼ.

⁸ He⁻ja⁻ ga⁻løø⁺ Paa⁺ kwa⁺ ju⁺dsoo⁺ kih⁺, ga⁻jäh^ʼ:

—Ni⁺ koö⁻ he⁻ hliih⁺ sa⁻ cha⁻ he⁻ ma⁻jmeen⁺, sa⁻ ma⁻hlëehn⁻ wii^ʼ kih⁺
ley kyaa⁺ jnääh⁺ dsa⁻ judiu. Ni⁺ sa⁻ ma⁻mi⁻kwahn⁻ kih⁺ gwah⁺ juuh⁻ hi⁻
ni⁺ sa⁻ ma⁻hlääh⁻ kyaah⁺ rey to⁻nē⁺ hi⁻ gya⁺ Roma.

⁹ Pero lle⁺moh^ʼ he^ʼ, hnøøy⁺ ma⁺ jäh⁺ llu⁺ kyaah⁺ dsa⁻ judiu, he⁻ja⁻
ga⁻ngiiy^ʼ juu⁺ kih⁺ Paa⁺:

—¿Che⁺ hnooh⁻ gwaah⁺ ta⁺ Jerusalén mah⁺ mi⁻een⁺ juu⁺ na⁻ jee⁺ oo⁺?

¹⁰ He⁻ja⁻ ga⁻jäh^ʼ Paa⁺:

—He⁻ ma⁻chehn⁺ jee⁺ la⁻, lä⁻koö⁻ he⁻ chehn⁺ nē⁻ta⁺ kih⁺ rey to⁻nē⁺ ba⁺
ja⁻. Jee⁺ la⁻ ba⁺ ga⁻tëë⁻ lä⁻ee⁻ juu⁺ kin⁺. Ñeh⁺ ba⁺ hne⁻ kwee⁻, ni⁺ miih⁻ sa⁻
cha⁻ he⁻ ma⁻hlääh⁻ kyaah⁺ dsa⁻ judiu. ¹¹ Lle⁻ kih⁺ juun^ʼ cher⁺mah⁺
ga⁻jmeen⁺ koö⁻ dsoo⁺ juuh⁻. Sa⁻ gohn⁺ juun^ʼ. Pero cher⁺mah⁺ sa⁻ la⁺
ju⁺dsoo⁺ he⁻ bääh⁻ dsa⁻ jnä⁺ la⁻, ni⁺ jaa⁻ dsa⁻ta⁺ sa⁻ cha⁻ jwë⁺ ngëë⁺ jnä⁺
goo⁻ dsa⁻ judiu na⁻. Hñii^ʼ rey to⁻nē⁺ hnoon⁺ mi⁻ee⁻ juu⁺ kin⁺.

¹² He⁻ja⁻ ga⁻lla^ʼ Festo juu⁺ kyaah⁺ dsa⁻kyaayh⁺ ha⁻ lä⁺ jmeey⁺. Ja⁻ga⁻
ga⁻jäh^ʼ Festo siiyh⁺ Paa⁺:

—Hñaa⁺ ba⁺ hne⁻ ma⁻ngiih⁺ he⁻ mi⁻ee⁻ hñii^ʼ rey to⁻nē⁺ juu⁺ kyah⁺.
He⁻ja⁻ cha⁻nē⁺ hi⁻ he^ʼ ba⁺ gooh⁺ na⁺.

Ga⁻hlëeh^ʼ Paa⁺ cha⁻nē⁺ rey Agripa

¹³ Ga⁻hya⁻ ga⁻ miih⁻ jmiï⁺, ga⁻lloo⁺ rey Agripa jwii⁻ Cesarea ja⁻ kyaayh⁺
Bernice, ga⁻lla⁻näy⁺ na⁻jëëy⁻ Festo. ¹⁴ Ma⁻hya⁻ cha⁻ miih⁻ jmiï⁺ täy^ʼ jee⁺
ja⁻, ja⁻ga⁻ ga⁻jmeeh⁺ Festo juu⁺ kih⁺ rey Agripa ha⁻ lä⁺ la⁺ juu⁺ kih⁺ Paa⁺,
ga⁻jäh^ʼ:

—Jee⁺ la⁻ hää⁺ jaa⁻ dsa⁻nñuuh⁻ neh⁻ñe⁺ hi⁻ ga⁻taah⁻ Félix lä⁺ ma⁺ laay⁺
ta⁺. ¹⁵ Lä⁺ ma⁺ ñeen⁺ Jerusalén lä⁻jëë⁻ jmi⁻dsa⁻ kaah⁺ hi⁻ lä⁻jëë⁻
dsa⁻gyuuh⁺ kyaa⁺ judiu ga⁻ngiiy^ʼ kin⁺ he⁻ ma⁺ jmeen⁻ mada⁻ he⁻ juu⁺
Paa⁺.

¹⁶ He⁻ja⁻ ga⁻jwii⁺ jnih^ʼ, sa⁻ lle⁻ ley kyaa⁺ jnääh⁺ dsa⁻ romano he⁻ jmee⁺
jnääh⁺ mada⁻ he⁻ juu⁺ dsa⁻ cher⁺mah⁺ sa⁻ cheh⁺ hi⁻ na⁻bääh⁻ dsoo⁺ cha⁻nē⁺

hī hñiī kiyh¹. Lãˆjaˆ baˆ chaˆ jwë¹ lääy¹ hñiiyˆ kih¹ heˆ hñiī dsaˆ kiyh¹.
¹⁷ Hiˆ maˆ yaˆnäˆ dsaˆ heˆ jeeˆ laˆ, chahˆ baˆ ngaahn¹ taˆ nẽˆtaˆ kinˆ maˆ
gaˆjnã¹ jyohˆ jmī. Hiˆ gaˆjmeen¹ madaˆ naˆkyaayˆ Paaˆ. ¹⁸ Heˆjaˆ gaˆløø¹
dsaˆ heˆ hñiī kiyh¹. Pero niˆ kooˆ dsooˆ juuhˆ saˆ gaˆläˆjnã¹ kiyh¹ läˆkooˆ
huudˆsëˆ heˆ maˆ jmeenˆ. ¹⁹ Gaˆläˆhøøhˆ dsaˆ heˆ kih¹ Paaˆ kih¹ heˆ saˆ maˆ
hnaayhˆ Dio läˆ tẽë¹ jmeeyˆ. Hiˆ gaˆhñiiy¹ kiyh¹ kwaatˆ kih¹ Jesús, hī
maˆnaˆ juuˆ, hī jmeeˆ Paaˆ dsooˆ chaˆ bih¹. ²⁰ Heˆjaˆ saˆ manˆ heˆ maˆ
jmeenˆ kyaahˆ juuˆ laˆ. Heˆjaˆ gaˆngiinˆ juuˆ kih¹ Paaˆ cherˆmah¹ hnøøy¹
maˆ dsaayh¹ taˆ Jerusalén mah¹ maˆ läˆeeˆ juuˆ kiyh¹ jeeˆ ooˆ. ²¹ Pero Paaˆ
gaˆngiiyˆ heˆ dsooy¹ chaˆnẽˆ rey toˆnẽˆ hī cheeˆ Augusto mah¹ hī heˆ
miˆeeˆ juuˆ kiyh¹. Heˆjaˆ gaˆjmeen¹ madaˆ waˆ hääˆ bih¹ kiyh¹ nehˆñeˆ
taˆkoˆjiih¹ llooˆ jmī cheeˆ jnihˆ chaˆnẽˆ rey heˆ.

²² Heˆjaˆ gaˆjähˆ rey Agripa siiyhˆ lleˆmohˆ Festo:

—Hnooˆ jnäˆ kaˆlähˆ nuunˆ juuˆ kih¹ dsaˆñuuhˆ naˆ.

Heˆjaˆ gaˆjähˆ Festo:

—Høˆ baˆ nuuh¹ haˆ läˆ jäyhˆ.

²³ Maˆ gaˆjnã¹ jyohˆ jmī gaˆheˆ rey Agripa nẽˆtaˆ kyaahˆ Bernice. Haˆ
kohˆ juuhˆ saˆ gaˆjmeeyˆ dsaˆ kiyh¹. Gaˆtaayhˆ koˆjohˆ kyaahˆ hī kyeˆ nẽˆ
kih¹ hløøˆ hiˆ kyaayhˆ dsaˆ kaahˆ kyaahˆ jeeˆ jwī jaˆ. Heˆjaˆ gaˆjmeeyˆ
lleˆmohˆ Festo madaˆ naˆkyaayˆ Paaˆ. ²⁴ Maˆ jaˆ Paaˆ, gaˆjähˆ Festo:

—Hneˆ rey Agripa, kyaahˆ läˆjẽëˆ hī täähˆ kyaahˆ jneˆ jeeˆ laˆ, hiiˆ
dsaˆñuuhˆ heˆ cheh¹ laˆ. Lãˆjẽëˆ judiu yaˆnäˆ chaˆnẽˆ bääyhˆ dsaˆñuuhˆ
laˆ dsooˆ. Gaˆngiiyˆ kinˆ maˆ läˆeeˆ juuˆ laˆ taˆ Jerusalén hiˆ jaˆbaˆ läˆjaˆ
gaˆjmeeyˆ maˆ yaˆnäy¹ Cesarea laˆ. Peerˆ gaˆtooyh¹ mīhˆ kyaahˆ jnäˆ,
gaˆläˆhnøøy¹ heˆ maˆ juuˆ Paaˆ. ²⁵ Pero jnäˆ laanˆ saˆ chaˆ dsooˆ juuhˆ
ääyˆ niˆ mīhˆ mah¹ juuyˆ. Hñiiˆ Paaˆ gaˆngiiˆ kiyh¹ dsooy¹ chaˆnẽˆ rey
toˆnẽˆ mah¹ läˆeeˆ juuˆ kiyh¹ jeeˆ jaˆ, heˆjaˆ gaˆllaˆ dsenˆ cheeˆ jnihˆ taˆ
Roma. ²⁶ Pero saˆ chaˆ heˆ siinˆ kih¹ rey heˆ niˆ mīhˆ, heˆjaˆ maˆkwaatˆ
jnihˆ chaˆnẽhˆ hneˆ rey Agripa hiˆ chaˆnẽˆ jeeˆ läˆjẽëˆ hnähˆ hī täähˆ laˆ.
Waˆ jëenˆ haˆ läˆ jäˆ juuˆ laˆ, jaˆgaˆ chaˆ heˆ siinˆ kih¹ rey toˆnẽˆ heˆ. ²⁷ Saˆ
jnãˆ lluˆ laanˆ cheenˆ jaˆ hī hääˆ nehˆñeˆ taˆ Roma cherˆmah¹ saˆ chaˆ
heeˆ naˆ siinˆ kih¹ rey toˆnẽˆ haˆ läˆ laˆ dsooˆ heˆ bäähˆ dsihˆ.

Gaˆkwaˆ Paaˆ juˆdsooˆ kiyh¹ chaˆnẽˆ rey Agripa

26 ¹ Heˆjaˆ gaˆjähˆ rey Agripa siiyhˆ Paaˆ:
—Chaˆ jwë¹ kyah¹ heˆ kwah¹ juˆdsooˆ heˆ kyaahˆ leˆ läähˆ
hñaaah¹.

Heˆjaˆ gaˆhiiˆ Paaˆ gooˆ gaˆløøy¹ hlëeyhˆ läˆlaˆ läˆjwëˆ jeeˆ maˆ lääy¹
hñiiyˆ:

² —Chaanˆ lluˆ kyaahˆ hneˆ rey Agripa, lluuuh¹ hneˆ kwahˆ jwë¹ kwanˆ
juˆdsooˆ heˆ kyaahˆ läänˆ hñiinˆ kih¹ läˆjẽˆ heˆ bäähˆ dsaˆ judiu jnäˆ. ³ Lluˆ
laˆ kinˆ kih¹ heˆ kyuuuhˆ hneˆ läˆjẽˆ heˆ tẽë¹ jmeeˆ jnääh¹ dsaˆ judiu,

kyuuh~ lä+jë+ juu' he- ti-choo- jnääh'. He-ja- chuun' kyaah' hne- mah' wa' jøh- hoh' nuuh' juu' la-.

Lä-la- ma' jmee+ Paa' jää'

⁴ 'Lä+jëë+ judiu kyuuh+ jnä' ha- lä+ ma-jan~ lä+jiih' ma' mähn'. Ñe- bih' ha- lä+ ma' gyan' jwii- kin+ hi+ lä-ja- jwii- Jerusalén ka-läh'. ⁵ Lä-ja- ñey- kwee- laa' jnä' fariseo. Jnääh' fariseo mi-te' ba' jnääh' lä+ nøø' kyaa' jnääh' lä+koh' ga' jee' lä+jëë+ judiu. Le' ba' mi-jnääy+ la' dsoo' cher'mah' hnøøy'. ⁶ Na' chehn' në'ta' la-, llah- hnäh' ta' kin+, kih' he- kyen' o-jøh+ dsë- he- hñah+ jne' he- ga-bääh- Dio hñii' kyaah' dsa- ma-gyuh- jnän'. ⁷ Lä+jiih' na' jøø~ lä+jëë+ gya-to' nää' dsa- judiu lä-te' juu' ja-. Lä+jmii' lä-hwë' hnaayh- Dio jøøy~ dsëë' juu' ja-. Hne- rey Agripa, kih' he- kyen' o-jøh+ dsë- kih' juu' ja-, he-ja- ba' na- hñii~ dsa- kin+. ⁸ ¿Ha- lä+ jëeh' hnäh', che' jwëëh` he- lä+heeh' hnäh' he- mi-jiih` Dio hi- ma-na-juu'?

Lä-la- ga+jmee' Paa' jää' kih' dsa- kyaa' Jesús

⁹ 'Ma-ra+ ju'dsoo' ma' jmeen+ kwaat~, he- ma' lle` kih' jmeen` hñaa- dsën+ cha-miih- kih' Jesús dsa- chaa- Nazaret. ¹⁰ Lä-ja- ga+jmeen' Jerusalén. Jwëë' dsa- kyaa' Jesús ga-taahn+ neh+ñe' lä+hih+ kih' jmi-dsa- kaah'. Hi+ lä+ ma' ga+jngëëyh' dsa- he', lä+kye- jnä' ga+hiih- dsën+. ¹¹ Cha-miih- jiih~ ñeen' lä+koo- lä+koo- gwah+ mäh-, ga-saahn+ dsa-, ga+heeh+ jnih' wii' mah' wa' hlëëyh' hliih' kih' Jesús. Ma' ya-jëë' dsën+ jwërte kyaah' dsa- he', he-ja- ñeen' lä+kaa- jwii- kih' dsa- jñah' mah' na'jmeeh` jnih'.

Lä-la- ga+la' ma' ga+heeh- Paa' kih' Dio

(Hch. 9:1-19; 22:6-16)

¹² 'Lä+ ma' jmeen+ ja-ba', ngoon' ta+ Damasco lä+hih+ kih' jmi-dsa- kaah' hi- ga+chee' jnä'. ¹³ Hne- rey, jee' la- jwëëhn' hne- ha- lä+ ga+la' kin+ jee' ngoon' cha'jwë' ja-. Ma-të' koo- llä'hyoo+ ga+jëen' koo- je- ja' gyuuh', beë' ga' lä+koo- jmëë' kih' hyoo-, he- ga-lä+jnä' lä+ku' lä+jii' jee' ga-nøø' jnääh' ja-. ¹⁴ Lä+jëë+ jnääh' ga-saa' jnääh' hwa'. Jee' ja- ga-nuun' ga-hlëeh' jaa- dsa- kyaah' juu' hebreo: "Saulo, Saulo", ga+jäyh'. "He- jmeeh' hñaa' ba' hne- na-, he- hah- kin+ jwë' he- taahn+ hne-." ¹⁵ He-ja- ga+jwii' jnih': "¿Hii- hne- dsa-ñuuh-?" He-ja- ga+jäh' hi- he': "Jnä' he' Jesús hi- jmeeh- hñaa- hoh' kih'. ¹⁶ Noo-, chih' tiih'. Ma-mi-jnään' hñiin+ kyah' mah' hñaan' hne- jmeeh' ta' kin+ hi+ jmeeh' dsoo' lä+jë+ he- ma-jëeh` kin+ hi+ lä+jë+ he- na' ga' mi-jnään' kyah'. ¹⁷ Lään' hne- kih' lä+jë+ he- jmee' dsa-gooh' kyah' hi+ lään' hne- kih' dsa- jñah'. Jëeh' kih' dsa- jñah' ba' cheen' hne- na'. ¹⁸ Mah' näh' mi'ney', lä-ja- dsa-jëeh' hi- tääh' jee' na-hoo- ta+ jee' jnä' wa'je-. Hi+ dsa-jëeh' hi- tääh' lä+hih+ kih' Tana' mah' jmeey' lä+ hnøø' Dio. Hi+ lä+jëë+ hi- lä+dsoo' dsë' kin+

dsa⁻che⁻ dso⁻kye⁻ kiyh⁻ hi⁻ hyoyh⁻ heey⁻ ko⁻joh⁻ kyaah⁻ lä⁻jëë⁻ hi⁻ ma⁻na⁻jngëë⁻”, ga⁻jäh⁻ Jesús siih⁻ jnä⁻.

¹⁹ He⁻ja⁻ jwëëhn⁻ hne⁻ rey Agripa, ga⁻heeh⁻ ba⁻ jnä⁻ jmeen⁻ lä⁻jë⁻ he⁻ ga⁻nuun⁻ lä⁻koo⁻ ma⁻ ga⁻lä⁻jnä⁻ kin⁻ he⁻ ja⁻ gyuuh⁻. ²⁰ To⁻në⁻ ga⁻jmeen⁻ juu⁻ kih⁻ dsa⁻ hi⁻ cha⁻ Damasco. Ja⁻ga⁻ na⁻ ga⁻kwan⁻ juu⁻ jee⁻ jwii⁻ Jerusalén hi⁻ lä⁻kaa⁻ hwa⁻ Judea. Hi⁻ lä⁻ja⁻ ga⁻kwan⁻ juu⁻ kih⁻ hi⁻ sa⁻ laa⁻ judiu ka⁻läh⁻, ga⁻jwii⁻ jnih⁻ wa⁻ lä⁻dsaa⁻ dsëy⁻ kih⁻ lä⁻jë⁻ he⁻ jmeey⁻ mah⁻ wa⁻ dsa⁻jëeyh⁻ kyaah⁻ Dio. Hi⁻ lä⁻ja⁻ ga⁻jwii⁻ jnih⁻ hnø⁻ jmeey⁻ lä⁻koo⁻ lle⁻ kih⁻ jaa⁻ hi⁻ ma⁻jëeh⁻ kyaah⁻ Dio. ²¹ Kwaat⁻ kih⁻ juu⁻ la⁻ ga⁻saah⁻ judiu jnä⁻ jee⁻ chih⁻ gwah⁻ Jerusalén hnøoy⁻ ma⁻ jngëëyh⁻ jnä⁻.

²² Pero kyaah⁻ be⁻ kih⁻ Dio ma⁻kwëeh⁻ ba⁻ dsën⁻ lä⁻jiih⁻ na⁻, kwan⁻ juu⁻ kih⁻ Dio kih⁻ lä⁻joh⁻ lä⁻mäh⁻. Sa⁻ ga⁻lla⁻dsëen⁻ he⁻ ga⁻hlëeh⁻ hi⁻ ga⁻ngëë⁻ juu⁻ kih⁻ Dio llo⁻joo⁻ hi⁻ lä⁻jë⁻ he⁻ ga⁻hlëeh⁻ Moisé. Lä⁻koo⁻ te⁻ he⁻ ga⁻jäyh⁻ le⁻, ko⁻ja⁻ ba⁻ jiih⁻ ga⁻jwahn⁻. ²³ Hi⁻ he⁻ ga⁻jäh⁻, ma⁻ra⁻ he⁻ dsa⁻ngëë⁻ ba⁻ Cristo wii⁻ hi⁻ leey⁻ to⁻në⁻ hi⁻ lä⁻jiih⁻ jee⁻ kih⁻ hi⁻ ma⁻na⁻juu⁻, mah⁻ kway⁻ juu⁻ kih⁻ dsa⁻, he⁻ mi⁻jnää⁻ ju⁻dsoo⁻ kih⁻ dsa⁻ judiu hi⁻ kih⁻ hi⁻ sa⁻ laa⁻ judiu hi⁻ tääh⁻ jee⁻ na⁻hooy⁻.

Ma⁻ hnøoy⁻ Paa⁻ ma⁻ heeh⁻ rey Agripa juu⁻ kih⁻ Jesús

²⁴ Hlëeh⁻ ga⁻ Paa⁻ lä⁻ja⁻, ha⁻ lä⁻ jee⁻ ma⁻ lääy⁻ hñiiy⁻, ma⁻ ga⁻hlëeh⁻ Festo ki⁻gaa⁻, ga⁻jäyh⁻:

—He⁻ ngaah⁻ ba⁻ hne⁻ na⁻ Paa⁻. Kyaah⁻ he⁻ ma⁻mi⁻tëeh⁻ hñaah⁻ cha⁻miih⁻, he⁻ja⁻ ngoo⁻ ga⁻lä⁻ngaah⁻.

²⁵ Pero Paa⁻ ga⁻jäh⁻:

—Sa⁻ ngaah⁻ jnä⁻ Festo kyaan⁻. Ju⁻dsoo⁻ na⁻ hlëëhn⁻ hi⁻ la⁻ juu⁻ kyaah⁻ hih⁻ ba⁻. ²⁶ Ñe⁻ ba⁻ rey Agripa juu⁻ la⁻, he⁻ja⁻ hlëëhn⁻ lä⁻kaa⁻ tuh⁻dsën⁻ cha⁻nëy⁻. Laan⁻ ma⁻nuu⁻ ba⁻ rey juu⁻ la⁻, jëeh⁻ lä⁻jë⁻ he⁻ la⁻ sa⁻ ga⁻la⁻ jee⁻ na⁻hmää⁻ he⁻ sa⁻ lä⁻ñe⁻ dsa⁻. ²⁷ Hne⁻ rey Agripa, ¿che⁻ jmeeh⁻ dsoo⁻ lä⁻jë⁻ he⁻ ga⁻hlëeh⁻ hi⁻ ga⁻ngëë⁻ juu⁻ kih⁻ Dio? Jnä⁻ laan⁻ jmeeh⁻ ba⁻ hne⁻ dsoo⁻.

²⁸ He⁻ja⁻ ga⁻jäh⁻ Agripa siiyh⁻ Paa⁻:

—¿Che⁻ laah⁻ kyah⁻, kyaah⁻ ma⁻la⁻ miih⁻ juu⁻ he⁻ ma⁻hlëeh⁻ na⁻ leeh⁻ jnä⁻ mah⁻ leen⁻ dsa⁻ kyaa⁻ Jesús?

²⁹ He⁻ja⁻ ga⁻jäh⁻ Paa⁻:

—Kwee⁻ ba⁻ la⁻ kin⁻ che⁻ ma⁻lee⁻ kyah⁻ o cher⁻mah⁻ hnooh⁻ nuuh⁻ cha⁻ga⁻miih⁻. Hi⁻ ja⁻ ma⁻la⁻ hne⁻, lä⁻kye⁻ hi⁻ tääh⁻ nuu⁻ lä⁻ hlëëhn⁻ la⁻, Dio hnøoy⁻ wa⁻ leey⁻ dsa⁻ kyaa⁻ Cristo ja⁻ba⁻ lä⁻koo⁻ laa⁻ jnä⁻ pero ja⁻ lä⁻koh⁻ na⁻hñuuhn⁻ kyaah⁻ caden⁻.

³⁰ Ma⁻ ga⁻nuu⁻ rey he⁻ juu⁻ ja⁻, ga⁻nooy⁻ jee⁻ ma⁻ tääyh⁻ kyaah⁻ lle⁻moh⁻ kyaah⁻ Bernice hi⁻ lä⁻jëë⁻ ga⁻ hi⁻ ma⁻ tääh⁻ kyaayh⁻. ³¹ Ma⁻ ga⁻hwëëy⁻ në⁻ta⁻ ja⁻, ga⁻näy⁻ kah⁻ hlëëyh⁻ kyaah⁻ dsa⁻kyaayh⁻, ma⁻ jäyh⁻:

—Ni⁻ koo⁻ sa⁻ cha⁻ he⁻ ma⁻jmeey⁻ dsa⁻ñuuh⁻ na⁻ mah⁻ juuy⁻ o he⁻ dsooy⁻ neh⁻ñe⁻.

³² He jā gā jāh̄ rey Agripa siiyh̄ Festo:
—Le' ma' lää' ba' dsā n̄uuh̄ nā jee' lā wa'rā jāh̄ kih' sa' gā ngiiȳ
dsooy' cha'nē' rey to'nē'.

Gā cheey' Paa' ta' Roma

27 ¹ Gālla' dsēy' cheey' jnāäh' ta' hwa' Italia kyaah' barco, he jā
gā taayh̄ Paa' kyaah' jñah' ga' hī ma' tääh' neh̄ ñe' goō juu'
hløø' hī cheē Julio. Hī he' ma' nā häǟ koō nää' hløø' kyaa' rey
to'nē'. ² Gātooh' jnāäh' koō barco he ja' ta' Adramitio, jā ba' he
dsā ngēē' lä' koō lä' koō jwiī ta' hwa' Asia. Hi' Aristarco hī chaā
Tesalónica he nøø' hwa' Macedonia gā jmee' kō jøh' kyaah' jnāäh'.

³ Jyoh' jmī gālla' nøø' jnāäh' Sidón. Julio he' gā lä' jwayh' kyaah'
Paa', gā kway' jwē' nā jēēȳ ome' kyaay' mah' nā ngiiȳ lä' jē' he' ma'
jmee' bii' kiyh'. ⁴ Gā hwēē' jnāäh' Sidón jā, gā nøø' ba' jnāäh'. Pero ma'
gwa' lle' ta' jee' gā nøø' jnāäh' jā, he jā gā jlūu' jnāäh' jāh' koo' hwa'
Chipre he' hä' jee' jmī ñeeh', mah' sa' hläh' lle' kih' barco. ⁵ Gā ngēē'
jnāäh' jāh' hwa' Cilicia kyaah' Panfilia, gālla' nøø' jnāäh' jwiī Mira he
nøø' hwa' Licia jee' gā jā' barco. ⁶ Mira jā gā jēē' juu' hløø' jyoh' barco
he ja' ta' Alejandría, jā ba' he' ngoo' ta' hwa' Italia. He jā gātooh'
jnāäh' gā nøø' jnāäh' ta' ja'. ⁷ Chā miih̄ jmī gātooh' jnāäh' nē' jmī,
ta' hwa' lä' jā ba' ngoo' barco. Gā kēē' jwēte ta', jā ga' gālla' nøø'
jnāäh' jāh' jee' jwiī Gnido. Sa' gā kwa' jwē' ma' dsoo' kō chih' barco
kō dsoo' ta' Italia, kih' he' tä' lle'. He jā gā nøø' jnāäh' jāh' koo' jee'
jwiī Salmón he nøø' Creta, hwa' he' hä' jee' jmī ñeeh'. ⁸ He' wii' lä' jā
gā nøø' jnāäh' lä' hä' hwa' jā, lä' jiih' gālla' nøø' jnāäh' koō jee' cheē
Ho'haah' Llu'. Jāh' jā ba' hlā jwiī Lasea.

⁹ Gā lä' hēē' jnāäh' chā miih̄ jmī nē' jmī, hi' ma' hii' goō mo' so' le'
ngē' jnāäh' nē' jmī. Jēēh' ma' goh̄ jmī he' sa' kuh' h̄iyh̄ hi'
chā ga' miih̄ ma' hii' goō kiyh' nē' jmī jā. He jā gā kwēēh' Paa' nuuh̄
hī ma' tääh' neh̄ barco jā. ¹⁰ Gā jāyh':

—Jēē' da' hnäh', jnä' man' hii' goō jwēte jwē' he' gā nøø'n' lā. Goō
heē' barco hi' lä' kyē løø', hi' lä' jiih' jnān' hii' goō juu' jne' cher' mah'
ha' lä' ga' la'.

¹¹ Pero juu' hløø' he' sa' gā jmeey' kyeē' juu' kih' Paa'. He' ma' hlēēh̄
juu' barco kyaah' hī ma' koōh̄ barco ba' gā jmeey' he' kih'. ¹² Jee'
gā hii' barco jā sa' ma' llu' ma' jā jnāäh' jiī gyuu', he jā lä' jēē' dsā
he' gā jāh' llu' ga' cher' mah' jmeen' be' dsa' jāā' jne' jwiī Fenice he
nøø' hwa' Creta jee' hiī barco, ta' kō jiih' ngēē' jiī gyuu'. He' tøøh' jne'
jee' jā, jnä' cha' hoo' jmī ñeeh' ta' nii' hi' ta' kye' jee' dsaā hyoō.

Ja' koō lle' tä' nē' jmī ñeeh'

¹³ Lä' ma' gā jēēy' gwa' lle' hwa' ta' kye', gā jmeey' huu' dsē' ma' le'
dsā nää' gyih' ta' cha'nē'. He jā gā hwiī jnāäh' jee' jā, gā nøø' jnāäh'

jäh⁺ lä⁺ hä⁺ hwa⁺ Creta. ¹⁴ Ni⁺ sa⁺ ga⁻lä⁺hi⁺ ga⁺ ma⁺ ga⁻hwii⁻ jnääh⁺ jee⁺ ja⁻, ma⁺ ja⁺ koo⁻ lle⁺ ta⁺ jee⁺ ga⁻nøø⁺ jnääh⁺. ¹⁵ Ta⁺ jee⁺ jyoh⁺ ba⁺ ma⁺ hläh⁺ lle⁺, sa⁺ ga⁻tää⁺ barco ma⁺ dsoo⁺ ta⁺ cha⁺né⁺, he⁻ja⁻ ga⁻kwa⁺ dsa⁻ jwë⁺ ngoo⁺ barco lä⁺ ngoo⁺ lle⁺ ba⁺. ¹⁶ Ja⁻ga⁺ ga⁻ngëë⁺ jnääh⁺ ta⁺ koo⁺ koo⁻ hwa⁺ pih⁺ he⁻ hä⁺ jee⁺ jmi⁻ñeeh⁻ he⁻ chee⁻ Clauda. Lä⁺jwë⁺ ja⁻ ba⁺ ga⁻kyee⁻ mi⁻h⁻ lle⁺. Pero he⁻lii⁺ ba⁺ ga⁻tëeh⁺ jnääh⁺ na⁺moo⁺ he⁻ ma⁺ kye⁺ jnääh⁺ he⁻ ma⁺ hii⁺ ta⁺ ka⁺luu⁺ barco, mah⁺ ga⁻tøøh⁺ jnääh⁺ neh⁺ barco ja⁻. ¹⁷ Ma⁺ ga⁻he⁺ na⁺moo⁺ ja⁻ neh⁺ barco, ga⁻ka⁺ dsa⁻ hñi⁺ ga⁻hñuuy⁺ lä⁺ku⁺ lä⁺jii⁺ tuh⁻ barco mah⁺ sa⁺ llaa⁺. Hi⁺ ma⁺ hii⁺ goo⁻ lla⁻ñu⁺ barco né⁺ mi⁻si⁺ jee⁺ sa⁺ juuh⁻ jmi⁻ jee⁺ chee⁻ Sirte, he⁻ja⁻ ga⁻jyooy⁺ hmi⁻h⁻ kih⁺ barco mah⁺ ngoo⁺ lä⁺ ngoo⁺ lle⁺ ba⁺. ¹⁸ Ma⁺ ga⁻jnä⁺ jyoh⁺ jmi⁺ cha⁻ga⁺mi⁻h⁻ tä⁺ lle⁺ ma⁺ hii⁺, he⁻ja⁻ ga⁻løø⁺ dsa⁻ jwä⁻ løø⁺ kih⁺ cha⁺jmi⁻. ¹⁹ Hi⁺ jee⁺ ga⁻të⁺ hñe⁻ jmi⁺, he⁻ wii⁺ ba⁺ ga⁻jwä⁻ jnääh⁺ cha⁺jmi⁻ lä⁺jë⁺ he⁻ jmä⁻y⁻h⁻ ta⁺ kih⁺ barco ja⁻. ²⁰ Cha⁻mi⁻h⁻ jmi⁺ ga⁻gya⁻ jni⁺, mo⁻so⁺ ga⁻lä⁺jnä⁺ hyoo⁻, ni⁻ nuu⁺ mo⁻so⁺ ga⁻lä⁺jnä⁺. Hi⁺ lle⁺ lä⁺ ma⁻hii⁺ ja⁻ ba⁺. Mo⁻so⁺ ma⁺ cha⁻ o⁻jøh⁺ dsë⁺ kya⁺ jnääh⁺ he⁻ ma⁺ lä⁺ jnääh⁺.

²¹ Cha⁻mi⁻h⁻ jmi⁺ ma⁻lä⁺hi⁺ mo⁻so⁺ kih⁺ hi⁻h⁻ jnääh⁺. He⁻ja⁻ ga⁻noo⁻ Paa⁺ to⁺dsaah⁻ jee⁺ kih⁺ dsa⁻kya⁻y⁻h⁻ he⁺, ga⁻jäy⁺ lä⁻la⁻:

—Wa⁻ra⁻ jäh⁺ kih⁺ ga⁻jmeeh⁺ hñäh⁺ he⁺ juu⁺ kin⁺, sa⁺ ma⁺ hwëë⁺ jne⁺ ta⁺ Creta, ni⁺ sa⁺ ma⁺ jëë⁺ jne⁺ wii⁺ he⁻ dsa⁻ngëë⁺ jne⁺ la⁻. ²² Na⁺ jwahn⁺ kwa⁺ hñäh⁺ be⁺. Jëeh⁺ ni⁺ jaa⁻ jne⁺ sa⁺ juu⁺ jne⁺. Ma⁻lä⁺ barco la⁻ ba⁺ hee⁺.

²³ Nuu⁻ ga⁻jëen⁺ jaa⁻ ángel hi⁻ ga⁻chee⁺ Dio kyaan⁺, he⁺ ba⁺ hi⁻ jmeen⁺ ta⁺he⁺ kih⁺. ²⁴ Ga⁻jäy⁺: “Ta⁺ wa⁺ gah⁺ Paa⁺. Jmee⁺ bi⁺ llooh⁻ kih⁺ rey to⁻né⁺. He⁻ja⁻ ma⁻kwa⁺ Dio jwë⁺ he⁻ lä⁺ hne⁻ kyaah⁺ lä⁺jëë⁺ hi⁻ tääh⁺ neh⁺ barco la⁻”, siiyh⁺ jnä⁺. ²⁵ Kih⁺ he⁻ja⁻ na⁻, jwëëhn⁻ hñäh⁺ dsa⁻ñuu⁻h⁻, kwa⁺ hñäh⁺ be⁺. Jëeh⁺ jmeen⁺ dsoo⁺ dsën⁺ kih⁺ Dio, ma⁻ra⁺ he⁻ le⁺ ba⁺ lä⁺koo⁻ ma⁻jäh⁺ ángel siih⁺ jnä⁺. ²⁶ Pero ma⁻ra⁺ he⁻ jä⁺ ba⁺ barco kyaah⁺ he⁻ wii⁺ koo⁻ jee⁺ lä⁺kaa⁻ hwa⁺ he⁻ hä⁺ jee⁺ jmi⁻ñeeh⁻ —ga⁻jäh⁺ Paa⁺.

²⁷ Ma⁺ ga⁻dsëë⁺ to⁺ seman⁻ ja⁻, ga⁻ngëë⁺ jnääh⁺ né⁺ jmi⁻ñeeh⁻ he⁻ chee⁻ Adriático hi⁻ ngoo⁺ ba⁺ barco lä⁺ hii⁺ lle⁺. Koo⁻ lla⁻nuu⁺ hwë⁺ ja⁻ ga⁻lä⁺liih⁻ dsa⁻ hi⁻ ma⁺ koo⁻h⁻ barco he⁻ ngoo⁺ ya⁻jäh⁺ jee⁺ la⁺ hwa⁺.

²⁸ He⁻ja⁻ ga⁻lla⁺ dsa⁻ he⁺ hih⁺ ha⁻ koo⁻ jii⁺ juuh⁻ jmi⁻ jee⁺ ja⁻. Ma⁺ ga⁻jëëy⁺ jee⁺ ja⁻, juuh⁻ gyii⁺ gya⁺ jñii⁺ metro. Mi⁻h⁻ ga⁺ ta⁺ cha⁺né⁺ ga⁻jëëy⁺ ka⁻läh⁺. Jee⁺ ja⁻ juuh⁻ gyii⁺ gyii⁺ metro ba⁺. ²⁹ Goyh⁺ lla⁻ñu⁺ barco ja⁻ kyaah⁺ ku⁺. He⁻ja⁻ ga⁻jyooy⁺ kyë⁺ mi⁻ñe⁺ hii⁻ he⁻ hii⁺ ta⁺ ka⁺luu⁺ barco, he⁻ jmee⁺ hii⁻ ti⁺ barco. Peer⁺ ma⁺ hñøøy⁺ wa⁻ra⁻ jäh⁺ kih⁺ na⁺ ga⁻jüh⁻ ba⁺ ma⁻jnä⁺. ³⁰ Dsa⁻ hi⁻ ma⁺ koo⁻h⁻ barco ja⁻, hñøøy⁺ ma⁺ jñaay⁺ neh⁺ barco, he⁻ja⁻ ga⁻løøy⁺ jyooy⁻ na⁺moo⁺, ga⁻jmeey⁺ lä⁺koh⁺ he⁻ jyooy⁻ ñe⁺ hläh⁻ he⁻ hii⁺ ta⁺ cha⁺né⁺ barco. ³¹ He⁻ja⁻ ga⁻jmeeh⁺ Paa⁺ juu⁺ kih⁺ juu⁺ hløø⁺ hi⁻ kih⁺ hløø⁺ ka⁻läh⁺, ga⁻jäy⁺:

—Cher⁺mah⁺ sa⁺ ga⁻jä⁺ dsa⁻ na⁻ neh⁺ barco la⁻, sa⁺ lä⁺h⁺ hñäh⁺.

³² He⁻ja⁻ ga⁻hñä⁺ hløø⁺ he⁺ hñi⁺ he⁻ kyaah⁺ ma⁺ jyooy⁻ na⁺moo⁺ ja⁻. Ga⁻kway⁺ jwë⁺ ga⁻toh⁺ cha⁺jmi⁻.

³³ Ma' ngoo' ga'jnä', ga'jmeey' Paa' mada' wa' kuh' dsa-, ga'jäyh':
 —Na' ma'te' gya'kye' jmi' tøøh' jne' neh' barco la-, jøø' jne' ha' lä'
 le', na'juu' jne' hoo', sa' cha' ma'kihn' ni' miih-. ³⁴ He'ja' na' chuun'
 kyaah' hnäh' kuh'hih' hnäh' miih' mah' tēh' hnäh' be'. Lä'jēē' jne'
 lla-nøø' ba' jne' llu', ni' koo' jnu' lle' jne' sa' hee'.

³⁵ Ma'ngēē' ma'jäyh' lä'ja-, ga'kay' koo' he'niih' ga'kway' ti'hmaah'
 kih' Dio to'lo' nē' jee' lä'jēē' dsa'kyaayh' hi' ga'llaay' he'niih' ja-, mah'
 ga'løøy' kuyh-. ³⁶ Ja'ga' ga'nøh' dsē' lä'jēē' dsa' he', ga'taayh' ga'kuyh'
 ka'läh'. ³⁷ Jee' lä'jēē' jnääh' hi' ma' tääh' neh' barco ja' ma' tee' to'
 hña'laa' dsē' to' lo'gyaa' dsē' gyeē' jnee' dsa-. ³⁸ Ma'la' ma'kuyh'
 lä'jiih' ga'kēēy', ja'ga' ga'jwäy' lä'jē' trigo kiyh' cha'jmi' mah' ma'
 jwää' ga' miih' barco.

Ga'hee' go'te' barco

³⁹ Ma' ga'jnä' ni' jaa' sa' chaa' hi' ma' kyuu~ heh' hwa' ja-. Ga'jēēy'
 koo' gooh' jmi' neeh' he' hä' jee' hwa'. He'ja' ga'jmeey' hu' dsē' ma'
 tooyh' barco ta' ja', cher'mah' ga'la'. ⁴⁰ Ga'hnäy' hni' he' ma' na'kyaa'
 ñe' hlääh' he' kyaah' hii' ti' barco, ga'kway' jwē' ga'toh' cha'jmi'.
 Ja'ga' ga'chih' he' kyaah' jiiyh' barco hi' ga'chooyh' hmiih' kih' barco
 he' na'kyaa' hma' dsē' he' chih' ta' cha'nē'. Ja'ga' ngoo' barco ko'chih'
 ta' jee' jnä' nē' dsōō'. ⁴¹ Ga'lä'hnøø' ga' ma' lloo' barco, ga'lla'le' jee'
 mi'sii' neh' jmi'. Jee' ja' ga'hoo' ta' mi'lle' barco, mah' ga'jä' koo'
 hweh-. Jee' na'hoo' ja' ga'jnoh' jmi' ta' ka'luu'. Kyaah' be' kih' jmi' ja'
 ga'hee' go'te'.

⁴² He'ja' hnøø' hløø' he' ma' jngiiyh' kih' lä'jēē' hi' ää' dsōō' hi' ma'
 jääy' he' mah' sa' kyuyy' nē' jmi'. ⁴³ Pero sa' ga'kwa' jwē' juuy' ma'
 juu' dsa' he' kih' he' hnøøy' lääy' Paa'. He'ja' ga'jmeey' mada' to'nē'
 kih' hi' lih' gi' jmi' wa' jwääy' hñiiy' cha'jmi' lä'jiih' tēēyh' hwa' kii'.
⁴⁴ Ja'ga' ga'siiyh' hi' sa' lih' gi' jmi':

—Kye' hnäh' jwi' hma-, hi' lä'ja' he' ga' na' he' jmää' kyah' hnäh'
 kih' barco na-, mah' tēh' hnäh' hwa' kii' —ga'jäyh'.

Lä'ja' ba' ga'tēh' lä'jēē' jnääh' hwa' kii'.

Lä'la' ga'la' ma' hää' Paa' hwa' Malta

28 ¹ Ma' ga'tēh' jnääh' nē' hwa' ja-, ja'ga' ga'lä'ne' jnääh', hwa'
 he' hä' jee' jmi' neeh' ja-, chee' Malta. ² Dsa' hi' ma' tääh' jee'
 ja' ga'jmeey' llu' dsēy' kyaah' jnääh'. Ma' hii' jma' hi' gyuu' ka'läh'
 he'ja' ga'jēh' dsa' he' je-, ga'tēēyh' jnääh' mah' llooh' jnääh' je'.
³ He'ja' ga'løø' Paa' juuh' si'hma' kii' he' ga'tooyh' cha'je-. Jee' ja'
 ya'hēē' jaa' miih' hi' kyuu' kih' je-. Lä'chah' ja' ga'kyaay' goo' Paa'.
⁴ Ma' ga'jēē' dsa' chaa' jee' ja-, lleē' miih' goo' Paa', ga'jäyh' siiyh'
 dsa'kyaayh':

—Dsoo' ba' dsa-n̄uuh- na- ää- hlii'. Ma'ke- ma-laay' kih' jmi-n̄eeh', ma-ra- he- ma-nøø' ba' ta' kiyh'.

⁵ Na- ma-hii' ga-kyah' Paa' goo- mah' ga-tah' miih- he' cha'je-. Ni- miih- sa- cha- he- ga-la' kiyh'. ⁶ Lä-jëë- dsa- hi- ma' tääh' jee' ja- ma' jøøy- gyoo- goo- Paa' hi- ma' jmeey- huud'se- juuy' na' ga-juh-. Ma' ga-lä-hii' jëëy- sa- cha- he- ga-la' ni- miih-, ga-lä-sii' huud'se- kih' dsa- he'. Ma' jäyh': "Go- Dio ba' na-."

⁷ Jäh- ba' jee' tääyh' ja-, kye- koo- jwi' hwa' kih' Publio hi- ma' laa' ta' kih' hwa' he- hä' jee' jmi-n̄eeh' ja-. Hi- he' ga-heeh- jnääh' llu' ta'ko-jiih' ga-tooh- jnääh' hnë- jmi' jee' ja-. ⁸ Jee' ja- ma' kyaa' jmi' Publio, ma' dsaah' llii' hi- ma' dsaayh' tu'kyaa-. He-ja- ga-he' Paa' na'jëëy- hi- dsaah' he'. Hi- ga-ngii' Paa' kih' Dio he- hlää' dsa- he'. Ma-ngëë' ma-ngiiy' kih' Dio, ga-kyey- gooy- në' kih' hi- dsaah' he' mah' ga-mi-hlääy'. ⁹ Ma-ngëë' ma-jä' kih' jmi' Publio he', ya-nää' jñah' dsa-dsaah' hi- chaa- hwa' ja-. Lä-jëë- hi- he' ga-jä' kih'. ¹⁰ Ha- koh' llu' sa- ga-jmeey' kyaa' jnääh' ta'ko-jiih' ga-tooh- jnääh' kyaa' dsa- he'. Hi- ma' ga-të' jmi' ga-tooh- jnääh' neh- barco, ga-kwëëyh' jnääh' cha-miih- he- jmee- bii' cha'jwë'.

Ga-lloo' Paa' jwi' Roma

¹¹ Uu- sih- ga-tooh- jnääh' kih' dsa- he'. Jee' ja- ma' hii' koo- barco he- ga-jä' ta'ko-jiih' dsa-ngëë' jii- gyuu'. He-ja- ga-tooh- jnääh' neh- barco he- ja' ta' Alejandría. Dsoh' barco ja-, ma' chaa' uu' dio hi- na-laa- kaah- dsa-. Jaa- he' chee- Cástor, hi- jñah' he' chee- Pólux. ¹² Ga-lla-nøø' jnääh' jwi' Siracusa jee' hii- barco. Jee' ja- ga-tooh- jnääh' hnë- jmi'. ¹³ Ga-hwëë- jnääh' jee' ja-, ngoo' barco lä- hä' hwa' ja-, lä-jiih' ga-tëë' jnääh' jwi' Regio. Jyoh' ka-läh' jmi' ma' hii' lle' he- gwa' ta' kye'. Jee' ga-të' to' jmi', ja-ga- ga-lla-nøø' jnääh' jwi' Puteoli. ¹⁴ Jee' ja- ga-jee' jnääh' øøh' jne' hi- ga-tëë- jnääh' ta' kih'. Ga-jä' jnääh' kyayh' koo- seman-. Ja-ga- ga-nøø' jnääh' ta' Roma. ¹⁵ Ma' ga-nuu' øøh' jne' hi- ma' tääh' Roma he- ga-nøø' jnääh' ta' ja-, ya-näay' ga-mi-jëey' jnääh' jwi' Foro Apio hi- ko-llaa' ya-jøø- jiih' Tres Taberna. Lä-koo- ma' ga-jëë' Paa' øøh' jne' he', ga-kway' ti'hmaah' kih' Dio, ga-nøøh' dsëy' jwërte. ¹⁶ Ma' ga-lla-nøø' jnääh' Roma ja-, ga-ngëë' juu' hløø' dsa- hi- ma' jääy- he' goo- hløø' kyaa' rey to-në'. Pero ga-kway' jwë' kih' Paa' he- ga-gyay- ta' jee' jyoh' ba' kyaa' jaa- hløø' hi- ma' hääy-.

Ga-kwa' Paa' juu' kih' Jesús jwi' Roma

¹⁷ Ma-hya- hnë- jmi' gya' Paa' jee' ja-, ga-cheey' juu' wa' ya-nää' lä-jëë- dsa-kaah' kyaa' judiu hi- chaa- Roma ja-. Ma' ga-ngëë- lä-jëë- hi- he', ga-jäh' Paa' siiyh-:

—Øøhn', sa- cha- he- ga-jmee' jnä' ni- miih- kih' judiu dsa-goon-, ni- sa- ma-jmeen' ta- koo' he- tëë' jmee- dsa- ma-gyuh- jnän-. Sa- cha- he- kih' ga-sayh' jnä' Jerusalén mah' ga-ngëëy' jnä' kih' dsa- romano. ¹⁸ Hi-

ga⁺ka⁺ dsa⁻ta⁺ he⁺ ju⁺dsoo⁺ kin⁺. Pero ni⁺ miih⁻ sa⁺ ga⁺jnøøyh⁺ he⁻ kih⁺ ma⁺ jngëëyh⁺ jnä⁺, he⁻ja⁻ hnøøy⁺ ma⁺ lääy⁺ jnä⁺. ¹⁹ Pero sa⁺ ga⁺tih⁺ dsë⁺ judiu hi⁻ ma⁺ laa⁺ ta⁺ jee⁺ ja⁻. Kih⁺ he⁻ja⁻ ba⁺ ga⁻la⁺ bii⁺ ga⁻ngiin⁻ he⁻ mi⁻ee⁺ rey to⁻në⁺ juu⁺ kin⁺. Ja⁺ he⁻ ma⁻jan⁻ mah⁺ hniin⁻ kih⁺ dsa⁻goon⁻. ²⁰ He⁻ja⁻ ba⁺ na⁻ ma⁻tëehn⁺ hnäh⁺ mah⁺ lä⁻kyuun⁺ hnäh⁺ hi⁺ mah⁺ jwëëhn⁻ hnäh⁺ ha⁻ lä⁻ la⁺ juu⁺ kin⁺. Kih⁺ o⁻jøh⁺ dsë⁻ he⁻ ma⁻cha⁻ jnan⁻ dsa⁻ Israel he⁻ja⁻ ba⁺ na⁻ chehn⁺ na⁻llen⁻ caden⁻ la⁻.

²¹ He⁻ja⁻ ga⁺jäh⁺ dsa⁻kaah⁺ he⁺:

—Ni⁺ koo⁻ je⁻ kih⁺ hi⁻ chaa⁻ judea sa⁺ ma⁻heeh⁺ jnääh⁺ he⁻ jmeeh⁻ juu⁺ ha⁻ lä⁻ dsa⁻ngëëh⁺ hne⁻. Hi⁺ ni⁺ jaa⁻ øøh⁺ jne⁺ hi⁻ chaa⁻ jee⁺ oo⁺ sa⁺ ma⁻ja⁻ hi⁻ hniih⁻ kyah⁺ ni⁺ he⁻ hlëëyh⁺ wii⁺ kyah⁺. ²² Pero hnøø⁻ jnääh⁺ jwah⁺ ha⁻ lä⁻ la⁺ juu⁺ kyah⁺, jëëh⁺ lä⁻kaa⁻ ba⁺ ma⁻nuu⁻ jnääh⁺ hlëëh⁺ dsa⁻ wii⁺ kih⁺ hi⁻ ma⁻taah⁻ jwë⁺ hmëë⁺ na⁻.

²³ He⁻ja⁻ ga⁺taah⁻ dsa⁻ he⁺ juu⁺ kwee⁻ koo⁻ jmiih⁺ he⁻ ya⁻näay⁺ ya⁻llay⁻ juu⁺ ka⁻läh⁺ kyaah⁺ Paa⁺. Ma⁺ ga⁻lloo⁺ jmiih⁺ ja⁻, ya⁻nää⁺ jwëë⁺ dsa⁻ jee⁺ ma⁺ gya⁺ Paa⁺. Tiih⁻ go⁻te⁻ ga⁻løø⁺ Paa⁺ hlëëh⁺, lä⁻jiih⁺ ga⁻nuu⁻, ga⁻hlëëyh⁺ ha⁻ lä⁻ jää⁺ Dio dsa⁻ lä⁻hih⁺ kih⁺. Ga⁻hnooyh⁻ ha⁻ lä⁻ jee⁺ heeh⁺ dsa⁻ kih⁺ Jesús. Ga⁻hlëëyh⁺ kih⁺ Jesús lä⁻koh⁺ jäh⁺ ley⁺ kih⁺ Moisé hi⁺ lä⁻koh⁺ ga⁺jäh⁺ hi⁻ ga⁻ngëë⁺ juu⁺ kih⁺ Dio. ²⁴ Ko⁻llaa⁺ ga⁺heeh⁻ he⁻ ga⁺jäh⁺ Paa⁺ hi⁻ ko⁻llaa⁺ sa⁺ ga⁻lä⁻hee⁺. ²⁵ Sa⁺ ga⁺hiih⁺ koo⁻ juu⁺ kiyh⁺ jee⁺ lä⁻jëëy⁺. He⁻ja⁻ ga⁺hlëëh⁺ Paa⁺ dsa⁻ he⁺ ja⁻ga⁻ hwëëy⁺ jee⁺ ja⁻, ga⁺siih⁺:

—Llu⁺ go⁻te⁻ ga⁺hlëëh⁺ Jmi⁻lle⁺ Na⁻jngi⁺ lä⁺ ma⁺ ga⁺mi⁻jnäay⁻ juu⁺ la⁻ kih⁺ Isaía hi⁻ ga⁻ngëë⁺ juu⁺ kih⁺ Dio kih⁺ dsa⁻ ma⁻gyuh⁻ jnan⁻. Ga⁺jäyh⁺:

²⁶ Gwa⁻ jee⁺ jwii⁻ oo⁺, go⁻chiih⁺ dsa⁻ oo⁺:

Ma⁻ke⁺ nuuh⁻ hnäh⁺, sa⁺ lä⁻ngëëh⁺ hnäh⁺,
ma⁻ke⁺ jëëh⁺ hnäh⁺ sa⁺ lä⁻jnä⁺ kyah⁺ hnäh⁺.

²⁷ Jëëh⁺ ma⁻na⁻jlë⁻ hu⁻dsë⁻ kih⁺ dsa⁻ oo⁺, ma⁻na⁻jne⁻ to⁻gway⁺,
ma⁻na⁻løø⁻ mi⁻nëy⁺,

mah⁺ sa⁺ lä⁻jnä⁺ kiyh⁺, ni⁺ sa⁺ lä⁻nuu⁻h⁺ kiyh⁺ ni⁺ sa⁺ lä⁻ngëëy⁺.

Lä⁻ja⁻ mo⁻so⁻ dsa⁻jeeyh⁻ kyaah⁺ jnä⁺, mah⁺ lää⁺ jnih⁺.

²⁸ Hnoon⁺ lä⁻nëh⁺ hnäh⁺, na⁺ ta⁺ cha⁻në⁺ lloo⁻ juu⁺ kih⁺ Dio kih⁺ hi⁻ sa⁺ laa⁺ judiu. Hi⁻ he⁺ ba⁺ heeh⁺ juu⁺ la⁻ mah⁺ lääy⁺.

²⁹ Ma⁺ ga⁻dsaa⁺ juu⁺ he⁻ ma⁺ hlëëh⁺ Paa⁺, ga⁻hwëë⁻ ba⁺ judiu jee⁺ ma⁺ tääyh⁺ ja⁻. Peer⁺ cha⁻miih⁻ juu⁺ ti⁻chooy⁺ jee⁺ ga⁻näay⁻ kiyh⁺. ³⁰ Hne⁺ hlääh⁻ ba⁺ ga⁻gya⁻ Paa⁺ to⁺ jī⁻në⁻ na⁻hñaa⁺. Jee⁺ ja⁻ ma⁺ heeyh⁻ lä⁻jëë⁺ hi⁻ ma⁺ dsa⁻nää⁺ dsa⁻jëëy⁺. ³¹ Ma⁺ cha⁻ ba⁺ jwë⁺ kiyh⁺, he⁻ ma⁺ kway⁺ juu⁺ ha⁻ lä⁻ jää⁺ Dio dsa⁻ lä⁻hih⁺ kih⁺ hi⁺ ma⁺ hlëëyh⁻ dsa⁻ kih⁺ Jesucristo Dsa⁻jøøh⁺ jnan⁻. Ni⁺ koo⁻ sa⁺ cha⁻ he⁻ ma⁺ jmee⁺ jwiih⁻ kiyh⁺.